

এক
ঘুঠা
আকাশ

এক মুঠো আকাশ

ধনঞ্জয় বৈরাগী

এ হ ম

২২।১ কর্নওয়ালিস স্ট্রীট, কলিকাতা ৬

প্রথম সংস্করণ—স্বাধীনতা দিবস, ১৩৬৫

দ্বিতীয় সংস্করণ—নববর্ষারম্ভ ১৩৬৬

তৃতীয় সংস্করণ—রথযাত্রা, ১৩৬৬

চতুর্থ সংস্করণ—মহালয়া, ১৩৬৬

RR
মূল্য ৫.০০ টাকা
৮২১. ৪৪৬
১৩/৬/৬৬

একমাত্র পরিবেশক

পত্রিকা সিণ্ডিকেট প্রাইভেট লিঃ

১২১, লিঙ্কসে স্ট্রীট, কলিকাতা ১৬

শিল্পী

NEARX
বিভূতি সেনগুপ্ত

প্রকাশক শ্রীপ্রকাশচন্দ্র সাহা

গ্রন্থম্ । ২২১ কৰ্ণওয়ালিস স্ট্রীট । কলিকাতা ৬

মুদ্রক শ্রীসৌরেন্দ্রনাথ মিত্র, এম-এ

বোধি প্রেস । ৫ শঙ্কর ঘোষ লেন । কলিকাতা ৬

রচনাকাল

১৯৫৪ সালের ২৬শে জানুয়ারী থেকে ২০শে জুন

এই উপন্যাসের চরিত্র, ঘটনা প্রকৃতি সম্পূর্ণ কাল্পনিক।
কোথাও কোনো সাদৃশ্য নিতান্ত আকস্মিক এবং অনিচ্ছাকৃত।

শ্রীমতী পার্বতী সেন ও
শ্রীযুক্ত রণজিত সেন
—বন্ধুদম্পতির করকমলে

সিনেমায় তেমন ভিড় ছিল না। কাজের দিন, তিনটের সময় বেশি লোক আশা করা যায় না। তবু ট্রাম-রাস্তার ওপর আর বাজারের কাছে বলে সামনে দিয়ে লোক চলাচলের বিরাম নেই।

ছেলেটা ফুটপাথে দাঁড়িয়ে ছবি দেখে, সিনেমা হলের বাইরে আঁকা লাস্তময়ী নায়িকা, তার বিচিত্র ভঙ্গিমা। সিগারেটে জোর টান দিয়ে অনভ্যস্ত হাতের চার আঙ্গুলে ঢেকে রাখার চেষ্টা করে। একমুখ পান, বয়স বেশি নয়, ছাত্র হলে ম্যাট্রিক দিতে এখনও দেরি আছে।

না দেখে পেছু হাঁটতে গিয়ে কার সঙ্গে ধাক্কা লাগে। তদ্রলোক তিড়িতিয়ে ওঠেন, ভারী ডেঁপো তো, বয়সের মান-সম্মান নেই, বাবাকাঁকা গায়ে সিগারেটের ছঁাকা দিচ্ছ ?

ছেলেটা থতমত খেয়ে দাঁড়িয়ে যায়, আমি ইচ্ছে করে লাগাইনি—

—ছি, ছি, আবার এ নিয়ে কথা, গলা টিপলে ছুধ বেরোয়। বাপ-মার পয়সা ধ্বংস করছ ? দেখছেন মশাই, আজকালকার ছোঁড়াগুলোকে ? গোল্লায় গেছে। লেখাপড়ার বালাই নেই, বিড়ি-সিগারেট, সিনেমা, শুধু এই হচ্ছে।

দেখতে দেখতে ছোটখাট ভিড় জমে যায়, সকলেই তদ্রলোকের পক্ষে, আজকালকার ছেলেদের অর্বাচীনতা সম্বন্ধে মুখর হয়ে ওঠেন।

—আপনার বরাত ভালো যে মুখে ধোঁরা ছেড়ে দেয়নি।

—জিজ্ঞেস করে দেখুন না, গুনবেন হয়তো বাড়িতে ছবেলা হাঁড়ি চড়ে না।

—কি খোকা, ইস্কুল-টিস্কুল নেই বুঝি ? এখানে কি করা হচ্ছে ?

ছেলেটা উত্তর খুঁজে পায় না, সিগারেটের ছঁাকা লাগানোর এক মুঠো—১

অশিক্ষিত অপরাধে যে এ ধরনের অসহায় অবস্থায় পড়তে হবে তা সে কল্পনাও করেনি।

—বেশ করছে সিগারেট খাচ্ছে, আপনাদের কি ? একজন ছেলেটার কাছে এগিয়ে আসে।

—এইটুকু দুধের ছেলে—

—এত দরদ তো এক বাটি দুধ খাওয়াননা, সে মুরোদ নেই, শুধু ঝুড়ি ঝুড়ি বুকনি। সিগারেট খেয়ে তো আপনাদের পয়সা ওড়ায়নি। এস তো থোকা আমার সঙ্গে।

ছেলেটা যন্ত্রচালিতের মত এই অপরিচিতের সঙ্গে ভিড় ঠেলে বেরিয়ে আসে।

—সিনেমা দেখবে ?

ছেলেটা অবাক হয়ে তাকায়, আমার কাছে পয়সা নেই—

—আমি দেখাব, চল—

সামনের দিকে দুটো সিটে পাশাপাশি বসে তারা ছবি দেখে। আধুনিক বাংলা ছবি, ছোটদের জন্ম নয়।

—কি রকম লাগছে ?

—ভাল, ছেলেটা আস্তে উত্তর দেয়।

ছবি শেষ হলে তারা বেরিয়ে আসে। গরমকাল, সন্ধ্যা তখনও নামেনি।

—খুব ভাল লাগল, ছবি দেখতে আমি ভীষণ ভালবাসি।

—এই সিনেমায় যে বই ইচ্ছে তুমি দেখতে পার, এখানে আমার পয়সা লাগে না।

ছেলেটার চোখ দুটো নেচে ওঠে, তাহলে খুব মজা হয়, আপনার সঙ্গে কোথায় দেখা হবে ?

—এখানে, কিছা ওই গলির মধ্যে চায়ের দোকান আছে, অনন্ত-কেশিন, ওইখানে।

—আপনার নাম তো জানি না।

—কেউদা।

দিন দুই পরের কথা। অনন্ত-কেবিনের এক কোণে বসে কেউ চা খাচ্ছে, এ তার আজকের অভ্যেস নয়। চা খায়, কাজ করে, নিজের মনে ভাবে, কখনও গল্প কট্টে। কেবিনের মালিক আতুদা সদাশিব মাহুয, পরসা বাকী পড়লে কিছু বলেন না, একসময় চুকিয়ে দিলেই হ'ল। এ কেবিনে সব ধরনের লোক আসে, কলেজের ছাত্র, চাকুরে, বেকার, ব্যবসাদার থেকে শুরু করে জুয়াড়ী, এমন কি সিনেমা থিয়েটারের অভিনেতা পর্যন্ত। আসে না শুধু মেয়েরা, বোধ হয় আলাদা ব্যবস্থা নেই বলে।

কেউর নিত্যসঙ্গী প্রভাত। সে সাহিত্যিক, কাগজ-কলম নিয়ে বসে খস-খস করে লিখে যায় ফরমাশ-মত গল্প, প্রবন্ধ, উপহাস। কয়েক কাপ চা আর কয়েক প্যাকেট সিগারেট তার সাহিত্যের প্রেরণা যোগায়। আজও প্রভাত বসে লিখছিল।

কেউ জিজ্ঞেস করে, কি লিখছিস?

প্রভাত মুখ না তুলে উত্তর দেয়, একটা বড় গল্প, কড়া হয়েছে, তোকে পড়ে শোনাব।

—প্রেমের।

—দূর দূর, ও-সব প্যানপ্যানে জিনিস আজকাল চলে না। একখানা বিদেশী গল্পের বাংলা রূপ দিলাম, কোন শালাকে ধরতে হবে না যে চুরি করেছি।

প্রভাত বক বক করে একটু বেশি, শুনে শুনে কেউর অভ্যেস হয়ে গেছে, অর্ধেক কথায় মন দেয় না।

কেবিনের বাইরে ভোট নিয়ে কারা ঝগড়া করছিল, দু' দলের মধ্যে

কচসা আর কি ! কেঁচ বসে তাই খানিকটা শোনে । আঙুদা বিড় বিড় করেন, ছোঁড়াগুলো আর ঝগড়া করার জায়গা পেলে না, মরতে আমারই দোকানের সামনে এসে জুটল ।

হয়তো আরো কিছু বলতেন, যদি না ছেলেটি তাঁর সামনে এসে ঝাঁড়াত ।

—কি চাই ?

—কেঁচদা আছেন ?

আঙুদা, উত্তর দেবার আগেই কেঁচ হাত নেড়ে ডাকে, এই যে, এদিকে । ছেলেটি কেঁচের সহাস্য মুখের দিকে তাকিয়ে হাসে, কাছে গিয়ে বসে পড়ে ।

—আমি ভেবেছিলাম কাল তুমি আসবে ।

—ইস্কুল ছিল যে ।

—তুমি স্কুলে পড় ?

—হ্যাঁ, বিদ্যাবনে ।

—বটে, কোন্ ক্লাসে ?

—থার্ড ক্লাস ।

—কি খাবে বল ? চপ আনতে বলি ?

ছেলেটির উত্তর দেবার আগেই কেঁচ কেবিনের ছোঁড়া চাকরকে হাঁক দিয়ে বলে, ওরে নিতাই, দুটো চপ দিয়ে যা ।

ছোট্ট রেকাবীতে চপ আসে, সঙ্গে খানিকটা কাঁচা পেঁয়াজ । ছেলেটি প্রাণ ভরে খায়, গল্প করে ।

—মা নেই, মারা গেছে ছোটবেলায় ।

—বাবা ?

—বাবা আছেন, মফস্বলে কাজ করেন ওষুধ বিক্রির ।

—কোলকাতায় কোথায় থাকো ?

—মামার বাড়িতে ।

—স্কুলে যেতে ভাল লাগে না ?

—না, ইংরিজী, অঙ্ক মাথায় ঢোকে না যে ।

প্রভাত কাগজপত্র গুছিয়ে নিয়ে উঠে পড়ে, আমি চলি রে কেঁষ্ট,
যেতে হবে ।

কেঁষ্ট ছেলেটির কাছে সরে আসে, কি করতে ভাল লাগে ?

একটু চুপ করে থেকে ছেলেটি হঠাৎ উত্তর দেয়, বেড়াতে । নিজের
ইচ্ছেমত যেখানে খুশি ।

—চিড়িয়াখানা, যাদুঘর, এ-সব দেখেছো ?

—দেখেছি ছোটবেলায়, খুব বেশি মনে নেই ।

—কাল এই সময় এসো, তোমায় ঘুরিয়ে আনব ।

—সত্যি, ছেলেটা উৎসাহিত হয়, খুব মজা হবে তাহলে—

কেঁষ্ট প্যাকেট থেকে সিগারেট বার করে, নাও ।

ছেলেটা চার দিক দেখে নেয়, আশ্বে আশ্বে জিজ্ঞেস করে,
খাবো ?

—খাও, এখানে কেউ কিছু বলবে না ।

ছেলেটা কেঁষ্টর সঙ্গে সিগারেট ধরায় ।

—তোমার নাম কি ?

—মা আমার নাম দিয়েছিলেন শ্যামল ।

কেঁষ্ট শ্যামলকে নিয়ে চিড়িয়াখানায় ঘুরে বেড়ায় । পাখীর খাঁচা,
বাদরের ঘর, ওরাং ওটাং,—

—ঠিক মাসুকের মত, না কেঁষ্টদা ?

—আমরা তো ওই ছিলাম ।

—দেখুন, কি রকম সিগারেট খাচ্ছে ।

দর্শকদের মধ্যে থেকে কেউ জ্বলন্ত সিগারেট ছুঁড়ে দিয়েছিলো, ওরাং
ওটাং দিব্যি মৌজ করে টানতে থাকে ।

ওই দিকে তাকিয়ে থেকেই শামল বলে, আপনার সিগারেটগুলো
একটু অল্প রকম, না ?

—বেশি কড়া ।

—একটা খেলেই আরেকটা খেতে ইচ্ছে করে ।

কেষ্ট হাসে, সিগারেট চাই তো পরিষ্কার করে বললেই পার ।

ছ'জনে সিগারেট ধরায় ।

নতুন সিংহ এসেছে, হুক্কার ছেড়ে পায়চারী করছে, শামল তাকিয়ে
তাকিয়ে দেখে ।

—একেই বলে পশুরাজ, কি সুন্দর চেহারা ।

—চল, বেঞ্চটায় একটু বসি । শামল কেষ্টের পাশে গিয়ে বসে ।

—মাইনের খাতা আনতে বলেছিলাম, এনেছো ?

—এই যে । শামল খাতা এগিয়ে দেয় ।

কেষ্ট চোখ বুলিয়ে নিয়ে বলে, তিন মাসের মাইনে দেওয়া হয়নি ।

—না ।

—কেন, বাড়িতে টাকা দেয়নি ?

—দিয়েছিলো, খরচা হয়ে গেছে ।

কেষ্ট একটু থেমে জিজ্ঞেস করে, ক্লাসে নাম ডাকে ?

—না, কেটে দিয়েছে । শামলের গলা তারী হয়ে আসে, তাইতো
স্বলে যাই না ।

কেষ্ট ডান হাতটা শামলের কাঁধের ওপর রাখে, তাতে কি হয়েছে,
আমি সব ঠিক করে দেবো । একটু থেমে জিজ্ঞেস করে, যা জিজ্ঞেস
করব বলবে আমায় ?

—কি ?

—কত দিন সিগারেট খাচ্ছে ?

—এক বছর

—কে শেখালো ?

—ঝুনো নারকোল ।

—সে আবার কে ?

—রামচন্দ্র, আমাদের ক্লাসের ছেলে, মাষ্টার মশাইরা ডাকেন ঝুনো নারকোল বলে, তিন বছর একই ক্লাসে আছে কি না ।

কেষ্ট কথা চাপা দিয়ে বলে, চল, আজ ওঠা যাক ।

গল্প করে হাঁটতে হাঁটতে কতখানি পথ চলে এসেছে, শ্রামলের খেয়াল ছিল না, কালীঘাটের কাছে এসে হঠাৎ টেঁচিয়ে ওঠে, আরে, এ যে অনেক দূর এসে গেছি কেষ্টদা, ঐ তো কালীঘাটের মন্দির ।

—আর হাঁটতে হবে না । এই বলে কেষ্ট পকেট থেকে চিরুণী বার করে শ্রামলের হাতে দেয়, চুলটা সামনের দিকে পেতি পেড়ে আঁচড়ে নাও, আমি এখুনি আসছি ।

নীচু গলায় বলে, কেউ জিজ্ঞেস করলে বলবে, তুমি আমার ছোট ভাই ।

শ্রামলকে কথা বলার সুযোগ না দিয়ে কেষ্ট মোড়ের তিনতলা সাদা বাড়ির ভিতর চলে যায় । প্রথমটা বুঝতে না পারলেও শ্রামল কেষ্টর কথামতই কাজ করে । বাড়ির দোরগোড়ায় দাঁড়িয়ে এদিক ওদিক তাকায়, রাস্তায় কত রকম লোক, গ্যাসের আলোর নীচে আনুকাবলী-ওয়াল, মোড়ের চায়ের দোকানে গলা-ভাঙ্গা রেডিওর গান । দাঁড়িয়ে দাঁড়িয়ে বিরক্তি ধরে যায় ।

প্রায় আধ ঘণ্টা বাদে সদর দরজা খুলে কেষ্ট ডাক দেয়, শ্রামল এদিকে আস । শ্রামল এগিয়ে আসে, তাকে দেখিয়ে কেষ্ট বোঝাতে শুরু করে, এর কথাই এতক্ষণ বলছিলাম- আমার ছোট ভাই শ্রামল কি

‘কেউ যে লেখাপড়া করছে, বই কেনবার পয়সা জোটে না, তার উপরে দু’ মাসের মাইনে বাকী, আমার অবস্থা আপনি তো জানেন-ই।

কর্তার হাতে শ্রামলের মাইনের খাতা। নেড়ে-চেড়ে দেখে বলেন, বুঝতেই তো পারছি কিন্তু কি করব বল, সকাল থেকে লোক আসছে, কত জনকে সাহায্য করব।

কেউ ভেঙ্গে পড়ে বলে, নিতান্ত নিরুপায় হয়ে আপনার কাছে এসেছি।

—আমি এক মাসের মাইনে সাত টাকা দিয়ে দিচ্ছি।

—আর তিন টাকা, দুটো বই-এর দাম। আপনাকে আর জ্বালাতন করবো না।

—না না ঐ সাত টাকা। আর আসবে না, মনে রেখো।

কেউ জিত কেটে পায়ের ধুলো নেয়, আজ্ঞে না, আপনি গরীবের মা-বাপ, তাই খুব বিপদে পড়লে ছুটে আসি। সবাই তো দুঃখীর কথা বোঝে না।

টাকা নিয়ে তারা বেরিয়ে আসে। শ্রামল চলতে চলতে আশ্চর্য হয়ে জিজ্ঞেস করে, আপনি কি আবার আমার স্কুলে পাঠাতে চান?

উত্তর না পেয়ে বলে, আমি কিন্তু স্কুলে যাবো না।

—ইচ্ছে না করে যেও না।

পানওয়ালার দোকানে দাঁড়িয়ে নোট ভাঙ্গিয়ে কেউ সাড়ে তিন টাকা শ্রামলের হাতে দিয়ে বলে, এটা তোমার।

—টাকা নিয়ে আমি কি করব?

—যা ইচ্ছে তাই করবে, এর জন্যে কাউকে হিসেব দিতে হবে না।

বাড়ির কাছে এসে শ্রামল কেউর কাছ থেকে বিদায় নেয়। ক্লান্ত-স্বরে বলে, কাল আসব।

দরজা খোলা ছিল। কেউ ভেতরে ঢুকে সিঁড়ি দিয়ে নিজের ঘরে উঠে

যায়। নীচে কারা এসেছে, আলাপ করার প্রবৃত্তি হয় না। ঘরে ফুঁকে
জামা খুলে পেরেকে টাঙ্গিয়ে রাখে। পা না ধুয়েই বিছানায় বসে পড়ে।

একটু পরে তাইব্বি শ্রামা ওপরে আসে।

—কাকু, তোমার খাবার নিয়ে আসি ?

—নিয়ে আয়।

—তুমি নীচে আসবে না ?

—নীচে কেন ?

—অনেকে এসেছে আমার বাড়ি থেকে।

—না, আমি যাবো না। পারিস তো খাবার নিয়ে আয়।

শ্রামার বয়স দশ কি বারো হবে, চুলের মত কালো রঙ, ভীষণ
কোকড়া চুল, এতটুকু শ্রী নেই চেহারায়।

কেষ্টর কথামত সে খাবার ওপরে নিয়ে আসে, আজ পদের বাহুল্য
ছিল। কেষ্ট খেতে বসে যায়—নে, তুইও খা।

—আমি খেয়েছি।

—তা কি হয়েছে, নে মাছটা খেয়ে ফেল।

কেষ্ট হঠাৎ বলে, তুই নীচে যা, আমি এঁটো বাসন সব গুছিয়ে রাখব।
শ্রামা কথা বলে না, চুপ করে বসে থাকে।

—বসে রইলি যে, যা।

—নীচে আমার ভাল লাগে না।

কেষ্ট ভাল করে শ্রামার মুখটা দেখে নিয়ে বলে, কেন কি হয়েছে রে ?

শ্রামার চোখে জল ভরে আসে। কেষ্ট খাওয়া ফেলে তাকে কাছে
টেনে নেয়, বোকা মেয়ে কাঁদতে আছে কখনও !

শ্রামা ফুঁপিয়ে ওঠে, আমার বাড়ির ছেলে-মেয়েরা আমায় কি রকম
ঠাট্টা করে, বলে তোর নাম শ্রামা নয়, কালী। জিত বার করে দাঁড়
করিয়ে দিলেই সাক্ষাৎ মা-কালী।

‡ কান্নায় তার কথা আটকে যায় ।

বড়দের কাউকে বলে দিসনি কেন ?

—বাবাকে বলেছিলাম ।

—কি বললে ?

—বললে, ঠিকই তো বলেছে, এতে রাগের কি আছে, কাক বলেনি
এই ঢের ।

কথা বলতে বলতে শ্যামা হাউ-হাউ করে কেঁদে ফেলে, তাই শুনে
ওরা কি রকম হাসছিলো ।

কেষ্ট শ্যামার মাথায় হাত বুলিয়ে দেয়, অনেকক্ষণ কেঁদে শ্যামা শান্ত
হয় ।

কতক্ষণ এভাবে কেটেছে খেয়াল ছিল না । নীচে থেকে ছোটদের
দলের গলা শোনা যায়, মা কালী গেল কোথায়, মা কালী ?

সিঁড়ি দিয়ে সবাই উপরে উঠে আসে, শ্যামা কেষ্টকে জড়িয়ে ধরে ।

ছেলের দল কেষ্টকে দেখে থমকে দাঁড়ায়, দরজার বাইরে থেকে শান্ত
গলায় ডাকে, শ্যামা, খেলবি আয় ।

কেষ্টর কণ্ঠসংলগ্ন শ্যামা মাথা নেড়ে জানানয় সে যাবে না ।

—আয় না, আয় না, বলে এগিয়ে এসে তাদের মধ্যে একজন
শ্যামার হাত ধরে টানে । রাগে কেষ্টর ঠোঁট কাঁপছিল, সজোরে চড়
মারে ছেলেটার গালে । জানোয়ার, বেরোও এখান থেকে ।

মার খেয়ে ছেলেটা মাটিতে পড়ে যায়, গালে হাত রেখে ভয়ে ভয়ে
উঠে দাঁড়ায় । ততক্ষণে অন্তরা কলরব করতে করতে নীচে নেমে গেছে,
ও তাদের সঙ্গে যোগ দেয় ।

শ্যামা হতভম্ব হয়ে যায়, কেষ্টকে এতখানি রাগতে সে আগে দেখেনি ।
বিছানার কোণে গিয়ে বসে । কেষ্ট বাঁ হাত দিয়ে চোখ দুটো চেপে ধরে ।

নীচে ছেলেটার কান্না শোনা যাচ্ছে, অন্তদের নালিশ, দাদার গর্জন ।

একটু বাদে উঠোন থেকে দাদার চিংকার শোনা যায়, কোথায় গেল
মুখপুড়ী, শ্যামা, শ্যামা—

ঘরের ভেতর থেকে চোঁচিয়ে কেঁচ উত্তর দেয়, ও এখন যাবে না।

—আসবে না মানে? আমি ডাকছি আসবে না? আলবাৎ আসবে।

—যাবে না।

—এত বড় আশ্পর্ষা, আমার কথা অমান্য করা, এই সব শিখছে
তোমার কাছে। কেঁচ আরও গলা চড়িয়ে বলে, বেশ করেছে।

—আমার খন্তুর বাড়ির লোকের গায়ে তুমি হাত দিয়েছ কোন্
সাহসে?

—একশো বার দেব, ছোটলোকমি করলে।

—দাদার আর ধৈর্য থাকে না। সিঁড়ির উপর কয়েক ধাপ উঠে
পড়েন, ছোট লোক? তুমি নিজে ছোট লোক, ক' অক্ষর গোমাংস,
ভ্যাগাবণ্ড, লোফার।

—শাট্‌আপ, কেঁচ ধমকে ওঠে, বাজে বকো না।

—বেরিয়ে যাও আমার বাড়ি থেকে।

—তোমার বাড়ি, নিজের পয়সায় করেছো, কেরানী আবার বাড়ি
করবেন। পৈত্রিক বাড়িতে তোমার যত ভাগ আছে আমারও তত ভাগ।

—আচ্ছা, দেখা যাবে। শ্যামা চলে আসে।

—ও এখন যাবে না।

—ও নিজের মুখে বলুক।

—আমি বলছি ও যাবে না।

—আচ্ছা দেখছি, পুলিশ ডেকে নামিয়ে আনবো। তোমার ওস্তাদি
বার করছি। কেঁচ আর কথা বলে না, দরজা বন্ধ করে শুয়ে পড়ে।
শ্যামা কাঁদছিল, এতক্ষণে কেঁচের খেয়াল হয়, কাঁদলে গলা টিপে দেব,
শুয়ে পড় এখানে।

• ভোর রাতে বৌদি এসে দরজা ঠেলে, ঠাকুরপো ?

কেষ্ট দরজা খুলে দেয়, বৌদি ভয়ে ভয়ে ওর মুখের দিকে তাকিয়ে
অহুমতি চায়, শ্রামাকে নিয়ে যাই ?

—যাও । কেষ্ট শুকনো গলায় উত্তর দেয় ।

একটু থেমে বৌদি কৈফিয়তের সুরে বলে, তোমাদের ভাইয়ে ভাইয়ে
যা মেজাজ, আমি তো ভয়ে মরি । বিশেষ করে তোমার দাদা, মাথার
যদি এতটুকু ঠিক থাকে । মায়ের পেটের ভাই, তাকে বলছে কি না—

কেষ্ট বাধা দেয়, আমার এখনও ঘুম কাটেনি বৌদি । তুমি মেয়েটাকে
নিয়ে যাও, দেখো, আবার মারধোর কোর না ।

কথা শুনে বৌদি তো অবাক, কি যে বল, নিজের মেয়ে—

—থাক থাক, ঢের বক্তৃতা শুনেছি । এখন নীচে যাও ।

শ্রামা বিছানা থেকে উঠে চোখ রগড়াচ্ছিল, বৌদি আর কথা না বলে
তার হাত ধরে নেমে যায় । কেষ্ট আবার দরজা বন্ধ করে শুয়ে পড়ে,
কিন্তু আর ঘুম আসে না ।

পরদিন সকালে কেষ্ট চা খেতে এলো অনন্ত-কেবিনে অন্ত দিনের চেয়েও
দেরিতে । আশুদা জিজ্ঞেস করলেন—আজ এত দেরিতে যে ?

—আর বলবেন না, কাল আবার ঝগড়া—

—কি, দাদার সঙ্গে ?

কেষ্ট ব্যাজার মুখে উত্তর দেয়—আর কার সঙ্গে—

আশুদা হাসেন—এ আর নতুন কি, রোজই তো লেগে আছে ।

—আর ভাল লাগে না । ভাবছি এবার আলাদা হয়ে যাব ।

—সে তো তিন বছর থেকে ভাবছো ।

—আমার আর কি । ওরাই মরবে । একতলা তো আমি ব্যবহারই
করি না । উপরের একখানা ঘরে পড়ে থাকি । বাড়ি ভাগ হ'লে

নীচের একখানা ঘর আমার দিতে হবে। তখন কি করে থাকবে শুনি
রাবণের গুণ্ঠি নিয়ে ?

আশুদা মাথা নাড়েন, এতই যদি তোমার সুবিধে একটা উকিল
আর একটা রাজমিস্ত্রী ডেকে—

কেষ্ট দীর্ঘশ্বাস ফেলে—হয় না আশুদা, এত সহজে কিছু হয় না।
ওই যে শ্রামা—দাদার কালো মেয়েটা—ওকে বাড়িতে কেউ ছুঁচোখে
দেখতে পারে না, বাড়ি ভাগ করলে আমার কাছে যেতে দেবে না।
কেঁদে কেঁদেই মরে যাবে।

আশুদা চুপ করে যান, চৈঁচিয়ে বলেন, ওরে কেষ্টবাবুকে চা রুটি দিয়ে যা।

কেষ্ট খবরের কাগজ নিয়ে ওপর ওপর চোখ বোলায়। বিশেষ
কোন খবর নেই, মামুলী কথা।

আশুদা বললেন, বাই-ইলেকসনের তোড়জোর চলছে যে।

—দেখছি তো! একটু থেমে কেষ্ট জিজ্ঞেস করে, কারা দাঁড়িয়েছে ?

—চার জন। তিন জন তিন পার্টির থেকে আর একজন
ইনডিপেন্ডেন্ট।

—তিনি ?

—রাঘব বোয়াল !

—শুনছিলাম বটে রাঘব বোয়াল দাঁড়িয়েছে।

আশুদা চিবিয়ে বলেন, ওর চর'রা এসেছিল। পাড়ার ছেলেদের
চায়, ওর হয়ে খাটবার জন্তে।

—কি রকম দেবে থোবে ?

—পয়সা আছে সাধ্যমত কোরবে নিশ্চয়। আমি তোমার নাম
দিয়ে দিয়েছি।

কেষ্ট আড়মোড়া ভাগে,—যাবো একবার বিকেলের দিকে, দেখি,
আমার সঙ্গে পটে কি না।

রসু বাঁড়ুজের বাড়ি পাড়াতেই। মোড়ের মাথায় তিনতলা বিরাট বাড়ি, ছ'খানা গাড়ী, তকমা-আঁটা দ্বারবান। গেটের ছ'পালায় ইংরাজী বড় হরফে লেখা আছে, আর, বি। তাই পাড়ার লোকে নাম দিয়েছে, রাঘব বোয়াল।

আজ আর কেউকে দ্বারবানের কাছে কৈফিয়ৎ দিতে হল না। সেলাম ঠুকতে ঠুকতে নিয়ে গেল বৈঠকখানায়। সেখানেও আপ্যায়নের ক্রটি নেই। রাঘব বোয়ালের তিন জন ছেলে চা সিগারেট যুগিয়ে যাচ্ছে, আসর জুড়ে বসে আছে পাড়ার মার্কামারা ছেলেরা—সুধীর, বীরেন, ভোঁদা আর তাদের সাজোপাজ। এই ঘরে তারা জড়ো হয়েছিল দাঁজার সময়—৪৬ সালে। তার পর এই আবার তাদের ডাক পড়েছে।

সিঁজাড়া-মিষ্টি-চা পরিবেশনের পর রাঘব বোয়াল তাঁর বক্তব্য জানালেন—আপনারা সকলেই জানেন, আমি নিজের ইচ্ছেয় এই উপনির্বাচনে দাঁড়াইনি। পাড়ার সকলের বিশেষ অনুরোধে নিজের কর্তব্য পালনের জন্ত দাঁড়াতে বাধ্য হয়েছি। কিন্তু আমার তো কোন বল নেই। বল আপনারা, আপনারা যদি ভরসা দেন তবেই নির্ভয়ে এ কাজে এগুতে পারি।

আধঘণ্টা ধরে নাতিদীর্ঘ বক্তৃতা দিলেন রাঘব বোয়াল। পরের জন্ত কতকখানি আত্মত্যাগ করেছেন তারই মহিমা প্রচার। অনেকে বাহবা দিল, অনেকে টুকরো মতামত প্রকাশ করলো, কিন্তু সকলেই একবাক্যে সায় দিল, তাঁকে সাহায্য করবে বলে।

জয়ধ্বনি করে সবাই চলে গেলেও কেউ দাঁড়িয়ে ছিল রাঘব বোয়ালের সঙ্গে একান্তে পরামর্শ করার জন্তে।

—কেউ, তোমার ওপরই আমার সবচেয়ে ভরসা। দাঁজার সময়

এপাড়া তো তুমিই বাঁচিয়েছিলে, কেউকে আপ্যায়িত করেন রাখব বোয়াল।

—এত যে লোক জুটিয়েছেন, কাজের বেলা দেখবেন সব চু-চু।

—তা আর জানিনে, কিন্তু কি করব। এসব ব্যাপারে সকলকেই খুশি রাখতে হয়। মেয়ের বিয়ে দেওয়া এর চেয়ে সোজা।

কেউ মুখে খানিকটা ডালমুট ফেলে বলে, একটা জীপ দরকার হবে।

—তা তো হবেই, আমার কারখানা থেকে আনিয়ে দেবো।

—ড্রাইভার দরকার নেই, আমিই চালাব, শুধু পেট্রলের একটা ব্যবস্থা করে দেবেন।

—ওই মোড়ের পেট্রোল পাম্পে আমার অ্যাকাউন্ট আছে, কুপন দিলেই ওরা পেট্রোল দেবে।

—কি ভাবে আমি কাজ করতে চাই ক'দিনের মধ্যেই আপনাকে জানিয়ে দেবো। আপনি আমাদের পাড়া থেকে দাঁড়িয়েছেন, আপনাকে জেতাতে না পারলে আমাদেরই লজ্জা, আপনি নিশ্চিন্ত হয়ে থাকুন, আজ থেকে সবার আমারা নিলাম।

রাখব বোয়াল বিনয়ে ভেঙ্গে পড়েন, আমি তো আগেই বলেছি ভাই, তোমাদের বলই আমার বল। আমাকে ভালবাসো বলেই তোমরা এসেছ।

—যে ক'জন কাজের লোক এপাড়ায় আছে, সকলেই আমার হাতের মুঠোর মধ্যে। আজ থেকেই কাজে লাগিয়ে দিচ্ছি। তবে সাবধান, অনেকে ধাপ্পা দিয়ে টাকা খসাবার চেষ্টা করবে। তাদের কথায় কান দেবেন না।

পরদিন অনন্ত-কেবিনে এসে কেউ দেখে, শ্যামল বসে আছে।

—কি রে, এ ক'দিন আসিসনি কেন?

শ্যামলের চোখে-মুখে কেমন যেন লজ্জার ভাব, বলে, এমনি—

কেষ্ট বসে পড়ে কাগজপত্র বার করতে করতে হাঁক দেয়, ওরে
হুঁকাপ চা আর মামলেট দিয়ে যা।

খাবার আসতে দেরি হয়। কেষ্ট একমনে কি যেন লেখে। শ্রামল
চুপ করে বসে থাকে, দেখে, অতৃদিকে হুঁ-একজন ভদ্রলোক রাজনীতি
নিয়ে তর্ক করছেন। দোরগোড়ায় আশুদা ক্যাশবাক্সের কাছে বসে
টোলেন। ফুটপাথে দাঁড়িয়ে একটা ভিখারী মেয়ে পয়সা চাইছে।

কেষ্ট হঠাৎ মুখ তুলে বলে, জানি তুই এতদিন আসিসনি কেন,
ভাবছিলি সেদিন টাকাটা নেওয়া উচিত হয়েছে কি না, তাই না?

ধরা পড়ে গিয়ে শ্রামলের মুখ শুকিয়ে যায়।

—টাকা কি করলি?

শ্রামল সসঙ্কোচে বলে, পকেটে আছে।

—দূর গাধা, তুই কোন কর্মের নোস্।

এর মধ্যে খাবার দিয়ে গিয়েছিল, শ্রামল কথার কোন উত্তর না দিয়ে
খেতে শুরু করে।

আর কোন কথা হয় না। প্রায় আধ ঘণ্টা বসে থাকার পর কেষ্ট
জিজ্ঞেস করে, মাইনের খাতা এনেছিস্?

শ্রামল মাথা নেড়ে সায় দেয়।

—যাবি?

শ্রামল ভয়ে ভয়ে মুখ তুলে তাকায়।

—হাঁ করে কি দেখছিস্, যাবি?

—চলুন।

শ্রামবাজারে যে বাড়িতে কেষ্ট শ্রামলকে নিয়ে এল, তারা বনেদি
জমিদার। আগের মত বোলবলা না থাকলেও অবস্থা বেশ ভালই।
কিন্তু সরকার মশাই-এর সঙ্গে কিছুতেই কেষ্ট কথায় পেরে ওঠে না।

—বলছি তো, আমি একটা পয়সাও দেব না।

কেষ্ট করুণ মুখে বলে, সে আপনার যা ইচ্ছে। তবে আমরা গরীব মানুষ, ভাইটা ম্যাট্রিক পাস করলেও কোথাও একটা কাজে চুকিয়ে দিতে পারি, দেখুন মাইনের খাতা, ক্লাসের রিপোর্ট, দু'মাসের মাইনে দিতে পারিনি।

—মিথ্যে চেষ্টা করছ বাপু, এক দিন ছিল যখন এ বাড়িতে হাজার হাজার কাঙালী বিদায় করা হয়েছে, আজ সে রামও নেই, সে অযোধ্যাও নেই।

—বড় অভাবে পড়ে ছুটে এসেছি, কিছু না হোক এক মাসের মাইনে সাত টাকা—

—সাতটা পয়সা দেবারও ক্ষমতা নেই।

রাস্তায় বেরিয়ে চলতে চলতে শামল হঠাৎ বলে, আমার কি রকম লজ্জা করে।

—কিসের ?

—এ ভাবে পয়সা চাইতে।

—কি এমন মানী লোক যে লজ্জায় মাথা কাটা গেল ?

শামল উত্তর দেয় না, গ্যাসের আলোর নীচে দাঁড়িয়ে কেষ্ট পকেট থেকে একটা কাগজ বার করে। ইংরাজী টাইপ করা, নীচে কয়েকজনের সই রয়েছে, শামলের হাতে কাগজটা দিয়ে বলে, ঐ কোণের লাল বাড়িটার যা, মাইনের খাতা, এই কাগজ, সব কিছু দেখাবি। ঠাথ, কিছু দেয় কি না।

শামল আপত্তি করতে পারে না, ভয়ে ভয়ে লাল বাড়ির দিকে এগিয়ে যায়। দরজার কাছে দাঁড়িয়ে কেষ্টর দেওয়া চিঠিটা পড়ে। সব শব্দের মানে না জানলেও ভাবার্থ বুঝতে অসুবিধে হয় না। তাতে লেখা আছে, এ ছেলেটি আমাদের পরিচিত, অনাথ কিন্তু মেধাবী। আপনারা এক মুঠো—২

একে সাহায্য করলে আমরা কৃতজ্ঞ থাকব। নীচে কয়েক জনের নাম
সই করা।

বাবু বাড়ি ছিলেন না, গিন্নী-মা রান্নাঘর থেকে বেরিয়ে আসেন—কি
চাই থাকা?

কথা বলতে গিয়ে শ্রামলের গলা আঁটকে যায়, কিছু বলতে পারে
না। হাতের কাগজগুলো বাড়িয়ে দেয়।

—আহা কি দরকার, মুখেই বল না।

—ইস্কুলে ছ'মাসের মাইনে দেওয়া হয়নি। শ্রামল থেমে যায়, হঠাৎ
বলে ফেলে, আমরা বড় গরীব। এ কথা বলার সঙ্গে সঙ্গে ভয়ে তার
চোখ দিয়ে জল বেরিয়ে আসে, কিছুতেই থামাতে পারে না।

গিন্নী-মা চোখের জল দেখে বিচলিত হয়ে পড়েন, আহা কান্দছ
কেন? লেখা-পড়া শিখে নিজেই একদিন রোজগার করবে, মাস
কাবারের সময় হাতে বেশি টাকা নেই, এখন ছ'টাকা দিচ্ছি নিয়ে যাও।

আঁচল থেকে টাকা খুলেদিতে দিতে জিজ্ঞেস করেন, কোন্ ক্লাসে পড়?

—খার্ড ক্লাস।

—পুরোন বই-এর দরকার থাকলে বলো। আমার ছেলেরা সব
কলেজে পড়ে, ইস্কুলের বই অনেক আছে। একদিন সকালের দিকে
এসে ওদের সঙ্গে আলাপ করে নিয়ে যেও।

শ্রামল তাঁকে প্রণাম করে বেরিয়ে আসে। দূরে কেঁপে দাঁড়িয়ে ছিল,
শ্রামলের কাছে এগিয়ে আসে, কি হল?

শ্রামল ছোটো এক টাকার নোট কেঁপের দিকে এগিয়ে দেয়। কেঁপে
হাসে, শ্রামলের পিঠ চাপড়ে বলে, বাঃ, এই তো শিখে গেছিস, তোর
এক টাকা আমার এক টাকা।

শ্রামল ম্লান হাসে, হাতের নোটের দিকে তাকায়, এই তার প্রথম
রোজগার।

শ্রামলের বাড়ি ফিরতে অনেক রাত হ'ল। কেঁচুর কাছ থেকে ছাড়া পেয়ে সে সোজা বাড়িতে ঢোকেনি, পথে পথে অনেকক্ষণ ঘুরে বেড়িয়েছে পকেট থেকে টাকা বা'র করে বার বার দেখেছে।

বৈঠকখানায় তক্তাপোষের ওপর শশধরবাবু চোখ বুজে শুয়ে ছিলেন। জিজ্ঞেস করলেন, 'কি রে, ফিরতে এত রাত হ'ল ?

শ্রামল চমকে ওঠে, বাবাকে এমন দিনে সে আশা করেনি। মাসের শেষের দিকে কলকাতায় বড় একটা উনি আসেন না। তাই আশ্চর্য হয়ে জিজ্ঞেস করে, তুমি কখন এলে ?

—বিকেলের গাড়ীতে, শরীরটা ভাল নেই। তোর ফিরতে এত রাত হয় কেন ?

শ্রামল একটু ভেবে নিয়ে উত্তর দেয়, কোচিং ক্লাসে গিয়েছিলাম। শশধরবাবু উঠে বসেন, ইন্স্কুলের পর যেতে হয় বুঝি ?

—হ্যাঁ, উঁচু ক্লাসে একটু বেশি পড়তে হয়।

—কোচিং ক্লাসে আবার ফী লাগবে তো ?

শ্রামল খতমত খেয়ে বলে, না পয়সা লাগবে না, কেঁচুদা আমাদের এমনি পড়ান।

কথা শেষ হয় না, শ্রামলের মামা জগৎবাবু ঘরে ঢুকলেন।

—এই তো শ্রামল এসে গেছে, তুমি মিছামিছি এতক্ষণ ভাবছিলে। জগৎবাবু তক্তাপোষের উপর বসে পড়েন। ভদ্রলোক বেঁটে, নেয়াপাতি ভুঁড়ি, সওদাগরী অফিসের বড়বাবু। সন্ধ্যাবেলা পান করা তাঁর অনেক দিনের অভ্যেস, আজকেও তার ব্যতিক্রম হয়নি। নেশার ঝোঁকে জিজ্ঞেস করলেন, কোথায় গিয়েছিলি, তোর বাবা যে ভেবে ভেবে ম'ল।

শ্রামলের হয়ে শশধরবাবু উত্তর দেন, কোচিং ক্লাসে পড়তে গিয়েছিল।

—ওরে বাবা, ইন্স্কুলের ক্লাস, তার ওপর কোচিং ক্লাস, বিজ্ঞের জাহাজ হবি নাকি ?

শ্রামল উত্তর দেয় না, চুপ করে দাঁড়িয়ে থাকে। জানে সন্ধ্যার পর মামার কথার উত্তর দিয়ে লাভ নেই, উনি অনর্গল বকে যান।

—খবদার বেশি লেখাপড়া করিসনি, তাহলে অফিসের ক্লার্ক কি ঝেয়ারা ছাড়া আর কিছু হতে পারবি না।

কথা তাঁর বেশ জড়িয়ে আসে, আরও জোর দিয়ে বলেন, আমার বাবা ভীষণ লেখাপড়া করেছিল, ফল কি হ'ল, না ইস্কুল মাস্টার। ষাট টাকার বেশি মাইনে এক পয়সা বাড়লো না। তারপর মনে কর তোর বাবা এই শশধরদা, হাজার হোক গ্র্যাজুয়েট তো, কি হ'ল? না অমুখের ক্যানভাসার।

শ্রামল এ প্রসঙ্গ চাপা দেবার চেষ্টা করে, মামা, আমি যাই, মুখ হাত পা ধুয়ে নিই—

—দাঁড়া, যা বলছি শোন, আমি আরও কম লেখাপড়া করেছি, কোন রকমে ম্যাট্রিকটা পাস করেছিলাম, যাহোক তাই বড়বাবু হতে পেরেছি। তুই যদি আরও কম পড়িস তাহলে একদম বড় অফিসার হয়ে যাবি। কেউ আটকাতে পারবে না।

ভেতর থেকে মাসীমা হাঁক দিলেন, এস সবাই, খাবার দেওয়া হয়েছে।

শ্রামল এই স্লোগানই খুঁজছিল—যাই মাসীমা, বলে সাড়া দিয়ে ঘর থেকে বেরিয়ে যায়।

শ্রামলকে বাড়ি পৌঁছে রাঘব বোয়ালের বাড়ি আসতে কেঁটার অনেক দেরি হয়ে গেল, তাঁর বড় ছেলে বললে, বাবা আপনার জন্মেই এতক্ষণ বসেছিলেন, এই মাত্র খেতে ওপরে গেছেন।

—আসতে দেরি হয়ে গেল, বড় ঝামেলার কাজ বুঝতেই তো পারছেন, আমি বরং কাল আসব।

—আপনি বসুন, আমি বাবাকে জিজ্ঞেস করে আসছি।

কেষ্টকে বেশিক্ষণ বসতে হ'ল না, রাঘব বোয়াল নিজেই নেমে এলেন।

—তোমাকে অনেকক্ষণ বসিয়ে রাখলাম।

—না, এই এসেছি। আপনাকেই এত রাত্রে বিরক্ত করলাম।

—মোটাই নয়, মোটেই নয়। রাঘব বোয়াল ঘন ঘন মাথা লাড়েন।
তারপর, কি খবর বল?

—আমি দল ঠিক করেছি, আমাদের ভোটের লিস্ট দেবেন, আমরা
নিজেরা গিয়ে আলাপ করে আসব। বিশেষ করে বস্তিগুলোতে, ভোট
তো ঐখানেই বেশি পাওয়া যাবে।

—তুমি ঠিক বলেছো, যারা অবস্থাপন্ন, তাঁদের ধরবার আমার লোক
আছে। বস্তিগুলো যদি তুমি যোগাড় করতে পার, তাহলে অনেকটা
কাজ এগুবে।

কেষ্ট বিজ্ঞের মত হাসে, তাইত বলছি। এদের হাত করা শক্ত
নয়। ভাই ভাই বলে পিঠে হাত দিয়ে বোঝাতে হবে, দু-একদিন ভাল-
মন্দ খাওয়াতে হবে, এর বেশি কিছু নয়। তাছাড়া এখন ছোটখাট
ক্লাবগুলোকেও হাত করতে হবে, এদের কিছু টাকা দিলেই আপনার
দিকে চলে আসবে।

—সে তো দিতেই হবে। লাইব্রেরীতে কিছু বই দেওয়া, ফুটবল-
ক্লাবে জার্সি, ব্যাডমিন্টন-ক্লাবে রাত্রে আলো দেওয়া—

কেষ্ট বাধা দেয়, ব্যস ব্যস। এ করলে আর দেখতে হবে না। দেখি
ক'টা ভোট বাবুয় পড়ে। কয়েকটা জনসভার ব্যবস্থা করতে হবে তো।

—সে তোমরা যা ভাল বোঝ—

—আমি সব পাড়াতেই ব্যবস্থা করে রাখছি, সেই পাড়ার লোক
দিয়েই সভা ডাকাব। তারা নিজেরা এসে বক্তৃতা দেবার জেতে আপনাকে
আমন্ত্রণ জানাবে। আপনি গিয়ে দু'চারটে গরম গরম কথা বলবেন—

রাঘব বোয়াল উৎসাহিত হন, এ তোমার খুব ভাল বুদ্ধি হয়েছে,

একবার বক্তৃতা দিতে উঠলে আর আমাকে পার কে, প্রথমেই সরকারের নামে নিন্দে করতে হবে, দেশে কি রকম দুর্নীতি রয়েছে, কালো বাজারীদের অত্যাচার, পুলিশ জুলুম। এ সব বিষয়ে খুব শক্ত শক্ত কথা আবার মুখস্থ আছে।

কেষ্ট সায় দিয়ে বলে, আপনার বক্তৃতা কে না শুনেছে, যেমন ভাষা তেমনি বলবার ভঙ্গি, এ ইলেক্সানে আপনার জয় নিশ্চিত!

গলাটা একটু নামিয়ে বলে, কিছু টাকার দরকাব, ছোঁড়াগুলোকে হাতে রাখা চাই তো।

—কত দেবো, বেশি টাকা তো নেই, একশ' টাকায় হবে?

—অত কি হবে, টাকা পঞ্চাশ হলেই আপাতত চলে।

রাঘব বোয়াল পকেট থেকে টাকা বার করে দেন, কেষ্ট পাঁচখানা দশ টাকার নোট নিয়ে বেরিয়ে আসে।

জীপ-এ করে কেষ্ট ঘুরে বেড়ায়, সকাল থেকে রাত্রি। গাড়িতে তেল ফুরিয়ে আসলে পাড়ায় ফেরে, আর নয়ত রাত্রে বাড়িতে শোবার জন্তে। ক'দিনের অবিশ্রান্ত কাজ।

রাঘব বোয়াল বলেন, কেষ্ট কাজের লোক বটে, এই ক'দিনে চার দিক গরম করে তুলেছে।

বন্ধু প্রভাত বলে, কেষ্টটা চিরকাল ঘরের খেয়ে বনের মোষ তাড়ালো।

অনন্ত-কেবিনের আশুদা বলেন, যাক, কেষ্টর দৌলতে পাড়ার ক্লাবগুলো আবার চেগে উঠল।

কেষ্ট কোন কথা বলে না, নিজের মনে কাজ করে যায়। রাস্তায় প্রায়ই দেখা যায় জনকয়েক চিংকার করতে করতে চলেচে,—ভোট কর রথু ব্যানার্জী। সেই সঙ্গে কত রকমের শ্লোগান যা কেষ্টই ঠিক করে দিয়েছে। অল্প পার্টির নকল করে। যে পাড়া থেকে যে দলই

বেরোক, রাঘব বোয়ালের বাড়ির সামনে গলা ফাটিয়ে চিৎকার করে যায়।

পাড়ায় পাড়ায় পোস্টার লাগান হয়েছে, নানা ভাবায়, নানা রঙে। অন্য প্রার্থীদের পোস্টারের ওপর কেঁট ইচ্ছে করে নিজেদের গুলো দিয়েছে। সে নিয়ে কত জায়গায় ঝগড়া হয়।

—কে মশাই রঘু বাঁড়ুজ্যে, জীবনে নাম শুনিনি—

—শুনবেন কি করে, অন্ধকূপের মধ্যে বসে আছেন।

—কি করেছেন তিনি ?

—কি করেন নি ? কেঁট নির্বিকার ভাবে ফিরিস্তি দিয়ে যায় রাঘব বোয়ালের গুণের।

—চট্টগ্রাম অজ্ঞাগার লুণ্ঠন থেকে আজ পর্যন্ত যত রাজনৈতিক আন্দোলন হয়েছে মায় ট্রামভাড়া সংগ্রাম অবধি সব ব্যাপারই তিনি নিজে চালিয়েছেন, কিন্তু নাম প্রকাশ করেননি।

কেঁটের দল পরিষ্কার করে বুঝিয়ে দেয় রাঘব বোয়াল কত বড় একজন নীরব কর্মী।

এরই মধ্যে একদিন ছুপুরবেলা চৌরঙ্গীর সিনেমার সামনে দাঁড়িয়ে কেঁট ভাবছিল চুকবে কি না, এমন সময় একটি মেয়ে এসে কাছে দাঁড়ায়, বলে, আমার একটা কথা শুনবেন ?

অনমনস্ক হয়ে কেঁট জিজ্ঞেস করে, কি ?

—আমার ছোট ভাই-এর বড় অসুখ, মর-মর। এই দেখুন ডাক্তারের প্রেসক্রিপসন্, ওষুধ কেনার পয়সা নেই।

কেঁট হাসে। মেয়েটি করুণ চোখে তাকায়, টাকা চাই না, এই ওষুধ কটা কিনে দিন।

কেঁট খুব আন্তে মন্তব্য করে, এখনও কাঁচা।

মেয়েটি তখনও ঘ্যান-ঘ্যান করে, তিন দিন থেকে চেষ্টা করছি, এই এক শিশি অযুধ একজন কিনে দিয়েছিলেন। বড়ী, মিক্সচার, কিছুই দিতে পারিনি। ডাক্তার বলেছে আজ ওষুধ না পড়লে—

কেষ্ট হঠাৎ বলে, বেশ, আমি তোমাদের বাড়ি যাব, যদি দেখি তোমার ভাই-এর সত্যি অসুখ, আমি টাকা দেব।

—অত দূরে কি যেতে পারবেন? টালিগঞ্জে, রেফিইজি বস্তীতে থাকি।

—ঠিক আছে, ঠিকানা দাও।

মেয়েটি ঠিকানা বলে, কেষ্ট নোট-বুকে লিখে নেয়, জিজ্ঞেস করে, তোমার নাম?

—গৌরী।

সন্ধ্যার আগেই কেষ্ট হাজির হয় টালিগঞ্জের উদ্বাস্তু বস্তিতে। গাড়ী থেকে নামতে দেখে তাকে জমিদার বাড়ির পাকা দালান পার করিয়ে নিয়ে যাওয়া হল ভিতরের বস্তিতে। খবর পেয়ে গৌরী এগিয়ে এসে তাকে ঘরে নিয়ে যায়।

—এই নোংরা জায়গায় আপনার কষ্ট হবে জেনেই আসতে বারণ করেছিলাম।

কেষ্ট উত্তর দেয় না, গৌরীর সঙ্গে ছোট কুঠরীর সামনে এসে দাঁড়ায়। মাটির ঘর, ওপরে টিনের চালা। খরের এক কোণে নোংরা বিছানায় একটা ছেলে শুয়ে আছে প্রায় নির্জীব।

গৌরী ভেতরে ঢুকে গিয়ে বলে, ওই আমার ভাই।

কেষ্ট স্তম্ভিত হয়ে যায়, ক'দিন ভুগছে?

—প্রায় এক মাস।

—দেখি ডাক্তারের প্রেসক্রিপশন?

গৌরী এগিয়ে দেয়, তার ওপর চোখ বুজিয়ে নিয়ে কেঁট বলে,
আমার সঙ্গে একজনকে দাও, এখনি ওষুধ কিনে পাঠিয়ে দেব।

—চলুন, আমিই যাব।

—এর কাছে কে থাকবে?

—ভগবান।

কেঁট আর কথা বলে না। গৌরী বলে, গাড়ীতে যাবার দরকার
নেই, ডাক্তারখানা পাশেই আছে।

কেঁট গৌরীর কথা মত ডাক্তারখানার দিকে যায়, পথে শুধু জিজ্ঞেস
করে, তোমার আর কে আছে?

—ওই ভাই ছাড়া আর কেউ নেই। গৌরীর চোখ ছল-ছল করে
ওঠে।

—কেন?

—পাকিস্তান থেকে কলকাতা আসবার পথেই সকলকে হারিয়েছি।

ওষুধ কিনে কেঁট গৌরীর হাতে দেয়, বলে, আমার ঠিকানা রেখে
দাও, যদি দরকার হয় চিঠি লিখ।

—আপনাকে কি বলে ধন্যবাদ দেবো, গৌরী কেঁটকে প্রণাম করে।

কেঁট জীপএ উঠে স্টার্ট দেয়।

অনন্ত-কেবিনে কেঁটের জন্তে সকলে বসে ছিল। ওকে ফিরতে দেখেই
চিৎকার করে ওঠে—কেঁটদা, সারা দিন কোথায় ছিলে, এদিকে যে
সর্বনাশ হয়ে গেছে!

—কি হয়েছে?

—আজকের মিটিং-এ একেবারে লোক হয়নি, রাঘব বোয়াল বেগে
অস্থির। আজই তোমাকে দেখা করতে বলেছে।

কেঁট বিরক্ত হয়, কেন, লোক হ'ল না কেন?

—আহা, ওর কাছেই যে ‘হুমান মার্কা’দের মিটিং ছিল, শালারা এমন বজ্জাত, মিটিং-এর পর চা খাওয়াবে বলে সবাইকে টেনে নিয়ে গেল।

আরও বিরক্ত হয়ে কেঁষ্ট বলে, তোরা কোন কর্মের নোস, ওদের মাইকের তারটাও তো কেটে দিতে পারতিস ?

—তুমি নেই, সাহস হল না।

—যা, এখন জ্বালাতন করিস না, রাঘব বোয়ালকে বলে দে আমার শরীর খারাপ, কাল দেখা করব।

সবাই চলে গেলে এক কোণে কেঁষ্ট চুপ করে থাকে। আশুদা একবার জিজ্ঞেস করলেন, কি ব্যাপার, আজ এত চুপচাপ কেন ?

—শরীর ভাল নেই আশুদা।

অনেকক্ষণ বাদে প্রভাত এল, একটা পত্রিকা কেঁষ্টর সামনে ছুঁড়ে দিয়ে বললে, দেখ, এবারের ইস্যুটা কেমন হয়েছে।

অনিচ্ছা সত্ত্বেও কেঁষ্ট নেড়ে চেড়ে দেখে বলে, ভাল।

—কভারের ছবিটা দেখ, এরকম টাটকা মেয়ের ছবি দেখেছিস ? এ বই স্টল-এ পড়তে পাবে না, একেবারে হট কেক। কেঁষ্ট উত্তর দেয় না, জানে প্রভাত এখনও বক-বক করবে।

—স্টীপত্র বার কর, সব কটা লেখা আমার। গোপেশ রায়, বীণা চ্যাটার্জী, ‘ক খ গ’, সৌমেন তালুকদার—সব আমি। কিন্তু পড়ে দেখ, একবারও বুঝতে পারবি না যে একজনই সব লিখেছে।

—বাহাদুর বটে !

—লেখকদের একটি পয়সা দিতে হবে না, এ না হলে আজকালকার দিনে কাগজ চলে ?

প্রভাত একটু চুপ করে থেকে কেঁষ্টর দিকে ভাল করে তাকিয়ে বলে, কি হয়েছে রে, এত গম্ভীর কেন ?

কেঁষ্ট দীর্ঘশ্বাস ফেলে, দুনিয়াটা বড় গোলমেলে।

পরদিন সকালে কেষ্ট এল রাঘব বোয়ালের বাড়ি। আগে থেকেই সেখানে মিটিং চলছিল। কেষ্টকে দেখে তিনি বেশ জোরের সঙ্গেই বললেন, হি, হি, আর বোল না। লজ্জার এক শেষ। বক্তৃতা দিতে গিয়ে মাঠে একটা লোক নেই! আর নাকের ডগায় হুমান মার্কাদের কি ভিড়, ঘনঘন জয়ধ্বনি, এত অপমান আর আমার জীবনে হয়নি।

কেষ্ট কথা চাপা দেয়, আমি অসুস্থ হয়ে পড়েছিলাম, তাই বা গোল-মাল। সামনের মিটিং-এ নিশ্চয় এর শোধ তুলব। পরন্তু তেকোণ-পার্ক আমাদের মিটিং-এ দেখবেন কি কাণ্ড হয়।

রাঘব বোয়ালকে আশ্বস্ত করে কেষ্ট তার দলবল নিয়ে বসল পরামর্শ করতে। পুলিন বললে, কেষ্টদা, বলে তো এলে পরন্তু দিন তেকোণ-পার্ক মিটিং করবে, কিন্তু সেদিন হুমান মার্কাদেরও যে ঐখানে মিটিং আছে।

—জানি, ওরা সময় দিয়েছে পাঁচটা, আমরা চারটে থেকে মাঠের অন্ত দিকটা দখল করে বসব। যত লোক আসবে, দেখবি সূড়-সূড় করে আমাদের দিকে চলে আসবে। ওদের মিটিং কিছুতেই জমবে না।

যে কথা সেই কাজ। রাতারাতি কেষ্টর দল তেকোণ-পার্ক রাঘব বোয়ালের পোস্টারে ছেয়ে দিল। ছপুর থেকে মাইকে সিনেমার গান বাজতে লাগল, দেখতে দেখতে ছোটখাট ভিড় জমে ওঠে।

কেষ্ট বলে, দেখতে হবে না, মাঠ ভরে যাবে। বেকার, ভ্যাগাবণ্ড আর স্কুল-কলেজ-পালান ছাত্রের সংখ্যা কি কম নাকি? এমন তেকোণ-পার্ক তিনখানা ভরে যাবে।

পুলিন বলে, কিন্তু সাবধান, ওদের দলও ছেড়ে কথা কইবে না, শেষ পর্যন্ত মারামারি হতে পারে।

—আমি তো তাই চাই, আমরা তৈরি হয়ে এসেছি। ওরা তো আঁটঘাট বেঁধে আসবে না, খুব একচোট হয়ে যাবে।

রাঘব বোয়াল বক্তৃতা দিতে এসে অবাক হয়ে গেলেন। এত লোকের সামনে তিনি আগে কখনও বলেন নি। কেঁপের দলের লোক মাইকে তাঁর পরিচয় করিয়ে দিল, সঙ্গে সঙ্গে ঘন ঘন করতালি, শাঁখ, কঁাসর-ঘণ্টা বেজে ওঠে। রাঘব বোয়াল জ্বালাময়ী ভাষায় বক্তৃতা শুরু করলেন। চললও কিছুক্ষণ, কিন্তু বেশিক্ষণ নয়। হুম্মান মার্কাদের অনেকে এসে পড়ে চিংকার টেঁচামেচি করে বক্তৃতা থামিয়ে দিতে চায়। কেঁপের দলও ভৎপর হয়ে ওঠে। বচসা শুরু হয়ে গেল, দাঙ্গা হবার উপক্রম, কয়েক মিনিটের মধ্যে জনতা ছত্রভঙ্গ হয়ে যায়। কেঁপের দল সোডার বোতল ছুঁড়তে থাকে, বেশ কয়েকজন জখম হল। রাঘব বোয়াল এক সুযোগে বক্তৃতা থামিয়ে গাড়ী চড়ে পালিয়ে গেলেন। দাঙ্গার জের চলল অনেকক্ষণ। হুম্মান মার্কাদের দল প্রথমটায় মার খেয়ে পালিয়ে গিয়েছিল বটে, কিন্তু আরও লোকজন নিয়ে ফিরে এসেছিল। ঠিক সময় পুলিশ এসে না পড়লে রক্তারক্তি কম হত না। হাতের কাছে যাদের পেল, পুলিশ গ্রেপ্তার করে নিয়ে গেল। মাত্র দু'জন ছাড়া কেঁপের দলের সকলেই পুলিশ আসার আগেই পালিয়েছিল।

কেঁপেরা ফিরলে উৎকণ্ঠিত রাঘব বোয়াল জিজ্ঞেস করলেন, কি হল আমি তো কিছুই বুঝতে পারলাম না। মারামারি কেন?

কেঁপ জবাব দিলে, হিংসে, হিংসে, তা ছাড়া আর কি! ওদের মিটিং-এ লোক হয় নি, তাই ইচ্ছে করে গোলমাল বাধাল।

—সোডার বোতল ছুঁড়ছিল কারা?

—ওরাই তৈরি হয়ে এসেছিল, তাগিয়াস আমাদের বিশেষ কিছু লাগেনি। নিরীহ জনতার উপর অত্যাচার।

রাঘব বোয়াল বলেন, যাই বল, এত ভিড় হবে আমি আশা করি নি।
—বলেছি তো নিশ্চিত হয়ে থাকুন, আপনার জন্ম অনিবার্য।

ক’দিনই শ্রামল এসে ফিরে গেছে, কেউ’র সঙ্গে দেখা হয় নি। অবশু আজকাল অনন্ত-কেবিনে একলা বসে থাকতে তার খারাপ লাগে না। আশুদা, প্রভাত, পুলিন অনেকের সঙ্গেই আলাপ হয়ে গেছে। আশুদা বলেন, অত ‘কেউদা’ ‘কেউদা’ করে ছটফট কর কেন? বসে চা খাও না। একবার যে এখানে চা খেয়েছে, সে ঘুরে ফিরে ঠিক এখানে আসবেই।

প্রভাত খেই ধরে, তা আর বলতে, আশুদা’র চা না খেলে আমি তো লেখার ইন্সপিরেশনই পাই না।

শ্রামল জিজ্ঞেস করে, এখানে এত গোলমালের মধ্যে কি করে লেখেন?

প্রভাত হাসে, আমার এখানে-সেখানের বাছ-বিচার নেই, যেখানে বসিয়ে দেবে, লিখে যাব। এই দেখ না, একটা উপন্যাস লিখছি। মাত্র তিন দিনে এতখানি লেখা হয়ে গেছে, আর খুব হলে সাত দিন, তিনশ’ পাতার মোটা বই।

—বই এর কি নাম?

—মধুবালা।

—সিনেমার মধুবালা?

প্রভাত হাসে, বিজ্ঞের হাসি, তার সঙ্গে কোন সম্বন্ধ নেই, শুধু ঐ নামটা দিয়েছি। এখন থেকে বই-এর অর্ডার আসছে।

একটু চুপ করে থেকে শ্রামল জিজ্ঞেস করে, আপনি ডিটেক্টিভ বই লেখেন নি?

—অনেক, তবে নিজের নামে নয়। নাম খারাপ হয়ে যান কিনা, তাই ‘দেবদূত’ ছদ্মনামে লিখি।

শ্রামল বিন্মিত হয়, আপনিই দেবদূত ?

প্রভাতের উত্তর দেবার আগেই কেষ্ট এসে পড়ে, এই যে শ্রামল,
ক'দিনই তোর সঙ্গে দেখা হচ্ছে না, কি খবর ?

প্রভাত বলে, তোরা গিয়ে ওদিকটায় বোস কেষ্ট, আমি ততক্ষণ
আরও ছ'চ্যাপ্টার লিখে নিই ।

শ্রামল উঠে এসে কেষ্টর পাশে বসে পড়ে, কেষ্ট জিজ্ঞেস করে,
চেহারায় বেশ চটক এসেছে দেখছি, ভালো মাহুষ ভাবটা কেটে গেছে,
ভাল ।

শ্রামল আগের মত লজ্জা না পেয়ে বলে, আজ আমি আপনাকে
খাওয়াব কেষ্টদা ।

—খুব বড়লোক হয়েছিস বুঝি ?

—এই ক'দিনে প্রায় দশ টাকা পেয়েছি ।

—বাঃ বাঃ, বাহাদুর তো !

শ্রামল উৎসাহিত হয়, প্রথম দিন যে লাল বাড়িতে গিয়াছিলাম,
সেখান থেকে পুরোন বই নিয়ে এসেছি । বিক্রি করে চার কি সাড়ে
চার টাকা পাব ।

—বাড়িতে কেউ কিছু জানতে পেরেছে ?

—না ।

কেষ্ট ব্যাগ থেকে একটা চাঁদার খাতা বার করে শ্রামলের দিকে
এগিয়ে দেয় ।

—সরস্বতী পূজা আসছে, খাতা নিয়ে চাঁদা তুলে বেড়াবার চেষ্টা
করলে দিনে চার পাঁচ টাকা ঠিক উঠবে । ছপুরের দিকে যাবি, যে
সময় মেয়েরা থাকে ।

শ্রামল ঘাড় নেড়ে কেষ্টর হাত থেকে খাতা নেয়, এ যে অনাথবান্ধব
সমিতির চাঁদার খাতা ।

—তাই তো দিলাম, এদের পূজা খুব নামকরা। চাঁদা চাইবার
অসুবিধে হবে না। কিন্তু সাবধান! ওদেরই দলের কারো কাছে গিয়ে
হাজির হোস না।

শ্রামল হেসে উত্তর দেয়, সে আমি ম্যানেজ করে নেব।

আজ কেষ্ঠের খুম ভেঙে যায় অল্প দিনের চাইতে অনেক আগে।

রাস্তায় ধরানো উন্ননের ধোঁয়ায় ঘর ভরে গেছে। বিরক্ত হয়ে কেষ্ঠ
নীচে নেমে এসে কলতলায় মুখ ধুয়ে নেয়, ডাকে, শ্রামা চা দিয়ে যা।
কেষ্ঠকে এত আগে উঠতে দেখে বিস্মিতা শ্রামা জিজ্ঞেস করে, এত
সকালে উঠে পড়েছ, কোথাও যাবে বুঝি?

কেষ্ঠ তাকে ভেঙিয়ে বলে, কোথাও যাবে বুঝি? ঘরময় যে ধোঁয়া,
সকাল বেলা জানলীগুলো বন্ধ করে দেওয়ারও সময় হয় না?

—ও মা, তাইতো! আমি একেবারে ভুলে গেছি কাকু, ছি ছি!

কেষ্ঠ থামিয়ে দিয়ে বলে, যা, চট করে এক কাপ চা নিয়ে আয়,
আমায় বেরুতে হবে।

কেষ্ঠ ওপরে উঠে গিয়ে জামা-কাপড় পরে। জুতো-জোড়া বড়
ময়লা হয়েছিল, বসে পালিশ করে নেয়। একটু পরে শ্রামা চা নিয়ে
আসে, সঙ্গে গরম তেলেভাজা। কেষ্ঠ খেতে খেতে বলে, বাঃ, বেশ গরম
তো, নে দুটো খেয়ে দাখ।

কথামত শ্রামা একটা বেগুনি নিয়ে মুখে দেয়, উঃ, ভীষণ গরম!

শ্রামা মুখ থেকে বার করে, উঃ-আঃ করতে থাকে। কেষ্ঠ হেসে ফেলে।

হঠাৎ শ্রামা জিজ্ঞেস করে, কাকু, তুমি বিয়ে করবে না?

কেষ্ঠ বিস্মিত হয়, এ ধরনের প্রশ্ন সে আগে শ্রামার কাছে শোনেনি,
জিজ্ঞেস করে, বিয়ে কেন?

—বাঃ, সবাই তো বিয়ে করে।

কেষ্ট হানে, এ নিয়ে কথা হচ্ছিল বুঝি ?

—হ্যাঁ, কালকে ।

—কে বলছিল ?

—বিভূতিবাবুরা এসেছিলেন যে—

—কোন বিভূতিবাবু, ঐ হলদে বাড়ির ভাড়াটেরা ?

—হ্যাঁ, শীলাদি'র সঙ্গে তোমার বিয়ের জন্তে ।

—কি কথা হ'ল ?

—বাবা বললেন তোমার সঙ্গে কথা বলতে ।

কেষ্ট সিগারেট ধরায়, যাক, তোর বাবার তাহলে এতদিনে বুদ্ধি হয়েছে ।

ব্যাগ হাতে নিয়ে কেষ্ট সিঁড়ি দিয়ে নেমে যায়, শ্যামা টেঁচিয়ে জিন্সেস করে, কাকু, তোমার একটা চিঠি এসেছিল, পেয়েছ ?

—কই না ।

—আমি যে তোমার কোটের পকেটে রেখেছিলাম ।

—দিয়ে যা ।

শ্যামা ছুটে গিয়ে কেষ্টের হাতে চিঠি দিয়ে আসে । চিঠিটা খুলতে খুলতে কেষ্ট রাস্তায় বেরয়, গোরীর চিঠি ।

“শ্রীচরণেয়ু,

আপনি সেদিন আমার অনেক উপকার করিয়াছেন । আমার ভাই একটু ভাল আছে । আরও পাঁচ টাকার ওষুধ কিনিতে হইবে, আপনি যদি দয়া করিয়া ঐ কয়টি টাকা দেন তো বড় উপকার হয় । আমি সকাল নয়টা হইতে প্রায় দু'তিন ঘণ্টা ধর্মতলার মোড়ে থাকি । দয়া করিয়া একবার আসিবেন । ভগবান আপনার মঙ্গল করুন । ইতি

প্রণতা গোরী ।”

চিঠি পড়ে কেষ্ট পকেট থেকে টাকা বার করে দেখে কত আছে ।

কেষ্ট যখন এসপ্লানেডে এসে জীপ থামালো তখন প্রায় এগারোটা বাজে। অফিস যাবার ভিড় চলে গেছে তবু গাড়ী চলার বিরাম নেই। কেষ্ট গাড়ী পার্ক করে চারদিকে তাকায়, কিন্তু গৌরীকে দেখতে পায় না। অন্তমনস্ক হয়ে দেখছিল বইএর স্টলে কত লোকের ভিড় হয়েছে, রিফিউজিদের দোকানে জিনিস বিক্রি হচ্ছে। কতক্ষণ কেটে গেছে খেয়াল ছিল না। গৌরীর ডাকে চমক ভাঙ্গে।

—আপনি অনেকক্ষণ এসেছেন?

—না, বেশিক্ষণ না। তাই কেমন আছে?

—আগের চেয়ে একটু ভাল, ওষুধে কাজ দিয়েছে, কিন্তু রোগীর পথ্য দিতে পারছি কই!

—ডাক্তার কি খেতে বলেছে?

—সব দামী দামী খাবার, ফল, দুধ, ছানা।

কেষ্ট কি বলবে ভেবে পায় না।

—এখুনি আসছি, বলে গৌরী হঠাৎ এগিয়ে যায় রাস্তার মধ্যে। কেষ্ট দেখে পুলিশের হাত দেখানোর জন্তে অনেকগুলো গাড়ী এসে দাঁড়িয়েছে। গৌরী সেখানে গিয়ে ভিল্কে চায়। কেষ্ট সেই দিকেই তাকিয়ে থাকে। ময়লা গাড়ী, তেলের অভাবে চুলে জট পড়েছে, কি বলছে শোনা যায় না, চোখে করুণ প্রার্থনা। ব্যগ্র হাতে গাড়ীর দরজা আঁকড়ে ধরছে, ড্রাইভারের ধমকে আবার হাতটা সরিয়ে নেয়। হয়ত কোন গাড়ীর কাছে কিছু পাবার আশায় আগ্রহ তরে ছুটে যায়, পয়সা পেলে দাতার উদ্দেশে শুভ কামনা জানায়, না পেলে নিরাশ হয়।

পুলিসের বাঁশিতে গাড়ীগুলো আবার চলতে আরম্ভ করে, গৌরী কেষ্টর কাছে ফিরে আসে।

এক মুঠো—৩

—কত পেলে ?

গৌরী ক্লান্ত স্বরে বলে, ছ' আনা । একটু থেমে বলে, একটা টাকাও
পুরো হল না । কেউ যে শুনতে চায় না ।

কেষ্ট মান হাসে, শুনলেও এরা দেয় না ।

—সব কথা শুনলে দেয় । কেন আগনি তো দিচ্ছেন ।

কেষ্ট সে-কথার উত্তর না দিয়ে পকেট থেকে একটা পাঁচ টাকার নোট
ঝর করে এগিয়ে দেয়,—এই নাও, তোমার ভাইকে ভাল পথি দিও ।

টাকা নিতে গিয়ে গৌরীর চোখে জল আসে, বলে, আপনি দেবতা ।

কেষ্ট শব্দ করে হেসে ওঠে, দেবতাই বটে, ওই যে আবার গাড়ী
থেমেছে, দেখ যদি আর কোন দেবতা পাও ।

গৌরীর উত্তরের অপেক্ষা না করেই কেষ্ট গাড়ী ঘুরিয়ে নিয়ে চলে যায় ।

কেষ্ট বরাবরই গাড়ী জোরে চালায়, আজও ভিড়ের মধ্যে দিয়ে হর্ন
বাজিয়ে বেশ জোরেই গাড়ী চালাচ্ছিল কিন্তু মন তার গাড়ীর দিকে ছিল
না । ভাবছিল গৌরীর কথা । কতখানি সরল, মানুষের ওপর কি গভীর
বিশ্বাস, আর ভুলতে পারছিল না একটা কথা, ‘আপনি দেবতা’ ।

এক জায়গায় ভিড় দেখে গাড়ী থামাতে বাধ্য হল । সকলে ধর ধর
করে চেষ্টাচ্ছে । কেষ্টর আসার মিনিটখানেক আগে কোন ফোর্ড গাড়ী
পাড়ার একটি দশ বার বছরের ছেলেকে চাপা দিয়ে চলে গেছে । কেষ্টকে
তারা অহরোধ করে, আপনার গাড়ী করে ছেলেটাকে হাসপাতালে
নিয়ে যেতে দিন ।

কেষ্ট বলে, ওকে বরং ট্যাক্সি করে নিয়ে যান, আমি ততক্ষণ ফোর্ড
গাড়ীটা ধরতে পারি কি না দেখি ।

কেষ্ট জোরে গাড়ী চালিয়ে দেয়, শুনতে পায় পিছু থেকে বলছে
সবাই, নীল রং, বড় ফোর্ড, মেয়ে চালাচ্ছে ।

রাস্তা বেশ চওড়া, জোরে চালাবার অসুবিধে হয় না। কিছুক্ষণের মধ্যেই দূরে ফোর্ড গাড়ীটা দেখা যায়। কেঁট অ্যাক্সিলেটরে আরও চাপ দেয়। ফোর্ড গাড়ীটাও বেশ জোরে চলেছে। অনেক বঁকে চুরে, প্রায় বালীগঞ্জের কাছে এসে গাড়ীটা বড় দোতলা বাড়ির মধ্যে ঢুকে যায়। কেঁট তার পেছনে গাড়ী থামিয়ে লাফিয়ে নেমে পড়ে। গাড়ীর সামনের সিটে চালকের পাশে একটি মেয়ে বসেছিল, ভয়ে তার মুখ সাদা হয়ে গেছে। পিছনে দু'তিনটি ছোট ছেলে-মেয়ে আর এক প্রৌঢ় ভদ্রলোক। কেঁট কাছে এসে ককশ গলায় জিজ্ঞেস করে, আপনারা কি মানুষ, একটা ছেলেকে চাপা দিয়ে পালিয়ে এলেন ?

প্রৌঢ় ভদ্রলোকটি গাড়ী থেকে নেমে ভয়ে ভয়ে উত্তর দেন, ঠিক পালিয়ে আসিনি।

—নয়ত কি, শরীরে এতটুকু দয়ামায়া নেই ?

ভদ্রলোক আমতা-আমতা করেন, নতুন ড্রাইভার, বুঝলেন কি না—
কেঁট রেগে বলে, ড্রাইভার তো গাড়ী চালাচ্ছিল না, ওর ওপর দোষ দিচ্ছেন কেন ? গাড়ী তো উনি চালাচ্ছিলেন।

কেঁট ইঙ্গিতে মেয়েটিকে দেখিয়ে দেয়।

মেয়েটি এবার কথা বলে, যে ছেলেটি চাপা পড়েছে সে কে ?

—আমার শালা।

—খুব বেশি লেগেছে ?

—মরল কি বাঁচল, তা দেখবার আপনাদের সময় কোথায় ?

—মিথ্যে এ কথা বলছেন, আমরা তো দাঁড়াতে চেয়েছিলাম, সবাই ক্ষেপে মারতে এল দেখেই তো—

—ক্ষেপবে না, বিধবার সবে ধন নীলমণি ছেলে। যাক্ গে, হাস-পাতালে নিয়ে গেছে, এখন দেখা যাক্।

প্রৌঢ় ভদ্রলোক তাকে থামিয়ে কথা বলেন, ছেলেটির চিকিৎসার

জন্মে যত টাকা লাগে, আমরা দেবো। এ নিয়ে আর থানা-পুলিস
করবেন না। এত বড় বাড়ির বৌ, বুঝলেন কি না—

কেষ্ট শাস্ত গলায় বলে, সে তো বুঝতেই পারছি। দেখি, আমার
শান্তডীকে যদি রাজী করাতে পারি। এখন আমার টাকা-পঞ্চাশ দিন,
আবার হাসপাতালেই যাই, কখন কি লাগে বলা তো যায় না।

—নিশ্চয়, নিশ্চয়। মেয়েটির কাছ থেকে টাকা নিয়ে তদ্রলোক
কেষ্টর হাতে গুঁজে দেন। বুঝতেই পারছি আপনার মনের অবস্থা, কিন্তু
বিশ্বাস করুন, ছেলেটি অমন করে ছুটে এসে না পড়লে গাড়ীতে ধাক্কা
লাগতো না।

কেষ্ট টাকাটা পকেটে রাখতে রাখতে বলে, যদি বেঁচে যায় আপনার
চিকিৎসার টাকাটা দিলেই হবে, কিন্তু মরে গেলে জানি না আমার
শান্তডী আপনাদের ছেড়ে দেবেন কি না।

আর কোন কথা না বলে কেষ্ট গাড়ী নিয়ে বেরিয়ে আসে। চিন্তিত
মুখে তদ্রলোক সবাইকে নিয়ে বাড়ির ভেতরে ঢুকে যান। ফটকে
দারোয়ান বসেছিল, তার সামনে গাড়ী থামিয়ে কেষ্ট এক টাকা বখশিস
দেয়, দারোয়ান সেলাম করে।

—ঐ বুড়ো বাবু কে?

—বাড়ির মালিক।

—ঐ মেয়েটি?

—মাইজী।

—অত ছোট?

—নয়। মাইজী।

—ও, দ্বিতীয় পক্ষ? কেষ্ট বাকী হাসে।

ফেরবার পথে কেষ্ট আবার ঘটনাস্থলে আসে। খবর নিয়ে জানতে
পারে, ঐ ছেলেটি মোড়ের মিষ্টিওয়ালার দোকানে কাজ করে।

—ধরতে পারলেন নাকি ?

কেষ্ট দীর্ঘশ্বাস ফেলে, কই, পেছু পেছু কত দূর দৌড়লাম, কোথায় যে বেঁকে গেল !

‘পাড়ার ছেলেরা উত্তেজিত হয়ে বলে, ধরতে পারলে গাড়ীর দকা রকা করতাম ।

কেষ্ট সায় দেয়, আমিও কি ছাড়তাম নাকি ? পরে মিষ্টিওয়ালাকে বলে, আমি এসে খবর নিয়ে যাব, ছেলেটি কেমন থাকে ।

নতুন বাংলা মাস পড়ে গেছে, এরই মধ্যে পত্রিকা বার হয়ে যাওয়া উচিত ছিল, কিন্তু প্রেসের গোলমালে হয়ে ওঠেনি । তাই সকাল থেকেই প্রভাত সম্পাদকের সঙ্গে উঠে-পড়ে লেগেছে, পত্রিকা কাগজে মুড়ে তার ওপর নাম-ঠিকানা লিখছে । গ্রাহকদের সংখ্যা বেশি না হলেও, সময় মত বই না পেলে চাঁদা দেওয়া বন্ধ করে । সম্পাদক বলে, গ্রাহক তো সব, খাদক । পত্রিকার দেরি হলেই শালাদের মেজাজ গরম । কড়া কড়া চিঠি পাঠাবে ।

প্রভাত কাজ করতে করতে উত্তর দেয়, পয়সা দিয়েছে, করবে না ? আমরা যখন টাকা দিয়ে লেখা নিই, তখন কি আর ছেড়ে কথা কই ? লেখককে বেঁধে ফেলে গল্প লেখাই না ?

—এবারের গেট আপ কেমন লাগছে ?

—ওপরের ছবিটা তেমন জোর হয়নি ।

সম্পাদক মুখ বাঁকায়, হতভাগা জীবনটার জন্তে । কেউ তার ছবি ছাপিয়েছে কখনও ? আমি তার নাম করিয়ে দিলাম আর শালা এখন আমার কাছেই টাকা চায় ।

প্রভাত বিস্মিত হয়, বল কি, জীবনও টাকা চায় ?

—নয় তো আমি কুমারেশের ছবি নিই ! ও ত বন্ধ ক্যামেরায় ছবি তোলে ।

—যাকগে, পত্রিকার মুখ এঁটে দেওয়া হয়েছে, স্টলে দাঁড়িয়ে বাবুদের আর পাতা ওলটাবার উপায় নেই। ও ঠিক কেটে যাবে।

এ-হেন নামকরা পত্রিকার আফিস। উত্তর কলকাতার অনেক গলি ঘুঁজির মধ্যে একটি ছোট কামরায়, বার সন্ধান শুধু ডাকযোগেই পাওয়া সম্ভব। ঘবে আসবাবের মধ্যে একটা কালিপড়া কাঠের টেবিল, আর ছ'খানা নডবডে চেয়ার। তাই সম্পাদক আর সহ-সম্পাদক মাটিতে মাতুর বিছিয়ে কাজে ব্যস্ত।

প্রভাত আডমোডা ভেঙ্গে বলে, এবারের গল্পটা তেমন সুবিধের হয় নি।

—শুকটা ভালই ছিল, শেষের দিকটা ঘুলিয়ে গেছে।

—কি কবব, একেবারে সময় পাই না। চিঠি পত্তবেব জবাব দেব, প্রবন্ধ লিখব, তারপব অনুবাদ করব। এদিকে গল্প উপন্যাস সব খিচুড়ী পাকিয়ে যায়।

সম্পাদক উৎসাহ দেয়, তুমি তো সব্যসাচী হে, তুমি ছাড়া কি এ কাগজ চলতো ?

কাজ শেষ হতে প্রায় বারোটা বেজে গেল, প্রভাত কাগজপত্র গুছিয়ে নিয়ে বেরিয়ে আসছিল, সম্পাদক বলে, বেলারাগীর সঙ্গে ইন্টার-ভিউটা ভুলে যেও না।

—সে তো সোমবার দিন।

—একটা ভাল ছবি ঠুকে দিয়ে সই করিয়ে নিও, আমাদের জন্তে বিশেষ ভাবে তোলা লিখে দিতে হবে।

প্রভাত সায় দিবে বলে, সে সব আমি ঠিক করে নেব। প্রথম উত্তরও আমার সব লেখা হয়ে গেছে, ঠুকে একবার শোনাতে হবে। একটু থোমে বলে, বালীগঞ্জে বাড়ি, ট্যাক্সি করে যাব, ভাড়াটা দিয়ে দিও।

—বাড়ির কাছাকাছি গিয়ে ট্যাক্সি চেপো, এখান থেকে নয়।

—সে আর বলে দিতে হবে না ।

হাসতে হাসতে প্রভাত বেরিয়ে আসে ।

রাঘব বোয়ালের বড় গাড়ী এসে দাঁড়াল অনন্ত-কেবিনের দরজায় । আশু বাবু হস্তদস্ত হয়ে নেমে এলেন, কাউকে খুঁজছেন স্তার ?

রাঘব বোয়ালের ছেলে পিছনের সিট থেকে মুখ বাড়িয়ে জিজ্ঞেস করে, কেউবাবু কোথায় জানেন ?

—দিন-দুই এ-দিকে আসেনি ।

—তাকেই যে দরকার—

আশু বাবু টাকে হাত বোলান, এলে বরং পাঠিয়ে দেবো ।

—আপনাকে বলে যাচ্ছি, ছেলেরা যারা আসবে সব আমাদের বাড়িতে পাঠিয়ে দেবেন, বাবা সকলের সঙ্গে কথা বলতে চান ।

—নিশ্চয়, এখনি পাঠিয়ে দিচ্ছি । আশুবাবু মুখ বাড়িয়ে হাঁক দেন, ভৌঁদা, নরেশ, যা শীগগিরি যা, বাঁড়ুজ্জ মশাই ডেকে পাঠিয়েছেন ।

রাঘব বোয়ালের ছেলে চলে যায় । আশুবাবু দোকানে উঠে এসে বিড়-বিড় করেন, কেউকে নিয়ে এই জ্বালা, মাথার যদি এতটুকু ঠিক থাকে ।

ভৌঁদা বলে, এ আর নতুন কি, তবু তো কেউদা এবার একটু বেশি মন দিয়েছে ।

—তোমরা আর দেরি করো না বাপু, যাও ।

—আর তো সাত দিন, রাঘব বোয়ালের পরসায় ক'দিন নবাবী করে নিই । তার পর আর কে পুঁছেছে, আপনিই কি আর দোকানে চুকতে দেবেন ?

আশুদা সে-কথায় কান দেন না । কোণের টেবিলে শ্রামল বসে ছিল, সে দিকে এগিয়ে যান । তোমার কেউদা'র কোন খবর জান নাকি, শ্রামল ?

—না ক’দিনই ধরতে পারছি না, তাই তো এখানে বসে আছি।

—কিছু খাবে নাকি ?

—খেয়েছি। একটু থেমে বলে, আশুদা, আপনাকে কিন্তু চাঁদা দিতে হবে।

—কিসের চাঁদা ?

—সরস্বতী পূজোর।

—ওরে বাবা ! তোমাকে নিয়ে এ পর্যন্ত কুড়ি জন হ’ল। মা সরস্বতী আমায় ইস্কুল থেকে ঝাঁটা মেরে তাড়িয়েছিলেন, তবু তাঁর পূজোর সময় চাঁদা দিতে হবে, কি আকার দেখ !

—সে আমি শুনব না আশুদা, আপনার নামে এক টাকার রসিদ কেটে রেখেছি, এই দেখুন—বলে সত্যিই রসিদ বার করে আশুদা’র হাতে দেয়।

—তবে আর চাইছ কেন ? এক টাকার খেয়ে দাম দিও না। তাহলেই আমার চাঁদা দেওয়া হয়ে যাবে, কি বল ?

—তাতে আমি রাজী আছি। নিতাই, পাঁউরুটি আর ডিম দিয়ে যা।

ঘর প্রায় ফাঁকা ছিল, তাই আশুদা বসে বসে শ্রামলের সঙ্গে গল্প করেন। বিশেষ করে নিজের জীবনের কথা, কত কষ্ট করে দোকান করেছেন, কত রকমের কাজ করেছেন, তারই বিবরণ। কথা হয়তো অনেকক্ষণ চলতো, যদি না কেউ এসে পড়ে হাঁক দিত।

—কি খবর আশুদা, দু’দিন আপনার পাত্তা পাই নি যে ?

—তাই বটে, চোর এসে বুড়ীকে বলছে, তুমি তো আমায় ছুঁতে পারলে না !

—কেন, কি হল ?

—কি আবার হোল, রাঘব বোয়াল যে লোক পাঠিয়ে পাগল করে মারছে।

কেষ্ট বিরক্ত হয়, ওঃ জ্বালাতন করে মারলে, রাঘব বোয়াল আর রাঘব বোয়াল। আমায় যেন মাইনে দিয়ে চাকর রেখেছে। সব সময় হাজিরা দিতে হবে, যত সব—

—আহা, মাথা গরম করছ কেন ?

শ্রামল এতক্ষণে কথা বলে, কেষ্টদা, আপনার সঙ্গে যে দেখাই হচ্ছে না !

—কি করবো বল, কত দিক সামলাবো ?

—আমায় চাঁদা দিতে হবে কেষ্টদা—

—চাঁদা, কিসের ?

আশুদা টিপ্পুনী কাটেন, সরস্বতী-পূজোর, বিড়ের দৌড় তো তোমার আমারই মত, কিন্তু চাঁদা দিতে হবে।

শ্রামল আবদারের সুরে বলে, বাঃ সবাই চাঁদা না দিলে ভাল করে পূজো হবে কি করে ?

কেষ্টর বেশ মজা লাগে, জিজ্ঞেস করে, কাদের পূজো ?

—অনাথ-বান্ধব সমিতির। এই দেখুন আশুদা, প্রভাতদা, সবাই-এর কাছে চাঁদা নিয়েছি, আপনাকে এক টাকা দিতেই হবে।

কেষ্ট পকেট থেকে এক টাকা বার করে ওর হাতে দেয়, ঐ নে, থাক থাক, রসিদ পরে দিয়ে দিস আমি চলি—

শ্রামল বাধা দেয়, না কেষ্টদা, আমাদের সমিতিতে সে হবার জো নেই। টাকা নিলেই রসিদ দিতে হয়।

—তবে দাও।

শ্রামল খস-খস করে রসিদ লিখে দেয়। কেষ্ট একদৃষ্টে সেই দিকে তাকিয়ে থাকে, চোখ দুটো জ্বল-জ্বল করে ওঠে।

কেষ্ট চলে যাবার পর শ্রামল অনন্ত-কেবিন থেকে বেরিয়ে সোজা

পার্ক এসে হাজির হল। ওদের বিজ্ঞানবনের কাছেই এই পার্ক, দু'মিনিটের রাস্তা। স্কুলপালানো হেলেদের ছোটখাট আড্ডা এখানে রোজই বসে। আজ অবশ্য এখনও কেউ আসেনি। বারটা বেজে গেছে, বাঁ-বাঁ করছে রোদ। পার্কের এক কোণে ঘরের বাইরে গাছ-তলায় খাটিয়া পেতে মালী শুয়ে আছে। অত দিকে সাধারণের বিশ্রামের জন্য যে শানবাঁধানো, মাথা ঢাকা, ছোট ঘরটি রয়েছে, সেখানে দু'জন ফিরিওয়াল পাশে মাল রেখে ঝিমুচ্ছে। শামল রোজকার মত পূর্বদিকের পেয়ারা গাছটার তলায় গিয়ে বসে। খুব আস্তে হাওয়া বইছে, ছায়ায় বসলে বেশ আরাম লাগে। শামল চিং হয়ে শুয়ে দেখছিল গাছের উঁচু ডালে ছোট ছোট পেয়ারা হয়েছে, দু-তিনটে পাখী কিচমিচ করে ঝগড়া লাগিয়েছে।

—এই বাঁদর, ঘুমুচ্ছিস? রেলিং টপকে মদন পার্কের ভেতর এসে শামলকে ঠেলা দেয়।

শামল ঠিক ঘুময়নি, তন্দ্রার ভাব এসেছিল, উঠে বসে বলে, দূর গাধা বেশ আরাম লাগছিল, তুই নষ্ট করে দিলি।

—দিব্যি মৌজ করে শুয়ে আছিস, তোর আর কি? আমাদের শালা এক মিনিটের ফাঁক নেই। একবার বাইরে যেতে চাইলে মাষ্টাররা কটমট করে তাকায়। তেমনি সব ভালো মানুষ ছেলে জুটেছে, বলে কি রে সিগারেট খেতে যাবি?

শামল হাসে, বেশ হয়েছে, তুই তো আর ক্লাস রোজ ফাঁকি দিতে পারবি না, যা রাগী দাদা, বেত মারবে।

মদন মুখটা গম্ভীর করে বলে, সেই তো জ্বালা। একটা সিগারেট দে, এখুনি ক্লাসে ফিরতে হবে।

শামল সিগারেট বার করে মদনের হাতে দেয়, নিজেও ধরায়।

—এ সময় এলি যে, টিফিনের তো দেরি আছে।

—এক পিরিয়াড আগেই ছেলেদের উঠানে জড় করেছে, হেড মাষ্টার কি বক্তৃতা দেবে। আমি সেই সুযোগে এই ছোটো নিম্নে পালিয়ে এলাম।

মদন পকেট থেকে ছোটো ‘ইন্সট্রুমেন্ট বক্স’ বার ক’রে শ্রামলের সামনে রাখে।

—একেবারে নতুন যে—

—নিলে কেউ পুরোন নেয় ?

—কার ?

—কে জানে, আমাদেরই ক্লাসের।

শ্রামল বাক্স ছোটো নেড়ে-চেড়ে বলে, আজই ঝেড়ে দেবো।

—হু’-একটা দোকানে যাচিয়ে নিস্—।

—তুই আর আমায় শেখাস না।

মদন একমুখ ধোঁয়া ছেড়ে বলে, তোর কেঁষ্টদার সঙ্গে আমার আলাপ করিয়ে দিবি না ?

—দেবো তো বলেছি। কেঁষ্টদা এখন খুব ব্যস্ত, রোববার ভোট হবে যাক, তার পর একদিন—

সিগারেট শেষ হয়ে আসে, মদন জোর টান দেয়, পালাই, দেরি হলে ধরা পড়ে যাব।

—তাহলে কখন দেখা হবে ?

মদন কি যেন ভেবে নেয়, একটা ছবি দেখবি ?

—কোথায় ?

—বীথিকায়, ‘চিচিং কঁাক’ খুব ভাল হয়েছে।

—আলিবাবার গল্প ?

—না, না, এ শুধু খিস্তি তরা।

—কে আছে ?

—বেলারানী ।

—মাইরী ! আমি তাহলে গেটের কাছে থাকব । ছ'টায় সময় ।

—ঠিক আছে । সম্মতি জানিয়ে মদন আবার রেলিঙ টপকে পার্কের বাইরে চলে যায় ।

এ'কদিন কেষ্ট একেবারেই ফুরসুৎ পায়নি । সামনের রবিবার ভোট দেবার দিন, এরই মধ্যে সব কিছু ব্যবস্থা তাকে করতে হয়েছে । সকাল থেকে রাত পর্যন্ত চতুর্দিকে লোক পাঠিয়েছে, প্রত্যেক সেন্টারের কাছে নিজেদের অফিস খোলার ব্যবস্থা করেছে, রাঘব বোয়ালকে বলে তার বন্ধুদের কাছ থেকে অনেকগুলো গাড়ী আনিয়েছে, প্রয়োজন মত খুঁজে খুঁজে ছেলে যোগাড় করে এনেছে, যারা বিভিন্ন সেন্টারের ভার নিয়ে সেই দিন কাজ চালাতে পারবে । এর মধ্যে কথা কাটাকাটি, ঝগড়া হয়েছে অনেকের সঙ্গে । বিশেষ করে পুলিন, সে তো বলেই গেল, চললাম আমি হুমান মার্কাদের দলে । দেখব কোন শালা রাঘব বোয়ালকে জেতায় ।

কেষ্ট চাঁচিয়ে উত্তর দিয়েছিল, কাজ করবার জন্তে সবাইকে এখানে আনানো হয়েছে । গুলতানী করবার জন্তে নয় ।

পুলিন কেষ্টকে ভয় করে । তাই মুখের ওপর জবাব না দিয়ে বেড়িয়ে এসে অন্তদের কাছে বলেছিল, কেষ্টদার ফুটানী দেখলি ? রাঘব বোয়ালের পরামর্শ লবাবী করছে আর আমরা দুটো পরামর্শ চাইলেই খিঁচিয়ে ওঠে । চেনে না আমায়, পুলিন মণ্ডল যে সে ছোকরা নয়, এর শোধ আমি ঠিক তুলব ।

এ নিয়ে দলের মধ্যে অনেক কথা উঠেছিল । এমন কি, রাঘব বোয়াল বলেছিলেন, কেষ্ট, এ সময় ঝগড়াঝাটি করা ভাল নয়, পুলিনকে ফিরিয়ে আন, নয় ত বল আমি নিজেই ডেকে আনছি ।

কেষ্ট এতে সায় দেয়নি, কোন দরকার নেই ওকে ডাকবার। ও সব ছেলেকে শায়েস্তা করতে আমি জানি।

আজ সেই বহু-আকাঙ্ক্ষিত রবিবার। ভোর থেকে উঠে কেষ্টর দল কাজ শুরু করেছে। আগের দিনের নির্দেশ মত ছেলেরা এক এক সেন্টারে জমা হয়। কেষ্ট জীপে করে ঘুরে বেড়ায়, কাজ ঠিক এগুচ্ছে কি না দেখে।

—তোমাদের এখানে পঁচিশ জন ছেলে এসেছে ?

এদের মোড়ল নিতাই উত্তর দেয়, দু'জন ছাড়া আর সবাই এসেছে। ভোটোর-লিষ্টের 'ইনচার্জ' করেছি অতীনকে, ও দু'জনকে নিয়ে এখানে বসবে।

—ভোটোরদের রিসিভ করবে কারা ?

—সত্যেন আর বিপ্লব, ভোটোর 'স্লিপ' ওরাই হাতে ধরিয়ে দেবে।

—গাড়ী বিশ্বাসী লোকের হাতে দিও, ভোটোর আনতে গিয়ে না লেকে বেড়িয়ে আসে।

দরকারী কথার মধ্যেই সত্যেন এক কোণ থেকে চঁচিয়ে জিজ্ঞেস করে, কেষ্টদা, খাবার আসবে কখন, চা সিগারেটে তো আর পেট ভরবে না ?

—এরই মধ্যে ক্ষিদে পেয়ে গেল ? এখনও তো কোন কাজই করিস্ নি।

—টিফিনের আগেই কিন্তু খাবার আসা চাই, মাংস থাকবে তো ?

—তুই কি বিয়ে বাড়ি পেয়েছিস নাকি ? তবে লুচি আলুর দমের তাল ব্যবস্থাই আছে।

ভোট দেবার জন্তে যারা মুখিয়ে ছিলেন, সেন্টার খুলতে না খুলতে হুড়মুড় করে ভেতরে চলে যান। সে কিন্তু বেশিক্ষণের জন্তে নয়, আন্তে আন্তে ভিড় পাতলা হয়ে আসে।

কেউ বলে—প্রথম চোটে শেখান-পড়ানো লোকেরা চলে গেছে। এখন আর নিজের গরজে কেউ আসবে না, সাধাসাধি করে আনতে হবে।

কেউর কথাই ঠিক। বেলা পড়ার সঙ্গে সঙ্গে ভোটদাতার সংখ্যাও বাড়তে থাকে। সব সেন্টারেই প্রার্থীদের আফিসে ভোটদাতারা জমায়েৎ হয়ে চা, সিগারেট পান করেন। ভলেন্টিয়াররা খাতির করে বলে, মনে রাখবেন স্মার, অমুক মার্ক। বাক্সে—

ভদ্রলোক হেঁ হেঁ করে হাসেন, তা না হলে এই রোদ্দুরে কষ্ট করে আসি? দেখি এক গ্লাস ঠাণ্ডা সরবৎ—

তিনটি গ্লাস এক সঙ্গে এগিয়ে আসে, সঙ্গে সঙ্গে পান, সিগারেট। ভদ্রলোক সব ক’টির সদ্যবহার করে উঠে দাঁড়ান। তাঁকে অহুপ্রাণিত করবার জন্তে ভলেন্টিয়াররা সমবেত কণ্ঠে কানে তাল লাগিয়ে চিৎকার করে, ভোট ফর রথু ব্যানার্জী—

ভদ্রলোক দরজা পর্যন্ত গিয়ে ফিরে আসেন, ডান হাত বাড়িয়ে নির্বিকার কণ্ঠে বলেন, ফেরার ভাড়াটা, দেড় টাকা।

—ভোট দিয়ে আসুন, আমাদের লোক গিয়ে ছেড়ে আসবে।

—ফিরে এলে তখন তো আর চিনতে পারবেন না। ভাড়াটা আগে থেকে নিয়ে নেওয়াই ভাল।

অগত্যা নগদ বিদায় করতে হয়। আরেক খিলি পান মুখে দিয়ে ভদ্রলোক ভোট দেবার জন্তে এগিয়ে যান।

বেশ কয়েকটি সেন্টারে হুম্মান মার্কাদের সঙ্গে ঝগড়া লেগে গেল রাঘব বোয়ালের দলের। জনৈক ভোটদাতা রাঘব বোয়ালের আফিস থেকে চা সিগারেট খেয়ে আবার বুঝি হুম্মান মার্কাদের ক্যাম্পে লুচি সন্দেশ উড়িয়েছে। ব্যস্, আর বায় কোথা, তাকে কেন্দ্র করেই গোলমালের সূত্রপাত। ফলে অনেক নিরীহ ভোটদাতার জামা ছিঁড়ল,

মেয়েদের মধ্যে অনেকে ভোট না দিয়ে বাড়ি চলে গেল, ছুঁদলের অসম্মান জনক চিৎকারে পাড়ার লোক দরজা-জানলা বন্ধ করতে বাধ্য হল।

কেষ্টর হেড আফিসে খবর আসে, ওদের এক সেন্টার থেকে ভোটের লিষ্ট চুরি হয়ে গেছে। সঙ্গে সঙ্গে কেষ্ট সেখানে ছুটে যায়।

—কি করে চুরি হ'ল ?

বিশ্ব বুঝিয়ে বলার চেষ্টা করে, আমরা কি করে জানব কেষ্টদা, খানিক আগে পুলিশ এসেছিল—

কেষ্ট রাগে ফেটে পড়ে, পুলিশ, ড্যাম্ রাস্কল। তাকে কে ঢুকতে দিলে ?

—তার যে এ মতলব, কি করে বুঝব ? এসে বলল বড্ড তেষ্ঠা পেয়েছে, এক গ্লাস জল খাওয়া। জিজ্ঞেস করলাম, কেন, হুমান মার্কারা জল দিচ্ছেন না বুঝি ? জিত কেটে বললে, ছি, ছি, কেষ্টদার সঙ্গে ঝগড়া হয়েছে বলে ঐ হুমানদের দলে যাব ?

—সরালে কি করে ?

—ট্যাক্সি থেকে ক'জন লোক নামলেন, আমি বেরিয়ে নামিয়ে আনতে গেছি, ইতিমধ্যে পুলিশ কখন বোরিয়ে গেল। আমি ফিরে এসে আর ভোটের লিষ্ট খুঁজে পাই না।

কেষ্ট ঠোট কামড়ায়, তোমরা যেমনি গাধা, পুলিশটা তেমনি শয়তান !

সে সেন্টারে রাঘব বোয়ালের দল ভোটের লিষ্টের অভাবে আর বিশেষ কাজ করতে পারে না। রাঘব বোয়াল মনঃক্ষুব্ধ হয়ে বলেন, তখনই বলেছিলাম কেষ্ট, পুলিশের সঙ্গে ঝগড়া করা উচিত হয়নি।

রাঘব বোয়ালের কথা যে কতখানি সত্যি তা আরও বেশি করে প্রমাণ হল এক 'মিল এরিয়ান'। কেষ্ট সেখানে নিশ্চিন্ত হয়েছিল অন্তত শতকরা আশীটা ভোট রাঘব বোয়াল পাবেই। সেই জন্তেই সেদিকে

আজ কেউ বিশেষ নজর দেয়নি। কিন্তু পরিদর্শনে এসে সে অবাক হয়ে গেল।

বিপিন বলল, সর্বনাশ হয়েছে কেউদা।

—কি ব্যাপার?

—এখানে কেউ ভোটই দিতে পারছে না।

—মানে?

—কোথা থেকে একদল লোক এসে দাঁড়িয়ে গেছে! পালোয়ান চেহারা, ভিড় করে আছে। ভোট দিতে যাচ্ছেও না, কাউকে যেতেও দিচ্ছেনা।

—এ আবার কি রসিকতা, পুলিশ কি করছে?

—পুলিস তো রয়েছে, ওরা বলছে, আমরা এদিককার লোক সবাই হুম্মানজীকে ভোট দেবো, নেতার জন্তে অপেক্ষা করছি।

বিরক্ত হয়ে কেউ সেন্টারের দিকে এগিয়ে যায়, কথা মিথ্যে নয়। এক দল লম্বা চওড়া লোক গেটের সামনে ভিড় করে দাঁড়িয়ে আছে, তাদের অশ্লীল মন্তব্যে ও অসভ্য ব্যবহারে কেউ ত্রিসীমানায় যাচ্ছে না।

এক সময় বিপিন চুপি-চুপি বলে, খবর পেলাম কেউদা, এ-ও না কি পুলিশের কাজ।

কেউ চোখ তুলে তাকায়।

—ও জানত এখানে আমরা সব চেয়ে বেশি ভোট পাব। তাই হুম্মান মার্কাদের দলে গিয়ে এই কাণ্ডটা করিয়েছে।

এর পর আর কেউকে দেখা যায় নি। শুধু সেই দিন নয়, তার পরদিনও। এর মধ্যে কত জন অনন্ত-কেবিনে এসে কেউর খোঁজ করেছে, নির্বিকার আশুদা বলেছেন, তার খবর জানি না তাই!

কিন্তু পুলিশের লোক এসে যখন তার সন্ধান করলে, তিনি চোখ বড় বড় করে জিজ্ঞেস করলেন, ব্যাপার কি বলুন তো ?

—গুণ্ডামীর চার্জ ।

—কোথায় ?

—পুলিন মণ্ডল নামে একটি ছেলে থাকে এই পাড়ায়, চেনেন বোধহয় ?

—চিনি বই কি ।

—তাকে ইলেকশানের দিন রাত্রিবেলা কারা রাস্তায় মেরে হাত-পা ভেঙ্গে দিয়েছে ।

—কি সর্বনাশ !

আশুদা যদিও বিষয় প্রকাশ করলেন, কিন্তু তাঁর মুখ দেখেই বোঝা গেল এ খবরটি তাঁর অজানা ছিল না ।

যাঁদের সন্দেহ হয় বলে পুলিনবাবু নাম দিয়েছেন, কেউ দাস তাঁদের মধ্যে এক জন । পুলিশ ইন্সপেক্টর চলে যেতেই আশুবাবু দোকান থেকে বেরিয়ে কেউর বাড়ির দিকে গেলেন ।

যথাসময়ে ট্যাকসী থেকে নেমে প্রভাত দরজার বেল টিপতেই, বেলারাগীর চাকর বেরিয়ে এসে জিজ্ঞেস করে, আপনি কি ছায়ামঞ্চ থেকে আসছেন ?

—হ্যাঁ ।

—ভেতরে আসুন । দরজা বন্ধ করে প্রভাতকে ভেতরের বৈঠকখানায় বসিয়ে দেয় । এ ঘর প্রভাতের অপরিচিত নয়, আগেও বেলারাগীর সঙ্গে এইখানে এসে আলাপ করে গেছে । আসবাবপত্রের বাহুল্য না থাকলেও ঘরটি পরিষ্কার করে সাজান । প্রভাত কাগজপত্র বার করে নেড়েচেড়ে দেখে । জানে, বেলারাগীর নামতে যথারীতি আধঘণ্টা দেরি হবে । ইতিমধ্যে চাকরটি চা দিয়ে গেল ।

এক মুঠো—৪

অতদিনের চেয়ে আজ বেলারাগী একটু আগেই নামে। একমুখ
হেসে হাত তুলে নমস্কার করে বলে, আপনাকে অনেকক্ষণ বসিয়ে
রেখেছি, সেজন্তে মাপ করবেন।

প্রভাত উঠে দাঁড়িয়েছিল, বললে, না না, আজ আপনি মোটেই
বেশি সময় নেন নি। তার ওপর আপনার ভৃত্যটি অতিথি সংসারে
বেশ পটু।

—সে আমার ভাগ্য।

কিছুক্ষণ টুকরো আলোচনার পর প্রভাত আসল কথা পাড়ে,
আপনি আমাদের আগের সংখ্যা দুটো পেয়েছেন নিশ্চয় ?

—হ্যাঁ, পেয়েছি।

—বিশিষ্ট তারকারা প্রশ্নোত্তর দিয়েছেন, দেখেছেন বোধ হয় ?

—বেশ সুন্দর হয়েছে, ওঁরা কি নিজেরাই—

—পাগল হয়েছেন, সব আমার লেখা। এবার আপনার নামে
প্রশ্নোত্তরগুলো যাবে।

—লিখে এনেছেন, দেখি ?

প্রভাত কয়েকটি কাগজ এগিয়ে দেয়, বেলারাগী ওপর ওপর চোখ
ঝুলিয়ে বলে, প্রশ্নগুলি তো বেশ ইণ্টারেস্টিং, আপনার কাগজের পাঠকরা
দেখছি—

প্রভাত হেসে বাধা দেয়, এ প্রশ্ন সবই আমার, পাঠকরা কি আর
এত বুদ্ধিমান ?

—তার মানে, ওঁরা কি কোন প্রশ্নই করে না ?

—করে, তবে আমরা তার কোন উত্তর দিই না। উপরে লেখা
থাকে দেখবেন, আমাদের কাছে এত চিঠি এসেছে যে, সব কটির উত্তর
দেওয়া সম্ভব হল না।

—এতগুলো নাম-ঠিকানা দিয়েছেন—

—এ কি কম মেহনতের কাজ, এমন ঠিকানা দিতে হবে যাতে না কেউ পরে গোলমাল করে।

বেলারাণী হঠাৎ হেসে গড়িয়ে পড়ে, এটি বড় সুন্দর লিখেছেন, প্রশ্ন ...আপনি মাথায় কি তেল মাখেন? উত্তর...জবাকুসুম, মহাভূজরাজ, ক্যান্টার অয়েল মিশিয়ে তাতে তিন ফোঁটা ইতনিং ইন প্যারিস দিই।

—কোন পাঠিকা এটি পরীক্ষা করে দেখলে কি হবে জানি না!

বেলারাণী হেসে বলে, আমার যে বব্‌চুল তা কি তারা খবর রাখে না ভাবেন?

প্রভাত কথার মোড় ফেরায়, নীচের দিকে মিষ্টি খাওয়ার প্রশ্নটি দেখুন।

বেলারাণী পড়ে,...রসগোল্লা না সন্দেশ, কি খেতে ভালবাসেন? উত্তর...পরীক্ষায় খাতায় সন্দেশ, তবে কেউ পাঠালে রসগোল্লা পছন্দ করি। সত্যি কিন্তু প্রভাতবাবু, আমি রসগোল্লা খেতে ভালবাসি।

প্রশ্নোত্তর নিয়ে এ ধরনের হাসাহাসি চলে। প্রভাত একসময় জিজ্ঞেস করে, আপনার যে প্রিডিউসার হবার কথা ছিল, কদর এগুলো?

—এখনও পাকাপাকি হয় নি।

—হলে আমায় মনে রাখবেন কিন্তু।

—সে আর বলতে হবে না, বই তুললেই আপনাকে দিয়ে সিনেরিও লেখাবো। নতুন কিছু লিখেছেন নাকি?

—একটা বড় উপস্থাপন।

—কি নাম?

—মধুবালা।

বেলারাণী কপট রাগের ভান করে বলে, মধুবালার জীবনী বেশি ইন্টারেস্টিং হল বুঝি?

—কি মুশ্কিল, জীবনী কেন হবে। নামিকার নাম মধুবালা। বুঝছেন না, যাতে বই বিক্রি হয়।

—বেলারাগী নাম দিলে তো বই বিক্রি হত না!

প্রভাত অপ্রতিভ হবার ছেলে মোটেই নয়, বলে, আপনার কি শুধু নামটাই দেব, পুর্বো জীবনী দিবে বই লিখব।

—আমাকে খুশি করাব চেষ্টা করছেন বুঝি?

—বাঃ, ইংরাজীতে অভিনেতা-অভিনেত্রীদের জীবনের উপর কত সুন্দর সুন্দর বই আছে, আমাদের দেশেই বা তা হবে না কেন?

—পরে এক দিন আপনার সঙ্গে এ নিয়ে আলোচনা করব।

—কবে বলুন?

—বললাম তো, এক দিন।

প্রভাত আর এ প্রসঙ্গের জের টানে না। বলে, এক কপি ছবি দিন এ মাসের কভারে দেব।

—সে আবার কি, দুটো ছবি তো পোস্টে পাঠিয়েছি।

—পুবোন ছবি না, আপনার বিশেষ ভঙ্গিমায় তোলা।

প্রভাতেব দিকে আডচোখে দেখে নিষে বেলারাগী হেসে বলে, আপনি ভারী ছুঁছুঁ, শেষ পর্যন্ত না নিয়ে ছাড়বেন না দেখছি।

বেলারাগী উঠে গিয়ে দেরাজ থেকে ছবি বার করে প্রভাতের হাতে দেয়। ইংরাজী নামিকার অঙ্কুরণে লোলকটাক্তরা, শ্লথ ভঙ্গিমার ছবি।

প্রভাত তারিফ করে বলে, বাঃ, বেশ সুন্দর উঠেছে তো! কে তুলেছে?

—কেন, পিনাকী। ওই তো আমার সব ছবি তোলে।

প্রভাত উঠতে উঠতে বলে, না এবারের পত্রিকা পাঁচশো কপি বেশি ছাপাতে হবে দেখছি। নমস্কার-বিনিময়ের পর প্রভাত যখন বাইরে ফেরিয়ে এল তখন প্রায় এগারোটা বেজে গেছে।

আন্তুবাবু কেঁষ্টদের বাড়ির দরজায় কড়া নাড়তে ভেতর থেকে চিংকার করে তার দাদা জিজ্ঞেস করে, কে কড়া নাড়ে ?

—আমি আন্তু, অনন্ত-কেবিন থেকে আসছি ।

—কা'কে চাই ?

—কেঁষ্ট বাড়ি আছে ?

—নেই ।

একটু চুপ করে থেকে আন্তুবাবু বলেন, বিশেষ দরকার আছে, দরজাটা একবার খুলুন না ।

কেঁষ্টর দাদা একপাটি দরজা খুলে মুখ বাড়িয়ে উত্তর দেয়, আমি সব জানি । পুলিশে হুলিয়া দিয়েছে, কোথায় কা'কে খুন করে এসেছে ।

—আহা খুন করবে কেন, সব পুলিশ মণ্ডলের বদমাইশি ।

—আপনারাই কেঁষ্টর মাথাটা খেয়েছেন, একটা খুনেকে নিয়ে বাড়িতে বাস করা !

তার দিকটা এক বার ভাবুন, বেচারী বিপদে পড়েছে । এ সময় আমাদের সকলের উচিত—

—উচিত ঘণ্টা, ও সব বাঁদরের জেলে যাওয়াই ভাল । আমি পুলিশের লোকদের সাফ সাফ বলে দিয়েছি, দু'দিন ওর পান্তা নেই—

আন্তুবাবু বিড়-বিড় করে বলেন, জানি না ভাল করলেন কি না—

—ভাল-মন্দ আমাকে শেখাতে হবে না । ব'লে কেঁষ্টর দাদা দড়াম করে মুখের ওপর দরজা বন্ধ করে দেয় ।

আন্তুবাবু ফিরে আসছিলেন, মোড়ের মাথায় কেঁষ্টর সঙ্গে দেখা । দিব্যি টেরী কেটে হাসতে হাসতে তার দিকেই এগিয়ে আসে, কি আন্তুদা, এদিকে হঠাৎ ?

—তোমার বাড়িতে গিয়েছিলাম ।

—দাদা খুব ক্ষেপে আছে নিশ্চয় ?

—ক্ষেপে মানে, পারলে আমাকেই বোধ হয় জেলে পাঠিয়ে দিতেন ।

কেষ্ট তাম্বিল্যভরে বলে, ও একটা পাগল ! আপনার দোকানে যাওয়া যাক, বড্ড ক্ষিদে পেয়েছে, চলতে চলতে আশুদা বলেন, থানা থেকে লোক এসেছিল ।

—জানি ।

—কি হবে ?

—কি আবার হবে ? একদিন ধরে নিয়ে যাবে, আপনারা গিয়ে জামিনে খালাস করে আনবেন ।

—তার পর ?

—কিছুই নয়, প্রমাণ অভাবে ছেড়ে দিতে বাধ্য হবে ।

—কিস্ত পুলিন ?

—ও আর কারো সঙ্গে শয়তানী করতে পারবে না, জন্মের মত শিক্ষা হয়ে গেল ।

দোকানের কাছে এসে কেষ্ট মত বদলায়, চলুন অত্ন কোথাও যাই ।

—কেন ?

—আপনার দোকানে অনেক লোক, সবাই-এর কাছে কৈফিয়ৎ দিতে আর ভাল লাগছে না ।

কেষ্ট আশুবাবুকে নিয়ে অত্ন রাস্তা ধরে । বড় রাস্তা পেরুতেই আশুবাবু বললেন, অত্ন কোন্ দোকানে যাবে ! বরং আমার বাড়ি চল ।

আশুবাবুর বাড়ি কাছেই, সেখানে পৌঁছতে দেরি হয় না । বাইরের বৈঠকখানায় কেষ্টকে বসিয়ে আশুবাবু ভিতরে চলে যান । কেষ্ট ডেকচেয়ারে বসে সিগারেট ধরায়, আপনা হতেই চোখ বুজে আসে ।

আশুবাবু ফিরে এসে কেঁঠের দিকে ভাল করে তাকিয়ে বলেন, তোমার বড় ক্লান্ত দেখাচ্ছে। কাল কোথায় ছিলে ?

—এক বন্ধুর বাড়ি।

—সারা দিন তোমায় দেখিনি।

—রুগীর সেবা করতে গিয়েছিলাম।

—কোথায় ?

—টালীগঞ্জ।

—কার অসুখ ?

—গোরীর ভাই-এর।

—গোরী কে ?

—আপনি চেনেন না। একটু হেসে বলে, ছেলেটা বাঁচবে না।

—কি হয়েছে ?

—বোধ হয় যক্ষ্মা।

—আহা ! একটু পরে বলেন, খাবার আনতে বড় দেরি করছে, তুমি বস, আমি নিয়ে আসি।

কেঁঠ সতৃষ্ণ নয়নে বলে, আশুদা, গরম চা।

খাবার আনতে বেশি দেরি হয় না, চা করতে আর নিমকি ভাজতে যেটুকু সময় লাগে, আশুবাবু ফিরে এসে দেখেন কেঁঠ ঘুমিয়ে পড়েছে। জাগাতে মায়া হ'ল, ছেলেকে ফিস্ ফিস্ করে বলে গেলেন, আমি দোকানে যাচ্ছি, কেঁঠ উঠলে ভাল করে চা নিমকি খাইয়ে দিস্।

ঘুম থেকে উঠেই শামল শোনে মামা চাঁচামেচি করছেন, তাঁর জামার পকেট থেকে পাঁচ টাকার নোট চুরি গেছে। শামল চোখ রগড়াতে রগড়াতে সে-ঘরে ঢোকে, কি হয়েছে মামা ?

জগৎবাবু ঝাঁঝের সঙ্গে বলেন, ভূতের রাজত্ব, কাল রাত্রে আমার

পকেটে পাঁচ টাকা ছিল, আজ একটা পয়সা নেই। পাখা গজিয়ে উড়ে গেল নাকি ?

—এতো আশ্চর্য কথা মাসীমা, সব জায়গা দেখা হয়েছে ?

মাসীমা বললেন, সব জায়গা তো খোঁজা হ'ল। ছোটদা কাল অন্ত কোথাও ফেলে আসনি তো ?

জগৎবাবু আরও রেগে যান, তোমাদের ওই এক কথা, কিছু হারালে আমিই নিশ্চয় কোথাও ফেলে এসেছি। কেন, আমার কি মাথার ঠিক থাকে না, মাতাল হয়ে—?

শ্রামল জগৎবাবুর পক্ষ নিয়ে বলে, এ কথা ঠিক মাসীমা, বাড়িতে প্রায়ই এটা-ওটা চুবি যাচ্ছে। এই তো ক'দিন আগে বাবা স্কুলের মাইনে দিয়ে গেলেন, তার মধ্যে ছ'টাকা পেলাম না। নিশ্চয় কেউ আমার পকেট থেকে তুলে নিয়েছে।

—আগে বলিস নি তো ?

—বলে কি হবে ? মিছিমিছি গোলমালের সৃষ্টি, যে নিষেছে সে তো ফেরত দেবে না ?

জগৎবাবু জোর দিয়ে বলেন, আমি নিশ্চয় করে বলছি, এসব ওই হতভাগা নটবরটার কাজ।

মাসীমা আস্তে আস্তে বলেন, নতুন লোক তো নয়, বেশ কিছুদিন কাজ করছে—

—ওরা সব পারে, আজ-কাল একটা বিশ্বাসী লোক পাবে না।

শ্রামলকে ডেকে বললেন, আমি দরকারী কাজে বেরুচ্ছি, তুই ওকে জিজ্ঞেস করে দেখ, সন্দেহ হলেই দিবি বেটাকে তাড়িয়ে।

জগৎবাবু চলে গেলে মাসীমা বললেন, শ্রামল, কাজটা কি ঠিক হবে ? মিছিমিছি একটা লোককে সন্দেহ করা—

—মামা যখন বলে গেলেন, একবার ওর বাক্স-প্যাটরাগুলো দেখা উচিত, নয়ত ফিরে এসে আমাদের ওপর চটে যাবেন ।

শ্যামল যখন নীচে গিয়ে নটবরকে বাক্স-বিছানা খুলে দেখাতে বলে, সে প্রথমটা আশ্চর্য হয়ে যায়, বাবু এই কথা বলে গেলেন !

—আমি কি তবে মিথ্যে বলছি ! সাধু সাজতে হবে না, বাক্স খোল । কথামত নটবর বাক্স খুলে দেয় । শ্যামল জিনিসপত্তর নেড়েচেড়ে দেখে, এ নতুন কাপড় কোথায় পেলেন ?

—পুজোর সময় মাসীমা দিয়েছিলেন ।

—মাথার তেল, সাবান, এসব কেন ?

—দেশে পাঠাব, গাঁয়ের লোক কাল যাবে ।

—কেনবার টাকা পেলি কোথায় ?

—নটবর বিরক্ত হয়ে বলে, আপনারা কি মাইনে দেন না ?

—এঃ, খুব যে মুখের উপর কথা বলতে শিখেছিস, দাঁড়া, বাবু আসুক বাড়িতে ।

জগৎবাবু ফিরে আসার জন্য আর অপেক্ষা করতে হয় না । নটবর সোজা মাসীমার কাছে গিয়ে বলে, আমার মাইনে চুকিয়ে ছুটি দিন মা ।

মাসীমা ঠাণ্ডা গলায় বলেন, বাবু আসুন ।

—আমি এ-বাড়িতে কাজ করব না । এত দিন রয়েছি একটা জিনিসের এদিক-ওদিক হয়নি, আর আজ আমাকে এক কথায় চোর বললেন ।

আর কিছু না বলে নটবর সেখান থেকে হন্ হন্ করে চলে যায় । মাসীমার কাছে সব শুনে শ্যামল বললে, তবে ও-ব্যাটা নিশ্চয় চোর, এক কথায় যখন কাজ ছেড়ে পালাল—

—কি জানি বাবা, লোকটা তো কখনও খারাপ ছিল না ?

—বুদ্ধি দেবার লোক জুটেছে বোধ হয় ।

শ্রামল আর কথা না বাড়িয়ে জামা গায়ে দিয়ে বেরিয়ে পড়ে। মদনদের পাড়ায় আসতে তার বেশি সময় লাগে না, ট্রাম থেকে নেমে ছ' মিনিটের হাঁটা পথ। গলির মোড়ে ফুটপাথের ওপর বসে মদনরা আড্ডা মারছিল, শ্রামলকে দেখে হাঁক দেয়,—এই শ্রামল, এ দিকে—

শ্রামল ওদের মধ্যে গিয়ে বসে, সকলেই প্রায় তাঁর পরিচিত। এখানে এসে কত দিন সে আড্ডা মেরে গেছে, মদন এর নাম দিয়েছে আড্ডা-সজ্জ। নামকরণ যে খুবই সঙ্গত হয়েছে এ বিষয়ে কোন সন্দেহ নেই। তিনতলা বাড়ির নীচে বড় ফুটপাথ, তারই একাংশে আড্ডা-সজ্জের আসর বসে। একতলায় রেশন আফিসের গুদাম বলে সারাক্ষণই ফুটপাথে ছ'তিনটে ঠেলাগাড়ী থাকে। প্রয়োজন-মত ছেলেরা ঠেলাগাড়ীর মাটিছোঁয়া অংশটায় বসে, কেউ বা তার পাশের পাথরটায়, কখনও ফুটপাথেই কাগজ পেতে। সামনেই পানের দোকান। বড় বাড়ির নীচে বলে অনেকক্ষণ ছায়া থাকে। প্রথম দিন এসে শ্রামল তারিফ করে বলেছিল, বাঃ বেশ খাসা জায়গা! কারুর বাড়ি নয়, দোকান নয়, সরকারী ফুটপাথ, যে কেউ এসে আড্ডা দিতে পারে, কারো কিছু বলার নেই।

মদন হেসে বলেছিল, শুধু এই, সামনের বাড়ি দেখেছিস? ছোট বারান্দাওয়াল, ওখানে যা আছে—

—কি রে, কি? শ্রামল চারিদিকে তাকায়

—চিড়িয়া।

—মাইরি?

—এক উকিল থাকে, তাঁর পাঁচ মেয়ে। বড় ছ'জনের বিয়ে হয়ে গেছে। সেজ মেয়েটির সঙ্গে আমাদের মহুদা—

মহুদা শ্রামলের অচেনা নয়। মদনের সঙ্গে অনেক বার দেখেছে,

সুন্দর চেহারা। ফর্সা রঙ, টানা ভুরু, গানও বেশ ভাল করে, বিশেষ করে সিনেমার গান।

প্রথম দিন মদনের কথা শুনে শামল খুব অবাক হয়েছিল। এ বিষয়ে আরও শোনার জন্তে ঔৎসুক্য প্রকাশ করেছিল, কিন্তু ক্রমে ক্রমে গা-সওয়া হয়ে গেছে। 'কত দিন দেখেছে মনুদা এই আড্ডা-সজ্জা বসে গান গায় আর মেয়েটি বারান্দায় এসে দাঁড়ায়। শামলের প্রথম প্রথম চোখ ভুলে তাকাতে লজ্জা করত। পরে দেখেছিলো, মেয়েটি এমন ডানাকাটা পরী কিছু নয়, সাধারণ মেয়েই। বয়স ছাড়া আর কিছু আকর্ষণীয় আছে বলে মনে হয় না। কিন্তু মনুদা যে মেয়েটির জন্তে পাগল এ বিষয়ে কারুর সন্দেহ নেই। আজও সবাইকে বলছিল আমার মনের কথা তোমরা বুঝবে না ভাই।

ভোঁদা উৎসাহ দিয়ে বলে, যা হোক হেস্ট-নেস্ট করে ফেলুন, মনুদা, আমরা আপনার পেছনে ঠিক আছি।

—এ সব ব্যাপারে গাষের জোর চলে না রে ভাই।

—নন্দিতার বাবাকে একটা চিঠি লিখেই দেখুন না।

মনুদা দীর্ঘনিশ্বাস ফেলে বলে, কোন লাভ নেই, হেমন্তবাবু আমাকে ছুঁ চোখে দেখতে পারেন না। ওনাকেই বা দোষ দেব কি, পাত্র হিসেবে আমি সত্যিই তাঁর মেয়ের যোগ্য নই।

—কেন, অযোগ্য কিসের? ক'টা ছেলে আপনার মত গান করতে পারে?

মদন খেই ধরে, আর এমন রোমিও মার্কো চেহারাই বা কোথায় পাবে? গুর বড় জামাইটি তো একটা হৌদল কুৎকুৎ।

—আপনি তৌ অত্নদের মত ভ্যাগাবণ্ড নন, রীতিমত দশটা পাঁচটা অফিস করেন।

মনুদা উঠে পড়ে, কেরানীর আবার অফিস, চলি ভাই।

ভোঁদা চট্ করে হাত বাড়িয়ে দেয়, সিগারেটের প্যাকেটটা দিয়ে
ঝান মনুদা।

মনুদা সিগারেট, দেশলাই দুটোই ওর হাতে দিয়ে সুর ভাঁজতে
ভাঁজতে বাড়ির দিকে চলে যায়।

শ্রামল প্রথম কথা বলে, পাগলা !

ভোঁদা সিগারেট ধরিয়ে বলে, যাই বল, থাটি প্রেমিক, তেজাল নেই।

মদন হাই তোলে, আজ কিন্তু তেমন জমলো না। এমন ছুটির দিনে
না মনুদার ছ'-একটা কড়া গান, না সামনের বাড়ির নীল শাড়ী।

শ্রামল জিজ্ঞেস করে, মদন, বেরুবি নাকি ?

—চল।

দু'জনে উঠে পড়ে। চলতে চলতে কেঁপের বিষয়ে আলোচনা হয়।
মদন জিজ্ঞেস করে,—কেঁপদাকে থানায় ধরে নিয়ে গেল ?

—সে তো চব্বিশ ঘণ্টার জন্যে, আশুদা গিয়ে জামিনে খালাস করে
এনেছে।

—কোর্টে কেস হবে তো ?

—হবে, কিন্তু প্রমাণ পাবে না। সেদিন যাদের সঙ্গে ছিল রাত্রে,
তারা সাক্ষী দেবে।

—আমার সঙ্গে কবে আলাপ করিয়ে দিবি ?

—সেই কথাই বলতে এলাম, তোকে নিয়ে টালীগঞ্জের বস্তীতে যেতে
বলেছে।

—কেন, সেখানে কি হবে ?

—কেঁপদার ব্যাপার কি বোঝা যায়, বলল কে একজন মর-মর,
হয়তো শ্রামল নিয়ে যেতে হবে। নিশ্চয় কোন দাঁও মারবে।

মদন হঠাৎ বলে, সে দোকানদারটা আবার এসেছিল। ওকে টাকা
না দিলে চলবে না, বলছে বাড়িতে বলে দেবে।

শ্রামল পকেট থেকে পাঁচ টাকার নোট বার করে মদনের হাতে দেয়।

—কোথায় পেলি ?

—মামার পকেট থেকে।

—সাবাস, আজ না পেলো মুশ্কিল হত। চল, বুড়োকে আগে টাকাটা দিয়ে আসি।

বালাগঞ্জের ট্রাম থেকে নেমে কেঁচু দোতারা বাড়ির সামনে এসে দাঁড়ায়। এই বাড়িতেই সে এসেছিল দিনদশেক আগে ছেলে-চাপা-দেওয়া ফোর্ড গাড়ীর অহুসরণ করে। আজ তার রুক্ষ চুল, কালী বসা চোখ, ময়লা কাপড় দেখে বাড়ির কর্তা সন্তুষ্ট হ'ন, আপনার শালা ভাল আছে ?

কেঁচু ম্লান হাসে। ভদ্রলোক উত্তর না পেয়ে আবার জিজ্ঞেস করেন, কি হয়েছে বলুন ?

—না, এখনও মারা যায় নি।

—তবে কি—

কথা শেষ করতে না দিয়ে কতকগুলো প্রেসক্রিপসন কেঁচু পকেট থেকে বার করে দেয়। বলা বাহুল্য, এগুলি গৌরীর ভাইয়ের। ভদ্রলোক হাতে নিয়ে খুলেও দেখেন না, বলেন, এ আর আমি কি দেখব? আপনি এত দিন আসেন নি কেন? আমার স্ত্রী রোজই আপনার কথা জিজ্ঞেস করেন।

—মিহিমিছি এসে আর কি হবে, কিছুই তো বোঝা যায় নি। ডাক্তাররা বলছেন, ‘অপারেশন’ করলে হয়ত বাঁচতে পারে। তাই—

—আমরা কি করতে পারি বলুন ?

—অস্তুত শ'খানেক টাকা এখনি চাই।

—বলুন। এনে দিচ্ছি।

ভদ্রলোক ওপরে চলে গেলেন। একটু পরে শুধু টাকা নয়, সঙ্গে চাকরের হাতে সিঙ্গাড়া, মিষ্টি প্লেটে নিয়ে এলেন।—আমার স্ত্রী পাঠিয়ে দিলেন, খেয়ে নিন্।

কেষ্ট হাত জোড় করে বলে, মাফ করবেন, খাবার মত মনের অবস্থা আমার এখন নেই।

ভদ্রলোক জোর করেন, আপনাকে দেখে মনে হচ্ছে, এখনও পর্যন্ত কিছু খাননি, যা পারেন—

কেষ্ট কথার উত্তর না দিয়ে একটা সন্দেশ জল দিয়ে গিলে ফেলে।

—কেমন থাকে একটু জানাবেন, বিশেষ চিন্তিত রইলাম।

কেষ্ট সম্মতি জানিয়ে সেখান থেকে বেরিয়ে পড়ে।

কেষ্ট কোথাও এতটুকু সময় নষ্ট না করে সোজা টালীগঞ্জে চলে আসে। সমস্ত বস্তীটায় বিবাদে ছায়া পড়েছে। ছেলেটির অবস্থা খারাপ, কেষ্ট তা সকালেই দেখে গিয়েছিল, টাকার দরকার না থাকলে হয়ত সে এখান থেকে বার হ'ত না। ওদিকে গিয়েছিল বলেই যদি দরকার হয় তবে শামলকে খবর পাঠায়। তারপর টাকার যোগাড় করে বস্তীতে ফিরেছে। গৌরীর ঘর থেকে কান্নার শব্দ ভেসে আসে, ঘরের মধ্যে উঁকি মেয়ে দেখে ছেলেটি মারা যায়নি, তবে আর বেশিক্ষণ নয়, হাঁপরের মত শ্বাস টানছে। এমনি ভাবে প্রায় আধ ঘণ্টা যমের সঙ্গে বোঝাপড়া চলল। তারপর সব শেষ।

গৌরীর বুকফাটা কান্না, অত্নদের লোকদেখানো চোখের জল, বয়ঃ-জ্যেষ্ঠদের অহেতুক ব্যস্ততা কেষ্টকে এতটুকু বিচলিত করে না। বস্তীরই একটি যুবককে ডেকে সে একান্তে পরামর্শ করে।

—ছেলেটির সংস্কারের কি হবে ?

—জানি না, গৌরীকে জিজ্ঞেস করব ?

—কোন ব্যবস্থা কি হয়েছে ?

—কে করবে, ওদের তো কেউ নেই।

—যদি টাকা দিই, তুমি একটা খাটিয়া কিনে আনবে ?

—দিন, কাছেই মড়াপোড়ানোর খাট পাওয়া যায়, আমি এখনই নিয়ে আসছি।

যুবকটি চলে যায়। কেঁট জমিদার-বাড়ির প্রাঙ্গণে দাঁড়িয়ে সিগারেট খায়। বিরক্তির কান্না তার অসহ্য লাগে! কতক্ষণ দাঁড়িয়ে আছে খেয়াল ছিল না, শ্যামলের ডাকে ফিরে তাকায়। মদনকে নিয়ে সে এসে হাজির হয়েছে। শ্যামল নিজে থেকেই বলে, ঠিকানা খুঁজে পেতে প্রাণ বেরিয়ে গেছে কেঁটদা, সেই কখন থেকে ঘুরছি।

—আমিও তাই ভাবছিলাম এতক্ষণ এলি না কেন।

—এই আমার বন্ধু, মদন—

কেঁট মদনের দিকে তাকিয়ে বলে, তোমার কথা শ্যামলের কাছে অনেক শুনেছি, আজ দু'জনে এসেছ তালই হয়েছে।

মদন হেসে বলে, কত দিন থেকে আপনার কাছে আসব ভাবছি—

—জানি। কেঁট একটু থেমে বলে, এখন এক বার শ্মশানে যেতে হবে একটা ছেলেকে পোড়াতে।

শ্যামল কৌতুহল প্রকাশ করে, কে কেঁটদা ?

—এই বস্তীরই একটা ছেলে, একটু আগে মারা গেছে। তোমরা গিয়ে কয়েকটা জিনিস কিনে আন, আমি বলে দিচ্ছি।

কেঁট বস্তীর ভেতর চলে যায়। মদন সেই দিকে তাকিয়ে বলে, কেঁটদা, এত গভীর লোক না কি ?

—সব রকম অ্যাক্টিং ওর জানা আছে।

—কি ব্যাপার বল তো ?

—এখনও ঠিক বুঝতে পারছি না।

হু'জনে ঘুরে ঘুরে এদিক-ওদিক দেখে। কেউ এক বৃদ্ধ তদ্রলোককে
নিয়ে ফিরে আসে।

—পণ্ডিত মশাই, আপনি এই ছেলে দু'টিকে একটু বুঝিয়ে দিন কি
কি জিনিস আনতে হবে।

পণ্ডিত মশাই বললেন, আমি বরং এদের সঙ্গেই যাচ্ছি, যে কয়টি
জিনিস না আনলেই নয়, নিয়ে আসব।

বস্ত্রী থেকে বেরুতে প্রায় সন্ধ্যা হয়ে গেল। যত তাড়াতাড়ি সম্ভব সব
রকম ব্যবস্থাই কেউ করেছিল, কিন্তু গোরীর কাছ থেকে তার ভাইয়ের
মৃতদেহ নিয়ে আসতেই যা দেরি হ'ল। গোরী ছোট মেয়ের মত হাউ-
মাউ করে কাঁদছে, আমার যে আর কেউ রইল না গো, আমি আর একলা
কিসের জন্তু বেঁচে থাকব ?...কাঁদতে কাঁদতে সে অজ্ঞান হয়ে না পড়লে
কেউদের বেরুতে বোধ হয় আরও দেরি হয়ে যেত। সংজ্ঞাহীন গোরীকে
পণ্ডিত মশাইয়ের জিন্মায় রেখে কেউরা খাট নিয়ে বেরিয়ে পড়ে।

কাঁধ দিচ্ছে মাত্র চার জন। সামনে কেউ আর রাজেন, বস্ত্রীর সেই
যুবকটি। মদন আর শ্রামল পিছন দিকে। মদন আগে অনেক বার
কাঁধ দিয়েছে, থেকে থেকে চোঁচায়, বল হরি, হরিবোল।

খানিক দূর গিয়ে শ্রামল কাঁধ বদলায়, নাঃ, হালকি আছে।

মদন উত্তর দেয়, সেই জন্তুই তো বেছে বেছে খাট নিয়েছি, যাতে না
কাঁধে লাগে।

—আমি কিন্তু আগে শ্রামনে যাইনি।

—আমি অনেকবার গিয়েছি। এই তো সেদিন এক বুড়ীকে
নিমতলায় নিয়ে গেলাম, খুব ধুমধাম হ'ল। থৈ ছড়াচ্ছে, পরসা ছড়াচ্ছে,
ভিখারীদের খুব মজা।

মদন বলে, বাড়ি ফিরতে আজ অনেক রাত হয়ে যাবে।

—কেন ? শ্রামল জিজ্ঞেস করে ।

—শ্রামানে পৌঁছে খালি চুল্লী পাওয়া, কাঠের যোগাড়, অনেক সময় লাগবে ।

কেষ্ট শুধু বললে, শ্রামানে পৌঁছে দিয়ে তোমরা বাড়ি চলে যেও, সব কাজ আমি করে নেব ।

যদিও কেষ্ট বলেছিল শ্রামলদের চলে যেতে কিন্তু মৃতদেহ আগুন না ধরা অবধি তারা শ্রামানে ছিল । পাঁচ-ছটা চুল্লী জ্বলছে অন্ধকারের মধ্যে, সে-ও এক দৃশ্য ।

শ্রামল এক সময় চুপি চুপি মদনকে বলে, কৈ আমার তো ভয় করছে না ।

—ভয় করবে কেন ?

—কি রকম যেন মনে হ'ত, শ্রামানে এলে ভয় করে ।

—চল, এইবার কেটে পড়ি ।

শ্রামল এগিয়ে গিয়ে কেষ্টের কাছে এসে দাঁড়ায়, কেষ্টদা, আমরা এবার যাই ?

কেষ্ট পকেট থেকে একটা পাঁচ টাকার নোট বার করে শ্রামলকে দেয়, বলে, তোরা চলে যা, কাল কিংবা পরশু আমার সঙ্গে অনন্ত-কেবিনে দেখা করিস, মদন তুমিও এস ।

তারা চলে যায় । কেষ্ট আর রাজেন অনেকক্ষণ বসে থাকে । সব কাজ শেষ করে বস্তীতে ফিরতে রাত হয়ে গেল । কেষ্ট রাস্তায় দাঁড়িয়ে রাজেনকে অহরোধ করে, আমি আর ভেতরে যাব না । দেখে এস তো আর কোন দরকার আছে কি না ।

রাজেন চলে গেলে কেষ্ট সামনের চায়ের দোকান থেকে এক ভাঁড় চা কেনে । সারা দিনের অনিয়মের পর গরম চা খেতে গিয়ে কেমন যেন গা ঝুলিয়ে ওঠে । একটু পরেই রাজেন ফিরে এসে খবর দেয়, এখন এক মুঠো—৫

তার কিছু দরকার নেই, গৌরীর কাছে বস্তীর অস্ত্র মেয়েরা আছে।
অনেকক্ষণ কেঁদে এখন ঘুমিয়ে পড়ছে।

কেউ সেখান থেকে হেঁটে এসে মোড়ের মাথায় বাস ধরে।

তারি রাত কেউ ঘুমতে পারে না। 'কি একটা অস্বাভাবিক বুক ভার
করে রয়েছে। বার বার যে কথা মনে পড়েছে তা হোল গৌরীর নিঃসহায়
কান্না। গৌরী একা, এই বিরাট পৃথিবীতে তার আপনার বলতে কেউ
নেই। ঠিক এ ধরনের কোন চরিত্রের সঙ্গে কেউর পরিচয় ছিল না।
হয়তো গল্পে পড়েছে কিংবা কারো কাছে শুনেছে, কিন্তু নিজের জীবনে
এ অভিজ্ঞতা তার বিচিত্র মনে হয়।

ঘরের মধ্যে দম বন্ধ হয়ে আসছিল, ছাদে গিয়ে জোরে জোরে
নিশ্বাস নেয়।

দূর আকাশে একটা তারা খসে পড়ে।

সেই দিকে তাকিয়ে কেউর আর এক কথা মনে হয়। তার
নিজের বলতে কি আছে? এ বিরাট পৃথিবীতে সে-ও তো একা, আত্মীয়-
স্বজন কারো কথাই আজ তার মনে পড়ে না। এই ছাদের নীচেই শুয়ে
আছে দাদা, বোদি, অথচ কতখানি ব্যবধান! শ্যামাও আজ-কাল ওপরে
আসতে পারে না। জানলায়, দরজায় তার নিষেধের পর্দা টাঙ্গানো
রয়েছে। এ চিন্তার শেষ কোথায়?

কেউর হঠাৎ মনে হয় গৌরী তার চেয়ে সুখী। তার কেউ নেই বলে
সে একা, কিন্তু কেউর সবাই আছে, তবু সে একা। গৌরীর চেয়ে আরও
বেশি একা।

কেন জানা নেই, এ চিন্তা তার মনে শান্তি এনে দিল, নিজেকে তার
অনেক হাল্কা মনে হয়। ঘরে এসে বিছানায় শুয়ে পড়ে, সঙ্গে সঙ্গে
গভীর ঘুম তার দেহ-মন আচ্ছন্ন করে ফেলে।

অনন্ত-কেবিনে যে আসে আশুবাবুই তাকেই জিজ্ঞেস করেন, কেউর কোন খবর জান ?

বেশির ভাগ লোকই বলে, তারা কিছু জানে না। শ্যামল অবশ্য বলেছিল, কেউদা'র সঙ্গে খাশানে গিয়েছিলাম।

—কবে ?

—এই তো ক'দিন আগে, একটা ছেলেকে পোড়াতে।

প্রভাত দূর থেকে মন্তব্য করে, কেউকে আবার এ রোগে ধরল কেন ? আশুবাবু বলেন, তা কেন, দরকারের সময় ও তো বরাবরই কাঁধ দেয়।

—কি জানি, আমার ও-সব ভাল লাগে না। নিজের বাড়ির লোককেই পুড়িয়ে অস্থির, তার ওপর পাড়ার লোক !

—সবাই-এর মত তো আর সমান নয় ?

প্রভাত আর তর্ক করার সময় পায় না। ছায়ামঞ্চের সম্পাদককে দেখে ব্যস্ত হয়ে তার সঙ্গে আলোচনা শুরু করে, সত্যি বল্ছ, পুলিশ গোলমাল করবে ?

—তাই তো শুনছি, ও লেখাটা ছাপানো ঠিক হয়নি।

—তুমিই তো জোর করে বললে লিখতে।

—ভাবলাম বেশি বিক্রি হবে। হলও তাই, প্রায় পাঁচ শ' কপি বেশি কেটেছে। কিন্তু আচ্ছা ফ্যাসাদে ফেলেছে !

—এমন কি অশ্লীল হল ?

সম্পাদক ব্যাজার মুখে বলে, শ্লীল-অশ্লীলের কি আর বাঁধা মাপকাটি আছে, যখন যা খেয়াল চাপে—

—আগেও তো একবার নোটিস পাঠিয়েছিল ?

—সে প্রায় ছ'বছর আগে। খেসারতও কম দিতে হয়নি, পাঁচশো টাকা।

—তারপর ?

—কাগজের নাম পাণ্টালাম, এখন আবার ধরেছে। সম্পাদক, প্রকাশক হওয়ার এই বিপদ। তোমাদের আর কি, লিখেই খালাস।

—কি করবে ঠিক করেছ ?

—টাকা-কড়ি কিছুই নেই। যদি বলে, হয় জেলে যাও নয় জরিমানা এত টাকা, অগত্যা জেলেই যেতে হবে।

চায়ে চুমুক দিয়ে প্রভাত জিজ্ঞেস করে, বৌদিকে বলেছেন ?

—বলে লাভ নেই, ওর গায়ে যা কিছু গয়না ছিল সবই সেকরার দোকানে বাঁধা আছে।

সম্পাদককে খুবই বিমর্ষ দেখায়। আসন্ন বিপদের হাত থেকে বাঁচবার কোন পথই পায় না।

উৎসাহ দিয়ে প্রভাত বলে, ঘাবড়িয়ে না, দেখি আমি কি করতে পারি। শেষ পর্যন্ত কাকর কাছে না পাই, বেলারানীকে একবার বলে দেখব। আমাদের কাগজটা ও সত্যি ভালবাসে।

ইতিমধ্যে কেবিনে হৈ-চৈ করার লোকেরা এসে গেছে, সকলেই কেঁটার সাক্ষরদ। বিত্ত চেষ্টিয়ে বলে, কেঁটদা এই সময় ডুব মারলো ? এদিকে রাঘব বোয়ালের কাছে উঠতে বসতে মুখ-খিঁচুনী খাচ্ছি।

ভোঁতন বলে, রাঘব বোয়ালের আর দোষ কি, ওর পয়সায় এত দিন নেচেছ কুঁদেছ, এখন ভোটের যা রেজাল্ট !

—সত্যি, কি হল বল তো ? যতদূর খবর বেরিয়েছে সবই ~~কাজ~~ জিতছে।

—কেষ্টদা ওস্তাদ লোক, টাইম মাফিক কেটে পড়েছে।

—কি আশ্চর্য! বাড়িতে গেলে পাওয়া যায় না, ভোরবেলা বেরিয়ে
যায় আর অনেক রাতে ফেরে।

বিশু মন্তব্য করে, কেষ্টদা'র জন্তে হা পিত্যেশ করলে তো চলবে না,
চল, রাঘব বোয়ালকে যা হোক কিছু বলে আসি। অনিচ্ছা সত্ত্বেও সকলে
সায় দেয়, চল, যা আছে বরাতে।

বিদ্যাতবনের কাছে এসে শ্যামল দেখে, ছেলেরা সব বাইরে দাঁড়িয়ে
চাঁচামেটি করছে, ভেতরে ঢুকছে না। মদন সামনের ফুটপাথে দাঁড়িয়ে
আরেক জন ছেলের সঙ্গে গল্প করছিল। শ্যামলকে দেখে উল্লসিত হয়ে
বলে, তুই এসে পড়েছিস, খুব ভাল হয়েছে। আমি ভাবছিলাম তোরই
কাছে যাব।

—ব্যাপার কি, স্কুল হবে না?

—স্ট্রাইক!

—কেন?

—কে জানে! সকালে এসেই শুনলাম ক্লাসে যেতে হবে না, স্ট্রাইক
করতে হবে। ব্যস—

—আজকাল বেশ এমনি এমনি ছুটি পাওয়া যায়।

—চল, আমরা কেটে পড়ি। এই যে চুণীলাল, এর বাড়ি যা বলেছি,
তুই চুণীলালকে চিনিস না? চুণীলাল মদনের পাশেই দাঁড়িয়েছিল,
তার দিকে তাকিয়ে বলে, স্কুলে দেখেছি।

—ফাস্ট ক্লাসে পড়ে। লেখাপড়ায় বেশ ভাল, প্রত্যেক বছর পাস
করে। আমরা থার্ড ক্লাস পর্যন্ত একসঙ্গে পড়তাম—কথা বলতে বলতে
তারা জিনিসনে এগুতে থাকে। চুণীলালের বাড়ি বেশি দূরে নয়, দুটো
রাস্তা পেড়িয়ে ডান দিকে মোড় নিতে হয়।

বেশ বড় বাড়ি, ছোটো ঘর পেরিয়ে চুণীলালের পড়ার ঘর।
চুণীলাল বলে, এইটি আমার রাজত্ব, এখানে পড়ি, শুই, সব কিছু করি।

শ্রামল তারিফ করে, কটা ছেলে এমন নিজস্ব ঘর পায়, আমার
তো দেখেই লোভ লাগছে। সকলে একসঙ্গে ছোট খাটটার ওপরই
বসে পড়ে। মদন চুণীলালকে বলে, এই শ্রামলের কথাই আমি
বলছিলাম। ওর হাতে অনেক সময় আছে, তোমাদের কি কাজের
দরকার ?

চুণীলাল শ্রামলের দিকে তাকায়, তাহলে তো খুব ভাল হয়। সারা
দিন স্কুলে থেকে, তারপর পড়া করতে হয়, তাই বেশি সময় পাই না,
যদি তোমার সুবিধে থাকে—

শ্রামল অবাক হয়ে জিজ্ঞেস করে, কিসের সুবিধে ?

—দেশের কাজ করার।

—দেশ।

—হ্যাঁ, চোখ বুজে বসে থাকলে তো আমাদের চলবে না, দেশের
জন্তে ভাবতে হবে। অত্যাচার-অত্যাচারের বিরুদ্ধে—

শ্রামল থামিয়ে দেয়, কার অত্যাচার ?

—সে কি আর একদিনে বোঝান যায় ? আমাদের অফিসে এস,
দেবেনদা সব বুঝিয়ে দেবেন।

—দেবেনদা ?

—আমাদের নেতা, এরকম লোক আমি দু'টি দেখিনি। খুব বড়
পণ্ডিত, দেশের জন্তে জেলে গেছেন কত।

মদন এতক্ষণে কথা বলে, আমি আর শ্রামল তোমার সঙ্গে এক
দিন যাব।

—একদিন কেন ? আজই চল না।

শ্রামল হঠাৎ প্রশ্ন করে, তোমরা কি কাজ কর ?

চুণীলাল বিজ্ঞের হাসি হাসে, সে কি এক রকম, হাজরটা কাজ আছে। এই যে স্ট্রাইক, সে তো আমাদেরই কাজ।

—তাই না কি ?

—কোন স্কুল আজ হবে না। সকাল থেকে আমাদের দল চলে গেছে, তোমাকেও এ-সব কাজ করতে হবে।

—এতে আমি রাজী আছি।

—আমাদের দাবী যদি না মানা হয়, তাহলে এই দলে এমন একদল ছেলে আছে যারা নিমেষে কলকাতা শহর লণ্ডভণ্ড করে সব কিছু বন্ধ করে দিতে পারে।

মদন ও শ্যামল সবিস্ময়ে চুণীলালের কথা শোনে, তার বক্তৃতা আর দলের চমকপ্রদ কীর্তিকল্প।

ঐ ক’দিন যে কেষ্টকে কেউ খুঁজে পায়নি, বলা বাহুল্য, তার প্রধান কারণ গৌরী। সংসারে অভিজ্ঞ কেষ্ট ভাল করেই বুঝেছিল গৌরীর মন থেকে লজ্জা, ভয়, সংকোচ সরিয়ে দিতে না পারলে তাকে সহজ করে তোলা সম্ভব নয়। সেই জন্মেই রোজ কেষ্ট তাকে নিয়ে ঘুরে বেড়িয়েছে, কথার কৌশলে ফেলে-আসা দিনের কথা জেনে নিয়েছে এবং তারই ফাঁকে এই গোলমালে দুনিয়ার সঙ্গে খাপ খাইয়ে নেওয়ার জন্মে নিজের যুক্তিকে গৌরীর মনে বদ্ধমূল করার চেষ্টা করেছে। বার বার সে বলেছে, অত কাঁদলে চলে না, নিজেকে না দেখলে কে তোমায় দেখবে।

গৌরী কান্নায় ভেঙ্গে পড়ে, আর যে পারছি না।

—পারতে হবেই।

—আপনি ভাবতে পারছেন না, এই এক বছরের মধ্যে বাবা, মা, তাই, বাড়ি-ঘর—

কেষ্ট নীচু গলায় বলে, জানি তুমি সব হারিয়েছ, কিন্তু বাঁচতে তো হবে।

গৌরী উদাস চোখে অত্মদিকে তাকিয়ে উত্তর দেয়, আর ইচ্ছে নেই।

—ও কথার কোন মানে হয় না।

—কার জন্তে বাঁচব ?

—নিজের জন্তে।

গৌরী উত্তর খুঁজে পায় না, নীরবে মাথা নাড়ে।

কেষ্ট ধমকে ওঠে, যদি মরতেই চাও তো চটপট মর, গঙ্গায় অনেক জল আছে।

একথা বলেই কেষ্ট চলে এসেছিল। কিন্তু আধঘণ্টা বাদে মাথা ঠাণ্ডা হলে সে বুঝতে পারে অত্মায় করেছে। গৌরীর সব আশা ভেঙ্গে গেছে, তার উপর অযথা এতখানি কঠোর হওয়া উচিত হয়নি। ফিরে এসে দেখে, গৌরী সেইখানেই বসে আছে। কেষ্টকে দেখে কাতরকণ্ঠে বলে, আমার কিছু পয়সা দেবেন, ক্ষিদে পেয়েছে।

কেষ্ট পকেট থেকে একটা টাকা বের করে দেয়।

—আপনি আমার জন্তে এত করলেন, জানি না—

—শোধ দিতে পারবে কি না ভাবছ ? হাতে পয়সা থাকলে যার দরকার তাকে দিই, ফেরত পাব বলে নয়।

—শরীরটা খারাপ লাগছে, এখন আমি আসি।

কেষ্ট গৌরীর দিকে তাকিয়ে বোঝে সত্যিই সে অসুস্থ। বলে এতক্ষণ বাড়ি যাওনি কেন ?

—আপনাকে না বলে কি করে যাব, তা ছাড়া হাতে একটাও পয়সা ছিল না।

—তুমি ভেবেছিলে আমি ফিরে আসব ?

গৌরী এতক্ষণে উঠে দাঁড়িয়েছে, চলতে চলতে বলে, হ্যাঁ।

—কেন ?

—তা জানি না।

পরদিন সন্ধ্যাবেলায় কেঁষ্ট মহম্মেটের অদূরে গৌরীর সঙ্গে বসে আলু-কাবলী খাচ্ছিল। দিনের আলো নিবে গেছে, দূরে এসপ্ল্যান্ড, বিজ্ঞাপনে ঝকঝকে আলো, ট্রাম-বাস কত রকম লোক। সেই দিকে তাকিয়ে থেকে কেঁষ্ট হঠাৎ জিজ্ঞেস করে, এত বড় শহরে তোমার থাকার একটা জায়গা হবে না ?

গৌরী খুব আশ্চর্য উত্তর দেয়, এত দিন তো হয়নি।

—তুমি চেষ্টা করনি।

—করেছি।

—কি ?

—কলকাতায় পৌঁছে আমি আর আমার ভাই ওই টালীগঞ্জের বস্তীতে থাকার জায়গা পেলাম সেও শুধু পণ্ডিত মশাইয়ের জন্তে। বস্তীর সামনে যে পাকা দালান দেখেছেন ওটা এক জমিদারের। উনি পণ্ডিত মশাইকে খুব শ্রদ্ধা করেন। কলকাতায় এলে পণ্ডিত মশাই ওদের বাড়ি উঠতেন। আমরা যখন নিঃস্ব অবস্থায় এখানে এলাম, উনি দয়া করে নিজের জমিতে এই বস্তীটি করে দেন। আমরা সাত-আট ঘর লোক থাকি সবাই এক গাঁয়ের। আগে ভাড়া নিতেন না, এখন—

কেঁষ্ট বাধা দিয়ে বলে, আমি তা শুনতে চাই না, তুমি নিজে কি চেষ্টা করেছ ?

—তাই তো বলছি। থাকবার জায়গা পেলাম, কিন্তু হাতে এক পয়সাও নেই। ভাইটা এসেই অসুখে পড়ল, কি দুর্ভাবনা ! কাজের জন্তে বাড়ি বাড়ি ঘুরেছি, কিছুই পাইনি।

—কেন ?

—কে আমায় রাখবে ? কি পারি আমি, না শিখেছি লেখাপড়া,
না আছে ভারী কাজ করার শক্তি ।

—সেলাই-এর কাজ জান না ?

—জানি । কাউকে করে দিলে খুশি হয়, কিন্তু পরসা দেয় না ।

—ঘরের কাজ ?

—কে আমার জামিন হবে ? উটকো লোক কেউ রাখতে চায় না ।

—কোথাও কাজ পাওনি ?

—হু-এক জায়গায় পেয়েছি । যারা ভূতের মত খাটিয়ে নেয় আর
মাসের শেষে ছুতো খুঁজে তাড়িয়ে দেয়, মাইনে দেয় না । তখন অত
টাকার দরকার,—

গৌরী থেমে যায় । কেষ্ট জিজ্ঞেস করে, তার পর ?

—ভিক্ষে শুরু করলাম, তাইয়ের চিকিৎসা তাতে যা হয় হত ।
এমনই বরাত, হল একেবারে রাজরোগ । কেষ্ট কোন উত্তর দেয় না ।
গৌরী নিজের মনে বলে, ভিক্ষেই বা আজকাল ক'জন দেয়, আর দেবেই
বা কত জনকে । এত ভিথিরি !

—তোমার মত ভিথিরিকে কেউ ভিক্ষে দেয় না—

গৌরী কেষ্টর মুখের দিকে না তাকিয়ে জিজ্ঞেস করে, কেন ?

—তুমি তো চোখ তুলে ভিক্ষে চাও না ।

—মানে ?

—যদি বাবুদের চোখে চোখ রেখে ভিক্ষে চাইতে, তারা দিত ।

গৌরী বিস্মিত হয়, আপনি কি বলছেন ?

—সত্যি কথা, এক বর্ণ বানিয়ে বলছি না । দয়া করে কেউ ভিক্ষে
দেয় না, খুশি হয়ে দেয় ।

—আপনি ?

—আমার কথা ছেড়ে দাও, একদিন জানতে পারবে । তবে যা

বলছি শুনে রাখ। চোখ তুলে চললে এ শহরে থাকবার তুমি অনেক জায়গা পাবে, বেশ ভাল ভাবে থাকবার। নইলে না খেয়ে মরতে হবে।

গৌরী কি বলতে যায়, কেঁট থামিয়ে দিয়ে বলে, আর দেরি কোর না, বাড়ি যাও।

এ প্রসঙ্গের শেষ কিন্তু এখানেই হল না। পরদিনই সকালবেলা কেঁটর সঙ্গে দেখা হতেই গৌরী ঐ একই কথার অবতারণা করে।

—কাল আপনি যা বললেন আমি এখনও বুঝতে পারিনি।

—এখনও ভোলনি সে-কথা? আস্তে আস্তে বুঝে ফেলবে।

—আপনি আমায় কি করতে বলেন?

কেঁট তার মুখের দিকে তাকিয়ে জিজ্ঞেস করে, আমি যা বলব তাই করবে?

—তা ছাড়া আর কি করব?

—আমার সঙ্গে দোকানে চল, কয়েকটা জামা কাপড় কিনে নাও।

—জামা-কাপড়?

—তোমার কাপড়-চোপড় বড় ময়লা, একসঙ্গে ঘুরলে লোকে তাকায়।

—কিন্তু আপনার কাছ থেকে কি করে নেব, বস্তীর লোকেরা কি ভাবে?

—কি আবার ভাবে, সবাইকে বোল কেঁটদা দিয়েছে।

গৌরীর চোখ আনন্দে নেচে ওঠে, কেঁটদা, সত্যি আপনাকে কেঁটদা বলে ডাকব?

—নয়ত কি কেঁট বলে ডাকবে ভেবেছিলে?

গৌরী লজ্জায় আরক্ত হয়ে ওঠে, ছি ছি, আপনি যে কি বলেন?

—চল, দোকানে যাওয়া যাক।

রাস্তায় চলতে চলতে রেফিউজিদের ফুটপাথের দোকান থেকে ওরা শাড়ী-ব্লাউজ কেনে। গৌরী প্রথমেই বলে দিবেছিল, দুটি মিলের শাড়ী ছাড়া আর কিছু কিনবে না। কেষ্ট কথার অত্যা করে নি, গৌরীর পছন্দমত নীল আর হলদে রংয়ের ছাপা শাড়ী কিনে দেয়।

—ব্লাউজ কিনবে না ?

—আমার আছে।

—আর কি নেবে ?

গৌরী একটু ইতস্তত করে বলে, বরং একটা সায়া—

—নাও না।

দোকান থেকে বেরিয়ে কেষ্ট বলে, বিকেলে নিশ্চয় করে নীল শাড়ী পরে এস।

গৌরী সন্ততি জানিয়ে চলে যায়।

আজ প্রায় চার দিন বাদে দুপুরবেলা কেষ্ট অনন্ত-কেবিনে এল। বিশেষ কোন লোক ছিল না, আশুবাবু চেয়ারে বসে ঢুলছিলেন। কেষ্টের গলা শুনে চম্কে উঠে, চোখ কচলে জিজ্ঞেস করলেন, ব্যাপার কি বল তো ? থাকো-থাকো। আজকাল কোথায় উপে যাও পাস্তা পাওয়া যায় না !

সে-কথার উত্তর না দিয়ে কেষ্ট আশুবাবুর কাছে একটা চেয়ারে বসে পড়ে, বড্ড ক্ষিদে পেয়েছে, চটপট খাবার দিতে বলুন।

—কি আনবে ?

—ডিম-ভাজা, রুটি-মাখন আর যদি চপ থাকে—পেট ভরে খাব।

আশুবাবু অর্ডার দিতে রান্নাঘরে চলে যান। ফিরে এসে কেষ্টের

পিঠ চাপড়ে বলেন, সত্যিই আশ্চর্য লাগছে, এরকম হাসি-খুশি ভাব তো তোমার অনেক দিন দেখি নি ?

—কেন, আমি কি চিরকাল হা-হতাশ করেই বেড়াব, বলিহারি বুদ্ধি !

—এ বুড়োকে কী দিতে পারবে না, কি হয়েছে বল ।

—আপনার কি মনে হয় ?

আশুবাবু ভেবে নিয়ে বলেন, হয়তো কোথাও পাকা চাকরী পেয়েছে ।

—ঠিক ধরেছেন । পাকা চাকরী, তবে মাইনে দেয় না । যাক্ গে, এদিকের খবর বলুন ।

আশুবাবু এতক্ষণ ভুলে গিয়েছিলেন, এবার ব্যস্ত হয়ে বলেন, সর্বনাশ হয়েছে, রাখব বোয়াল কাৎ—

—সে তো জানি, হেরে গেছে । তাতে কি হোল ?

—এর পরও জিজ্ঞেস করছ কি হ'ল ? তদ্রলোক রেগে আশুন, ছোঁড়াগুলোকে যা তা বলে গালমন্দ দিয়েছেন ।

কেষ্টর মুখ ধমধম করে, কি বলেছে ?

—বিশেষ করে তোমার উপর রাগ, ওর টাকা নষ্ট করেছ, ওর নাম ডুবিয়েছ তোমরা—

—সে গাধাগুলো কিছু বলতে পারলো না ?

—কি বলবে, জান তো তুমি ছাড়া ওরা এক পা চলতে পারে না ।

কেষ্ট হঠাৎ উঠে দাঁড়ায়, খাবার রেখে দিতে বলুন, আমি রাখব বোয়ালের সাথে দেখা করে আসি ।

আশুবাবু ব্যস্ত হয়ে পড়েন, এত তাড়া কিসের ? না খেয়ে যেও না । কিন্তু কেষ্ট ততক্ষণে রাস্তার নেমে পড়েছে, ও কত বড় শয়তান আমি দেখতে চাই ।

রাঘব বোয়ালের বাড়ি যাবার পথে কেঁটর সঙ্গে ভোঁতনদের দেখা হয়ে গেল, তারা অনেকেই রকে বসে আড্ডা মারছিল। ভোঁতন বলে, কেঁটনা, এতদিন কোথায় ছিলে, আমরা যে গল্পখোঁজা করছি।

কেঁট সে-কথার জবাব দেয় না, গম্ভীর গলায় বলে, আমার সঙ্গে আয়।

—কোথায়?

—রাঘব বোয়ালের বাড়ি।

—ওরে বাপস্। সেদিন যা অপমান করেছে, আর ও-মুখো হচ্ছে না।

—এত ভয় কেন, আয় আমার সঙ্গে।

ভোঁতন রেগে বলে, তুমিই আমাদের নাচিয়ে দিয়ে কেটে পড়লে, আর যত অপমান সহিতে হ'ল—

—তোরা কি মানুষ, বেশ করে শুনিয়ে দিয়ে আসতে পারলি না? চল আমার সঙ্গে।

আর কেউ আপত্তি করতে পারে না, অনিচ্ছা সত্ত্বেও কেঁটর সঙ্গে যেতে হয়। আজ কিন্তু দারোয়ান গেট ছেড়ে দেয় না, বজ্রগম্ভীর স্বরে জিজ্ঞেস করে, কিসকো মাঙতা?

কেঁট খিঁচিয়ে ওঠে, কা'কে চাই জান না, রাঘব বোয়ালকে, তোমার বাবুকে।

দারোয়ান আব বাধা দেবার সাহস পায় না। কেঁটর মেজাজ দেখে বাবুকে খবর দিতে ছুটে।

কেঁটরা এসে বসবার ঘরে জমা হয়। কেউ কারো সঙ্গে কথা বলে না। আসন্ন ঝড়ের পূর্বমুহূর্তের মত থমথম করছে। কেঁটর চোখমুখ লাল, জোরে জোরে নিশ্বাস পড়ছে।

রাঘব বোয়ালের চিংকার শোনা যায়, কাহে ঘুস্নে দিয়া।

তারপরেই সিঁড়িতে পট পট করে চটির আওয়াজ। পর্দা সরিয়ে রাঘব বোয়াল দ্রুত ঘরের মধ্যে ঢোকেন, কি চাই?

কেষ্ট দাঁতে দাঁত ঘষে বলে, কৈফিয়ৎ !

রাঘব বোয়াল হতভম্ব হয়ে যান, কৈফিয়ৎ কিসের ?

—এদের কাছে আপনি কি বলেছেন ?

—কেন, ওরা বলেনি ?

—আপনার মুখ থেকে শুনতে চাই। বুঝতে পারছি না ওরা বাড়িয়ে বলছে কি না।

রাঘব বোয়ালের আর ধৈর্য থাকে না, বলেন, ওরকম চড়া গলায় আমার সামনে কথা বোল না।

—কেন, আমি কি আপনার চাকর ?

—শাট্-আপ।

—ইউ শাট্-আপ।

ঘর-স্বদ্ধ সবাই শিউরে ওঠে। ভোঁতনরা ভয় পায়, তারা জানে রেগে গেলে কেষ্টর মাথার ঠিক থাকে না। তেমনি ভয় পায় রাঘব বোয়ালের বাড়ির লোকেরা যারা এর মধ্যে এসে জড়ো হয়েছে ঘরে, বারান্দায়। তারা জানে, মুখের ওপর কথা রাঘব বোয়াল কোন দিন বরদাস্ত করতে পারে না। অসহ্য রাগে রাঘব বোয়ালের কান লাল হয়ে ওঠে, তোমাদের আমি পুলিশে দেব, শয়তান ! টাকা চুরি করেছে।

তাকে থামিয়ে কেষ্ট চিৎকার করে বলে, টাকা চুরি আমরা করিনি। তুমি করেছে, এত বড় বাড়ি, গাড়ী, সব লোক ঠকিয়ে। আমরা চোর হলে তুমি ডাকাত।

—কি ! রাঘব বোয়ালের মুখ দিয়ে কথা বার হয় না।

—তুমি প্রত্যেক দিন লোক ঠকাও, আমরা ঠকাব তোমাকে ?

রাঘব বোয়ালের বড় ছেলে কেষ্টর কাছে এগিয়ে আসে, বাজে গোল-মাল বাড়ির ভেতর করবেন না, রোজ এসে যে টাকা নিয়ে গেছেন তার কি করেছেন জবাব দিন।

—ভূতের বাপের শ্রাদ্ধ করেছি। কে জানত আপনার বাবাকে ?
তার দিকে তার নাম ছড়িয়ে দিয়েছি, এতগুলো মিটিং ডেকেছি, নিজের
চোখেই জেঁদা দেখেছেন।

—এক কল্ললেন কিন্তু বাক্সে ভোট পড়ল না কেন ?

—দেশের লোক আর গাথা নেই বলে। তারা মানুষ চিনতে
শিখেছে। ভোট দিয়েছে একজন প্রফেসরকে, সে এত বিজ্ঞাপনও
দেয়নি, লোক ভোলাবার চেষ্টাও করেনি।

রাঘব বোয়াল আর চুপ থাকতে পারেন না, হাঁক দেন, দারোয়ান,
রঘু পাঁড়ে—

—দারোয়ানদের বাবাও আনাদের কিছু করতে পারবে না। তবে
কেন হেরেছেন, আসল কারণটা জেনে নিন, আমাদের দোষ নয়, নিজের
দোষেই। এত দিন ধরে যে সব নিরীহ লোকের উপর অত্যাচার
করেছেন তারাই চাবুক মারলে এবার আপনাকে।

একথা বলেই কেঁদে নিজের দলকে ডাক দেয়, চলে এস সবাই।

ভোঁতনরা এতক্ষণ কাঁঠ হয়ে দাঁড়িয়েছিল, সংকেত পেয়ে কেঁদে
সঙ্গে ছুঁড়ু কবে বেরিয়ে আসে। হতবাক রাঘব বোয়াল নিফল
আক্রোশে চেযাবে বসে পড়েন। চাকর, দারোয়ানদের আঙ্গুল দিয়ে
দেখিয়ে ছেলেকে বলেন, ওদের সব কাজে যেতে বল, আর ডাক্তারকে
একবার খবর পাঠাও।

নির্দিষ্ট জায়গায় পৌঁছে কেঁদে দেখে গৌরী দাঁড়িয়ে আছে, পরনে তার
সকালের কেনা সেই নীল শাড়ী।

—তুমি অনেকক্ষণ এসেছ ?

—আধ ঘণ্টার ওপর।

—একটা কাজে আটকে পড়েছিলাম।

—তাতে কি হয়েছে, আমি এখানে দাঁড়িয়ে দাঁড়িয়ে কত কি দেখছিলাম।

—নতুন শাড়ী পরে বেশ দেখাচ্ছে।

গৌরী চুপ করে থাকে।

—চল, একটু বেড়িয়ে আসি।

কেষ্ট গৌরীকে নিয়ে হাঁটতে শুরু করে। সাহেবী পাড়ার বড় বড় দোকানের সামনে, যেখানে আলোর মেলা, সেখান দিয়ে হাঁটতে ছ'জনেরই ভাল লাগে। কত রকম জিনিস, রং-বেরঙের মূল্যবান সামগ্রী। এক সময় কেষ্ট বলে, কত দামী দামী জিনিস দেখছ ?

—বেশ সুন্দর !

—ঐ শাড়ীগুলোর দাম জান ?

—কত ?

—একশ', দেড়শ', দুশ'।

—বা-বা। কারা পরে ?

—যাদের অনেক টাকা আছে।

গৌরী কেষ্টর দিকে তাকায়।

—তাই ত, অনেক দূর হেঁটে এসেছি। বাড়িতে রান্না করেছ ?

—না, গিয়ে করব।

—চল, বরং কোন দোকানে চুকে খেয়ে নেওয়া যাক।

মিষ্টির দোকানে চুকে ওরা কেবিনের মধ্যে গিয়ে বসে। গৌরী বলে, বাঃ, কি সুন্দর জায়গা ! এতটুকু ঘর, পাখা ঘুরছে, পাথরের টেবিল—

দোকানের ছোঁড়া চাকর এসে জিজ্ঞেস করে, কি আনব বাবু ?

কেষ্টর যা মনে এল ছ'চার রকম খাবার বলে দেয়। গৌরীর মন অনেক দিন বাদে বেশ হালকা হয়ে যায়। ছ'জনে নানা রকম গল্প করে। গৌরী হঠাৎ জিজ্ঞেস করে, আপনার বাড়ির কথা যে বলবেন বলেছিলেন।

এক মুঠো—৬

কেউ হাসে, হ্যাঁ, আমার একটা বাড়ি আছে—

—বলুন—

—ওই তো বললুম, এখনও ভাগ হয়নি। হ'লে আমার হবে নীচে
একখানা ঘর, ওপরে একটা, এক ফালি ছাদ।

—তা নয়, বাড়িতে কে আছেন ?

—কেউ নেই।

—সেদিন যে বলছিলেন আমার কথা ?

—ও আমার ভাইঝি।

—তবে কেউ নেই বললেন কেন ?

—ওকে আর আমার কাছে আসতে দেয় না।

—কে ?

—দাদা-বৌদি।

—ওদের ভাল লাগে না।

—দাদা-বৌদির কথা তো বলেন নি ?

—কেন ?

—বড় টাকা-আনা-পয়সার লোক। মনটা এতটুকু ছোট। কেউ
আজুল দিবে দেখায়। ইতিমধ্যে খাবার এসে পড়ায় এ প্রসঙ্গ
চাপা পড়ে যায়। দু'জনেরই বেশ খিদে পেয়েছিল, তাই ভাল করে
খাবারের সদ্যবহার করে। কচুরী, সিঙ্গারা, আরও দু'বার আনিয়ে
নিতে হয়।

খাওয়া শেষ হলে দাম চুকিয়ে বাইরে বেরিয়ে আসে। টিপ টিপ
করে বৃষ্টি পড়ছিল।

—তাড়াতাড়ি পা চালিয়ে চল, জোরে বৃষ্টি নামার আগে ঠামে করে
তোমাকে পৌঁছে দিই।

গৌরী জোরে হাঁটতে থাকে। ঠামে বেশি ভিড় ছিল না, লামনের

দিকে খালি সিটে ছ'জনে পাশাপাশি বসে। গৌরী বলে, আজও কিছু কাজের কথা হল না।

—সে নিয়ে তোমায় ভাবতে হবে না।

—কত দিন আপনি এরকম টাকা দেবেন ?

—যত দিন তোমার দরকার।

টালীগঞ্জের কাছে এসে ট্রাম থামে, বেশ জোরে বৃষ্টি পড়ছে। ছ'জনে নেমে দৌড়ে একটা গাছের তলায় গিয়ে দাঁড়ায়।

—উঃ, কি বড় কৌটা !

—তোমার জামা-কাপড় যে একেবারে ভিজ়ে গেছে !

—আপনি বুঝি শুকনো আছেন ?

—আমার তো ভয় নেই, তেজা অত্যেস আছে। দেখ, তোমার আবার জ্বর না হয়।

—আমরা বাঙালদেশের লোক, জলেই মাহুষ। ঐ যে ট্রাম আসছে, আপনি চলে যান।

—বেশ, তুমি তাহলে বাড়িতে যাও।

কেষ্ট ট্রাম-স্টপেজে আসে। সেখানে রাজেনের সঙ্গে দেখা, একেবারে ভিজ়ে গেছেন যে কেষ্টবাবু !

—হঠাৎ বৃষ্টি এল।

—গৌরী কোথায় গেল ?

—বাড়ি গেছে।

প্রথম ট্রামটা এক রকম না খেমেই চলে যায়। অগত্যা কেষ্ট দাঁড়িয়ে দাঁড়িয়ে রাজেনের সঙ্গে আলাপ করে। রাজেন জিজ্ঞেস করে, আপনারা তো ভবানীপুরে মিষ্টির দোকানে গিয়েছিলেন, না ?

—হ্যাঁ, তুমি ও-পাড়ায় ছিলে বুঝি ?

—বাজারের কাছেই ছিলাম, দেখলাম আপনারা চুকলেন।

—তুমি এলে না কেন ?

—কাজ ছিল। কিন্তু শাড়ী কিনে আপনি ঠকে গেছেন।

—কেন ?

—ও দোকানগুলোতে দামের ঠিক থাকে না। আরও আট আনা, দশ আনা কমে পাওয়া যেত।

দ্বিতীয় ট্রাম এসে পড়ে।

—আজ চলি ভাই, আর একদিন আসব।

কেই ট্রামে উঠে পড়ে।

যদিও প্রভাত সম্পাদককে তরসা দিয়েছিল কিছু টাকা যোগাড় করে দেবে বলে, কিন্তু কোথাও তেমন সুবিধে করে উঠতে পারে না। তাই ‘সবুজ ঘাসের’ ট্রেড-শো দেখতে এসে বেলারাণীর সঙ্গে দেখা হতেই সে ঐ কথার অবতারণা করে।

—আপনাকে একটা কথা বলার আছে।

বেলারাণী হেসে জিজ্ঞেস করে, কি ব্যাপার ? আবার প্রশ্নোত্তর না কি ?

—না, আমাদের পত্রিকা সম্বন্ধে।

—কি হয়েছে ?

প্রভাত আমতা-আমতা করে, মানে একটু মুন্সিল হয়েছে, সম্পাদকের নামে ওয়ারেন্ট এসেছে। হয় জেল, নয় ফাইন।

—হঠাৎ !

—হঠাৎ আর কি, একটা প্রবন্ধ বেরিয়েছিল, ওরা বলেছে অশ্লীল।

বেলারাণী অবাক হয়, এমন লেখা ছাপালেন কেন ?

—আমি তো আর ছাপাই নি, সব ঐ সম্পাদকের কাজ। একেবারে আকাট মুখ্য, ইংরিজি থেকে অনুবাদ করেছে—

—তাই তো ভাবনার কথা !

প্রভাত আস্তে আস্তে বলে, প্রায় পাঁচশো টাকার দরকার । জানেনই তো কাগজের অসুবিধা, কোথা থেকে যে এত টাকা দেবে—

—পাঁচশো ! সে তো অনেক টাকা ! এক কাজ করুন, চাঁদা তুলুন । আমি দশ টাকা দেব এখন ।

প্রভাত আর এ বিষয়ে কথা বলার উৎসাহ পায় না । বেলারাণী নিজে থেকে জিজ্ঞেস করে—‘সবুজ ঘাস’ কেমন লাগল ?

—তেমন সুবিধের হয়নি ।

তখনও অনুষ্ঠান শেষ হয়নি । বেলারাণী বলে, চলুন, আমরা বরং বেরিয়ে পড়ি । ভিড় ভাঙলে বড় দেরি হবে ।

—চলুন ।

বেলারাণী এগিয়ে গিয়ে এক ভদ্রলোককে ডেকে আনে । আলাপ করিয়ে দেয়, ইনি বিনোদ রায়, অভিনেতা, প্রযোজক, আরও অনেক কিছু । আর ইনি প্রভাতবাবু, বই লেখেন ।

কথা বলতে বলতে তারা নীচে নেমে আসে, কর্মকর্তাদের সঙ্গে দু’-চারটে মুখের কথা হয় । বেলারাণী সকলকেই ‘বেশ হয়েছে’, ‘বেশ হয়েছে’, ব’লে গাড়ীতে উঠে পড়ে । বিনোদের বড় গাড়ী, নিজে চালায় । সামনের সিটেই তিন জনে বসে পড়ে ।

বাড়ি পৌঁছে বেলারাণী প্রভাতকে ছাড়ল না । বললে, আসুন, আমাদের সঙ্গে । কফি খেয়ে যাবেন ।

তারা তিন জনে বসবার ঘরে এসে বসে । প্রভাত ভালো করে বিনোদের দিকে তাকিয়ে দেখে । সুশ্রী চেহারা, সিক্কের পাঞ্জাবী, দামী কোঁচান ধুতি ! হাতে সিগারেটের টিন, চোখে রোদ্দুরের-চশমা ।

প্রভাত প্রশ্ন করে, আপনি কোন্ ছবিতে কাজ করছেন ?

বিনোদ উত্তর দেয়, ছবিতে বেশি কাজ করি না, থিয়েটারে অভিনয় করি।

—কোন্ থিয়েটারে ?

—অ্যামেচার।

—ওঃ।

—বেলার জন্তে এবার ফিল্ম লাইনে নামছি।

—কোন্ বইতে ?

—‘নিয়তির পরিহাস’।

—কার লেখা ?

বেলারাণী উত্তর দেয়, লেখকের নাম প্রভাতবাবু।

প্রভাত বিস্মিত হয়, তার মানে ?

—আপনাকে আগেই বলেছিলাম, আমি প্রডাকসান করবো।

—হ্যাঁ, বলেছিলেন বটে।

—তারই প্রথম বই আপনাকে লিখতে হবে।

আনন্দে প্রভাতের চোখ-মুখ নেচে ওঠে, এতক্ষণ বলেননি একথা, নাম কে ঠিক করলে ?

—আমি।

—চমৎকার নাম দিয়েছেন, পোস্টার পড়লেই লোকের ভিড় হবে।

—খুব ভালো করে লিখতে হবে প্রভাতবাবু !

—কিন্তু প্লটটা তো এখনও বললেন না ?

বেলারাণী মিষ্টি করে হাসে, পরে বলবো। এখন থেকে প্রায়ই আসতে হবে আপনাকে, সিনারিও লেখা তো সোজা কথা নয়।

—ও নিজে আপনি ভাববেন না, একেবারে ফাস্ট ক্লাস করে দেবো।

তা ছাড়া হাতে সময়ও অনেক, পত্রিকাই যখন উঠে গেল।

বিনোদ এতক্ষণ এদের কথা শুনছিল, কক্ষির পেয়ালায় শেষ

চুমুক দিয়ে বলে, বেলা, তোমার সঙ্গে দরকারী কথাটা সেরে
নিই।

বেলারানী উত্তর দেয়, তাড়া কি, হবে এখন।

প্রভাত বোঝে, তারই জন্তে এরা কথা বলতে পারছে না। উঠে
দাঁড়িয়ে বিদায় চায়, আমায় মাপ করবেন, এবার চলি।

—এখনি উঠবেন?

—আজ চলি, কাল বরং আসবো, বলে নমস্কার করে ঘর থেকে
বেরিয়ে যায়।

বিনোদ উঠে গিয়ে বেলারানীর সঙ্গে এক সোফায় বসে।

—কই, এ ভদ্রলোকের কথা তো আগে বলনি?

বেলারানী অশ্রুমনস্ক ভাবে বলে, মনে ছিল না। দেখা হতে ভাবলাম,
একে দিয়ে লেখালেই হবে।

—টাকা নেবে তো?

—কত আর? শ'তিনেক টাকা।

—মাত্র?

—আবার কি। লোকটি ভাল, তবে বুদ্ধি কম। দেখলেই তো
বুঝতে পারো—

—আশ্চর্য, সবাইকেই তুমি বোকা মনে কর?

বেলারানী ফুলদানীর ফুলগুলো সাজিয়ে রাখে।

—কি দরকারী কথা বলছিলে?

—আমায় কত টাকা দিতে হবে?

—যা বলেছিলে—

—ঠিক তো তার বেশি কিছু দিতে পারব না।

বেলারানী হাসে, দিলেও নোবো না। যত কমে সম্ভব বই তুলতে
হবে, দেখছো তো বাজার?

—পরিচালক ঠিক করেছ ?

—প্রমোদ ।

—প্রমোদ ? কি বলছো, ও যে একেবারে অনাড়ী ।

—তাতে কি হয়েছে, সাড়ে সাত শো'র পুরো বই ! চল্লিশ দিনের
মামলা ।

—একটু রিস্কি হয়ে যাচ্ছে । গভীর হয়ে মন্তব্য করে ।

—মোটাই না । লোক আসবে বেলারাগীকে দেখতে, পরিচালককেও
নয়, লেখককেও নয় ।

বিনোদ কি বলতে যাচ্ছিল, বেলারাগী খামিয়ে দিয়ে বলে, ওপরে
চল বিনোদ । দেরি হয়ে গেল, আমি চান করে নিই ।

বেলারাগীর বাড়ি থেকে বেরিয়ে প্রভাত হাওয়ায় ভাসতে ভাসতে চলে ।
নিজেকে তার খুব হান্ধা মনে হয় । এতদিন বাদে অপ্রত্যাশিত ভাবে
হঠাৎ সিনেমার গল্প লেখার সুযোগ পেয়ে বেলারাগীকে মনে মনে ধন্যবাদ
জানায় । এই সুখবরটি অরুণাকে না জানিয়ে বাড়ি ফিরতে তার ইচ্ছে
করে না । অরুণা প্রভাতের ছাত্রী, প্রাইভেটে তিনবার ম্যাট্রিক ফেল
করে এ বছর পাস করেছে । আগের দু' বছর অন্ত মাস্টার ছিল, বার
বার ফেল করায় তাদের তাড়িয়ে প্রভাতকে আনা হয় । আশ্চর্য
প্রভাতের কপাল, অরুণা পাস করল ! এমন কি, থার্ড ডিভিশানে নয়,
সেকেণ্ড ডিভিশানে । অরুণার বাবা বলেছিলেন, আপনার বাহাদুরী আছে,
অরুণা যে পাস করবে আমি ভাবিনি, তাই ত বিয়ের সম্বন্ধ করছিলাম ।

প্রভাত অমায়িক হেসে উত্তর দিয়েছিল, যেয়ে আপনার খুব শার্প,
ঠিক কোচিং পায়নি বলেই—

—তা তো বুঝতেই পারছি । যাই হোক, ও যতদিন পড়াশুনা করবে
আপনাকে তার নিতে হবে ।

বলা বাহুল্য, প্রভাত এ কথার সম্মতি দিয়েছিল। অরুণা সকালে কলেজে পড়ে বিকেলে প্রভাতের কাছে।

আজ প্রভাত যখন অরুণার বাড়িতে এল, তখন প্রায় দুটো বাজে। উঠানে ঝি বাসন মাজছিল, প্রভাত ডেকে বলে, দিদিমণিকে একবার খবর দাও।

বাইরের ঘরে বসতেই সে শুনতে পায়, ঝি অরুণাকে চেষ্টা করে ডাকছে। মিনিট দুয়েকের মধ্যে অরুণা নেমে এল। প্রভাতকে দেখে চোখ বড় বড় করে জিজ্ঞেস করে, এ কি, এখন যে?

—বস, একটা খবর আছে।

—কিসের?

—আমার গল্প সিনেমায় উঠবে।

—সত্যি, কোন্ গল্প?

—‘নিয়তির পরিহাস’।

অরুণা হাততালি দেয়, কি মজা, আমাদের পাশ দেবেন তো? সবাই গিয়ে ছবি দেখে আসব। বাবা এমনিতে ছবি দেখে না, কিন্তু আপনার বই হলে নিশ্চয় যাবে। বাই, মাকে বলে আসি।

প্রভাত বাধা দেয়, আহা বোস না, সব কথা শোন।

অরুণা বসে পড়ে, তাই তো আপনার কথাই শুনছি না, এবার বলুন।

—আজই সকালে ঠিক হ’ল, প্রথমেই তোমাকে খবর দিতে এলাম।

অরুণা কপট রাগের ভান করে বলে, আমাকে দেবেন না তো কা’কে দেবেন শুনি? আপনার সেই খেঁদীকে?

—আহা, তার কথা আনছ কেন?

—একশ বার আনব। আমি বরাবর দেখেছি আমার সঙ্গে কথা বলতে গেলেই আপনার খেঁদীর কথা মনে পড়ে, তার মত চালাক ছাত্রী আর পাননি। কিন্তু আহা, বিয়ের সময় আপনাকে একটা চিঠিও দিল না!

প্রভাত মনে মনে বিরক্ত হয়, কি কথা বলতে এলাম আর তুমি কি
করলে বল ত ?

অরুণা প্রভাতের মুখটা দেখে নিয়ে বলে, রাগ করছেন বুঝি ? আচ্ছা,
আর একটি কথাও বলব না । এবার বলুন—

—তোমাকে বেলারাগীর কথা বলেছিলাম, ওরাই বই তুলছে ।
আমার লেখা উনি খুব ভালবাসেন কি না, তাই আমাকে দিয়েই—

অরুণা এতক্ষণ কোন কথাই শোনে নি, হঠাৎ প্রভাতকে ধামিয়ে
জিজ্ঞেস করে, একটা কথা বলব ?

—কি কথা ?

—রাগ করবেন না ?

—বল না ?

—বেলারাগীর রংটা খুব ফসাঁ ? ছবিতে যেমন দেখায ?

—না, শ্যামবর্ণ ।

—ওঁর বাঁ গালে একটা ‘বিউটা স্পট’ আছে, না ?

প্রভাত আবার বিরক্ত হয়, আমি অত দেখি নি ।

অরুণা হাসে, চোখে-মুখে তার ছুঁছুঁমি-ভরা, হ্যাঁ, দেখেন নি আবার ।
আমার কাছে অত সাধু সাজতে হবে না ।

—কি মুন্সিল, যা বলি তাই নিয়েই ঝগড়া—

—ঝগড়া তো করি নি । আমাকে একদিন বেলারাগীর কাছে
নিয়ে চলুন না ?

—সেখানে কি করবে ?

—বেশ আলাপ সালাপ করে আসব, কলেজের মেয়েরা সব অবাক
হয়ে যাবে ।

প্রভাত এবার উঠে পড়ে, আমি তাহলে চলি, আজ আর সন্ধ্যাবেলা
আসব না, একেবারে কালকে ।

অরুণা বিষয় প্রকাশ করে, আশ্চর্য লোক, এলেনই বা কেন, যাচ্ছেনই বা কেন ?

প্রভাত গজ-গজ করে, বললেই বা শুনছে কে ? আমি চললাম ।

অরুণা ধমকে ওঠে, যান দেখি কেমন যেতে পারেন ? বসুন ঐ চেয়ারে, আমি মিষ্টি জল নিয়ে আসছি ।

—আমার দেরি হয়ে যাবে !

—হোক্ গে, কি এমন রাজকার্য পড়ে আছে শুনি ? যতক্ষণ না আসছি, পত্রিকাটা পড়ুন ।

অরুণা আদেশ জারী করে ঘর থেকে বেরিয়ে যায় । প্রভাত ভাল-মাহুষের মত বসে পত্রিকার পাতা ওন্টাতে থাকে ।

চুণীলাল শ্রামলের সঙ্গে দেবেনদার আলাপ করিয়ে দেবার পর থেকে শ্রামল প্রায়ই দেবেনদার বাড়ি যায় । খিদিরপুরের এক প্রান্তে ছ'খানা ঘর নিয়ে ওঁর বাসা । দেবেনদাকে শ্রামলের অদ্ভুত লাগে । দেশের জন্তে উনি অনেক ত্যাগ করেছেন, সে সব কথা বলতে বলতে ওঁর মুখ উজ্জ্বল হয়ে ওঠে, আবার কত সময় ছেলেমাহুষের মত কেঁদে ফেলেন । শ্রামল চুপটি করে শোনে । সেদিনও তিনি বলছিলেন, লেখাপড়া কর শ্রামল, ভাল করে লেখাপড়া কর । জ্ঞান না হলে সত্যিকারের কাজ করা যায় না ।

শ্রামল কোন কথা বলে না, জানে, দেবেনদা শুধু বলতেই ভালবাসেন ।

—আমরা কলেজ ছেড়েছি অসহযোগ আন্দোলনের সময়, কিন্তু পড়া ছাড়িনি । জেলে, কি বাইরে, সব সময় এন্টার বই পড়েছি—দেশী, বিদেশী যা পেয়েছি । এখনও কত কবিতা আমার মুখস্থ । একটু থেমে আবার বলেন, কিন্তু ভুল করেছি, সারা জীবন ধরেই ভুল করলাম । দেশের জন্তে সব ছেড়েছি, বাড়ি ঘর, সমাজ, কিন্তু কি লাভ হল ?

শামল আন্তে আন্তে বলে, কেন দেশ স্বাধীন হয়েছে, আপনাদের মত লোক না থাকলে—

দেবেনদা হাসেন, স্বাধীনতা তো কাগজে-কলমে। বাদের জন্তে প্রাণপণ করে খাটলাম তাদের কিছুই হল না। না পেলেন তারা খেতে, না শিখল তারা লেখাপড়া—

—হবে আন্তে আন্তে।

—আর হবে, বিশ্বাস হারিয়েছি। যে-পার্টির জন্তে হাজার হাজার যুবক সেদিন প্রাণ দিয়েছে আজ সে-পার্টির কি অবস্থা! এক-জনও সত্যিকারের মানুষ সেখানে নেই। যারা কোন দিন দেশের কথা ভাবেনি, এতটুকু ত্যাগ করেনি, সেদিনকার সবচেয়ে বড় স্বার্থপর যারা, ভারাই টাকা জোরে আজ পার্টির হোমরা-চোমরা হয়ে বসেছে! আমাদের মত লোকের সেখানে আর স্থান নেই।

কথা বলতে বলতে দেবেনদার চোখ-মুখ লাল হয়ে ওঠে, উত্তেজনায় চোঁচিয়ে ওঠেন, ভেঙ্গে যাবে, সব ভেঙ্গে চুরমার হয়ে যাবে। এত বড় মিথ্যে কিছুতেই টিকে থাকতে পারে না।

শামল এইসব কথার কিছুই বুঝতে পারে না। তবে এইটুকু সে জানে, দেবেনদা যা কিছু বলেন, তার পেছনে লুকোন আছে একটি আঘাত-পাওয়া ব্যথিত হৃদয়। তাঁর চিন্তাশ্রিত মুখের দিকে তাকিয়ে থেকে এক সময় বলে, দেবেনদা, কালী একবার যেতে বলেছে।

—যেও, ঐ এখন আমার ডান হাত।

বাইরে থেকে কালীকে দেখে শামলের মনে হয়েছিল লোকটা ভাল নয়, কিন্তু কাছে এসে আলাপ হতে তার মত বদলে যায়। উত্তর-কলকাতার এক অখ্যাত গলিতে তার আস্তানা। শুধু-গায়ে লুঙ্গী পরে বসে থাকে। মাথার চুল এত পাতলা যে কালো টাক পরিষ্কার দেখা

যায়। নামের সঙ্গে চেহারার অবিকল মিল। গা দিয়ে জল গড়ালে কালীর মতই দেখায়।

শামল দরজায় কড়া নাড়তে কালী নিজে এসে দরজা খোলে, এস ভেতরে।

দরজা বন্ধ করে শামলকে ঘরের ভেতর নিয়ে যায়। ছোট ঘর, আসবাব নেই বললেই চলে। মাছরের ওপর বসে শামলের হাতে হাত-পাখাটা ধরিয়ে দেয়, বড় গরম, একটু হাওয়া কর।

শামল এ ধরনের আতিথেয় বিম্বিত হলেও, কালীর কথামত তাকে বাতাস করে। কালী পালক দিধে কানে স্ৰুস্ৰুড়ি দিতে দিতে চোখ বুজেই জিজ্ঞেস করে, বয়স কত ?

—ষোল।

—বাবা-মা কত দিন মারা গেছেন ?

প্রশ্ন শুনে চমকে ওঠে। তবু উত্তর দেয়, মা মারা গেছেন ছোটবেলায়, বাবা আছেন।

—ভাই-বোন অনেকগুলি বুঝি ?

—আমি একা।

কালী এক চোখ খুলে দেখে, এ লাইনে ক'দিন ?

শামল ঠিক বুঝতে না পেরে জিজ্ঞেস করে, এই পার্টিতে ?

—পার্টি-ফার্টি নয়, এখন কি করছ ?

—কিছুই করি না।

কালী দু'হাত দিয়ে মুখটা রগড়ায়, কি পারো ?

শামল আশ্চর্য হয়, কি রকম বলুন ?

—পকেট মারতে পার ?

শামল স্তব্ধ হয়ে যায়, অনেকক্ষণ চুপ করে থেকে বলে, চেষ্টা করিনি।

—যিথ্যে কথা বলতে পারো ?

* শ্রামল এবার সহজ গলায় উত্তর দেয়, পারি।

কালী এবার ছ'চোখ খুলে ভাল করে তাকায়, হঠাৎ শ্রামলের শিঠি চাপড়ে বলে, বাঃ, তুই ঠিক পারবি।

কালীর কাছে বাহবা পেয়ে সলজ্জ হাসিতে শ্রামলের মুখ ভরে ওঠে। কালী জিজ্ঞেস করে, বড় বড় বাড়ির সামনে পেতলের নেমপ্লেট থাকে দেখেছিস ?

—হ্যাঁ।

—কাল ছটো খুলে আনবি। আমার কাছে তালিম নিতে হলে প্রথমে নজরানা দিতে হয়।

—কাল কখন আসব ?

—এই সময়েই।

শ্রামল চলে যাচ্ছিল, কালী ডেকে বলে, জু ড্রাইভার আছে ?

—না।

—ঐ কোণ থেকে ছটো নিয়ে যা।

শ্রামল যন্ত্র নিয়ে কালীর বাসা থেকে বেরিয়ে পড়ে।

গৌরীর সঙ্গে জলে তিজে থেকে অবধি কেঁটার শরীর ভাল নেই। সারা শরীরে ব্যথা, জ্বর, অরুচি। অনেকগুলো উপসর্গ একসঙ্গে দেখা দিয়েছে। কিন্তু সকলের চাইতে কষ্ট দরকারের সময় হাতের কাছে এক গ্লাস জল এগিয়ে দেবার লোক নেই বলে। তবু এরই মধ্যে বাপ-মায়ের নিবেদন অগ্রাহ করে শ্রামা এসেছিল। খুম ভাঙতে কেঁট দেখে, বার্ণির গেলাস নিয়ে শ্রামা বলছে, কাকু, এটা খেয়ে নাও।

কেঁট সে-কথা না শুনে প্রশ্ন করে, ওপরে এসেছিস যে, বাবা বকুবে না ?

—বাবা নেই, অফিসে গেছেন।

—এখন ক'টা বাজে ?

—দুটো বেজে গেছে । কষ্ট হচ্ছে কাকু ?

কেষ্ট চিন্তিত মুখে বলে, ওপরে এসে ভাল করিস নি, তোর বাবা
শুনলে বকবে, নীচে যা—

—তোমার যে জ্বর হয়েছে কাকু, ডাক্তারবাবুকে খবর পাঠাব ?

—না, আর একদিন শুয়ে থাকলেই ঠিক হয়ে যাবে, তুই এখন যা ।

শ্রামা কেষ্টর কথামত বার্লির গেলাস রেখে নীচে চলে গেল বটে,
কিন্তু সুযোগ পেলেই ওপরে আসে, দরকারী জিনিসপত্র কাকার হাতের
কাছে এগিয়ে দেয় ।

এরই মধ্যে একদিন বিপত্তির সৃষ্টি হল, শ্রামার ছোট ভাই দিদির
ওপর রেগে বাবাকে বলে দিলে, দিদি তোমার কথা শোনে না,
খালি খালি ওপরে যায় ।

বলরাম সবে অফিস থেকে ফিরছিল, কথা শুনেই মাথায় তার
আগুন জ্বলে ওঠে, ডাক দিদিকে ।

শ্রামা আসতেই বলরাম সজোরে কান মলে দেয়, বাঁদর মেয়ে,
ওপরে কি করতে যাও ?

শ্রামা ধতমত খেয়ে যায়, চোখের জল সামলে ধরাগলায় বলে,
কাকুর, কাকুর অশুখ করেছে—

বলরাম চিৎকার করে ওঠে, বেগ হয়েছে । ও মরুক, বাঁচুক, তোর তাতে
কি ? ওপরে যেতে বারণ করেছি ব্যস, আর কোন কথা শুনতে চাই না ।

• চেষ্টামেচি শুমে শ্রামার মা ছুটে এসেছিল, আহা, একটু বার্লি দিয়ে
এসেছে তা অত মারধোর করার কি আছে ?

—মেয়েকে অমন আত্মারা দিও না, বাপের অবাধ্য হওয়া—

শ্রামার মা সুর পান্টায়, আর তাকেও বলি মেয়ে, নিজের বাপকে
তো চিনিস, গোলমাল করিস কেন ?

—এর পর থেকে আমি সব কিছুর জন্তে তোমাকে দায়ী করব, কোন রকম স্ভাকামী আমি পছন্দ করি না।

বলরাম গজ-গজ করতে করতে কলতলায় চলে যায়।

ঠিক এই সময় শ্যামল এসে দরজা ঠেলে। শ্যামার মা বলে, খোকা, দেখ তো কে এল?

খোকন ছুটে গিয়ে দরজা খুলে দেয়, শ্যামার মা চৈঁচিয়ে বলে, জিজ্ঞেস কর কাকে চাইছেন।

খোকনের পুনরুজ্জ্বলিত আগের শ্যামল উত্তর দেয়, কেউদা আছেন? খোকন বলে, ওপরে।

শ্যামল দরজা পার হয়ে উঠোনে এসে দাঁড়ায়, শ্যামা বলে ফেলে, কাকুর যে জ্বর।

—একবার বলুন, আমি দেখা করতে চাই, আমার নাম শ্যামল।

সঙ্গে সঙ্গে কেউর গলা শোনা যায়, ওপরে এস, শ্যামল। আমি শুয়ে আছি।

শ্যামল ওপরে উঠে গিয়ে কেউর বিছানার একধারে বসে পড়ে, কত দিন জ্বর হয়েছে কেউদা?

—ক’দিনই তো—

—আমরা তাই ভাবছি, আপনি আসছেন না কেন। এখন কত জ্বর?

—বেশি নয়, কাল-পরন্তু খুব বেড়েছিল। দুর্বল করে দিয়েছে বেশ,—কেউ বালিসে ভর দিয়ে উঠে বসে, শ্যামল দেখ তো বাইরে ছাদে বোধ হয় জল আছে, আর ঐ গামছাটা দাও, মুখটা ধুয়ে ফেলি।

মুখ ধুয়ে কেউ অনেকটা সুস্থ বোধ করে। দুটো বিস্কুট আর বালি খেয়ে বলে, বেশ ভাল লাগছে এখন।

শ্রামল নিজের থেকেই বলে, টাকার দরকার আছে কেউদা ?

—কেন ?

—আপনার ভাগের অনেকগুলো টাকা আমার কাছে রয়েছে ।

—দরকার হলে পরে নেব ।

শ্রামল জিজ্ঞেস করে, জানেন, প্রভাতদার বই ছবিতে উঠছে ?

—প্রভাতের ? আমাদের প্রভাত ?

—হ্যাঁ ।

—কি বই ?

—নামটা ভুলে গেছি । খুব শক্ত নাম ।

—ভাল কথা, প্রভাতের সঙ্গে অনেক দিন দেখা হয়নি ।

—বেলারাগী পার্ট করবে ।

—তাই না কি ?

—খুব ভিড় হবে, না কেউদা ?

—ভাল বই হলে হবে নিশ্চয় ।

কেউর সঙ্গে শ্রামলের অনেক কথা হয়, কিন্তু সে দেবেনদার বিষয় কিছুই বলে না । কথার ফাঁকে এক সময় জিজ্ঞেস করে, আপনি কবে থেকে বেরুতে পারবেন মনে হচ্ছে ?

—কাল কিংবা পরশু ।

—আমি অনন্ত-কেবিনে থাকব, যদি আপনাকে না পাই, এখানে এসে খবর নেব ।

—সেই ভাল, আশুদাকে আমার কথা বোল ।

—আশুদাই তো আমাকে পাঠালেন, আপনি না গেলে আশুদার মন খারাপ হয়ে যায় ।

—আশুদা বড় ভাল লোক ।

—আমি তাহলে এখন আসি কেউদা, শ্রামল নীচে নেমে যায় ।

এক মুঠো—৭

ক’দিন থেকেই মদন বড় একলা পড়ে গেছে। শ্রামল আজকাল আর আগের মত আসে না। স্কুল পালিয়ে পার্কে, কিংবা আড্ডা-সংঘের বৈঠকে যেমন শ্রামলের সঙ্গে আগে দেখা হত, দৈনন্দিন কাজকর্মের খুঁটি-নাটি আলোচনা হত, এখন আর তা সম্ভব হয় না। সব সময়েই ব্যস্ততার জ্বাব দেখিয়ে শ্রামল বলে, চলি ভাই, দেবেনদার কাছে যেতে হবে।

মদন কত সময় বিরক্ত হয়ে বলেছে, কি দেবেনদা দেবেনদা করিস, এ যে কেঁপেদার বাড়ি হয়ে উঠল।

—এ অল্প ব্যাপার, না মিশলে বুঝবি না।

—আমি একলা একলা কি করব ?

—কি আবার করবি, ইস্কুল যাবি, বাড়ির কাজ করবি, গলায় সোনার হার পরে বসে থাকবি।

—ক’দিন ছবি দেখিনি, চল না একটা—

—বলছি তো সময় নেই, দেবেনদা ছাড়া কালীর কাছে তালিম নিতে হবে।

—কালীকে নাম ধরে ডাকিস্ ?

—দাদা বললে চটে যায়।

—জাহান্নামে যা, আমার কি, পরে ভুগবি।

শ্রামল একথা গ্রাহ্য করে না। আড্ডা-সংঘের অল্প কারো সঙ্গে মদনের তেমন বনে না। শ্রামলের পরে মাত্র একজন যাকে সে ভালোবাসে সে মনুদা। আজ বাড়ি থেকে বেরিয়ে মোড়ের মাথায় মনুদার সঙ্গে দেখা, দু’-তিন দিন না কামানোর ফলে মুখময় খোঁচা খোঁচা দাড়ি, পরনে ময়লা পাঞ্জাবী। মদনকে দেখে ম্লান হেসে জিজ্ঞেস করে, কোথায় যাচ্ছ ?

—কোথাও যাইনি, এমনি।

—বস, তোমার সঙ্গে একটু কথা বলি।

মদন বোঝে মনুদা এতক্ষণ কথা বলার লোক খুঁজছিল, তাকে পেয়ে সত্যি খুশি হয়েছে, বলে, মনুদা আপনাকে বড় ক্লান্ত দেখাচ্ছে, শরীর খারাপ হয়নি তো ?

—শরীরের আর দোষ কি ভাই, কত আর সহবে !

—আপনি একটুতে বড় মুষড়ে পড়েন, কি এমন হয়েছে বলুন তো ?

—তুমি জানি না মদন, নন্দিতার বাবা পরশু আমাদের বাড়ি গিয়েছিলেন। নন্দিতাকে লেখা আমার চিঠি দেখিয়ে শাসিয়ে এসেছেন, পুলিশে নালিশ করবেন বলে।

—সে কি, তার পর ?

—আমাকে বললেন, তুমি কেন এসব চিঠি দাও, আমার মেয়ে ~~কখনো~~ তোমায় লিখেছে ? আমি কিছু উত্তর দিইনি ! পুলিশেও যদি দেয়, আমি কোনদিন বলব না যে নন্দিতাও চিঠি দেয়।

—কিন্তু উনি কি করে চিঠিটা পেলেন ?

—জানি না। কোনদিন জানতে চাইবোও না, যদি না নন্দিতা নিজে থেকে বলে।

ঠিক এই সময় নন্দিতা এসে তাদের বাড়ির দোতলার ছোট রেলিঙ ধরে বারান্দায় এসে দাঁড়ায়। মনুদা পেছন ফিরে মদনের সঙ্গে কথা বলছিল, তাই মদন ইসারা করে, মনুদা, ওই যে—

মনুদা ফিরে তাকিয়ে নিম্পলক দৃষ্টিতে নন্দিতার দিকে চেয়ে থাকে। মদন মাথা হেঁট করে। মাঝে মাঝে আড়চোখে মনুদার দিকে তাকায়, দেখে তার মুখ হাসিতে উজ্জ্বল হয়ে উঠেছে। হঠাৎ মনুদা তার পিঠ চাপড়ে বলে, চল মদন, তোমাকে কিছু খাওয়াই।

মদন আশ্চর্য হয়ে জিজ্ঞেস করে, কি ব্যাপার মনুদা ?

—নন্দিতা আমায় সত্যিই ভালবাসে, আর কোন সন্দেহ নেই।

কেষ্ট যদিও শ্যামলকে বলেছিল স্পষ্ট হয়েই অনন্ত-কেবিনে আসবে, কিন্তু পরদিন বাড়ি থেকে প্রথম বেরিয়ে সোজা গেল টালীগঞ্জের বস্তীতে গৌরীর কাছে। এ কদিন বার বার তার গৌরীর কথা মনে পড়েছে, অশুখের মধ্যে এমন অসহায় অবস্থায় না পড়লে সে যেমন করে হোক একটা খবর পাঠাতো। ট্রাম-স্টপেজ থেকে হেঁটে গৌরীদের বস্তী পর্যন্ত যেতে কেষ্টর বেশ কষ্ট হয়। ছ' জায়গায় দাঁড়িয়ে একটু জিরিয়ে নেয়।

বস্তীর মুখে একটা ছোট ছেলেকে দেখে জিজ্ঞেস করে, গৌরী আছে ?

—আছে বোধ হয়, বলে ছেলেটি চলে গেল। কেষ্ট অবাক হয়, আগেও ছেলেটিকে দেখেছে, কেষ্ট আসলে সে লাফাতে লাফাতে গিয়ে গৌরীকে ডেকে আনত। এক বুদ্ধ দাওয়ার ওপর বসে হাঁকো টানছিলেন, কেষ্ট তাঁকেই জিজ্ঞেস করে, গৌরী আছে ?

বুদ্ধ ব্যাজার মুখে উত্তর দেন, কি করে জানব, কলকাতার শহরে দেখছি সোমথ মেয়েরা ঘরে থাকে না।

এ ধরনের উত্তর কেষ্ট আশা করেনি, গৌরীর ভাইকে পোড়াতে যাওয়ার পর থেকে এ বস্তীর সকলেই তাকে ভালবাসতো, এলেই ছোটো কথা বলতো। আজ হঠাৎ যেন সব পার্টে গেল। আর কোন কথা না বলে কেষ্ট সোজা গৌরীর ঘরের সামনে এসে হাজির হল। দরজা খোলা, গৌরী সেলাই করছিল, কেষ্টকে দেখে চমকে ওঠে, কেষ্টদা—

—কি হয়েছে গৌরী, ওরকম করছ কেন ?

গৌরী কোন কথা বলতে পারে না, ছ'চোখ বেয়ে জলের ধারা নেমে আসে।

—কি হয়েছে গৌরী, আজ সব কেমন অদ্ভুত লাগছে ! কেউ ভাল

করে কথা বলছে না, তুমি কাঁদছ ? গৌরী নিজেকে সামলে নিয়ে জিজ্ঞেস করে, এতদিন আপনি কোথায় ছিলেন ?

—বাড়িতে ।

—ওঃ, গৌরী দীর্ঘশ্বাস কেলে ।

—কি ভাবছ ?

—ভাবিনি । তবে আজ এলেন কেন ?

—তাতে কোন দোষ হয়েছে ?

—আপনি বাড়ি যান । গৌরী উচ্ছ্বসিত কান্নায় ভেঙ্গে পড়ে ।

তার দিকে তাকিয়ে কেঁপে আস্তে আস্তে বলে, সেদিন রাত্তিতে বৃষ্টিতে ভিজে খুব জ্বর হয়েছিল, এতদিন বিছানায় পড়ে ছিলাম, বাড়ি থেকে এক পা বেরুতে পারিনি । আজ প্রথম বেরিয়েই তোমার খবর নিতে এসেছি । একটু থেমে বলে, এখনও বেশ দুর্বল, পা কাঁপছে ।

গৌরীর এতক্ষণে খেয়াল হয় এখনও সে কেঁপে বসতে বলেনি । উঠে দাঁড়িয়ে চোখের জল মুছে বলে, এইখানে বসুন ।

কেঁপে গৌরীর পরিত্যক্ত জায়গায় বসে পড়ে । কিছুক্ষণ চুপ করে থেকে নিজে থেকেই কেঁপে জিজ্ঞেস করে, কি হয়েছে, বল ?

—বলব, পরে ।

—কখন ?

—এখানে নয়, সবাই কান পেতে আছে ।

—কি বলছো ?

গৌরী চারদিক দেখে নিয়ে নীচু গলায় বলে, ঠিকই বলছি, আমাকে-আপনাকে নিয়ে—

—কথা উঠেছে ?

—হ্যাঁ, রাজেন লাগিয়েছে ।

—রাজেন ? কেঁপে গুম হয়ে যায়, ঠিক বলছো ?

—সে অনেক কথা, আমি না কি ভালো মেয়ে নই, আপনার সঙ্গে—।
গৌরী ঝরঝর করে কেঁদে ফেলে।

কেষ্ট স্থির গলায় প্রশ্ন করে, তুমিও কি চাও আমি চলে যাই ?

সে-কথার সোজা উত্তর না দিয়ে গৌরী বলে, আমার যে আর
কেউ নেই !

—দরকার হলে আমার সঙ্গে যাবে ?

গৌরী মুখ তুলে তাকায়, কোথায় ?

—জানি না, তবে চেষ্টা করব যাতে তুমি বাঁচতে পারো।

গৌরী চুপ করে থাকে।

—কি বল ?

—হঠাৎ কি বলা যায় ?

—আমি চললাম, তুমি ভেবে-চিন্তে জানিও।

কেষ্ট ঘর থেকে বেরিয়ে যাচ্ছিল, গৌরী ডুকরে কেঁদে ওঠে, এরা
আমাকে বাঁচতে দেবে না, কেষ্টদা।

কেষ্ট সংযত কণ্ঠে উত্তর দেয়, তুমি শাস্ত হয়ে ভাবো, যা ভালো বুঝবে,
আমি সেই ব্যবস্থাই করে দেব।

আর কথা না বাড়িয়ে কেষ্ট ঘর থেকে বেরিয়ে আসে। মুখোমুখি
রাজেনের সঙ্গে দেখা, এতক্ষণ সে বাইরে দাঁড়িয়ে সব কথা শুনছিল।
রাজেন খঁকিয়ে ওঠে, এতক্ষণ কি সুস্মন্তর দেওয়া হচ্ছিল ?

কেষ্টর কান লাল হয়ে যায়। তবু নিজেকে সামলে নিয়ে হাসবার
চেষ্টা করে, সবই তো শুনেছো।

—ছি ছি, তদরলোক ভেবেছিলাম, কেষ্টদা বলে ডেকেছিলাম, শেষে
কি না—

—কি ?

—একটা অসহায় মেয়েকে টাকার লোভ দেখিয়ে—

—বাজে বোক না, থাবড়ে মুখ লাল করে দেব ।

রাজেন ছেড়ে কথা বলার পাত্র নয়, চাঁচিয়ে ওঠে, কার কাছে মেজাজ গরম করছেন, আপনার মত কলকাত্তাই বাবু ঢের দেখেছি । পেটে এক, মুখে এক—

রাগে কেঁপে কাঁপছিল । ঠাস করে রাজেনের গালে এক চড় মারে । আচমকা আঘাতে রাজেন প্রথমটা ভড়কে গিয়েছিল বটে, কিন্তু পরক্ষণেই বাঘের মত কেঁপের ওপর লাফিয়ে পড়ে । শরীর দুর্বল না থাকলে কেঁপে হয়ত কিছুক্ষণ যুঝতে পারত । কিন্তু বলিষ্ঠ রাজেন তাকে এক ধাক্কা মারতে ফেলে অমাত্মিক প্রহার করতে থাকে । ইতিমধ্যে চারদিকে লোক জমা হয়ে গেছে, ভিড়ের মধ্যে থেকে কথা শোনা যায়, ছেড়ে দে রাজেন, মরে যাবে যে । কেউ বললে, নাক কেটে যে রক্ত পড়ছে, পুলিশ হাঙ্গামায় পড়বি নাকি ? সকলেই হৈ-হৈ করছে, গৌরী কোন কথা না বলে এক পাত্র জল নিয়ে সেখানে ছুটে আসে । রাজেন ততক্ষণে কেঁপেকে ছেড়ে উঠে দাঁড়িয়ে দাঁতে দাঁত চেপে জোরে জোরে নিশ্বাস নিচ্ছে । গৌরী বিনা ভূমিকায় কেঁপের মাথার কাছে বসে জল দিয়ে তার মুখের রক্ত ধুয়ে দেয় । গৌরী ভয় পেয়েছিল, হয়তো কেঁপে অজ্ঞান হয়ে গেছে, কিন্তু তার গর্জানী শুনে একটু আশ্বস্ত হয় । কেঁপে বিড়-বিড় করে বলে, শরীরটা দুর্বল, তাই বেকায়দায় ফেলে দিয়েছে, এর শোধ আমি নেব ।

রাজেন চিৎকার করে ওঠে, কানে কানে কি বলা হচ্ছে ?

কেঁপের বদলে গৌরীই উত্তর দেয়, রাজেনদা, তুমি ঘরে যাও । ভদ্রলোক অসুস্থ ।

রাজেন জ্বলে ওঠে, ভদ্রলোক না চামার । ওর হয়ে আর তোমায় দালালী করতে হবে না ।

—কেন মিথ্যে কথা বাড়াচ্ছো, জানো তো সবই । উনি তো আমাদের কোন মন্দ করেন নি ।

—ভাল-মন্দ কি তোমার কাছে শিখতে হবে, না, তোমার ঐ বাবুর কাছে ?

গৌরী এতক্ষণ পর্যন্ত সংযত ভাবে কথা বলার চেষ্টা করেছে, কিন্তু এবার তার ধৈর্যের সীমা ছাড়িয়ে যায়, কথা বলতে শিখলে তবে আমার কাছে এসো। যা তা বলতে তোমার মুখে বাধে না ?

—যা তা আবার কি ? যা সত্যি, তাই বলেছি। অত ঢলাঢলি কিসের ? রোজ একসঙ্গে বেড়াচ্ছো, শাড়ী কিনছো, জামা কিনছো, কত স্তুতি করছো, আমরা কচি খোকা—

অপমানে গৌরীর মুখ কালো হয়ে যায়। ছি, ছি, কি ঘেন্না, কি নোংরা মন তোমার !

এবার অসহায় ভাবে সে অতাদের দিকে ফিরে তাকায়, কিন্তু কারুর কাছে এতটুকু সহানুভূতি পায় না। বুদ্ধেরা বললেন, রাজেন তো অত্মীয় বলে নি। তুমি আমাদের জাতিকত্তা, তোমার ভাল-মন্দ দেখা আমাদের কর্তব্য।

বুদ্ধারা বললেন, চ্যাং-চ্যাং করে নেচে বেড়াবেন, তার ওপর চোখা-চোখা বুলি, কে সহ্য করবে।

যুবকেরা বললে, রাজেন ঠিক করেছে, আরও দু'ঘা দিলে হতভাগা আর অত্ম মেয়েদের ওপর নজর দিত না।

পণ্ডিতমশাই রায় দিলেন, জীবনে সংযমের দাম অনেক গৌরী, বয়স হলে বুঝতে পারবে।

চাপা কান্নায় গৌরীর দম বন্ধ হয়ে আসে, অসহায় ভাবে কেঁপের দিকে তাকায়।

কেঁপ তখন উঠে বসেছে। ক্লান্ত স্বরে গৌরীকে বলে, একটা গাড়ী ডেকে দেবে, বাড়ি যাব।

রাজেন থিঁচিয়ে ওঠে, নিজের পা নেই, যাও না। ও কি করবে—

গৌরী দৃঢ়স্বরে বলে, চলুন, আমি আপনাকে বাড়ি পৌঁছে দিয়ে আসব।

কেষ্টর কোন কথা বলার আগেই রাজেনের দল শাসিয়ে ওঠে, মনে রেখো, ওর সঙ্গে গেলে আর এখানে ঢুকতে পাবে না।

কেষ্ট গৌরীর কাঁধে একটা হাত রেখে সকলকে জুনিয়ে বলে, চল গৌরী, এ নরকে তোমায় এক রাত্রিও ফেলে রেখে আমি শাস্তি পাব না।

গৌরী যন্ত্রচালিতার মত কেষ্টর সঙ্গে বস্তী ছেড়ে বেরিয়ে আসে। পেছনে রাজেনের দল তখনও শাসিয়ে যাচ্ছে।

হু'জনে ট্যাক্সীতে পাশাপাশি বসে, কেউ কথা বলে না। হু'জনের মনের মধ্যেই তোলপাড় করছে, গৌরী তাবছে তার অনিশ্চিত ভবিষ্যতের কথা। অল্প কদিনের পরিচিত কেষ্টদার উপর সম্পূর্ণ ভরসা করে সে আত্মীয়তার সব বন্ধন ছিঁড়ে ফেলে চলে এসেছে। কে বলতে পারে এই নতুন পথের শেষ কোথায়? কেষ্টর চোখের সামনে ভাসছে সেই অপ্রীতিকর বস্তীর ঘটনা, সমস্ত শরীর-মন তার আড়ষ্ট হয়ে গেছে। এত দুর্বল যে কোন কিছু চিন্তা করারও শক্তি তার নেই। তাই ট্যাক্সী-ড্রাইভার যখন জিজ্ঞেস করলে, কোন্ দিকে যাবে, কেষ্ট শুধু বাড়ির রাস্তাটা বলে দিয়ে চুপ করে রইল। সারা পথ সে গৌরীকে কোন প্রশ্ন করেনি, শুধু বাড়ির মোড়ে এসে বলেছিল, এখানে নামো, রিক্সা নিতে হবে।

গৌরী তার নির্দেশমত রিক্সায় চেপে বসে।

রিক্সা এসে বাড়ির দরজায় থামলে কেষ্ট নেমে ঠেলা দিয়ে দেখে দরজা খোলা রয়েছে। ভেতরে কাছাকাছি কেউ ছিল না। কেষ্ট গৌরীকে নিয়ে লঘু পায়ে সোজা সিঁড়ি দিয়ে নিজের ঘরে চলে যায়। ঘরে ঢুকে দরজা বন্ধ করে সে প্রথম স্বস্তির নিশ্বাস ফেলে। গৌরী আড়ষ্ট

হয়ে ঘরের মধ্যে দাঁড়িয়েছিল, কেঁচু ক্লান্ত হয়ে বলে, আমি আর পারছি না গৌরী, একটু শুয়ে পড়ি।

কেঁচু সত্যি সত্যি বিছানায় নেতিয়ে পড়ে। গৌরী এতক্ষণে তার অদ্ভুত পরিস্থিতি উপলব্ধি করতে পারে, সব ব্যাপারটাই তার কেমন যেন আশ্চর্য লাগে। মাত্র একঘণ্টা সময়ের মধ্যে জীবনের এ কি বিরাট পরিবর্তন! এমন অপ্রত্যাশিত ভাবে কেঁচুর সঙ্গে একঘরে রাত কাটাতে হবে তা সে কিছুক্ষণ আগেও কল্পনা করতে পারেনি। চুপ করে কেঁচুর মুখের দিকে তাকিয়ে থাকে, দেখে যন্ত্রণায় সে ছটফট করেছে। কাছে গিয়ে আস্তে আস্তে জিজ্ঞেস করে, ঘরে কোন ওষুধ নেই? যত্ন স্বরে কেঁচু উত্তর দেয়, দেখ তো ওই ছোট বাক্সটায় 'এনাসিন' আছে কি না—

গৌরী বাক্সটাই কেঁচুর কাছে নিয়ে আসে, দু'টো বড়ী সংগ্রহ করে কেঁচু কোন রকমে গিলে ফেলে আবার শুয়ে পড়ে। অল্পক্ষণের মধ্যে নিশ্চিন্ত আরামে সে ঘুমিয়ে পড়ে।

ক্ষিদে-তেষ্টায় কাতর গৌরী কেঁচুর মাথার কাছে বসে থাকে।

সিঁড়িতে পায়ের শব্দ পেয়ে অবধি শ্রামা কেঁচুর খাবার ওপরে দিয়ে আসবার জন্তে ছটফট করছিল। বাবা বেরিয়ে যেতেই আর সময় নষ্ট না করে থালা নিয়ে সোজা ওপরে এসে দরজায় ধাক্কা দিয়ে ডাকে, কাকু, দরজা খোল, খাবার এনেছি।

কেঁচু তখন ঘুমে অচেতন। গৌরী ভয়ে আড়ষ্ট হয়ে যায়। শ্রামা বার বার দরজায় আঘাত করেও উত্তর না পেয়ে বিচলিত হয়। তার ভাবনা হয় কেঁচুর নিশ্চয় শরীর খুব বেশি খারাপ হয়েছে, তাই ছুটে গিয়ে ছাদের দিকের জানালার খড়খড়ি তুলে ভেতরে উঁকি মারে। গৌরী খড়খড়ি খোলার শব্দে চমকে উঠে দাঁড়ায়। ঘরের মধ্যে এই অপরিচিতা

মেয়েটিকে দেখে শ্রামার বিস্ময়ের সীমা থাকে না। কিন্তু কাকার মাথায় জলপটি দেখে তার স্থির বিশ্বাস হয় কেউ বেহুঁস হয়ে পড়েছে। চিন্তিত মুখে শ্রামা নীচে নেমে আসে। মা জিজ্ঞেস করে, কি রে, খাবারের খাদ্য ফিরিয়ে আনলি যে ?

—কাকার খুব অসুখ।

—তাই নাকি, ডাক্তার ডাকতে বললে ?

শ্রামা আস্তে আস্তে বলে, আমার সঙ্গে কথা হয়নি।

—তাহলে ?

শ্রামা মার কাছে সব কিছু খুলে বলে, জিজ্ঞেস করে, এখন কি করি মা ?

মার শকার চেয়ে কোঁতুহল বেড়ে যায়, বলে, চল্ আমিও দেখে আসি।

শ্রামার মা মেয়ের পিছু পিছু উপরে এসে খড়খড়ি তুলে দেখে, কথা মিথ্যে নয়। সত্যিই কেউ শিয়রে একজন অপরিচিতা ভদ্রমহিলা বসে আছে, ঘরের দরজা বন্ধ।

কেউর দাদা বাড়ি ফিরে স্ত্রীর কাছে এ খবর পেয়ে তেলে-বেগুনে অলে ওঠে, ছিঃ ছিঃ, ভদ্রলোকের বাড়িতে এ সব কি ?

—তোমার সবটাতে চাঁচামেচি করা চাই।

—তবে কি মুখ বুজে সব সহ্য করব ?

—এ সব কেলেকারীর ব্যাপার পাড়ায় জানাজানি হওয়াও তো ভাল নয়। মাথা ঠাণ্ডা করে কাজ করো।

—এর আমি হেস্তুনেস্ত করে ছাড়বো। তোমায় বলে দিলাম, আর কোন কথা শুনছি না।

বলরাম রেগে উঠোনে পায়চারী করতে থাকে। শ্রামার মা বুকিয়ে বলে, এখন শোবে চল, সকালে উঠে যা হয় করো।

স্ত্রীর এ যুক্তি বলরামের অপছন্দ হয় না, ঘরে ঢুকে দরজা বন্ধ করে দেয়।

গভীর রাতে কেঁঠের ঘুম তাঙে । শরীরে আর আগের মত যত্ননা নেই, তবে খুব দুর্বল । কোন রকমে উঠে ঘরের আলো জ্বালে । গৌরী মাটিতে ঘুমিয়ে পড়েছে । দরজা খুলে ছাদে এসে দাঁড়ায়, খোলা হাওয়ায় শরীর ঠাণ্ডা করে দেয় ।

‘ হাজার রকম চিন্তা তাকে চেপে ধরে । গৌরীকে নিয়ে, কি করবে সে ? কোথায় যাবে, কোথায় রাখবে ? কিছুই ভেবে পায় না । একমাত্র ভরসা সকাল বেলা আশুদা, কি প্রভাত যদি সাহায্য করে ।

কেঁঠের হঠাৎ খেয়াল হয় তার ভীষণ ক্ষিদে পেয়েছে, আবার ঘরে ফিরে আসে । গৌরী ঘুম ভেঙে জড়োসড়ো হয়ে বসে আছে । কেঁঠকে দেখে জিজ্ঞেস করে, আপনি কেমন আছেন ?

—ভালো । তোমার ক্ষিদে পেয়েছে ?

গৌরী উত্তর দেয় না, কেঁঠ ঘরের কোণ থেকে খানিকটা মিয়ানো বিকুট ঝার করে আনে, গৌরীর হাতে খানিকটা দিয়ে বলে, খাও ।

গৌরী আস্তে আস্তে বলে, আপনি যখন ঘুমচ্ছিলেন, কে এসে দরজা ঠেলছিল—

—বোধ হয় শ্যামা ।

—তারপর কারা খড়খড়ি খুলে দেখছিল, ছ’বার ।

কেঁঠ বোঝে দাদা-বৌদি নিশ্চয় খবর পেয়েছে । হঠাৎ বলে, গৌরী, ভোরে উঠেই আমরা বেরিয়ে যাব ।

তখনও ভোরের আলো পরিষ্কার হয়ে ফোটেনি, কেঁঠ গৌরীকে নিয়ে নীচে নেমে সন্তর্পণে দরজা খুলে বেরিয়ে যায় । সমস্ত পাড়াটাই ঘুমে অচেতন । সদর রাস্তায় তিস্তিরা জল দিচ্ছে । নিজেদের পাড়াটা

তাড়াতাড়ি পেরিয়ে মোড়ে এসে রিক্সা নিয়ে প্রভাতের বাড়ির দিকেই যায় ।

গলির মধ্যে ছ'খানা ঘর নিয়ে প্রভাত থাকে । কেঁট অনেক ধাক্কাধাক্কি করার পর প্রভাত ব্যাজার মুখে দরজা খুলে দেয় । কেঁট, তুই ! এত দিন বাদে কেঁটকে হঠাৎ এভাবে দেখে আশ্চর্য হয়, জিজ্ঞেস করে, এ সময়, ব্যাপার কি ?

কেঁট কোন কথার জবাব না দিয়ে বলে, গৌরীকে এনেছি, ঘরে ডেকে নিয়ে আস ।

—গৌরী কে ?

—যেই হোক সে পরে বলছি, তুই রিক্সা থেকে নামিয়ে ভেতরে নিয়ে আস !

প্রভাত আর দ্বিধা না করে গৌরীকে আপ্যায়িত করে, আশুন, বাড়ির দরজায় এসে রিক্সাতে বসে থাকবেন না কি ?

গৌরী কথামত ভেতরে যায় । কেঁট রিক্সা ছেড়ে দিয়ে চট্ট করে মোড়ের দোকান থেকে কচুরী-সিঙ্গাড়া-মিষ্টি কিনে আনে ।

প্রভাত রেগে বলে, এ কি, আমার বাড়িতে এসে খাবার কিনে আনলি, তোর যত সব বাঁদরামি—

কেঁট সে-কথায় কান না দিয়ে বলে, অনেক দরকারী কথা আছে, তোর পরামর্শ চাই ।

—বল ।

—একটু পরে, তুই আগে গৌরীর হাত-মুখ ধোবার ব্যবস্থা করে দে ।

বাড়িতে প্রভাত একা থাকে, তাই কোন রকমই অসুবিধে ছিল না । গৌরীকে কলঘর দেখিয়ে দিয়ে প্রভাত বাইরের ঘরে এসে কেঁটকে জিজ্ঞেস করে, কি ব্যাপার বল তো ?

— সে অনেক কথা, পুরো একটা উপস্থাপন ।

—বল তো শুনি ?

কেউ খুব সংক্ষেপে বলে যায়, গৌরীর সঙ্গে আলাপ থেকে শুরু করে কালকের সেই অপ্রীতিকর ঘটনার পর অপ্রত্যাশিত ভাবে তার সব ভার নেওয়া পর্যন্ত, সমস্ত কথা ।

প্রভাত প্রশ্ন করে, এখন কি করবি ঠিক করেছিস ?

—তাই তো ভাবছি ।

—মেয়েটাকে বের করে আনলি কেন, ভালোবাসিস ?

—সেটা ভাববার সময় পেলাম কই, বোধ হয় রাগের মাথায় ।

—বিয়ে করবি ?

—যদি কোন উপায় না থাকে ।

—এ ছাড়া আর উপায় কি ? এত অল্প বয়সের মেয়েকে কি সাধারণ কাজ দিতে কেউ রাজী হবে ? আর কি করবেই বা । সমাজের মধ্যে বাঁচতে হলে বিয়ে করতে হবে ।

কেউ চিন্তিত মুখে বলে, তুই তো আমার অবস্থা জানিস, এখন কি করে বিয়ে করবো ?

—এখন না হয়, দু'দিন পরে ।

—তা'পারি, বাড়ি ভাগ হয়ে গেলে । তাও মাস তিনেক তো বটেই, এ ক'টা দিন কি করি ?

—ঘর নিয়ে কোথাও ওকে রাখ, তার পর যা হয়—

কেউ বাধা দিয়ে বলে, ঘর পাওয়াও তো মুশ্কিল, অনেক কথা উঠবে এখনও তো বিয়ে হয়নি ।

—সে জায়গা আমি ঠিক করে দিতে পারি, যদি তোমাদের আপত্তি না হয় ।

—কোথায় ?

—বেহালার কাছে, পিনাকীদের একটা ঘর খালি আছে ।

—কোন্ পিনাকী ?

—ফোটোগ্রাফার, আমাদের কাগজের কভারের ছবিগুলো তো সবই
ওর তোলা—

—হ্যাঁ, হ্যাঁ, ছবিগুলো তো দেখি একই মেয়ের নানা রকম ভঙ্গী—
প্রভাত সার দেয়, সেই মেয়েটার সঙ্গেই থাকে।

—ওর বউ ?

—না, বিয়ে করার ছেলে পিনাকী নয় !

—তবে ?

—এই রকম হাফ-গেরস্ত থেকেই কাটিয়ে দেবে।

গৌরীকে প্রভাতেই বাড়িতেই অপেক্ষা করতে বলে কেঁট বাসা
দেখতে এরিয়ে পড়ে। শহরের এক প্রান্তে ছোট্ট হলদে রঙের দোতলা
বাড়ি। বাড়িওয়ালা উপরে থাকে, নীচেটা ভাড়া দেয়। ঘর দেখে
কেঁট সব ব্যবস্থা পাকা করে ফেলে, খুশি হয়ে প্রভাতকে বলে, একলা
থাকার ভয় নেই অথচ সব আলাদা ব্যবস্থা। এ বেশ ভালোই হ'ল।

শ্রামল কালীর কথামত পরদিনই পেতলের নেমপ্লেট এনে দিয়েছিলো
বলে সহজেই কালীর সাকরেদ হয়ে যেতে পেরেছে। প্রায়ই শ্রামলের
পিঠ চাপড়ে কালী বলে, এ লাইনে খুব হ'শিয়ার হয়ে কাজ করবি।
তাহলে আর কোন ভয় নেই।

কালীর আড্ডায় অনেকের সঙ্গে শ্রামলের আলাপ হয়েছে, তারা
সবাই কালীকে ওস্তাদ বলে ডাকে। যেতে আসতে পায়ে ধুলো নেয়,
দেখাদেখি শ্রামলও শিখে ফেলেছে। আজ সে খোলাখুলি কালীকে
জিজ্ঞেস করে, ওস্তাদ, আমায় কিছু কাজ দেবে না ?

কালী খেতে বসেছিল, এক গ্রাস ভাত মুখে পুরে পাল্টা প্রশ্ন করে,
কি করবি ?

—সে তুমি ঠিক করে দাও। আমি কি বলবো ?

—প্রথমে একটা হান্ধা কিছু কর।

—কি রকম ?

—একজন ছোঁড়া নিতাই-এর কাছে ক'জন লোক চেয়েছে, তাদের একজামিন বন্ধ করে দিতে হবে।

শ্রামল বিস্মিত হয়, কি করে ?

—হাল্লা করতে হবে, আর কি। নিতাই-এর সঙ্গে যাবি, ওরা বলে দেবে।

—এর জন্তে ?

কালী হেসে ওঠে, টাকা মিলবে বৈকি। মুফৎএর কাজ কালী করে না।

হৈ-চৈ করে স্কুল বন্ধ করার অভিজ্ঞতা শ্রামলের যথেষ্ট আছে কিন্তু ঠিক এ ধরনের টাকা নিয়ে অন্তদের পরীক্ষা বন্ধ করাটা তার কাছে নতুন। আগের দিন প্রশ্নপত্র কঠিন হয়েছিল, সেই অজুহাতে কয়েক জন সারা বছর ফাঁকি দেওয়া ছেলে, কালীর দলকে ডেকে এনেছে পরীক্ষা লগুতগু করে দেবার জন্তে।

যে স্কুলের সামনে তারা জড়ো হল, অল্পক্ষণ বাদেই সেখানকার একজন খবর দিয়ে গেল, আপনারা তৈরি থাকবেন। একটু বাদেই কয়েক জন চৌচামেটি করে বেরিয়ে আসবে, ওদের সঙ্গে আপনারা মিলে যাবেন। ভিতরে ঢুকে খাতা পত্তর —

আর কিছু বলতে হল না। নির্ধারিত সময়ে ছেলেরা বেরিয়ে আসতেই শ্রামলরা তাদের সঙ্গে যোগ দেয়। সঙ্গে সঙ্গে গননভেদী চিৎকার আর শ্লোগান, ছাত্রসংঘ এক হও, আমাদের দাবী মানতে হবে। যারা হলের ভিতর পরীক্ষা দিচ্ছিল, যাতে তাদের অনুবিধে না হয় তাই কতৃপক্ষ

হলের দরজা বন্ধ করার আদেশ দিলেন। তাইতেই ঠেলাঠেলি, মারামারির স্রবপাত। ভাড়া-করা ছাত্ররা জোর করে ভিতরে ঢুকে যায়, দারোয়ানদের ঘুবি মারে, গার্ডেরা বাধা দিতে এলে তাঁদেরও জামা ছিঁড়ে দেয়, কাগজ-পত্র কুটিকুটি করে। শ্রামলেরও মাথায় কেমন যেন নেশা চেপে গেছে, সামনে যে ছেলেটি প্রাণপণ খাতা বাঁচাবার চেষ্টা করছিল তাকে বলে, উঠে পড়ুন, আর কেন ?

ছেলেটি করুণ গলায় বলে, কেন, আমরা পরীক্ষা দেব।

—খুব যে ফার্স্ট বয় এসেছেন, এতগুলো ছেলে পারলো আর তুমি উঠতে পারছো না ? শ্রামল এক দোয়াতে কালী ছেলেটির গায়ে ঢেলে দেয়। পাশের একটি ছেলে বাধা দিতে এলে শ্রামল তার চোখ থেকে চশমা কেড়ে নিয়ে হলের আর এক কোণে ছুড়ে ফেলে দেয়। মিনিট দশেকের মধ্যে সব কিছু বিশৃঙ্খল হয়ে যায়। আবার ‘শ্লোগান’ দিতে দিতে বিজয়ী ছেলেরা জয়োল্লাসে হল ছেড়ে রাস্তায় বেরিয়ে পড়ে।

সন্ধ্যার পর শ্রামল কালীর সঙ্গে দেখা করতে যায়। কালী একগাল হেসে বলে, নিতাই-এর কাছে সব শুনেছি, ব্যস, আমার একজামিনে তুই পাস হয়ে গেছিস।

শ্রামল কালীর পায়ের ধুলো নেয়, ওস্তাদ, যা বলবে আমি ঠিক করে দেব।

কালী একটা দশ টাকার নোট বার করে শ্রামলকে দিয়ে বলে, এই নে। নিতাই ছাড়া আজ সবাই তোদের দলে নতুন ছেলে ছিল, কিন্তু কেউ কম যায় না, খুব হাল্লা করে এসেছে।

কালীর কাছ থেকে বেরিয়ে শ্রামল পকেট থেকে কলম আর ঘড়ি বার করে। আজকের গোলমালের মধ্যে তিনটে কলম আর দুটো ঘড়ি হাতসাফাই করেছে। সে-কথা কালীর কাছেও সে চেপে গেছে। বাড়ি ফিরে নিজের বাক্সের মধ্যে সেগুলো রেখে দেয়।

রাত্রে খাবার সময় কথা উঠলো, আজকের গোলমালের বিষয়, মামা নেশার ঘোঁকে বললেন, পরীক্ষা কেউ চায় না। আমি তো বলি, কেন মিথ্যে লেখাপড়া করা—

মামার শালা বটুবাবু খন্খনে গলায় আপত্তি করেন, তোমার যেমন কথা। ছেলেগুলো যে ক্রমশঃ বাদর হচ্ছে। ইস্কুল থেকেই গুণ্ডামি শিখলে বড় হয়ে কি হবে বলতে পারে।

মামা এ কথার জবাব না দিয়ে শ্রামলকে জিজ্ঞেস করেন, তোরাও পরীক্ষার সময় এ রকম গোলমাল করবি নাকি ?

শ্রামল তচ্ছল্যভরে উত্তর দেয়, ও, যারা লেখাপড়া করে না তারাই গোলমাল পাকায়।

—তোমার মত ভাল ছেলেরা নয়, বলে বটুবাবু তির্যক দৃষ্টিতে শ্রামলের দিকে তাকান।

এই ভদ্রলোকটিকে শ্রামল ছ' চক্ষে দেখতে পারে না। রোগা, হাড়গিলে চেহারা। সব বিষয়ে নাক গলানো অভ্যেস। দশ দিনের জন্তে এ বাড়িতে থাকতে এসে ছ'মাসের ওপর রয়ে গেছেন, একই ঘরে থাকেন বলে শ্রামলে অস্বস্তির শেষ নেই।

বটুবাবু আবার বলেন, বই নিয়ে কখনও বসতে তো দেখলাম না !

মামা বাধা দেন, আহা, বাড়িতে আর থাকে কতক্ষণ ! ইস্কুল করে, কোচিং ক্লাশে যায়—

—তাই বলে বাড়িতে পড়বে না ? আমরাও তো কিছু খারাপ ছাত্র ছিলাম না, কোন না কোন সময় বাড়িতে বই নিয়ে বসতে হয়েছে।

শ্রামলের বিরক্তি ধরে যায়, ইচ্ছে করে বটুবাবুর মুখে একটা সজোরে ঘুষি লাগায়। তবু কোন কথা না বলে খাওয়া শেষ করে নিঃশব্দে উঠে পড়ে।

বটুবাবু জামাদের বাওয়ার দিকে তাকিয়ে বলেন, আমি তোমার
বলছি জগৎ, ছেলেটার মতি-গতি ভাল নয়।

—তোমার সবাইকেই সন্দেহ।

—পরে বুঝবে। গরীবের কথা বাসি হলে সত্যি হয়।

—ওর বাবাকে চেন না বটু, ‘অনেস্ট’ লোক।

—কাউকে চিনতে আমার বাকী নেই। আজ নয়, একদিন সব
বলব। তোমার ছেলেদের মুখ চেয়েও আমার বলা উচিত।

জগৎবাবু আর কথা বাড়াতে চান না, ‘চল হে, রাত হ’ল। হাত
ধুয়ে ফেলি।

বাধ্য হয়ে বটুবাবু জগৎবাবুর অহুসরণ করেন।

প্রভাতকে আজকাল বেলারাণীর বাড়ি প্রায়ই যেতে হয়। কারণ
এখনও গল্পটা পুরো লেখা হয়নি। বেলারাণী রোজই বিষয়বস্তু বদলায়।
তার প্রযোজিত প্রথম ছবিতে নায়িকারূপে সে যাতে সব রকম অভিনয়-
প্রতিভা দেখাবার সুযোগ পায় তেমন হওয়া চাই। প্রভাত ফরমাস-
মতো খানিকটা করে লিখে নিয়ে যায়। বেলারাণী শুনে বলে, হয়েছে,
তবে বড় ফরমাসমতো লেখা মনে হচ্ছে।

—বলুন তো একটু অল্প রকম করে দি।

—না না, অল্প রকম করতে হবে না। এতেই প্রাণ আনতে হবে।

—কোথায় ?

—ধরুন, যেখানে নায়ক পাগল হয়ে গেল, নায়িকার চরিত্রে আরও
‘প্যাথোজ্’ চাই।

—কি রকম ডায়ালগ চান বলুন ?

বেলারাণী হেসে ফেলে, সে আমি কি জানি। খুব করুণ, মানে
দর্শকের চোখে জল এনে দিতে হবে।

অনেক দিন বেলারানী কাজে বেরিয়ে যায় প্রভাতকে মসিয়ে রেখে, আপনি বসে লিখুন, আমি এখনি আসছি। হয়তো কোন দিন বেলারানী সত্যিই তাড়াতাড়ি ফিরে আসে, হয়ত কোন দিন আসে না। প্রভাত বসে থেকে থেকে ক্লান্ত হয়ে চলে যায়। তবে বেলারানী না থাকলেও যার সঙ্গে প্রায়ই প্রভাতের দেখা হয় সে হোল বিনোদ। নিজের গরজে সে কথা বিশেষ বলে না, তবে প্রভাত প্রশ্ন করলে সে উত্তর দেয়।

আজ প্রভাত বিনোদকে জিজ্ঞেস করে, বিনোদবাবু, গল্পটা কি দাঁড়াবে বলুন তো? বেলাদেবী রোজই তো বদলে দিচ্ছেন।

বিনোদ সিগারেটের ধোঁয়া ছেড়ে বলে, বেলা ঐ রকমই, নিজেই বদলে যাচ্ছে তো গল্প।

—ওঁর সঙ্গে আপনার অনেক দিনের আলাপ?

—হুঁ, যখন ও থিয়েটারে নাচতো, তখন থেকে।

—উনি খুব তাড়াতাড়ি নাম করেছেন।

বিনোদ সোফায় গা এলিয়ে দেয়, বলতে গেলে পাঁচ সাত বছরের মধ্যে। তা কম উন্নতি নয়, থিয়েটারের গ্রুপ নাচিয়ে থেকে একেবারে চিত্রতারকা।

—ওঁর সত্যিকারের বয়স কত?

—ভগবান জানেন!

—আপনি জানেন নিশ্চয়?

বিনোদ হাসে, ও জেনে কি লাভ?

বিনোদ উসখুস করতে থাকে, সোফার ওপরই এপাশ ওপাশ ফেরে। নিজের মনেই বিড়-বিড় করে বলে, বেলা যে কোথায় গেল আমায় বসিয়ে রেখে।

—এখনি আসবেন বোধ হয়।

—আমি আর পারছি না! চলি। বিনোদ উঠে দরজা পর্যন্ত গিয়ে

ফিরে আসে, আপনি আর একলা বসে থেকে কি করবেন, আমার সঙ্গে আসুন।

—কোথায় ?

—কোন একটা 'বারে' যাই, চলুন।

বিনোদ গাড়ী করে প্রভাতকে নিয়ে যায় সাহেবপাড়ার দ্বিতীয় শ্রেণীর চীনে রেস্তোরাঁয়। এখানে খাবার আর পানীয়, দুই-ই পাওয়া যায়। এ ধরনের রেস্তোরাঁয় প্রভাত যে আগে আসেনি তা নয়, তবে খুব স্বচ্ছন্দ অনুভব করে না।

বিনোদ জিজ্ঞেস করে, কি পান করবেন ?

—আমি করি না।

—করে দেখুন না, একেবারে বিষ নয়।

—তাহলে হান্কা কিছু দিন।

বিনোদ দুটো হুইস্কির অর্ডার দেয়। পান করতে হলে ভাল জিনিসটাই করুন।

দু'পেগের বেশি খেতে প্রভাতের সাহস হয় না, তাইতেই মাথা ঝিম-ঝিম করে। বিনোদ কিন্তু পাঁচটা পর্যন্ত সোডা দিয়ে চালিয়ে গেল, তারপর জল-মেশানো আরও দুটো। মাংস পেটে পড়তেই নেশা জমে ওঠে। বিনোদের মন খুলে গেছে, বেলারাণীর কথা জিজ্ঞেস করছিলেন, ওর জন্তে কত টাকা নষ্ট করেছি জানেন ? হাজার, হাজার। তবু ওকে পেলাম না। আলেয়ার পেছনে ছোটাই সার—

প্রভাতের কৌতূহল হয়, এখনও তো ওর কাছেই আসেন।

—উপায় নেই, কি করবো।

—বেলারাণীকে আপনি ভালোবাসেন ?

—ভালো আমি কাউকে বাসিনি, নিজেকেও না। এ লাইনে কত দিন আছি জানেন ?

—কত দিন ?

—দশ বছর । বাবা মারা যাবার পর থেকে । বাড়ি পেলাম, গাড়ী পেলাম, নগদ টাকা পেলাম । আর কি চাই ?

—আপনার মা ?

—অনেক আগে মারা গেছেন । দুটো বোন ছিল, তাদের বিয়ে হয়ে গেছে ।

—তার পর ?

বিনোদ হাসতে গিয়ে নেশার ঝাঁকে কেঁদে ফেলে, তার পর আর কি, এই যা দেখছেন, মাতাল ।

—আপনার মাথার ওপর আর কেউ ছিল না ?

—আছেন জ্যাঠামশাই আর জ্যাঠাই-মা । তাঁদের সম্পত্তি আমিই পাব ।

—বলেন কি ?

বিনোদ হো-হো করে হাসে, আশ্চর্য হচ্ছেন ! কেন, ভগবানের স্বভাবইতো এই, তেলামাথায় তেল ঢালা । যার টাকা আছে তারই টাকা হয়, ভোগ করার লোক নেই । যার দরকার নেই, তারই গণ্ডায গণ্ডায ছেলে হয়—

প্রভাত বাধা নিয়ে বলে, আপনার বাবা কি অনেক টাকা রেখে গিয়েছিলেন ?

—তা কম নয় । নিজে রোজগার করেছেন, আবার দু-দাহুর সম্পত্তি পেয়েছিলেন, সে-ও অনেক—

—বিয়ে করেননি কেন ?

বিনোদ কি যেন ভেবে নিয়ে বলে, করেছিলাম ।

—তিনি ?

—নেই ।

—মারা গেছেন ?

বিনোদ এ কথার উত্তর দেয় না। পকেট থেকে সিগারেট বার করে ধরায়, বেলারাগী যে ফিল্ম তুলছে তার অর্ধেক টাকা আমার।

—আপনি তো মনই দেন না এ ব্যাপারে।

—ও নষ্ট হবে, আমি ঠিক করে রেখেছি।

—তবে এতে নামলেন কেন ?

বিনোদ হাসে, বেলার জন্তে।

প্রভাত বিস্মিত হয়, আপনি সত্যি আশ্চর্য লোক !

—আশ্চর্য লোক কিছু নয় প্রভাতবাবু, শ্রেফ জ্ঞানপাপী। একটু থেমে বলে, আপনি তো লেখক, আমার লেখার ইচ্ছে আছে—

—আপনি লেখেন নাকি ?

—লিখি না, তবে লিখবো। একখানা বই।

—কি বিষয় ?

বিনোদ আবার হাসে, সে এখন বলব না, তবে দেখবেন, ‘দেবদাসে’র চাইতেও ভাল বই হবে।

—আপনার বুঝি ‘দেবদাস’ খুব ভাল লাগে ?

—‘দেবদাস’ আমার বাইবেল। একটু থেমে প্রভাতকে প্রশ্ন করে, আপনি ভগবান বিশ্বাস করেন ?

—নিশ্চয়।

—প্রার্থনা করেন ?

—করি।

—তাহলে আমার জন্তে একটি প্রার্থনা করবেন ?

—কি ?

—যেন আমার ‘থাইসিস্’ হয়।

প্রভাত দেখে, বিনোদেয় চোখের কোণে জল চক্-চক্ করছে।

রেস্তোর! থেকে বেরিয়ে বিনোদ প্রভাতকে বাড়িতে ছেড়ে দিয়ে
চলে যায়।

প্রায় এক সপ্তাহ বাদে কেঁষ্ট অনন্ত-কেবিনে এলে, আশুদা জড়িয়ে ধরে
বললেন, আর তোমাকে ছাড়া হচ্ছে না। আশুদার দোকানের কথা
বুঝি আজ-কাল মনে থাকে না ?

কেঁষ্ট হেসে উত্তর দেয়, সব চেয়ে বেশি মনে থাকে আশুদা, কিন্তু
সময় যে পাই না।

—কি এমন রাজকার্য করছ শুনি ?

—সে অনেক ব্যাপার। চলুন, আপনার সঙ্গে পরামর্শ করি।

দু'জনে একান্তে বসে চা খেতে খেতে যে আলোচনা করল, তা হোল
কেঁষ্টর বাড়ি ভাগ করা নিয়ে। বলরামের উকীল কেঁষ্টর সঙ্গে দেখা
করে তার দাদার মনোভাব জানিয়ে গেছে। অগত্যা কেঁষ্টকেও তৎপর
হতে হয়। আশুদাকে বলে, আমায় একজন উকীল ঠিক করে দিন,
যে সব বুঝে নিতে পারবে।

আশুদা বলেন, সে আর এমন কি ? আমার বড শালার ছেলে
বেশ ভাল উকীল, বল তো তাকেই ঠিক করে দি।

—আপনি যা ভাল বুঝবেন। সব দায়িত্ব আপনার।

—এত দিনে তব্হলে বাড়ি ভাগ সত্যি সত্যি হচ্ছে ?

—তা ছাড়া উপায় কি ?

—আমি বলি কেঁষ্ট, একলা তুমি থাকতে পারবে না।

—দোকলা পাব কোথায় ?

—বিয়ে কর।

—কাকে ?

—কাকে, তা আমি কি করে বলব ? যাকে তোমার পছন্দ।

—পছন্দ এখনও কাউকে করি নি।

আশুদা গলা নামিয়ে বলেন, কেন, গৌরী ?

কেষ্ট আড়চোখে আশুদার মুখটা দেখে নেয়, তার কথা আপনি কি করে জানলেন ?

আশুদা একগাল হেসে উত্তর দেন, আমি সব খবরই রাখি ভায়া।

কেষ্টর ইচ্ছে ছিল, এ বিষয়ে আশুদার সঙ্গে আর একটু কথা বলে, কিন্তু প্রভাত এসে পড়ায় সে এ প্রসঙ্গ পার্শ্বাঙ্গীতে বাধ্য হয়। প্রভাত কেষ্টর মাথায় চাঁটি মেরে বলে, তুই কি হয়েছিস বলতো ? তারপর একটা খবর পর্যন্ত দিলি না।

—খবর থাকলে তো ?

—‘রিয়েলী’ তুই একটা যা-তা—

আশুদা ইত্যবসরে উঠে পড়েন খদ্দেরদের তদারক করতে।

প্রভাত নিজে থেকেই জিজ্ঞেস করে, জায়গাটা কি রকম লাগছে ?

—ভালই, কোন গোলমাল নেই।

—যা হোক, সংসারী হয়ে পড়লি তো ?

—যেটুকু না হলে নয়।

—পিনাকীর সঙ্গে আলাপ হয়েছে ?

—হয়েছে, সে রকম কিছু নয়।

—চিহ্নর সঙ্গে ?

—কে ?

—পিনাকীর—

—ও হ্যাঁ, গৌরীর সঙ্গে হয়েছে।

—মেয়েটা সত্যি ভাল। ওই হতভাগাটার পাল্লায় পড়ে এতটুকু শাস্তি পেল না। তার পর, কি করবি ঠিক করলি ?

—কিসের কি ?

—গৌরীর ?

—দাদা তো বাড়ি ভাগের ব্যবস্থা করছে। আমিও আশুদাকে উকীল ঠিক করতে বলেছি, ঝামেলা চুকলেই—

—হ্যাঁ, বেশি দেরি করিস না।

একমুখ পান খেয়ে সিগারেট ফুঁকতে ফুঁকতে শামল আসে, আশুদার সামনে দাঁড়িয়ে বলে, শীগ্‌গিরি ডিম রুটি দিতে বলুন, তাড়া আছে।

—তোমার কেউদা এসেছে যে—

—কই ? শামল পেছন ফিরে কেউর দিকে তাকায। হেসে এগিয়ে যেতে যেতে বলে, আচ্ছা লোক আপনি কেউদা, একটা কথারও ঠিক রাখেন না।

—বড্ড ঝামেলার মধ্যে ছিলাম।

—আমাকে একটা খবর দিলেও তো পারতেন। আর প্রভাতদাও হয়েছেন আপনার জুড়ি, সেদিন বললেন যে স্টুডিও দেখাতে নিয়ে যাবেন, তার কি হ'ল ?

প্রভাত উত্তর দেয়, এখনও পুরো কাজ শুরু হয়নি, হলে বলব'খন।

—আপনি আর বলেছেন।

—মাসখানেক বাদে খবর নিও।

প্রভাত উঠে গেলে কেউ শামলকে জিজ্ঞেস করে, তোমার কাছে আমার কত টাকা আছে ?

—প্রায় তিরিশ টাকা।

—আজকে দিতে পারবে ?

—সঙ্গে তো বেশি নেই, পাঁচ টাকা আছে।

—তাই দাও, বাকীটা আশুদার কাছে রেখে যেও। আমি নিয়ে নেব।

শ্রামল সন্মতি জানিয়ে পাঁচটা টাকা কেঁষ্টর হাতে দেয়। কেঁষ্ট আবার জিজ্ঞেস করে, সিনেমার টিকিট কিছু বিক্রি করলে না কি ?

—না, সময় পাইনি।

—আজ-কাল কি করছ ?

—অনেক ব্যাপার আছে, পরে বলব।

বলেই খাওয়া শেষ করে শ্রামল উঠে পড়ে। কেঁষ্ট বসে বসে সিগারেট ধরায়।

নতুন বাসায় এসে গৌরীর ভাল লাগে। এখানকার বিলি ব্যবস্থা, পরিষ্কার ঘর, রান্নার সরঞ্জাম, যা কেঁষ্ট কিনে এনেছে, সবই তার মনের মত ! মাঝে-মাঝে যদিও বস্তীর কথা ভেবে অস্বস্তি বোধ করে কিন্তু পরক্ষণেই কেঁষ্টর উদারতা ও মহত্ব সে-কথা ভুলিয়ে দেয়। রাত্রে কেঁষ্ট কোনদিনই এখানে থাকে না, নিজের বাড়ি ফিরে যায়। প্রয়োজনমতো সকালে কি দুপুরে আসে। কেঁষ্ট না খেলে গৌরী খেতে চায় না বলে দুবেলাই তাকে গৌরীর কাছে খেতে হয়।

গৌরী বলে, বাড়িতে কে আপনার খাবার নিয়ে বসে আছে ?

—কেউ নেই।

—তবে ?

—আমারও তো কাজ-কর্ম আছে, সময়ের ঠিক থাকে না। দেরি হলে পাছে তুমি না খাও, এই ভয়ে অনেক সময় কাজ ফেলে আসতে হয়।

—এলেনই বা। গৌরী মুখ নীচু করে বলে, একলা আমি কিছুতেই খাব না—

অগত্যা কেঁষ্টকে সময় করে রোজই আসতে হয়। এ আসার মধ্যে কর্তব্যবোধের চেয়ে আনন্দ ছিল অনেক বেশি। তাই সব কিছু ফেলে রেখে ঠিক সময়ে এসে গৌরীর দরজায় ধাক্কা দিত।

এখানে আসার পর যার সঙ্গে গৌরীর খুব আলাপ হয়েছে সে হোল চিন্ময়ী, সবাই ডাকে চিহ্ন বলে। মেয়েটির রঙ ময়লা, কিন্তু মুখশ্রী ভাল। একটু বেশি গায়ে-পড়া। নিজে থেকেই এসে গৌরীর সঙ্গে আলাপ করে, আপনারা বুঝি আজ এলেন ?

—হ্যাঁ।

—আপনার নাম ?

—গৌরী।

—আমার নাম চিহ্ন, সামনের ঘরে থাকি।

গৌরী মাতুর পেতে বসতে দেয়, বসুন।

চিহ্ন বসে পড়ে, আমাকে আর অত খাতির করতে হবে না। একবার বসলে আর উঠতেই চাইব না। নিজের রসিকতায় হেসে ওঠে মেয়েটি। চারিদিক তাকিয়ে বলে, এঘরে আমাদের এক বন্ধুরা ছিল, কিছুদিন আগে চলে গেছে।

গৌরী বিশেষ কৌতূহল দেখায় না, তাই বুঝি ?

চিহ্ন বলে যায়, কি বরাত মেয়েটার, এক মাস ছিল এখানে অতীন বাবুর সঙ্গে। বিয়ের সব ঠিক হয়ে গেল, তাই তো চলে গেছে।

—বিয়ের পর চলে গেলেন কেন ? এ তো বেশ ভাল ঘর।

—কেন ?

গৌরীর প্রশ্নে 'চিহ্ন' বিস্মিত হয়, বিয়ে করে এখানে কেউ থাকে না কি ?

—আপনারা ?

—আমাদের মত যাদের মাথার সিঁদূরই সর্বস্ব, তারাই থাকে।

চিহ্নর কোন কথাটাই গৌরীর কাছে পরিষ্কার হয় না। ঠিক এই সময় পিনাকী অত্ন ঘর থেকে ডাক দেওয়ায় চিহ্ন উঠে পড়ে, যাই ভাই, এসেছে, এক মিনিট দেরি হলেই রসাতল করবেন।

এর পর ক'দিনের মধ্যেই চিহ্নর সঙ্গে গৌরীর বেশ আলাপ হয়ে যায়। আপনি-তুমির দ্রুত কাটিয়ে তারা 'তুই তুই' করতে শুরু করে। চিহ্ন বলে, যাই বলিস, তোর কেঁষ্টদা লোক ভাল, মুখ খারাপ তো করে না। আমার কৰ্তাটির কাছে একদিন তুই থাকতে পারিস তো কি বলেছি !

—খুব বকেন বুঝি ?

—কি না করেন, তবু মুখ বুঁজে পড়ে থাকতে হয়। কি আর উপায় বল ?

গৌরী রান্না করছিল। চিহ্ন জিজ্ঞেস করে, মাছের ঝাল করছিস বুঝি ?

—হ্যাঁ, কেঁষ্টদা খুব ভালোবাসেন।

—হ্যাঁ রে, তোর কেঁষ্টদা কি করেন ? সারা ছপুই তো তোর কাছে দেখি।

গৌরী অন্তমনস্ক ভাবে উত্তর দেয়, জানি না তো।

—এ আবার কি ঝাকা কথা, যার সঙ্গে আছিস, সে কি করে জানিস না ?

—ওঁদের অবস্থা বেশ ভাল, দোতলা বাড়ি আছে।

—উনিই বলেছেন বুঝি, তুই জানলি কি করে ?

—আমি ওঁদের বাড়িতে একদিন ছিলাম যে !

—তাই নাকি, তোকে বাড়িতে নিয়ে গিয়েছিলেন ? একটু খেমে বলে, না, তোর কেঁষ্টদা সত্যিই ভাল লোক।

গৌরী কাজ করতে করতেই উত্তর দেয়, আমি তো বলি দেবতা।

কত দিন কত সময় এ ভাবে ছ'জনের মধ্যে আলোচনা হয়। কেঁষ্টর প্রতি গৌরীর এই গভীর বিশ্বাস চিহ্নকে মুগ্ধ করে। অপর পক্ষে চিহ্নর বিবিধ প্রশ্ন গৌরীকে কৌতূহলী করে তোলে। তাই কেঁষ্টকে খেতে বসিয়ে একদিন সে স্পষ্ট জিজ্ঞাসা করে, আপনি কি কাজ করেন ?

এ প্রশ্নে কেউ বিস্মিত হয়। বলে, এ কথা কেন জানতে চাইছ
গৌরী ?

—অনেকে জিজ্ঞেস করে, আমি কিছুই বলতে পারি না।

কেউ হাসে, ও এই কথা, আচ্ছা পরে বলব'খন।

গৌরীর অকারণ জিদ চেপে যায়, না, আজই বলুন।

—আজ থাক গৌরী, বলছি তো।

—বলুন না ?

অগত্যা কেউ বলতে বাধ্য হয়, ব্যবসা করি।

সেদিন মিথ্যে কথা বলে গৌরীকে শাস্ত করেছিল বটে কিন্তু মনে মনে সে
এই ভেবে শঙ্কিত হয় যে, একবার যখন গৌরীর মনে কোতূহলের বীজ
উপ্ত হয়েছে তখন সব কিছু না জানা অবধি তা কিছুতেই শাস্ত হবে না।
তাই প্রথম সুযোগ পেয়েই গৌরীকে সে বোঝাতে চেয়েছিল, গৌরী,
তোমায় অনেকগুলো কথা বলার আছে যা এখনও বলা হয়নি।

—কি বলুন ?

—মানে, জানি না তুমি কি ভাবে নেবে।

গৌরী চুপ করে থেকে কেউকে কথা বলবার সুযোগ দেয়।

—আমি ছোটবেলা থেকেই অনেক রকম ভাবি, আজও। দেখ,
মানুষ মাত্রেই বুদ্ধি দিয়ে কাজ হাসিল করে। এত রকম যে জিনিসপত্র
ব্যবহার করছ সবই মানুষ বুদ্ধির সাহায্যে তৈরি করেছে। বুদ্ধি যার নেই
সে বাঁচতে পারে না। রাস্তার যত বড় বড় বাড়ি দেখ, গাড়ী দেখ, এ
সব কাদের ? যাদের খুব বুদ্ধি। যারা বোকা লোকদের ঠকিয়ে টাকা
রোজগার করে, তাদের।

গৌরী অবাক হয়ে প্রশ্ন করে, সে কি বলছেন, লোককে ঠকালে তো
তার শাস্তি হবে ?

—হয় না, সেইটেই তো সবচেয়ে মজার ব্যাপার। যার যত টাকা তার তত খাতির। যখন একবার টাকা হয়ে যায় তখন কেউ ভাবে না, কি করে এত টাকা হল। সব চোর!

—চোর!

কেষ্ট ম্লান হাসে, জানি গৌরী, এভাবে ভাবতে গিয়ে তোমার খারাপ লাগবে, কিন্তু এ সব সত্যি কথা। গয়লারা দুধে জল মেশায় বলে তোমরা বক, কিন্তু ভেজাল ছাড়া কোন জিনিষ কি বাজারে পাও?

—যেটা খারাপ, কিনব না। দেখে কিনব।

—কি করে দেখে নেবে? বন্ধ টিনের মধ্যে ভেজাল মাল, ধরবার কি উপায় আছে? যারা ঠকায়, যারা চোর, তাদেরই টাকা, তাদেরই খাতির।

গৌরী নিচু গলায় বলে, তাহলে আমাদের টাকা চাই না।

—বাঁচবে কি করে?

—ভগবান বাঁচাবেন!

—সে হলে খুব ভাল হত। কিন্তু তোমার ভগবান যে একেবারে হাবাকাল। কিছু দেখতে শুনতে পায় না।

গৌরী শিউরে ওঠে, ছি, ছি, অমন করে বলবেন না।

কেষ্ট এবার রেগে যায়, ভগবান বাঁচালো তোমার ভাইকে, তোমাকে?

—ভাই-এর মারা যাবার ছিল তাই গেছে। কিন্তু আমাকে তো তিনি বাঁচিয়েছেন, তা নাহলে আপনাকে পেলাম কি করে?

এর পর আর কথা চলে না। কেষ্ট চুপ করে যায়, কিন্তু মনে শান্তি পায় না। গৌরীকে বোঝাতে না পারলে ছ'জনের মধ্যে দূরত্ব বেড়ে যাবে। গৌরীও বোঝে, কেষ্ট ঠিক আগের মত সহজ হতে পারছে না। সব সময় কি যেন চিন্তা করে।

একদিন আগের মত বেড়াতে বেরিয়ে গড়ের মাঠে বসে, গৌরী ঐ কথাই জিজ্ঞেস করে, আপনার কি হয়েছে কেষ্টদা?

—কিছু না তো ?

—কি ভাবছেন এতো ?

—ও কিছু না ।

—আমাকে বলবেন না ? গৌরীর অভিমান হয় ।

কেষ্ট হেসে উত্তর দেয়, রেগে গেলে কেন, বলে লাভ নেই জেনেই বলছি না ।

—কি ?

—ভাবছি, তোমার মত যদি সব জিনিসে বিশ্বাস রাখতে পারতাম । যেমন তুমি ভগবানে বিশ্বাস করো, আমাকে বিশ্বাস করো, সবাইকে বিশ্বাস কর ।

—আপনি কাউকে বিশ্বাস করেন না ?

—না !

—আমাকে ?

কেষ্টকে আবার হার মানতে হয়, তোমার কথা আলাদা ।

এইটুকুতেই গৌরী খুশি হয়, আর কাউকে বিশ্বাস করেন না ?

কেষ্ট গৌরীর মুখের দিকে তাকিয়ে অত্মমনস্ক হয়ে উত্তর দেয়, কেন এমন হয়েছে জানো ? ছোটবেলা থেকে কেউ আমায় বিশ্বাস করতো না । আমার জন্মের সঙ্গে মা মারা গেলেন । আমার নাম হল অপয়া ছেলে । বড় হতে লাগলাম, কারুর ভালোবাসা পেলাম না । একলা মাহুষ হ'লাম । ভাবতাম খুব বেশি । লেখাপড়াতেও সুবিধে করতে পারলাম না, আর কেউ তা নিয়ে মাথাও ঘামায়নি ।

গৌরী গলায় দরদ দিয়ে বলে, আপনার বাবা, তিনি ভালোবাসতেন না ?

—বোধ হয় না । একটা অ্যাক্সিডেন্টে বাবার পা ভেঙ্গে যাওয়ায় কাজ ছেড়ে দিতে হয়, সেও নাকি আমার দোষ, আমি অপয়া ।

—তারপর ?

—দাদা আমার চেয়ে অনেক বড়, চাকরি করতো বাবার অফিসে ।
সে-ই সংসার চালাতে লাগলো । কিন্তু আমি দাদাকে হুঁচকে দেখতে
পারতাম না ।

—কেন ?

—ভীষণ বদরাগী লোক । একটু ভুলচুক হলেই আমাকে মারতো ।
কেউ বাঁচাতে আসতো না । কেউ একদৃষ্টে দূরে তাকিয়ে থেকে বলে
যায়, আত্মীয়-স্বজন যারা আসত, দাদার কাছেই আসত । আমি যে
বাড়িতে আছি কেউ একবারও ভাবতো না । আমার বাড়ি থেকে লোক
এসে দাদাকে নিয়ে যেত, আমি থাকতাম একা । বাবা শেষের দিকে
পন্থ হয়ে পড়েছিলেন, আমাকেই দেখাশোনা করতে হ'ত ।

গৌরী কেঁপকে খামিয়ে দেয়, চলুন, রাত হ'ল ।

কেউ দীর্ঘশ্বাস ফেলে উঠে দাঁড়ায়, চল ।

চলতে চলতে কেউ আবার শ্রান হেসে বলে, বাবা যদি হঠাৎ মারা
না যেতেন, বাড়ির অংশ আমি পেতাম না । উইল করলে সবই দাদাকে
দিয়ে যেতেন ।

—বৌদি আপনার হয়ে কিছু বলতেন না ?

—আমার হয়ে বলবে ? আমাকে বোধ হয় বাড়ির চাকরের চেয়ে
বেশি উঁচুতে কিছু ভাবতো না । স্বার্থপর, তবে ওরও দোষ নেই, যেমন
সবাই করেছে । অথচ আশ্চর্য হচ্ছে, ওদের মেয়েটা আমাকে ছাড়া এক
মিনিট থাকতে পারত না । বাপ-মার কাছে কত বকুনি খেয়েছে, মার
খেয়েছে, তবু আমার কাছে ছুটে পালিয়ে আসে । এখন শুনি দাদা
আমার ওপর রেগে শ্রামার বিয়ের ঠিক করেছেন এক ঘোজবরের সঙ্গে ।

গৌরী চমকে ওঠে, সে কি, ওইটুকু মেয়ে !

—কে বুঝবে সে-কথা । এক স্কুলমাস্টার । ছোটো ছেলে রেখে বউ
মারা গেছে, তাদের জন্মেই শ্রামাকে বিয়ে করছে ।

এক মুঠো—৯

আজ এই প্রথম কেউ গৌরীর সঙ্গে নিজের জীবনের কথা খোলাখুলি ভাবে আলোচনা করে। গৌরীর সমস্ত সহানুভূতি কেউর জন্তে উন্মুখ হয়ে ওঠে, সে চায় কেউর মন থেকে এত দিনের পুঞ্জীভূত বেদনার ভার লাঘব করে দিতে।

তাই পরদিন চিহ্নর ঘরে গিয়ে সে বলেছিল, সত্যি চিহ্ন, কেউদার তুলনা হয় না।

—কেন, আবার কি হল ?

—ছোটবেলা থেকে যে কি কষ্ট পেয়েছেন, শুনলে তুই অবাক হয়ে যাবি।

চিহ্নকে কথা বলার সময় না দিয়ে গৌরী গতকাল কেউর মুখে যা যা শুনেছিল, বর্ণনা করে যায়। কথা শুনতে শুনতে চিহ্নর চোখে জল তরে আসে।

আঁচল দিয়ে চোখের জল মুছে বলে, তুই কখনও ওনার মনে কষ্ট দিস না। গৌরী লজ্জা পেয়ে ঘুরে দাঁড়ায়। চিহ্নর ঘরে সে বেশি আসেনি, চতুর্দিকে ছড়ানো ছবিগুলোর দিকে তাকিয়ে থাকে।

চিহ্ন বলে, ছবি দেখবি, বোস্ না। বড়-ছোট নানা আকৃতির ছবি চিহ্ন গৌরীর সামনে সাজিয়ে দেয়। কত রকম দৃশ্য, কত মেয়ের ছবি।

গৌরী প্রশ্ন করে, এসব কাদের ছবি ?

—যাদের মুখ ছবিতে ভাল ওঠে।

—কি হয় ?

—বিক্রি।

—কোথায় ?

—পত্রিকায়, মলাটে ছাপায়, কখনও ভেতরে। এই দেখ না—

চিহ্ন কতকগুলো পুরোন পত্রিকা বার করে আনে। গৌরী দেখে

সব পত্রিকাগুলোর মলাটে চিহ্নর ছবি। অনেক রকম ভঙ্গীতে। গৌরী
অবাক হয়, এ যে সব তোর ছবি রে ?

—আগে আমার ছবিই বেশি তুলত।

চিহ্নর কথার গৌরীর কেমন খটকা লাগে। জিজ্ঞেস করে, আজকাল
তোলে না ?

—কম।

—কেন ?

—আমার চেয়ে অনেক সুন্দরীরা ছবি তুলতে ছুটে আসে বলে।

—তোর খারাপ লাগে না ?

চিহ্ন দীর্ঘশ্বাস ফেলে, না।

ঠিক বুঝতে না পেরে গৌরী চিহ্নর দিকে তাকায। চিহ্ন মুখ নীচু
করে বলে, আর ছবির মোহ নেই।

—কিসের মোহ আছে শুনি ?

—জীবনের।

—মানে !

—ঘর, সংসার। কিছুই হ'ল না।

বিস্মিতা গৌরী প্রশ্ন করে, এ তো বেশ ভাল ঘর, নিজের বাড়ি না
হলে বুঝি মন ওঠে না ?

—তা বলিনি রে গৌরী, ছেলেপিলে না হলে, সমাজ না থাকলে
মেয়েদের জীবনে কোন সুখ নেই।

—ছেলেপিলের কথা জানি না, কিন্তু সমাজ চাই না আমি। বিত্তী
লোক তারা।

চিহ্ন ম্লান হাসে, এখন তাই ভাবছি, পরে বুঝবি। যদি নিজের
ভাল চাস কেউদাকে বুঝিয়ে তাড়াতাড়ি বিয়ে করে ফেল, নইলে আমার
দশা হবে।

—কেন, তোর বিয়ে হয়নি ?

—পুরুষদের তুই চিনিস না। বের করে আনবার সময় বিয়ে করব, স্থান করব, ত্যান করব, নানারকম বলে। পরে সব ভুলে যায়।

গৌরী অবাক হয়ে চিহ্নর সী থির সিঁদুরের দিকে তাকিয়ে থাকে।

—সিঁদুর দেখছিস ? ও আমাদের পরতে হয়। মিথ্যে বউ সেজে বসে না থাকলে বাইরেও বেরুন যায় না। চিহ্ন আর কথা বলতে পারে না, চোখ দিয়ে জলের ধারা নেমে আসে। গৌরীও সে কান্নায় যোগ দেয়। সে চিহ্নকে জড়িয়ে ধরে মৃদুস্বরে বলে, আমি জানতাম না কিন্তু, তাই একথা তুলে তোকে কষ্ট দিলাম।

চিহ্ন ধরাগলায় বলে, আমি বলছি গৌরী, বিয়ে করে ফেল। তোর কেউদা ভাল লোক, বোধহয় রাজী হবে। নইলে পরে সারাজীবন অলে-পুড়ে মরবি।

সারাদিন গৌরী এই কথা নিয়ে ভেবেছে। কেউর কাছে এ প্রসঙ্গ পাড়তে গিয়েও লজ্জায় পারেনি। কথায় কথায় বলে, চিহ্ন মেয়েটা খুব ভাল।

কেউ শুয়ে শুয়ে সিগারেট টানছিল। জিজ্ঞেস করে, কে চিহ্ন, ঐ পিনাকীর বউ ?

—হ্যাঁ। পরে নীচু গলায় বলে, জানেন কেউদা, ওদের বিয়ে হয়নি।

—জানি।

—কি করে জানলেন ?

—যাদের বিয়ে হয়নি, তারাই এ বাড়িতে থাকে।

—চিহ্ন তো বিয়ে করতে চায়, ঐ তদ্রলোকই তো রাজী হচ্ছেন না।

—পরে ছুঃখ পাবে।

—সত্যি কেউদা, চিহ্ন চায় ছেলেপিলে, ঘরসংসার।

—সব মেয়েই তাই চায়।

গৌরী সহজ গলায় হেসে বলে, কই, আমি তো চাইনি ?

—চাইবে ।

—কবে ?

—আজ না হয় কাল, কাল না হয় পরশু ।

—তখন কি হবে ?

—বিয়ে ।

গৌরী লজ্জায় আরক্ত হয়ে ওঠে । কেউ বলে, বিয়ের জন্তেই তো তৈরি হচ্ছি গৌরী ! ভেবেছিলাম দু'-এক মাসের মধ্যেই সব ঠিক হয়ে যাবে । বাড়ি ভাগ করা, আলাদা থাকার বিলিব্যবস্থা করা, কিন্তু দেখছি আরও কিছু দিন সময় লাগবে ।

গৌরী চুপ করে থাকে, একটু পরে বলে, আমার জন্তে আপনার অনেক কষ্ট হল, না কেউদা ?

কেউ হাসে, খুব কথা বলতে শিখেছ যে, কে মাস্টার, চিহ্ন নাকি ?

গৌরী হেসে উঠে দাঁড়ায়, চিহ্ন আপনার খুব ভক্ত ।

—অন্ধ ভক্ত, সে তো আমায় দেখেনি ।

—ওকে ডেকে আনব, বেচারী সব সময় একলা থাকে ।

—হবে'খন ।

গৌরী আবদার ধরে, না, ডেকে আনি, দেখুন না, খুব ভাল মেয়ে ।

কেউর ভাল লাগে গৌরীর এই ছেলেমানুষী । হেসে সম্মতি জানায় ।

গৌরী ছুটে গিয়ে চিহ্নকে ধরে আনে । চিহ্ন সবে মাত্র গা ধুয়ে কাপড় ছাড়ছিল । গৌরী কোন ওজর-আপত্তি না শুনে টানতে টানতে তাকে কেউর সামনে হাজির করে বলে, এই যে কেউদা, চিহ্ন ।

চিহ্ন গৌরীকে কপট রাগের সঙ্গে বলে, তোর জ্বালায় এখানে থাকা যাবে না দেখছি । এ রকম টানাটানি করলে মানুষ বাঁচে !

—বাঃ, কেউদার সঙ্গে আলাপ করবি না ?

কেষ্ট হেসে বলে, তোমার কেষ্টদা এমন একটা কেউ-কেটা নয় যে সবাইকে এসে আলাপ করতে হবে।

গৌরী ততক্ষণে চিহ্নকে জোর করে মাথুরে বসিয়ে দিয়েছে। চিহ্ন আবহাওয়াকে পরিচিত কবে নেওয়ার জন্তে কেষ্টকে প্রশ্ন করে, আপনার সঙ্গে প্রভাতবাবুর খুব আলাপ আছে, না ?

—হ্যাঁ, ও আমার অনেক দিনের বন্ধু।

—আপনি ঠাঁর লেখা খুব পড়েন বুঝি ?

—একটাও পড়িনি। বই পড়া আমার অভ্যেস নেই।

—উনি কিন্তু আপনার কথা খুব বলেন।

—আমিও ওব কথা খুব বলি।

গৌরী বাধা দিয়ে বলে, কই না তো ! আপনি তো প্রভাতবাবুর কথা আমায় তেমন কিছু বলেন নি ?

—বলার সময় হয়নি।

ধীরে ধীরে এদের গল্পের আসর জমে ওঠে। কেষ্ট দোকান থেকে গরম তেলভাজা কিনে আনে, চিহ্ন ঘর থেকে মুড়ি আর আচার নিয়ে আসে। সন্ধ্যাবেলাটা তিন জনেরই আনন্দে কেটে যায়।

শ্রামলের বাড়িতে থাকতে আর এক মিনিট ভাল লাগে না, বটুবাবুর আলায় সে অস্থির। তদ্রলোক সারাক্ষণ বক্বক্ব করেন। বিশেষ করে শ্রামলকে ঠুকতে পারলে, তিনি বোধহয় অপারিসীম আনন্দ পান। ভোরবেলা ঘুম থেকে উঠেই শ্রামলকে তুলে দেন, এই শ্রামল, ওঠ্। অনেক বেলা হয়ে গেছে।

শ্রামল সাড়া দিতে চায় না। গায়ের কাপড়টা আরও জড়িয়ে শুয়ে পড়ে। কিন্তু বটুবাবু হার মানার পাত্র নন। রীতিমত চেষ্টাতে গুরু করেন, ছোট ছেলে, এত ঘুম কেন, আমি দু'চক্ষে দেখতে পারি না।

সকাল সকাল উঠে মুখ-হাত-পা ধুয়ে কোথায় পড়তে বসবে, তা নয়, বেলা ন'টা পর্যন্ত ঘুম। আলাতন বাবা, তেমনি জগৎটা একটা কথাও যদি ছেলেটাকে বলে !

এর মধ্যে ঘুমানো অসম্ভব। বিরক্ত হয়ে শ্যামল উঠে মুখ ধুতে চলে যায়।

এ তো রোজই লেগে আছে। তাছাড়া দেখা হলেই পড়ার কথা।

—কি পড়ছিস দেখাস না কেন? এককালে আমি ভাল ছাত্র ছিলাম।

শ্যামল যত্নস্বরে উত্তর দেয়, আপনি কেন কষ্ট করবেন, কোচিং ক্লাসে আমি সব পড়ে নিই।

—আহা, বেশি পড়লে তো দোষ নেই, ভালই হবে।

আবার কোন দিন অল্প দিক দিয়ে ঠোকেন, মাথায় অত বড় বড় চুল কেন, খোঁপা বাঁধবি নাকি?

বাইরের লোকের সামনে, সকলে হেসে ওঠে। শ্যামল উত্তর দেয়, চুল কাটার সময় পাইনি।

—বাড়িস্থান সবাই চুল কাটছে আর তোমার সময় হয় না? হরো নাপিতকে ডাকলেই তো হয়—

—আমি নাপিতের কাছে কাটি না।

—তাই তো, চুলের বাহার নষ্ট হয়ে যাবে, কি বল? শ্যামল বিরক্ত হয়ে ঘর থেকে বেরিয়ে যায়।

তারপর এই তো সেদিন রাধা, ওর চেয়ে ন'বছরের ছোট মামাত বোনটা বলছিল, শ্যামলদা, তুমি সিগারেট খাও?

—কে বললে—

—মামা বলছিল।

—বটু মামা, কা'কে বলছিল?

—বাবাকে। তোমার জামা-কাপড়ে সিগারেটের গন্ধ, পকেটে দেশলাই থাকে।

রাগে শামল দাঁতে দাঁত ঘষে, বটুবাবু যে রোজ তার জামা-কাপড় ঘেঁটে দেখেন এ বিষয়ে আর সন্দেহ থাকে না। সেদিনই রাধার হাতে অনেকগুলো লজেন্স দিয়ে বলে, রাধা খুব ভালো মেয়ে। বটু মামা আমার নামে কি বলে, আমায় সব বলে দিস। তোকে আরও লজেন্স দেব।

আজ সকালে আর-এক ব্যাপার নিয়ে বটুবাবুর সঙ্গে তার খটাখটি লাগলো। নাওয়া সেরে হাতে বই নিয়ে শামল অল্প দিনের চেয়ে সকাল সকালই বার হচ্ছিল। বটুবাবু ডাকলেন, এত তাড়াতাড়ি কোথায় যাচ্ছিস?

—স্কুলে।

—এখনও তো সাড়ে ন'টা বাজেনি।

—একটু দরকার আছে।

—কোথায়?

শামলের আর ধৈর্য থাকে না। ফস করে বলে ফেলে, সে খোঁজে আপনার দরকার কি?

বটুবাবু জবাব শুনে রেগে অস্থির, কি, আমার কথাটার উত্তর দেবে না। এমন লাটমাহেব তুমি?

—তা অত বাজে বকছেন কেন, কি দরকার তাই বলুন না?

বটুবাবু চিৎকার শুরু করে দেন, এ বাড়িতে আমি আর এক মিনিট থাকবো না। যে বাড়ির ছেলেরা গুরুজনদের সম্মান রেখে কথা বলতে জানে না, সেখানে আমি—

রান্নাঘর থেকে পিসিমা, ওপর থেকে জগৎবাবু সকলেই ছুটে আসেন। জগৎবাবু যদিও বোঝেন বটুবাবু অনেক বাড়িয়ে বলছেন

তবু বলতে হল, শ্রামল, বড়দের সঙ্গে কখনও অমন ভাবে কথা বলবে না! মাপ চাও।

শ্রামলের আত্মসম্মানে লাগে। সত্যিই তো ওর কোন দোষ নেই। খুঁচিয়ে খুঁচিয়ে যে তাকে সর্বক্ষণ বিরক্ত করে তার কাছে মাপ চাইতে হবে কেন? চোখ ফেটে তার জল বেরিয়ে আসে। জগৎবাবু আর পিসিমাকে উদ্দেশ্য করে বলে, আমি তোমাদের কাছে একশো বার মাপ চাইছি যদি কিছু অত্যাচার করে থাকি, কিন্তু বটুমামার কাছে নয়।

এই বলেই সে বাড়ি থেকে হন হন করে বেরিয়ে গেল, একবারও পেছন দিকে না ফিরে।

বটুবাবু ফোড়ন কাটেন, দেখলে ছেলের মেজাজ, তোমাদের গ্রাস করে, ভাবো?

জগৎবাবু বটুবাবুকে বোঝাতে চেষ্টা করেন, ছোট ছেলে, ওর কথা কি অত মনে করলে চলে? তুমি বরং আমার কাছেই শোও। বটুবাবু মাথা নাড়েন, না, ঐ ঘরেই থাকবো। ও যে কত বড় শয়তান, তা প্রমাণ করে তবে আমার শান্তি।

সকালবেলাই এই অপ্রীতিকর ঘটনায় শ্রামলের মন ভারী হয়ে ওঠে। বাড়ি থেকে বেরিয়ে অল্প দিনের মত বিগ্ৰাভবনের কাছাকাছি এক জানাশোনা মনোহারীর দোকানে বইগুলো রেখে দেয়, আবার বাড়ি ফেরার পথে নিয়ে যাবে বলে। আজ তার দেবেনদার কাছে যেতে আর ইচ্ছে করে না। অনেক দিন বাদে মদনের কথা মনে পড়ে যায়।

বাড়িতে মদন ছিল না। সেখান থেকে বেরিয়ে শ্রামল আড্ডা-সজ্জের পাথরের ওপর চুপচাপ বসে পড়ে। কাজের দিন, স্কুল-কলেজ আর অফিস যাবার তাড়ায় সবাই ব্যস্ত, তাই আড্ডা-সজ্জের আসর

একেবারে কাঁকা । মদনের বন্ধু বিপিন সামনে দিয়ে যাচ্ছিল । শ্রামলকে দেখে জিজ্ঞেস করে, মদনকে খুঁজছ ?

—হ্যাঁ ।

—মহুদার বাড়িতে আছে ।

—তুমি তো ওদিকে যাচ্ছ, ওকে ডেকে দাও না ।

খানিক বাদে মদন এল । শ্রামলের কাছে বসে প্রশ্ন করে, হঠাৎ কি মনে করে ?

—এমনি ।

—এমনি তো আর তুই আমার কাছে আসিস না ?

—বাড়িতে আর ভাল লাগছে না ।

—কি হয়েছে ?

—ঝগড়া-ঝাটি । বটু হতভাগা ! ও শালা আর যাবে না ।

—বটুমামা ! তা তোর পেছনে লেগেছে কেন ?

—কে জানে ! মামা পিসিমা আমার ভালোবাসে । ও সহ্য করতে পারে না । শ্রামল মদনকে অনেকগুলো ঘটনা বলে, সম্প্রতি বটুবাবুর সঙ্গে যা ঘটেছে সব ।

শুনে মদন বলে, বটুমামা কিন্তু তোকে মুন্সিলে ফেলতে পারে ।

—আমিও ছেড়ে কথা কইব না, ওর ওস্তাদী বার করব ।

—কি করবি ?

—সে দেখিস—

শ্রামল যদিও দস্ত করে বললে বটুবাবুর ওপর প্রতিশোধ নেবে, কিন্তু মনে মনে সে এখনও কিছু ঠিক করতে পারেনি । তবু মদনের সঙ্গে আলাপ করে তার মন অনেক হালকা হয় । কথায় কথায় মহুদার কথা ওঠে । মদন বলে, মহুদার জন্তে সত্যিই কষ্ট হয় । খালি দুঃখের গান করছে আর দীর্ঘশ্বাস ফেলছে ।

—নন্দিতা কি বলে ?

—সে আর বলবে কি করে, দেখ না, বাড়ির জানালা, দরজা সব বন্ধ, বেরুবারও হুকুম নেই।

—তা হলে ?

—তা হলে আর কি। শুধু স্কুলে যায় আর আসে, মনুদার সে সময় অফিস। চিঠিপত্রও লিখতে পারে না। মনুদা আজ-কাল আড্ডা-সজ্জাও আসে না।

—ট্র্যাজেডি।

—তুই একটা কাজ করবি ?

—কি ?

—মনুদার একটা চিঠি নন্দিতাকে দিতে পারবি ?

—এ আর এমন কি ! সুযোগ থাকলে নিশ্চয়ই।

—নন্দিতা যখন ইস্কুলে যায়। ঠিক সোয়া দশটার সময় ও বাড়ি থেকে বেরোয়। সঙ্গে কিন্তু লোক থাকে।

—দেখি কি করতে পারি। চিঠিটা দে, আজই দিয়ে দিই। আবার কবে আসব—

মদন শ্যামলকে টেনে তোলে, চল মনুদার কাছে, বেচারী খুব খুশি হবে।

পথে যেতে যেতে শ্যামল বলে, মনুদাকে বলে আমার টাকা পাইয়ে দিস কিন্তু।

—নিশ্চয়ই।

—মেয়েটাকে ভাল করে দেখিয়ে দিবি। আমি ঠিক চিনি না।

মনুদা কথা শুনে গলে পড়েন, এ যদি পার শ্যামল, আমি তোমার কেনা চাকর হয়ে থাকব। শ্যামল ও মদন যুগপৎ বলে ওঠে, ছি ছি, ও কি বলছেন মনুদা !

মহুদার কাছ থেকে চিঠি নিয়ে শামল আর মদন হাজির হল নন্দিতার স্কুলের সামনে। শামল জিজ্ঞেস করে, এই নাকি, এখানে তো আমি প্রায়ই আসি।

—মেয়েদের ইস্কুলে ?

—দূর গাথা। স্কুলের সামনে বইএর দোকান দেখছিস না ? নতুন পুরোন ছ'রকম বই-ই বিক্রি করে। আমার খদ্দের।

—ওখানে কি করবি ?

—চিরস্থায়ী বন্দোবস্ত।

—মানে ?

—পোস্ট অফিস। দোকানের ওই ছোকরাটার সঙ্গে আমার খুব ভাব আছে। মহুদার চিঠিগুলো রেখে যাব, নন্দিতা নিয়ে যাবে। উত্তর হয় ডাকে ছাড়বে, নয় এখানে দিয়ে যাবে। ওকে কিছু পয়সা দিলেই হবে।

মদন উৎসাহিত হয়, বেশ বুদ্ধি করেছিস্। ব্যবস্থা করে ফেল, নন্দিতার স্কুলে আসার সময় হল।

দোকানের মালিকের বয়স কম। শামল সব কিছু বুঝিয়ে বলে, মনে রাখবেন স্তার, নাম নন্দিতা।

ভদ্রলোক হাসেন, এসব মিষ্টি নাম কি আর ভোলা যায় ?

—একটা বইয়ের ভিতর করে দেবেন। অন্য কারুর হাতে যেন না পড়ে, তাহলেই কাণ্ড বাধবে।

—সে বিষয় নিশ্চিত থাকুন, এ রকম অনেক করেছি।

টেবিলের ওপর কয়েকখানা দোকানের নাম-লেখা রুটিন পড়ে ছিল। শামল ক'খানা তুলে নেয়। চিঠি-পিছু আট আনা পারিশ্রমিকের ব্যবস্থা করে শামল বেরিয়ে আসে।

মদন জিজ্ঞেস করে, হাতে ওগুলো কি রে ?

রুটিনের কাগজ, ঐ দোকানের বিজ্ঞাপন।

—কি করবি?

—বিলি করবো। তোর কাছে পেন্সিল আছে?

মদন কলম বার করে দেয়। রুটিনের জন্তে লাইনকাটা কাগজে যেখানটায় দোকানের নাম লেখা আছে তার কাছে তীর চিহ্ন দিয়ে শ্রামল লেখে, এখানে মহুদার চিঠি আছে, আপনার নাম বললেই দিয়ে দেবে।

মদন ঠেলা মারে, ঐ যে নন্দিতা আসছে।

চারটি মেয়ে একসঙ্গে আসছিল। সঙ্গের লোকটি বোধ হয় মোড় পর্যন্ত এসে চলে গেছে। শ্রামল জিজ্ঞেস করে, কোনটা?

—একেবারে ডানদিকে, ঐ যে চুলখোলা, গোলাপী শাড়ী-পরা—

—ঠিক আছে, দাঁড়া আমি আসছি!

মদন ফুটপাথে উঠে দাঁড়ায়। শ্রামল সোজা মেয়েদের দিকে এগিয়ে যায়।

—রুটিন পেপার, ফ্রী রুটিন পেপার, বলে শ্রামল একরকম জোর করেই তাদের হাতে কাগজ ধরিয়ে দেয়।

মেয়েরা নিজেদের মধ্যে হাসাহাসি করে, বাবা, বাবা। এদের জালায় অস্থির।

শ্রামল আসল কাগজটি নন্দিতার দিকে এগিয়ে লেখা কথাগুলোর দিকে আঙ্গুল রেখে বলে, এই যে—

নন্দিতা দাঁড়িয়ে লেখাটা পড়ে, সঙ্কতজ্ঞ দৃষ্টিতে শ্রামলের দিকে তাকিয়ে নীরবে ধন্যবাদ জানায়। অল্প মেয়ে তিনটি এগিয়ে গিয়েছিল। তারা পিছন ফিরে তাকাতেই নন্দিতা রুটিনটা খাতার তলায় নিষ্পেষিত-পায়ে তাদের সঙ্গে যোগ দেয়।

মেয়েরা চলে গেলে শ্রামল মদনের কাছে ফিরে মুরুন্নি চালে বলে, কাজ হাসিল।

—সত্যি ! লেখাটা ও পড়েছে ?

শ্রামল হাসে, চোখে চোখে যে কথা হয়ে গেল ।

শ্রামলের অনুমান যে মিথ্যে নয় তা তখনই বোঝা গেল । মদন বলে,
ঐ দেখ, নন্দিতা দোকানে ঢুকছে ।

—চালাক আছে, অন্য মেয়েদের স্কুলে ছেড়ে এসেছে ।

নন্দিতা দোকান থেকে চলে যেতেই শ্রামল গিয়ে হাজির হয় ।
দোকানদার হেসে বলে, চিঠিটা নিয়ে গেছে ।

—দেখলাম, এসে কি বললে ?

—কি আর বলবে, উঃ আঃ করতে লাগল, আমি নাম জিজ্ঞেস
করলাম ।

—বই-এর মধ্যে করে দিয়েছেন তো ?

—নিশ্চয়, মেঘদূতের কাব্য ।

শ্রামল হেসে ফেলে, আপনি সত্যিই কবি ।

ভদ্রলোক অমাযিক হাসেন, ব্যবসাদারও । বই-এর দাম তিন
টাকাও ঐ সঙ্গে দিয়ে দেবেন ।

শ্রামল আর মদন মহুদার সঙ্গে গিয়ে দেখা করে । মহুদা আনন্দে
বিগলিত হয়ে আর সেদিন অফিস গেলেন না । সিনেমায় আর রেস্টু-
রেণ্টে তাদের আমোদে কাটল ।

প্রভাত অরুণাদের বাড়ির ছেলের মতই হয়ে গেছে । অরুণার বাবা
রমেশ দত্ত পাটের দালালী করে অনেক টাকা করেছেন । তার উপর
শেয়ার-বাজারেও যাতায়াত ছিল । ভাগ্যলক্ষ্মী প্রসন্ন থাকার বাড়ি-গাড়ী
সবই করেছেন । প্রভাতকে তিনি আন্তরিক স্নেহ করেন । অরুণার
মা মোটা-সোটা ভাল মানুষ, সারাক্ষণ ঠাকুর-দেবতা নিয়েই থাকেন ।
প্রভাত তাঁরও মন জয় করেছে, সময় সময় ধর্মবিষয়ে আলোচনা করেন ।

তিনি কত সময় অরুণাকে বলেন, দেখে শেখ প্রভাতকে । এম-এ পাস, বই লিখেছে কত, কিন্তু কি ঠাকুর-দেবতার বিশ্বাস ।

অরুণা ঠাট্টা করে বলে, ও-সব লোক-দেখানো !

—তোরা লোক দেখিয়েই ভক্তি কর না ।

অরুণা প্রভাতকে বলে, মার তো আপনার সব-কিছু ভাল লাগে ।

—তাই তো দেখছি ।

—হবে না কেন ? মা যা বলেন আপনি তাইতেই সায় দেন ।

প্রভাত হাসে, আমি যে সকলের সঙ্গে ভালো করে মিশতে চাই, একলা থাকি—

অরুণা নরম গলায় জিজ্ঞেস করে, আপনার বাড়ির সবাই—

—এলাহাবাদে ।

—আপনি যান না ?

—কখনো-সখনো । ওইখানেই আমাদের বাড়ি ।

অরুণা পাকামি করে, আপনি এখনও বিয়ে করেন নি কেন ?

প্রভাত হেসে উত্তর দেয়, কেউ করেনি বলে ।

—মা কিছু বলেন না ? -

—দাদাদের বিয়ে দিয়ে এত ঝামেলায় আছেন যে আমার কথা আর ভাবেন না ।

অরুণা চটে যায়, আপনার একটা কথাও আমি বিশ্বাস করি না, সব বানিয়ে বানিয়ে বলছেন ।

প্রভাত হেসে ফেলে, তুমি ঠিক ধরেছ, আশ্চর্য বুদ্ধি খুলছে দিন দিন ! আমি একটা গল্পের প্লট বলছিলাম—

অরুণার মুখ লাল হয়ে ওঠে, যান, আর আপনার সঙ্গে কথা বলব না ।

—আহা, রাগ করছো কেন, দাঁড়াও, এবার সত্যি কথা বলছি ।

—না আমি শুনব না, কিছুতেই না। বলে কানে আঙ্গুল দিয়ে অরুণা বসে থাকে।

প্রভাত কিছুক্ষণ চুপ করে বসে থাকে। টেবিল থেকে একটা কাগজ নিয়ে লিখতে বসে। অরুণার জানতে ইচ্ছে করে প্রভাত কি লিখছে, কিন্তু মান খুইয়ে জিজ্ঞেস করতে পারে না। প্রভাতই তার কাছে কাগজটা এগিয়ে দেয়। অরুণা দেখে বড় বড় করে লেখা রয়েছে, “কে বকেছে, কে মেরেছে, কে দিয়েছে গাল?” একবার বলতো খুকী, তাকে আমি খুব বকে দেব।

অরুণা হেসে গড়িয়ে পড়ে। বাবা, আপনার সঙ্গে কেউ পারবে না, ভাগ্যি বিয়ে হয়নি, বউকে জ্বালিয়ে মারতেন তাহলে।

এই ধরনের হাসি-ঠাট্টার মধ্যে অরুণা জিজ্ঞেস করে বসে, আচ্ছা বলুন তো, আমি কি রকম মেয়ে?

—খু—উ—ব ভাল।

—সত্যি বলুন না?

—বলছি তো, ভীষণ—ভীষণ ভালো।

অরুণা তবু প্যান প্যান করে, না, আপনি নিশ্চয় ঠাট্টা করছেন।

—মোটাই না।

—কলেজের মেয়েরা কিন্তু আমায় বলে পাকা।

প্রভাত ফোড়ন কাটে, একটু বেশি।

—তবে যে বলছিলেন আমি ভালো মেয়ে?

—বাঃ, পাকা কি খারাপ? পাকা আম বুঝি ভালো হয় না?

অরুণা আবার হেসে ফেলে, আপনি বিচ্ছিরি লোক। রাগাও যায় না, যা বোকা-বোকা কথা বলেন।

অরুণার বাবা এসে ঘরে ঢোকে, কি রে খুকী, আবার কি আবদার হচ্ছে?

প্রভাত উঠে দাঁড়ায়, না, জিজ্ঞেস করছিল, আম পাকা খেতে ভাল,
না কাঁচা—

রমেশবাবু হা-হা করে হাসেন, এ আবার জিজ্ঞেস করতে হয় নাকি ?
পাকা আম সব সময় ভালো। আমাদের ছোটবেলায় কি আমই না
খেয়েছি, সে সব কথা মনে হলে এখনও জিবে জল আসে।

অরুণা হাসি চাপতে চাপতে উঠে যায়। প্রভাত রমেশবাবুর
সঙ্গে গভীর মনোযোগের সঙ্গে আম-তত্ত্ব আলোচনা করতে থাকে।
হঠাৎ রমেশবাবু জিজ্ঞেস করেন, বই লিখে তোমার ভালো রোজগার
হয় ?

—বিশেষ আর কি, চলে যায়।

—তবে এম-এ পাস করে শুধু ঐ নিয়ে পড়ে আছো কেন ? চাকরী
করলে তো পারো ?

—দিচ্ছে কে বলুন ?

—দিলে করবে ?

—যদি কেরানীগিরি না হয়।

রমেশবাবু খুশি হয়ে বললেন, কেরানী হতে তোমায় বলবো কেন ?
কাল আমার অফিসে এস, ক্যানিং স্ট্রীটে।

—আপনার অফিসে, কখন ?

—সকালের দিকেই এস। আমারই জানাশোনা ফারমে একজন
বিশ্বাসী লোক খুঁজছে। অন্তত আড়াই শ' থেকে তিন শ' টাকা মাইনে
আরম্ভ। আমি বলে দিলে তোমার হয়ে যাবে।

কৃতজ্ঞতায় প্রভাতের চোখ সজল হয়ে ওঠে, তাহলে সত্যিই বড়
উপকার হয়। একটা বাঁধাধরা রোজগার থাকলে ভাবনা থাকে না।

—সে তো বটেই। তাছাড়া তুমি লেখক, নাম হলে বই থেকেও
টাকা পাবে।

এক মুঠো—১০

—বেশি টাকা আমি চাই না, তবে মা'র শেষ জীবনটা যদি সুখে রাখতে পারি।

রমেশবাবু প্রভাতের দিকে তাকিয়ে কি যেন ভাবেন।

অরুণার বাবার সুপারিশে তিন শো টাকা মাইনের চাকরী পেয়ে অবধি প্রভাতের জীবন অনেকটা বদলে গেছে। আর সে সময়-অসময় আশুদার দোকানে গিয়ে আড্ডা মারতে পারে না। আশুদা বলেন, খুব ভালো কথা প্রভাত, তোমাদের উন্নতি দেখলে বড় আনন্দ হয়। দেখো, কেষ্ঠের জন্তেও যদি কিছু ব্যবস্থা করতে পার।

আশুদা যে কেষ্ঠের জন্তে সব সময় চিন্তা করেন তা প্রভাতের অজানা ছিল না। বলে, কেষ্ঠটা যে আমার চেয়েও পাগল আশুদা, ম্যাট্রিকটা পর্যন্ত পাস করলো না।

—তা আর জানিনে! এত বুদ্ধি, কিন্তু বড় গোয়ার-গোবিন্দ। আবার তেমনি একরোখা। ওর মনটা বোঝা শক্ত। আমার কাছে আসা তো প্রায় ছেড়েই দিয়েছে, দেখো, তুমি আবার ফাঁকি দিও না।

প্রভাত হাসে, কি যে বলেন, সকালের চা এখানে না খেলে আমার লেখাই বার হয় না।

চাকরী নিয়ে আর-এক মুন্সিল হল প্রভাতের। ঠিকমত সে বেলারাগীর কাছে হাজিরা দিতে পারে না। আজ রবিবার, তাই সাত দিন পরে বেলারাগীর বাড়ি এলো। বেলারাগীও ছাড়ার পাত্রী নয়। জিজ্ঞেস করে, কি, পথ ভুলে নাকি?

—না, কাজে ব্যস্ত ছিলাম।

—কি এমন কাজ শুনি, কুমারী ছাত্রী পড়ানো?

—কি যে বলেন।

বেলারাগীর জিদ চেপে যায়, সত্যি বলুন না মেয়েদের কি পড়ান?

—কেন, বই-এ যা লেখা থাকে ।

—কি জানি, আমার মনে হয় আপনার বয়সী মাস্টারের সঙ্গে ছাত্রীবা প্রেম করে, পড়ে না এক পাতাও ।

—এ আপনি কি বলছেন ?

—সত্যি করে বলুন তো অরুণাকে আপনি ভালবাসেন কি না ?

প্রভাত দৃঢ় অথচ সংযত স্বরে উত্তর দেয়, বাসি ।

—তবে ? এতক্ষণ যে অস্বীকার করছিলেন ?

—এ কথা তো জিজ্ঞেস করেন নি ।

বেলারাণীর মাথায় যেন আজ ভূত চেপেছে, অরুণার বয়স কত ?

—আঠারো-উনিশ ।

—কি আছে তার ?

প্রভাত সে-কথার উত্তর না দিয়ে বলে, আজ বোধ হয় আপনার মন ঠিক নেই । আমি বরং অল্প দিন আসব ।

বেলারাণী চৈঁচিয়ে ওঠে, না, আমার সব কথার জবাব দিয়ে যান ।

—বলুন ।

—অরুণার চেহারা ভালো ?

—মাঝামাঝি ।

—আপনাকে ভালবাসে ?

—জানি না ।

—আপনি মনে করেন অরুণার বাবা আপনার সঙ্গে মেয়ের বিয়ে দেবেন ?

না ।

—তাহলে অরুণার পেছনে দৌড়ছেন কেন ?

—দৌড়ইনি তো ।

—দিন নেই রাত নেই, ওর কাছেই তো পড়ে থাকেন ।

প্রভাত বিম্বিত হয়, এ কথা কে বললে ?

—আমি জানি ।

—ওটা সত্য নয় । আমি একটা চাকরী পেয়েছি—

—চাকরী ? কোথায় ?

—বড় অফিসে । ভালো মাইনে দেয়, অরুণার বাবা রমেশবাবুই করে দিয়েছেন ।

—ও, বেলারাণীগঞ্জীর হয়ে যায় । তাহলে লেখা-টেখা ছেড়ে দেবেন ?

—কেন, চাকরী করলে কি লেখা যায় না ?

—আমাদের গল্পের খেগুলো বদলাতে বলেছিলাম—

—বদলে এনেছি, দেখবেন ? প্রভাত পকেট থেকে খাতা বার করে দেয় ।

—এখন সময় হবে না, আমি দেখে রাখব পরে ।

—আজ তাহলে আসি । প্রভাত উঠে দাঁড়ায় ।

—বসুন না, খেয়ে যাবেন ।

—আজ আমার একটু তাড়া আছে ।

বেলারাণী বিরক্তি চেপে বলে, কবে আসবেন ?

—আজ হবে না, বলেন তো কাল আসতে পারি ।

—বেশ, তাই আসবেন । বেলারাণী পেছন ফিরে দাঁড়ায় ।

বেলারাণীর ব্যবহারে যদিও প্রভাত খুব বেশি রকম অস্বস্তি হয়েছিল কিন্তু এর কারণ সে বুঝতে পারে নি । সারাদিন বেলারাণীর কথাগুলোই মনে মনে মনস্তত্ত্বের কষ্টিপাথরে ঘষে বিচার করার চেষ্টা করেছে, তবু যুক্তি-সঙ্গত কারণ খুঁজে পায়নি । বিকেলবেলা প্রভাত অনন্ত-কেবিনে যাবে বলে দরজায় তালা দিচ্ছিল, নিজের নাম শুনে ফিরে দেখে বিনোদ । বড় গাড়ীতে বসে আছে ।

প্রভাত হাসিমুখে অভ্যর্থনা করে, কি সৌভাগ্য আপনি নিজে ?

—বিনয় করবেন না, বিশেষ দরকার আছে, চলুন।

প্রভাত গাড়ীতে উঠে জিজ্ঞেস করে, কোথায় যাবেন ?

—চলুন, লেকে যাই।

গাড়ীতে স্টার্ট দিয়ে বিনোদ প্রশ্ন করে, এ ক’দিন আসেন নি কেন ?

—কাজ ছিল।

—বেলা রোজ আপনার খোঁজ করে।

প্রভাত অপ্রতিভ কণ্ঠে বলে, কাল ঠিক যাব।

—তা নয়। বেলার মত মেয়ে বার হাসির দাম একশ’ টাকা, সে আপনার খোঁজ করছে—

—আপনি আমার বিষয় কি বললেন ?

—আপনার ছাত্রীর কথা বললাম, বোধ হয় পড়াতে ব্যস্ত আছেন।

প্রভাত এতক্ষণে বুঝতে পারে, কেন আজ বেলারাণী বার বার অরুণার কথা বলে তাকে আঘাত করার চেষ্টা করেছে। এ ঈর্ষা ছাড়া আর কিছুই নয়। তবু প্রভাতের খটকা লাগে, অরুণাকে বেলারাণীর ঈর্ষার কি থাকতে পারে ! বেলারাণী রূপবতী, স্বনামধন্য এবং ঐশ্বর্যবতী, অরুণা তো তার কাছে অতি সাধারণ।

গাড়ী এসে লেকের ধারে থামে, যে দিকটা অপেক্ষাকৃত নির্জন। প্রভাত নামতে যাচ্ছিল, বিনোদ তাকে সিগারেট এগিয়ে দেয়। প্রভাত কিছু না বলে সিগারেট নেয়। বিনোদ স্ট্রয়ারিং-এ ভর দেওয়া হাতের ওপর মাথা রেখে আরাম করে বসে। হঠাৎ বিনোদ জলের দিকে তাকিয়ে একটা বড় দীর্ঘশ্বাস ফেলে, প্রভাত সপ্রশ্ন দৃষ্টিতে তার দিকে তাকায়।

—এখানে বেলাকে নিয়ে কতদিন এসেছি।

প্রভাত জিজ্ঞেস করে, আজ-কাল আর আসেন না ?

—না। আমার সঙ্গে বেরতে ওর ভাল লাগে না।

—কেন ?

বিনোদ ম্লান হাসে, আমাকে যে পুরোপুরি জেনে ফেলেছে, আর তো
‘জাম নেই।

প্রভাত চুপ করে থাকে।

—জীবনে সুখ নেই প্রভাতবাবু, বড ফাঁকা লাগে। লোকে ভাবে
আমার সব আছে, গাড়ী, বাড়ি, টাকা। কিন্তু তারা জানে না আমার
কিছু নেই।

প্রভাত আস্তে আস্তে বলে, আপনি বড্ড সেন্টিমেন্টাল—

—সে যাই বলুন। আমার মত জীবন অতি-বড শত্রুও যেন
না হয় !

—কিন্তু আমার কাছে কি দরকার বললেন না তো ?

বিনোদ ম্লান হেসে প্রভাতের দিকে তাকায়, দরকার কথা বলার।

—কথা ?

—হ্যাঁ। বিশ্বাস করুন প্রভাতবাবু, প্রাণ খুলে কথা বলারও আমার
একটা লোক নেই।

বিনোদ কত কি বলে যায়। প্রভাতের সব চেয়ে বড় গুণ অন্যের
কথা সে মন দিয়ে শুনতে পারে। নিজের কথা বলতে সকলেই চায়,
কথা শোনার লোকই কম। তাই বোধ হয় প্রভাতের আদর
অনেকের কাছে।

বাড়ি ফেরার সময় বিনোদ প্রশ্ন করে, আপনার লেখা কোন
নাটক আছে ?

—কেন বলুন তো ?

—আমার বাড়িতে পাড়ার একটা ক্লাব আছে। মাঝে মাঝে তারা
থিয়েটার করে। নতুন নাটক খুঁজছে, আছে না কি ?

প্রভাত উৎসাহিত হয়, নিশ্চয় দেবো, নাটকটা ধারাবাহিক ভাবে ছায়ামঞ্চে বেরিয়েছিল।

—ক’টি মেয়ে-চরিত্র ?

—চারটি।

বিনোদ বলে, দু’টি মেয়ে আমাদের জানা আছে।

—অ্যামেচার ?

—হ্যাঁ, অ্যামেচারই। তবে টাকা নেয়, চল্লিশ কিংবা পঞ্চাশ যে রকম খাটনী।

—সে রকম মেয়ে আমিও দিতে পারি। চিন্ময়ী, আমার এক বন্ধুর স্ত্রী। অ্যামেচারে বেশ ভাল অভিনয় করে। অবস্থা বিশেষ ভাল নয়, তাই টাকা নেয়।

বিনোদ খুশি হয়ে বলে, তাহলে আজই নাটকটা দেবেন। যত শীঘ্র হয় আবার রিহার্সেল শুরু করতে হবে কিনা ?

মানুষ যে পথে নিজের জীবনকে চালাবার চেষ্টা করে বেশির ভাগ ক্ষেত্রেই তা হয়ে ওঠে না। কেউ এতদিন ভেবেছিল গৌরীকে বুঝিয়ে সে নিজের মত করে গড়ে তুলবে, ক্রমে সে-আশা সূদূরপর্যন্ত বলে মনে হতে লাগল। গৌরীর মনে যে দ্বন্দ্ব দেখা দিয়েছে তাকে অস্বীকার করার ক্ষমতা কেউই না থাকলেও স্বীকার করে নিতেও সে পারে না, দিনের পর দিন দুজনের মধ্যে কথা কাটাকাটি হয়েছে।

কেউ বলে রোজগার আমাদের করতেই হবে যদি সংসার পাততে চাও। টাকা না হলে চলবে কি করে ?

গৌরী সরোষে উত্তর দেয়, তাই বলে মিথ্যে কথা বলে—

—সত্যি-মিথ্যে তুমি কি বোঝ, সারা দুনিয়াটাই মিথ্যে। আজকের

দিনে মাষ্টার মিথ্যে, ছাত্র মিথ্যে, কেরানী মিথ্যে, ব্যবসাদার মিথ্যে।
কে মিথ্যে নয় ?

গৌরীর চোখে জল এসে যায়, কেঁপে উঠে, আপনার পায়ে পড়ি, আমার
এতদিনের বিশ্বাস ভেঙ্গে দেবেন না।

কেষ্ট বিরক্তির স্বরে বলে, একঘেয়ে কান্না থামাও। চোখে ঠুলি
বঁধে অন্ধ হয়ে থাকতে চাও থাকো, কিন্তু চোখ খুললেই দেখতে পাবে
শ্রমের সত্যিকারের চেহারা। কী বীভৎস, কী কুৎসিত ! ধর্মপুস্তক
বুধিষ্ঠিরের জন্তে কোন জায়গা নেই এখানে, যা তোমার জীব্য পাওনা,
তা নিতে গেলেও ঘুষ দিতে হয়—

গৌরী ফুঁপিয়ে ফুঁপিয়ে কাঁদে, কোন কথাই তার কানে যায় না।
ধরাগলায় বলে, হোক না সবাই খারাপ, আমরা কেন হব ?

কেষ্ট অলে ওঠে, চোরের রাজত্বে বাস করতে হলে নিজে চোর
হতে হবে—

—যদি না হই—

—মরবে। সবাই তোমার ওপর দিয়ে মাড়িয়ে চলে যাবে।

—আর আমি পারছি না।

কেষ্ট ধমকে ওঠে, পারতে হবে।

গৌরী কাপড়ে চোখ মুছে বলে, বলুন কি করবো ?

কেষ্ট গৌরীর মুখের দিকে তাকিয়ে একটু ভেবে নেয়। তারপর
সহজ গলায় বলে, মুখ ধুয়ে, সিঁথিতে সিঁদূর দিয়ে এস।

গৌরী উঠে পড়ে। যন্ত্রচালিতের মত ঘর থেকে বেরিয়ে যায়।
চিহ্নকে বাইরে ডেকে বলে, আমার মাথায় সিঁদূর পরিয়ে দে।

চিহ্ন গৌরীর ফোলা ফোলা চোখ দেখে আশ্চর্য হয়, কি হয়েছে গৌরী ?
কান্নায় গৌরীর গলা ধরে আসে, এখন বলতে পারছি না, সিঁদূর
পরিয়ে দে।

ঘরে পিনাকী না থাকলে চিহ্ন জোর করে গৌরীকে ভেতরে নিয়ে গিয়ে সব কথা শুনে নিত। উপায় না থাকায় তাড়াতাড়ি সিঁদুর এনে গৌরীর মাথায় দেয়, এ নকল সিঁদুর যেন সত্যি হয়।

বলতে গিয়ে চিহ্নরও চোখ ছলছল করে ওঠে।

কেষ্ট গৌরীর জন্তে অপেক্ষা করছিল। ফিরে আসতেই বলে, বাঃ, এই তো বেশ বোঁ-বোঁ দেখাচ্ছে, চুলটা খুলে ফেল। যা শাড়ী পরে আছো, তাইতেই চলবে।

আধ ঘণ্টার ভেতরে তারা তৈরি হয়ে বেরিয়ে পড়লো বালিগঞ্জের উদ্দেশে। কেষ্ট আগেই সব কথা গৌরীকে বলেছিল, কেমন করে ছেলেটিকে চাপা দিয়ে গাড়ী চলে যায়। কি তাবে সে ছ'বার টাকা নিয়ে এসেছে এবং এবার গৌরীকে নিয়ে সে শেষবারের মত টাকা সংগ্রহ করতে যাচ্ছে।

ট্রাম থেকে নেমে তারা রিক্সা করে বাড়ির সামনে এসে হাজির হ'ল। ভয়ে, ঘেন্নায় বার বার গৌরীর চোখ জলে ভরে যায়। কেষ্টর সৈদিকে নজর নেই, প্যান্টটা ঠিক করে নিচ্ছে।

কর্তা-গিন্নী বেড়াতে গিয়েছিলেন, ফিরেই ঘরে এদের দেখে স্তম্ভিত হয়ে গেলেন। কোন কথার আগেই গৌরী কেঁদে ফেলে।

ভদ্রমহিলা কেষ্টকে বলেন, আপনার স্ত্রী বুঝি—এরই ভাই ?

কেষ্ট নীরবে সম্মতি জানায়।

ছেলেটি যে মারা গেছে, তা বুঝতে এদের এতটুকু কষ্ট হয় না। বিশেষ করে গৌরীর চেহারা দেখে, রুক্ষ চুল, চোখ কান্নায় ভরা। কর্তা বৃহস্পরে জিজ্ঞেস করলেন, কবে ?

কেষ্ট শান্ত স্বরে উত্তর দেয়, চার দিন আগে।

—ডাক্তাররা কিছু করতে পারলে না ?

—না।

—আহা ! আপনার স্ত্রীকে দেখে বড় কষ্ট হচ্ছে । কি করে ঠেকে বোঝাই—

—ও যদি বা বুঝবে, এর মা । মানে আমার শাশুড়ী ?

তরুণী গিন্নী-মা বলেন, মোটর চালানো আমি ছেড়ে দিয়েছি, এত বড় অত্যাচার আমি করেছি—

গৌরী কাঁদতে কাঁদতে হঠাৎ বলে ওঠে, আপনার কি দোষ, সবই নিয়তি ।

গৌরীকে কথা বলতে দেখে তদ্রমহিলা সত্যি খুশি হন । আপনাদের যা ক্ষতি করেছি, তা তো মেটাতে পারবো না । তবে আমাদের ক্ষমতায় যা কুলোয়, সবই করবো ।

কান্নাকাটি চললো অনেকক্ষণ । কর্তা বিচক্ষণ লোক । এক সময় কেষ্ঠর হাতে পাঁচশো টাকার নোটের খামটা ধরিয়ে দেন । কেষ্ঠ নিরাসক্ত ভাবে নোটগুলি গৌরীর আঁচলে বেঁধে দেয় ।

তার। যখন বাইরে এসে রিক্সায় পাশাপাশি বসে, তখন বেশ বেলা হয়ে গেছে । গৌরী কেঁদে কেঁদে ক্লান্ত হয়ে পড়ে । কেষ্ঠ চুপ করেই বসে থাকে । কিছু দূর আসার পর যে মিষ্টির দোকানের সামনে ছেলেটি চাপা পড়েছিল, সেখানে কেষ্ঠ রিক্সা থামাতে বলে । মিষ্টিওয়ালাকে জিজ্ঞেস করতে হয় না । নিজে থেকেই বলে, নমস্কার বাবু । ছোকরা ভাল আছে, ক’দিন থেকে কাজে লেগেছে । ইঙ্গিতে দেখিয়ে দেয় ।

মোট। মোটা ছেলেটি সন্দেশ বিক্রি করতে ব্যস্ত ।

গৌরীর কাছ থেকে পাঁচটা টাকা নিয়ে কেষ্ঠ মিষ্টিওয়ালার হাতে দেয় । মিষ্টিওয়াল। নিতে চায় না—না-না, আর কেন দেবেন ?

—ছেলেটিকে জামা কিনে দেবেন ।

—আপনার দয়ার শরীর, বাবু ।

আর কথা না বলে কেঁট রিক্সায় উঠে বসে। গৌরী জিজ্ঞেস করে, ছেলেটির কি হয়েছিল ?

—ও-ই গাড়ী চাপা পড়েছিল।

রিক্সা তখন চলতে শুরু করেছে, গৌরী মুখ বাড়িয়ে ছেলেটাকে দেখে, কপালে হাত ঠেকায়। কি যেন প্রার্থনা করে।

সেই দিন থেকে গৌরী অনেকখানি বদলে গেল। আর আগের মত ছেলেমানুষিতে তার মন ভরে ওঠে না। সব কিছুই করতে হয় বলে করে। কেঁটর কোন কথাই সে অমান্য করে না, কিন্তু তাতে প্রাণ নাই। সংসার-অভিজ্ঞ কেঁট বোঝে আস্তে আস্তে সয়ে যাবে, এ নিয়ে ঝগড়া করে লাভ নেই। তাই বেশির ভাগ সময় বাইরে বাইরে ঘোরে।

আজকাল গৌরীর নিজেকে নিঃস্ব মনে হয়। এতদিন মানুষের ওপর যে তার খুব বেশি আস্থা ছিল তা নয়, কিন্তু কেঁটর উপর বিশ্বাস ছিল খুব বেশি। সেই বিশ্বাসের শেকড় কেঁট নিজে হাতে উপড়ে ফেলে দিলে। আর সে কিসের ভরসায় বেঁচে থাকবে। তার জীবনের দাঁড়িপাল্লার একদিকে ছিল আত্মীয়স্বজন সকলে, আর-একদিকে ছিল একা কেঁটদা। সেই কেঁটদাকেই সে বেছে নিয়েছিল আর কিছুই জ্ঞে নয়, কেঁটদা প্রকৃত মানুষ বলে।

কেঁটর নিজের কথাগুলোই ঘুরে ফিরে গৌরীর মনে পড়ে। চোখ খুলে দেখ, দেখবে মানুষের সত্যি চেহারা, কী বীভৎস, কী কুৎসিত। আজ গৌরীর কাছে কেঁটও যে তাই—সে-ও যে বীভৎস, সে-ও যে কুৎসিত। সেই প্রথম দিন যে কেঁটদা শাড়ী কিনে দিয়েছিল, দোকানে খাইয়েছিল, সে-কথা মনে করে গৌরী কত দিন মিষ্টি স্বপ্ন দেখেছে। আজ যখনই মনে হয় সে সবই লোক-ঠকানো টাকায় তার মন বিধিয়ে ওঠে। তার ভাইও পুড়েছে ঐ টাকায়। গৌরীর চোখে জল ভরে আসে।

আজ বার বার তার রাজেনের কথা মনে পড়ে। রাজেন তাকে সত্যিই ভালবেসেছিল, গাঁ থেকে কলকাতা আসা অবধি সব সময় সে কাছে কাছে থেকেছে। তাইয়ের অসুখের সময় টাকা দিয়ে সাহায্য করতে পারেনি বলে গৌরী তার প্রতি বিমুখ হয়েছিল। টাকার জন্টেই কেঁষ্টর কাছে আসতে হয়েছিল। এখন বোঝে, রাজেন টাকা রোজগার করতে পারেনি ভালমানুষ বলে। রাজেনকে তার এতদিন মনেই পড়েনি। একথা ভেবে নিজেকে সে ধিক্কার দেয়। গৌরী দীর্ঘশ্বাস ফেলে, এখন আর ফেরবার পথ নেই।

এই নতুন জীবনের আশ্বাদ না পেলেই বোধ হয় ভালো হত, গৌরী ভাবে। বস্তী থেকে চলে এসে এখানে সংসার পাতার পর থেকেই তার জীবনের তেষ্ঠা বেড়ে গেছে। এত সুখ এত আনন্দের কোন খবরই সে জানত না। দিনের পর দিন নতুন নতুন স্বপ্নের জাল বুনেছে অথচ একদিনে সব ছিঁড়ে গেল। চিহ্নর সঙ্গে বসে বসে যুক্তি করেছে বিয়ের পর কেমন করে ঘরকন্না করবে। বাড়ি ভাগ হয়ে গেলে কেঁষ্টর নিজের জায়গায় সে গৃহিণী হয়ে ঢুকবে। তারপর ছেলেপুলে, ভাবতেই গৌরীর মুখ লজ্জায় লাল হয়ে ওঠে।

চিহ্ন বলত, দেখিস, তখন আমায় চিনতে পারবি না।

গৌরী কপট রাগের সঙ্গে উত্তর দিয়েছে, কি যে বলিস, আমি তো একটা তিকিরী—

—হবি তো রাজর্যাণী—

এ সবই তো মিথ্যে হয়ে গেল। গৌরী মনে মনে ঠিক করে একথা সে কাউকে বলতে পারবে না, চিহ্নকেও নয়। এতখানি হার সে কি করে স্বীকার করবে ?

চিহ্ন এসে জিজ্ঞেস কবে, কি হয়েছে বল।

—না, কিছু না।

—সত্যি কথা বল না—

গৌরী বিরক্ত হয়, বলছি তো কিছু হয় নি।

—তবে কাঁদছিলি কেন?

—শরীর খারাপ।

চিহ্ন কিছুতেই গৌরীর পেট থেকে কথা বার করতে না পেরে ধরে নেয় কেঁপের সঙ্গে কোন রকম ঝগড়া হয়েছে।

কলকাতার লোক পাগল হয়ে উঠেছে। আজ বাস বন্ধ, কাল ট্রাম বন্ধ, পরদিন সাধারণ ধর্মঘট। তারপর সরকারের একশ' চুয়াল্লিশ ধারা জারি, আইন-অমান্য আন্দোলন, টিয়ার গ্যাস, লাঠি চার্জ, জেল। পরদিন কাগজে হতাহতের সংখ্যা।

এ ধরনের খবরে কোন বৈচিত্র্য নেই, লেগেই আছে। আজ কাল আর কেউ কারণ জিজ্ঞেস করে না। ছাত্র, শিক্ষক, কর্মী, শ্রমিক কিংবা ব্যবসাদার, কারুর না কারুর অভিযোগের সুযোগ নিয়ে শহরে বিশৃঙ্খলার সৃষ্টি।

দেবেনদার বাড়িতে আজ সবাই জমা হয়েছে। দেবেনদা ইজিচেয়ারে অর্ধশায়িত অবস্থায়। তাঁর চোখ-মুখ উত্তেজিত, জোর গলায় বলে চলেন, এ সাধারণ ধর্মঘট সফল করা চাই-ই। যাতে একটাও দোকান না খোলে ট্রাম বাস না চলে। দেশের লোক বুকুক অন্ডায় চিরকাল বেঁচে থাকতে পারে না। ঠায়েকে আমরা ফিরিয়ে আনব। যে মহৎ আদর্শের জন্তু হাজার হাজার ভারতবাসী স্বাধীনতা-সংগ্রামে লিপ্ত হয়েছিল সেই আদর্শকে আবার মানুষের চোখের সামনে তুলে ধরতে হবে—

দেবেনদা আরও হয়ত বলতেন, কালী থামিয়ে দেয়, অত কথার কি আছে দেবেনবাবু, আপনি হুকুম করুন, আমরা তামিল করব।

—সেই কথাই তো বলছি।

—বেশি কথায় কাজ হয় না ।

কালীর দলবল চেষ্টায়ে ওঠে, আমরা কাজ চাই ।

দেবেনদা আশ্বাস দেন, কাজ তো তোমরাই করবে । তোমরা নবীন, তোমরাই তো আমাদের ভরসা—

কালী জবাব দেয়, আপনি কিছু ভাববেন না । আমি সব ঠিক কবে রেখেছি । কাল দেখবেন কলকাতা শহর খুঁচ্ছে । যে পাড়ায় যে দল আছে সকলের সঙ্গে কথা হয়ে গেছে, সবাই মহড়া রাখবে ।

গরম গরম আলাপ আলোচনার পর কালী দলবল নিয়ে চলে গেল । চুনীলাল কিন্তু তখনও বসে ছিল । একটু বাদে মৃদুস্বরে জিজ্ঞেস করে, দেবেনদা এটা কি ঠিক হ'ল ?

—কি ?

—এই কালীর হাতে সব ছেড়ে দেওয়া—

—ও যে কথা শুনতে চায় না ।

চুনীলাল বিরক্ত হয়, তাহলে ওকে ত্যাগ করুন ।

দেবেনদা হাসেন, ত্যাগ করা সোজা, কিন্তু কালীর মত কাজের লোক ক'টা পাবে ?

—তা হতে পারে, কিন্তু আপনার আদর্শের সঙ্গে যার মিল নেই, তাকে নিয়ে কি করে কাজ করবেন ?

দেবেনদা চুপ করে থাকেন । চুনীলাল দেবেনদাকে সত্যিই শ্রদ্ধা করে, তাঁকে অযথা আঘাত দিতে সে মোটেই চায় না । কিন্তু কালীর ব্যবহারে তার খটকা লাগে, ভাবে এর মধ্যে নিশ্চয় কোথাও গলদ আছে !

—তুমি অত ভেবো না, চুনীলাল । কালী আমার আদর্শ ঠিক বুঝতে পারবে । আজ না হয় দু'দিন পরে । তুমি দেখো, সে নিশ্চয় এমন কিছু করবে না যাতে আমার আদর্শ নীচু হয়, আমাদের মাথা হেঁট হয় ।

পরদিন সাধারণ ধর্মঘট হয়েছে পুরোমাত্রায়। এতখানি সফল হবে কালী নিজেও ভাবেনি। সকালের দিকে ট্রাম-বাস বেরিয়েছিল বটে, তবে দু'-তিনটে পোড়াতেই বন্ধ হয়ে গেছে। দু'-একটা দোকান লুঠ করতেই সব ছড়-দাড় বন্ধ করে দিয়েছে। দুপুরের দিকে সত্যিই কলকাতা শহর খুমিয়ে পড়ে।

চুনীলালের সঙ্গে শ্রামলের দেখা হয়েছিল, বড় রাস্তার ওপর সে তখন অগ্ন্যুৎসবের সঙ্গে ট্রাম পোড়াতে ব্যস্ত। চুনীলাল জিজ্ঞেস করে, এ কি করছো শ্রামল ?

—দেখতেই তো পাচ্ছে—

—দেখছি তো ঠিক, পাগলামী করছ, এ তো আমাদের আদর্শ নয় ?

—আদর্শ-ফাদর্শ জানি না, কালীদা যা বলেছে তাই করছি।

চুনীলালের চোখের সামনে ট্রামটা দাউ-দাউ করে জ্বলে ওঠে।

সেই আগুনের মধ্যে চুনীলাল যেন দেখতে পেল দেবেনদার আদর্শ পুড়ে ছাই হয়ে যাচ্ছে।

শ্রামলরা হি-হি কবে হাসে, হাততালি দিয়ে লাফায়। পুলিশের গাড়ী দেখলে ভেঁা-ভেঁা পালিয়ে যায়।

শ্রামলের সঙ্গে আর-একবার কথা হয়েছিল চুনীলালের। দুপুরের পর। শ্রামলই জিজ্ঞেস করে, কি চুনী, তুমি কিছু করছো না ?

—কি করবো ?

—শুধু বক্তৃতা, কি বল ? ওতে তো আর কোন ভয় নেই।

চুনীলাল ম্লান হাসে, শ্রামল, ট্রামগুলো যে পোড়ালে, জেনো ওগুলো দেশেরই জিনিস, ক্ষতিই হ'ল, লাভ হ'ল না।

—লাভ নেই কি বলছো, প্রচুর লাভ হয়েছে।

—কি রকম ?

শ্রামল গলা খাটো করে বলে, আজ সকালে একটা মনোহারীর দোকান লুঠ করেছি, কিছুতেই দোকান বন্ধ করছিল না। ব্যস, দিয়েছি ব্যাটার দফা সেরে। আমি নিজেই কত টাকার মাল সরিয়েছি জানো ?

—কত ?

—টাকা পঞ্চাশ।

—তাই নাকি ?

—ও তো কিছু না। কালীদা, মাইরি প্রাতঃস্মরণীয় লোক, একটা শ্রাকুরার দোকান।

—বল কি, সত্যি ?

শ্রামল খেঁকিয়ে ওঠে, আমি কি মিথ্যে বলছি ? শ্রাকুরার দোকানটা অবিশিষ্ট বন্ধই ছিল, কালীদা নিজেই গোলমাল বাধিয়ে দরজা ভেঙ্গে লুঠ করেছে। সব রকম যন্ত্র ওর সঙ্গে আছে কি না—

চুনীলাল বিস্মিত হয়। এত কথা সে জানতো না। শ্রামল আবার বলে, তুমি একটা মেয়েছেলে, কিছু করতে পারলে না—

—কি আর পারলাম !

পকেট থেকে এক প্যাকেট দামী সিগারেট বার করে শ্রামল চুনীলালের হাতে দেয়, এই নাও, একটা বিড়ি-সিগারেটের দোকানও লুঠ করেছি। মাসখানেক সিগারেট না কিনে চলে যাবে। শ্রামল আত্ম-প্রসাদের হাসি হাসে।

সারাদিন চুনীলাল এতটুকু শান্তি পায় না। তিন বার সে দেবেনদার সঙ্গে দেখা করতে গিয়ে ফিরে এসেছে, উনি বাসায় ছিলেন না। সব কথা তাঁর সঙ্গে আলোচনা করার জন্তে চুনীলাল ছটফট করেছে। শেষে সন্ধ্যার পর দেখা হ'ল। দেবেনদা উত্তেজিত হয়ে পায়চারী করছেন, কালী নিজের বাহাদুরীর কথা বলে যাচ্ছে, যা বলেছিলাম হ'ল কি না।

একটা ট্রাম বাস চলে নি, স্কুল, কলেজ, অফিস, দোকানপত্র মার বাজার পর্যন্ত—

দেবেনদা বলে ওঠেন, বাহাঘর কালী। আমি দেখতে পাচ্ছি, দেশে জাগরণ আসছে। কত সহজে লোকে এই সব আন্দোলনে আজ সাড়া দিচ্ছে—

চুনীলাল চৈঁচিয়ে বাধা দেয়, দেশের লোক তো সাড়া দেয় নি—

দেবেনদা বিস্মিত হন, কি বলছে চুনীলাল, আজকের ধর্মঘট সার্থক হয়নি ?

—না।

— কেন ?

—দোকান বন্ধ হয়েছে লুঠ করেছেন বলে। লোকে স্কুল কলেজ যায়নি মার খাবার ভয়ে। ট্রাম-বাস চলেনি, আপনারা পুড়িয়েছেন বলে।

উত্তেজনায় চুনীলালের গলা কাঁপছিল। চৈঁচাতে গিয়ে চোখে জল এসে যায়, এই আপনার আদর্শ দেবেনদা, গুণ্ডামী—

—চুনীলাল ! দেবেনদা ধম্কে ওঠেন। চুনীলাল চোখ নামিয়ে নেয়।

দেবেনদা বলেন, সব কাজেরই ভাল-মন্দ দুটো দিক আছে, শুধু মন্দটা দেখলেই তো হবে না।

—এর মধ্যে কি ভাল আছে আমি তো বুঝতে পারছি না। দোকান লুঠ করে, নিরীহ জনসাধারণকে মারের ভয় দেখিয়ে যদি দেশের উন্নতি করবেন ভেবে থাকেন, তা ভাল, ভয়ঙ্কর ভাল।

—তোমার কাছে আমার রাজনীতি শিখতে হবে ?

চুনীলাল জোর গলায় বলে, মোটেই না। আমি যা বলছি তা আপনারই কাছে শেখা। সেই দেবেনদার কাছে শেখা যে দেবেনদা দেশকে ভালবাসতো। যে আজ রাজনীতির নামে স্বার্থসিদ্ধির চেষ্টা করছে, তার কাছে নয়।

দেবেনদার কান লাল হয়ে ওঠে, কি বাজে বকছ—

—আপনি আমায় ভালবাসতেন আমি স্পষ্ট কথা বলি বলে—

কালী ফোড়ন কাটে, কিন্তু তখন বাজে বকুতে না—

চুনীলাল উত্তেজিত হয়ে ওঠে, দেবেনদা বিশ্বাস করুন আপনি
গুণাদের হাতে পড়েছেন, তারা শিখণ্ডীর মত আপনাকে—

কথা শেষ হতে পারলো না, কালী বিদ্যুৎবেগে চুনীলালের সামনে
এসে দাঁড়ায়, কে গুণা ?

চুনীলাল আরও চঁচায়, কে গুণা বুঝতে পারছো না ?

সঙ্গে সঙ্গে কালী সজোরে চড় মারে চুনীলালের গালে, বেশি ফড়
ফড় করলে জানে মেরে দেব । ভাগ—

কালীর রক্তবর্ণ চোখ দেখে কেউ আর চুনীলালকে সাহায্য করতে
স্বরসা পায় না । চুনীলাল মাটিতে পড়ে গিয়েছিল, আন্তে আন্তে উঠে
দাঁড়ায় । একবার দেবেনদার দিকে তাকিয়ে মাথা নীচু করে সেখান
থেকে বেরিয়ে যায় । লজ্জায়, অপमानে সমস্ত শরীর তার জ্বলছে ।
বিশেষ করে কষ্ট পায় এই ভেবে যে দেবেনদা, কি শ্রামল, কেউ তাকে
সাহায্য করতেও এলো না, মুখেও একটা সহানুভূতির কথা পর্যন্ত
বললে না ।

চুনীলাল সেই ধরনের ছেলে যারা অত্যাগকে কিছুতেই বরদাস্ত
করতে পারে না । কালীর আড্ডা থেকে বেরিয়ে বাড়ি না ফিরে সোজা
গেল মদনের কাছে । মদন চুনীলালের মুখের দিকে তাকিয়ে অবাক
হয়ে যায় । জিজ্ঞেস করে, কি ব্যাপার চুনী, এত গভীর কেন ?

চুনীলালের মুখ-চোখ তখনও লাল হয়ে আছে । ধীর স্বরে বলে,
শ্রামলকে ফিরিয়ে আনতে হবে ।

—কোথা থেকে ?

—গুণার আড্ডা থেকে ।

মদন চঠকে ওঠে, সে কি ?

চুনীলাল একে একে দেবেনদা, কালী সকলের কথা বলে। মদন
বিস্মিত হয়, সে কি, সেই দেবেনদা—

—হ্যাঁ, সেই দেবেনদা। ঝাঁকে আমি এত শ্রদ্ধা করতাম। ঝাঁর
আদর্শে অনুপ্রাণিত হয়েছিলাম, তোদের কাছে ঝাঁর কথা এত বলতাম,
সেই দেবেনদা—

—ভুগু ?

—তা ছাড়া আর কি ! কতকগুলো অশিক্ষিত লোক সমাজের
ঝারা কোন উপকার করতে পারবে না, তারাই ওকে সামনে রেখে
নিজেদের স্বার্থসিদ্ধি করছে—

—শামলও তাদের দলে—

—তাই ত দেখছি। কালী যখন আমায় মারলে ও একবার এগিয়ে
এল না—

মদন একটু ভেবে নিয়ে বলে, এখন কি করা যায় ?

—শামলকে বোঝাতে হবে। তাকে ফিরিয়ে আনা আমাদের
কর্তব্য। বিশেষ করে আমার, কারণ আমিই তাকে নিয়ে গিয়েছিলাম।

—বেশ, আমি শামলকে নিয়ে কাল তোর বাড়ি যাব।

পরদিন কথামত মদন শামলকে নিয়ে গেল চুনীলালের বাড়ি।
চুনীলাল তাদেরই জন্তে অপেক্ষা করছিল। প্রথমেই জিজ্ঞেস করলে,
শামল, কেন তুমি আমার হয়ে কথা বললে না ?

শামল উত্তর দেয়, আমি কি বলব, কালীদা, দেবেনদার সঙ্গে তুমি
ঝগড়া করেছ—

—ঝগড়া করিনি, ঠিক কথা বলেছি।

—ঠিক-বেঠিক আমি অত বুঝি না, ওরকম ভাবে কথা বলা তোমার
উচিত হয়নি।

চুনীলাল রেগে যায়, তাই বলে ছায়-অন্ডায় দেখবে না, কেউ ভুল করলে তাকে শোধরাবে না ?

—কালীদা কোন দিন কাজে ভুল করে না—

—হুস্তোর কালীদা ! দেবেনদার মত একটা অত বড় মানুষ ।

শ্রামল তাম্বিলের স্বরে বলে, দেবেনদাকে কি এত বড় ভাবো আমি বুঝি না । ও-তো তোমার মত একটা মেয়েছেলে, শুধু লম্বা-চওড়া কথা, কাজের বেলা লবডকা—

—তোমার মতে কি কাজ মানে লুঠ করা, গুণ্ডামী করা ?

—সে তুমি যাই বল, কিছু করতে হবে তো ? শুধু লেকচার মেরে কি হবে ? দেবেনদা এক জন্ম আগে কি করেছেন সেই গল্প করতেই ব্যস্ত, জেল খেটেছেন, হান করেছেন, ত্যান করেছেন, যত সব নিকুচি করেছে ।

চুনীলালের আর ধৈর্য থাকে না, তবে তোমার গুরু কে, কালী গুণ্ডা ?

—খব্দার কালীদার নামে যা-তা বলবে না ।

শ্রামল মদনকে বলে, কেন আমাকে এখানে ডেকে আনলি ?

চুনীলাল উত্তর দেয়, আমি ডাকতে বলেছিলাম ।

—কেন ?

—তোমাকে দলছাড়া করবার জন্তে ।

শ্রামল বিদ্রূপ করে হাসে ।

—তুমি যখন আমার কথা শুনলে না, ভেবো না আমি তোমায় ছেড়ে দেব ।

শ্রামল আর কথা না বাড়িয়ে হন হন করে বাড়ি থেকে বেরিয়ে যায় । মদন কিছু বুঝতে না পেরে চুনীলালের মুখের দিকে তাকায় ।

চুনীলাল মৃদুস্বরে বলে, ছেলেটা একেবারে নষ্ট হয়ে গেছে ।

অরুণার সিনেমায় যেতে ইচ্ছে হলেই বাবাকে এসে ধরে। রমেশবাবু সব সময় বলেন, কি ভালো ছবি হচ্ছে বল। অরুণা হয়ত বলে, বাপি, নতুন হিন্দী বই এসেছে।

—খবর্দার নয়, হিন্দী বই দেখলে আমার মাথা ধরে যায়।

যদি বলে বাংলা বইএ যাবে? খুব ট্রাজিক বই এসেছে।

—পাগল না কি, পয়সা দিয়ে টিকিট করে কাঁদতে যাব?

—তাহলে যাবে কোথায়?

—ইংরিজী ছবি।

—তোমার তো ওই মেট্রো, নয় লাইটহাউস।

—নিশ্চয়, পয়সাই যদি দেবো, ঠাণ্ডা ঘরে বসব।

আজ কিন্তু অরুণা নিজে থেকেই মেট্রোর টিকিট করার জন্তে বাবাকে ধরেছে। রমেশবাবু কপট বিন্ময়ের সঙ্গে জিজ্ঞেস করেন, ব্যাপার কি, তুই বলছিস মেট্রোয় যাবি, ওখানে হিন্দী ছবি দেখাচ্ছে নাকি?

—না বাপি, শেক্সপীয়ারের একটা নাটক। ভীষণ ভাল—

—সর্বনাশ! ওর তো কিছুই বোঝা যাবে না—

—না বাপি, খুব ভাল। প্রভাতদার কাছে আমি সব গল্পটা শুনেছি।

—বেশ, তাহলে প্রভাতেরও একটা টিকিট কাটো, ও আমাকে বুঝিয়ে দেবে।

প্রভাতকে নীচে বসিয়ে রেখে অরুণা রমেশবাবুর অহুমতি নিতে ওপরে এসেছিল। মত পেয়ে, মার কাছ থেকে একটা দশ টাকার নোট চেয়ে নিয়ে প্রভাতকে দেয়।

—বাবা বললেন চারখানা টিকিট কেটে আনতে।

—চারখানা কেন?

—বাবা মা ছু'জনে, আমি আর আপনি ।

—আমি গিয়ে কি করব ?

—বাবাকে বুঝিয়ে দেবেন ।

প্রভাত হাসে, উনি বোধ হয় ঠাট্টা করেছেন । তুমি তাই সত্যি ভেবে নিলে ?

—ঠাট্টা-ফাট্টা জানি না, আপনাকে যেতেই হবে ।

—কালকেই দেখেছি যে ।

—দেখলেন কেন ?

—বিনোদ ধরে নিয়ে গেল, ও যা খামখেয়ালী ।

—বিনোদ, বেলারানী । এদের ছাড়া আপনার মন ওঠে না ।

প্রভাত খামিয়ে দেয়, ঝগড়া করতে হবে না, আমি যাবো, হোল তো ?

ইন্টারভ্যালে অরুণার নির্দেশমত প্রভাত হল থেকে বেরিয়েছিল দুটো চকোলেট আনতে । দোতলার বারান্দায় অনেকেই আইসক্রীম বা পানীয় নিয়ে বসে আছে । বেশির ভাগই বিদেশী । কোণের দিকে হান্কা নীল রঙের শাড়ী পরে যে মেয়েটি বসেছিল তাকে দেখেই প্রভাত ইতস্তত করে । কিন্তু বেলারানী তখনি হাতছানি দিয়ে ডাকে, অগত্যা প্রভাতকে অনিচ্ছাসত্ত্বেও সেই দিকে এগিয়ে যেতে হয় । বেলারানী যে পুরুষটির সঙ্গে বসে আইসক্রীম খাচ্ছিল, সে প্রভাতের পরিচিত না হলেও অচেনা নয় । অনেক ছবিতে অভিনয় করতে তাকে দেখেছে । বেলারানী জিজ্ঞেস করে, কি খাবেন বলুন ?

—কিছু না ।

—তা কি হয়, অন্তত একটা কোকাকোলা । বেলারানী সঙ্গে সঙ্গে বেরারাকে অর্ডার দেয় । তদ্রলোকটিকে বলে, এর সঙ্গে আলাপ নেই বোধ হয় ? লেখক প্রভাত গুহ আর ইনি অভিনেতা পার্থসারথি ।

প্রভাত ও পার্শ্বসারথি উভয়ে নমস্কার-বিনিময় করে। বেলারাগী
জিজ্ঞেস করে, আজ আবার কার সঙ্গে এলেন ?

প্রভাত না বোঝার ভান করে তাকায়।

—কালই তো বিনোদের সঙ্গে এসেছিলেন শুনলাম।

—অরুণারা—

বেলারাগী হাসে, অরুণারা মানে ?

—মানে ওর মা-বাবা।

—তাই নাকি ? সবাই মিলে। বাঃ শুভদিনটি কবে ?

প্রভাত ওঠবার চেষ্টা করে, কেন মিথ্যে ঠাট্টা করছেন ?

—বলুন না, দরকার আছে।

শো শুরু হবার ঘণ্টা পড়ে। পার্শ্বসারথি এতক্ষণে কথা বলে, চল
বেলা, ওঠা যাক। ওয়ার্নিং দিয়েছে—

—তুমি বসগে যাও পার্শ্ব, আমি প্রভাতবাবুর সঙ্গে দু-একটা কথা
বলে যাচ্ছি।

প্রভাত তাড়াতাড়ি বলে, আমিও উঠবো।

—অত তাড়া কিসের, কাল তো দেখেছেন।

বেলারাগীর সঙ্গে প্রভাত কিছুতেই পেরে ওঠে না। অনিচ্ছাসত্ত্বেও
ও বসে পড়ে। পার্শ্ব উঠে যেতেই বেলারাগী মন্তব্য করে, উঃ, এর আলায়
অস্থির ! পাগল করে মারে !

—আপনি দেখছি কারুর ওপর খুশি নন !

—কি করে খুশি হব বলুন ? ঠিক বিনোদের জুড়ি ! আপনিই
বলুন, বিনোদের মত লোককে সঙ্গী করা যায় ?

প্রভাত মৃদুস্বরে বলে, বিনোদবাবু তো খারাপ লোক নন !

—খারাপ লোক তো বলিনি, সঙ্গী হিসেবে ভাল নয়। সব সময়
কি নাটুকেপনা ভাল লাগে ?

প্রভাত কি উত্তর দেবে ভেবে পার না। বেলারাগী কথার স্মরণ পাঁটার, হ্যাঁ, আমাদের এ দিকের সব ব্যবস্থা হয়ে গেছে। সামনের মাস থেকে ছবি তোলা শুরু হবে।

—খুব ভাল কথা, কাল আপনার বাড়ি গিয়ে আলোচনা করব। চলুন, বই আরম্ভ হয়ে গেছে—

বেলারাগী আলতো করে প্রভাতের হাতের উপর চাপ দেয়, আজ আমার বাড়ি পর্যন্ত গাড়ীতে গেলে ভাল হত, পার্থক্য হাত থেকে বাঁচতাম।

প্রভাত কথা বলতে গিয়ে চুপ করে যায়, দেখে, একদৃষ্টে বেলারাগী তার দিকে তাকিয়ে আছে।

—প্রভাত, আমার এই একটি অনুরোধ রাখবে না?

প্রভাতের অস্বীকার করার আর শক্তি থাকে না। মাথা নীচু করে বলে, আচ্ছা, যাবো।

—চল, ভেতরে যাওয়া যাক।

—শো ভেঙ্গে গেলে আমি এখানে অপেক্ষা করবো।

অন্ধকার হলে ঢুকে দু'জনে হুদিকে চলে যায়, নিজেদের সীটের দিকে। এতক্ষণে প্রভাতের মনে ভয় ঢোকে, তাই তো কি বলবে সে, অরুণার চকোলেটও আনা হয় নি, তার ওপর এত দেরি।

সীটে এসে বসতেই রমেশবাবু জিজ্ঞেস করেন, অরুণার চকোলেট আনতে নিউ-মার্কেট চলে গিয়েছিলে না কি?

প্রভাত ছবির দিকে তাকিয়ে উত্তর দেয়, না, একজনের সঙ্গে কথা বলতে দেরি হয়ে গেল।

অরুণা চুপি চুপি জিজ্ঞেস করে, চকোলেট পান নি?

—না।

—কার সঙ্গে কথা বলছিলেন?

প্রভাত এড়িয়ে যাবার চেষ্টা করে, ঐ ছবি তোলার ব্যাপারে ।

তারপর আর এ প্রশ্ন ওঠে না । ছবি দেখতে সকলে ব্যস্ত । কিন্তু মুন্সিল হল শেষ হয়ে যাবার পর !

প্রভাতকে বলতেই হয়, আমি আর আপনাদের সঙ্গে ফিরব না, এক জায়গায় যেতে হবে ।

অরুণার মা বললেন, তাই নাকি, আমি ঠিক করেছিলাম আজ আমাদের বাড়িতেই খেয়ে যাবে ।

—রোজই তো খাচ্ছি মাসীমা ! আজকে একটা বিশেষ দরকার আছে ।

কথা বলতে বলতে তারা হলের বাইরে আসে । অরুণা বলে প্রভাতদা, ছ'-একটা জায়গা বুঝতে পারি নি, কালকে বুঝিয়ে দিতে হবে ।

—বেশ তো !

সিঁড়ির কাছাকাছি আসতেই বেলারাণীর ডাক শোনা যায়, প্রভাত-বাবু, আমরা এখানে !

প্রভাতকে ইঙ্গিতে জানাতে হয় আসছে বলে । অরুণা এতক্ষণ বেলারাণীকেই লক্ষ্য করছিল, মেক্ আপ করা মুখ, ফাঁপানো চুল আর তার চটুল চাহনী । ভারী গলায় জিজ্ঞেস করে, উনি কে ?

—বেলারাণী ।

—ও, ওরই সঙ্গে বুঝি ইন্টারভ্যালে কথা হচ্ছিল ?

প্রভাত মিথ্যে বলতে পারে না, বলে, হ্যাঁ ।

আর কোন কথা না বলে অরুণা দ্রুত সিঁড়ি দিয়ে নেমে রমেশ-বাবুদের সঙ্গে যোগ দেয় ।

প্রভাত আসতেই বেলারাণী বলে, সত্যি, অরুণাকে ভারী মিষ্টি দেখতে, কি সুন্দর চুল, ফরসা রঙ—

প্রভাত সে-কথার উত্তর না দিয়ে বলে, চলুন, নামা যাক ।

পার্থসারথি যে প্রভাতের আসাটা মোটেই পছন্দ করেনি তা কাউকে বলে দিতে হয় না। জিজ্ঞেস করে—আপনি যে বললেন আজ কাজ আছে ?

প্রভাত বলে, ছিল, তবে বেলা দেবী বলছেন বইটার দু'-এক জায়গায় ডায়ালগ চেঞ্জ করতে হবে, তাই।

—তাহলে আমি বরং এখান থেকেই বিদায় নিই।

বেলারাণী সহজ গলায় বলে, আচ্ছা, কাল তো সেটে দেখা হবেই।

কথা বলতে বলতে তারা সিঁড়ি দিয়ে নীচে নেমে আসে। বেলারাণীর ড্রাইভার সিনেমার সামনেই গাড়ী এনে রেখেছিল। পার্থর কাছে বিদায় নিয়ে বেলারাণী আর প্রভাত পেছনের সীটে উঠে বসে।

গাড়ী চলতে শুরু করে। বেলারাণী স্বস্তির নিঃশ্বাস ফেলে, উঃ, এত সহজে যে পার্থর হাত থেকে নিস্তার পাব ভাবিনি।

—তবে আর কি, আমার এখন ছুটি।

—তাড়া কিসের ?

প্রভাত হাসে, পার্থর হাত থেকে যখন রেহাই পেয়েছেন, আমার প্রয়োজনও ফুরিয়েছে।

—না প্রভাত, তোমাকে অনেকগুলো কথা বলার আছে। আজ আমায় খানিকটা সময় দাও। বেলারাণী প্রভাতের ডান হাতটা নিজের কোলের উপর টেনে নেয়, জানি তুমি অবাক হচ্ছে, ভাবছো, এও আমার একটা ঢং, কিন্তু বিশ্বাস কর, আমি তোমায় সত্যিকারের বন্ধু হিসেবে পেতে চাই।

—সে তো আমার সৌভাগ্য !

—দোহাই তোমার, বই-এর ভাষায় কথা বোলো না। আজ তোমায় অনেকগুলো কথা না বলে শান্তি পাচ্ছি না।

—বলুন।

—গাড়ীতে নয়, বাড়িতে !

বাড়িতে পৌঁছে বেলারাণী ড্রাইভারকে নির্দেশ দেয়, প্রভাতবাবুকে বাড়ি ছাড়তে হবে, ঠিক থেকে !

কত দিন কতবার প্রভাত বেলারাণীর বাড়ি এসেছে, কিন্তু আজ সব কিছু অল্প রকম মনে হয় ।

—নীচে নয়, ওপরে চল ।

বেলারাণী প্রভাতকে নিয়ে ওপরে উঠে আসে । নীচের চেয়ে ওপরতাল। অনেক ভালো করে সাজানো । মিঁড়ি দিয়ে উঠেই বৈঠকখানা, দেশী আসবাবপত্রে ভর্তি, শোখীন ফরাস তাকিয়ার স্নুবন্দোবস্ত ।

—বস, আমি আসছি ।

প্রভাত ফরাসের ওপর গিয়ে বসে, কেমন আড়ষ্ট হয়ে যায় । চেয়ারে বসলেই তাল হ'ত, প্রভাত ভাবে ।

বেলারাণী খুব তাড়াতাড়ি কাপড় বদলে ফিরে আসে । গোলাপী রঙের সাধারণ তাঁতের শাড়ীতে ওকে যেন আরও সুন্দর দেখাচ্ছে । জিজ্ঞেস করে, আজ এখানে খেয়ে যাবে তো ?

—না, একটু অসুবিধে আছে ।

—তাহলে জোর করব না, কিছু পান করবে ?

—ঠাণ্ডা জল ।

বেলারাণী হাসে, তা বলিনি, কোন ড্রিঙ্কস ?

—না ।

—পান করো না ?

—পয়সা কোথায় ? ও-সব দামী অভ্যেস করতে অনেক টাকার দরকার ।

—আমি কিন্তু আজ একটু শেরী খাব, তোমার আপত্তি নেই তো ?

—মোটাই না ।

পান করতে করতে বেলারাণী বলে, একদিন আমার জীবনের কথা শুনতে চেয়েছিলে মনে আছে, সেদিন বলিনি কিন্তু আজ বলব ।

—বেশ তো, বলুন ।

—আমার বাবা কে জানিনা । আমার মা থিয়েটারে পার্ট করতেন, নাম ছিল না । তাই শহরের কুখ্যাত নোংরা পল্লীতে আমাদের বাসা ছিল । মা আমাকে খুব যত্নে মানুষ করে । যাতে আমায় দেখতে ভাল হয়, সেদিকে তার সব সময় নজর ছিল । কারণ মা'র নিজের চেহারা ভাল ছিল না । সেই জন্তেই থিয়েটারে নাম করতে পারেনি ।

প্রভাত জিজ্ঞেস করে, আপনার মা'র নাম ?

—তা জেনে লাভ নেই । মা আমাকে নাচ শেখালেন, গান শেখালেন, যাতে আমি থিয়েটারে কাজ পাই । মা'র চেষ্টায় বারো তের বছরে কাজ পেলাম থিয়েটারে ।

—কি পার্ট করতেন ?

—সাজাহানে দারার মেয়ে । চন্দ্রগুপ্তে চাণক্যের মেয়ে, এই ধরনের ছোটখাট পার্ট আর প্রায় সব নাটকে নাচতাম, সখী সঙ্গে ।

—তারপর ?

—এমনি ভাবে তিন চার বৎসর চলল । এর মধ্যে বহু লোকের সঙ্গে পরিচয় হ'ল । আমার বয়স কম ছিলো, তাই শো'এর পর অনেকে দেখা করতে চাইত, কেউ কেউ বাসায় আসত । রোজগার বেড়ে গেল ।

প্রভাত বিস্মিত হয়, মাত্র পনের বোল বছর বয়স থেকে ? আপনার খারাপ লাগতো না ?

বেলারাণীর বেশ নেশা হয়েছে । হেসে বলে, খারাপ লাগবে কেন ? সেখানে তো বেশি লোক এলে আমাদের গর্ব হত ।

—মা বারণ করতেন না ?

—মেয়ের সাফল্যে কি মা দুঃখ পান ?

প্রভাত চুপ করে থেকে জিজ্ঞেস করে, তারপর ?

—মা মারা গেলেন ।

—তখন আপনার বয়স কত ?

—সতের কি আঠারো । একজন পরসাদাওয়ালা ভদ্রলোক মা'র কাছে আসতেন । মা মারা গেলে আমার কাছে আসতে শুরু করলেন । কিছুদিন বাদে আমাকে তাঁর রক্ষিতা করে নিলেন ।

প্রভাত সিগারেট ধরায়, সে-ভাবে কত দিন ?

—চার বছর । পরে জানলাম ভদ্রলোক সিনেমা লাইনের অনেককে চেনেন, উনিই আমায় ফিলমে নামার সুযোগ করে দিলেন । বরাত ভালো, প্রথম বইতে অভিনয় করেই নাম হয়ে গেল । এত দিন আমার নাম ছিল বুঁচকি, ফিলমে চুকে নাম হল বেলারাণী ।

—কত বছর আগে প্রথম ছবিতে নামলেন ?

—সাত বছর, চাঁদের দেশে ।

—সাত বছরের মধ্যে খুব নাম করেছেন !

বেলারাণী আত্মপ্রসাদের হাসি হাসে, তা হয়েছে ! ফিল্মে ঢোকান দু'বছর বাদে যখন নিজের পায়ে দাঁড়াতে শিখলাম, তখন থেকে সে ভদ্রলোকের রক্ষিতা হয়ে না থেকে এই বাড়ি ভাড়া করে চলে এলাম ।

বেলারাণী তাকিয়ার উপর গা এলিয়ে দেয়, টাকা হল । মাস্টার রেখে লেখাপড়া শিখলাম, যাতে কথাবার্তা বলতে পারি ।

—ইংরিজীও তো বেশ ভাল শিখেছেন !

—কাজ চালিয়ে নিতে পারি ।

—এর পর কি করবেন ?

বেলারাণী দীর্ঘশ্বাস ফেলে, এমনি করেই মরে যাব একদিন ।

প্রভাত চমকে ওঠে, সে আবার কি কথা ?

—সত্যি প্রভাত আর আমার বাঁচার শখ নেই।

প্রভাত বোঝে, নেশার ঝাঁকেই চোখ জলে ভরে আসছে। তবু
সাম্বনা দিয়ে বলে, কেন এ রকম ভাবছেন ?

—আমি যে মানুষের নোংরা দিকটা দেখেছি, পুরুষ মানুষ দেখলে
আমার ঘেন্না করে। বেলারাগী জোরে জোরে নিশ্বাস ফেলে, কত রকম
দেখলাম, বড় বড় পণ্ডিত লোক, সমাজের হোমরা-চোমরা নীতিবাগীশ।
একজন বাড়িতে বোকে বলে এলো অফিসের কাজে বাইরে যাচ্ছে,
হাতে স্লটকেন্স নিয়ে আমার কাছে এসে হাজির। বুড়ো প্রোট জোয়ান,
সব সমান।

প্রভাত হঠাৎ জিজ্ঞেস করে, বিয়ে করলেন না কেন ?

—কাকে করবো ?

—তার মানে ?

—একটা মানুষ যে চোখে পড়ল না ! সত্যি প্রভাত, তোমায়
আমার ভাল লাগে তুমি সত্যিকারের মানুষ। যাকে ভালোবাসো তাকে
ছাড়া অন্য রকম ভাবতে পারো না। হয়তো অরুণার উপর আমার
হিংসা হয়, কিন্তু তবু তোমার উপর শ্রদ্ধা বেড়ে যায়। একটু থেমে
বলে, তোমার কাছে দুটো অহরোধ আছে আমার, রাখবে ?

—বলুন।

—মাঝে মাঝে আমার কাছে এস, বড় একা আমি।

—আসবো।

—আর, বেলারাগীর কথা যেন আটকে যায়, আর শুধু আজকের
দিনটিতে আমার কাছে এস —

বেলারাগী কথা শেষ করতে পারে না, সক্রমণ মোহময় চোখে
প্রভাতকে আশ্বান করে।

প্রভাত উঠে দাঁড়ায়, এখন আমি চলি, বাড়ি ফিরতে অনেক রাত হবে।

বেলারাগী তখনও সজ্জা নয়নে চেয়ে থাকে, এসো, লক্ষ্মীটি।

প্রভাত ঘেমে ওঠে, মাহুষের মন বড় দুর্বল, তাকে নিয়ে খেলা করবেন না। হয়তো কি করে বসবো, তখন আর আস্থা থাকবে না আমার ওপর। চলি।

প্রভাত বেলারাগীর দিকে ফিরে না তাকিয়ে দ্রুত সিঁড়ি দিয়ে নেমে যায়। গাড়ী দাঁড়িয়েছিল। প্রভাতকে আসতে দেখে ড্রাইভার দরজা খুলে দেয়। প্রভাত নিঃশব্দে গাড়িতে উঠে বসে।

কেষ্ট আবার তার কাজের জীবন ফিরে পেয়েছে। কোন দিন গৌরীকে নিয়ে কোন দিন বা না নিয়ে বার হয় প্রয়োজন মত। পুরানো মোটা খাতাটা বাড়ি থেকে-বেহালার বাসাতেই এনে রেখেছে। খাতার এক এক পাতায় এক এক জনের নাম-ঠিকানা বর্ণনা লেখা আছে। কি বলে, কবে, কার কাছ থেকে সে কত টাকা নিয়ে এসেছে সব কিছু। পরের বার গিয়ে যাতে না ভুল কথা বলে ফেলে।

যেদিন গৌরী সঙ্গে থাকে না, কেষ্ট অফিসগুলোয় যায়। ক্লাইভ স্ট্রীটের চারটে বড় বড় বিলিতি সওদাগরী অফিসের কর্মচারীদের কাছে সে হাবা কালা বলে পরিচিত। বড়বাবুর কাছে গিয়ে ছাপা কাগজ বার করে দেয়, যাতে লেখা আছে, “এই তদ্রলোক হাবা, কালা, দরিদ্র, আমাদের বিশেষ পরিচিত। সাহায্য করলে সত্যিই এক ভীষণ অভাব-গ্রস্ত পরিবারকে সাহায্য করা হবে। নীচে অনেকের নাম সই করা।” বড়বাবুকে প্রথম দিন বোঝাতে কেষ্টর খুবই অসুস্থিধে হয়েছিল। হাত পা নেড়ে বোঝাতে হয়েছে, বার বার চিঠি সার্টিফিকেট খুলে দেখাতে হয়েছে। কিন্তু এখন আর সে অসুস্থিধে নেই। বড়বাবু সই করে চার

আনা কি আট আনা দিলেই অল্প কর্মচারীদের কাছে যায়। এক টেবিল থেকে আর এক টেবিল ঘুরে যখন বেরিয়ে আসে, পকেটে তার অনেক টাকার খুচরো জমা হয়। বড়বাবুকে ধন্যবাদ জানিয়ে আসতে ভোলে না। কত দিন বড়বাবুকে বলতে শুনেছে, লোকটা ভাল। ন’মাসে ছ’মাসে একবার আসে, বেশি জ্বালাতন করে না।

কেষ্ট এমনও কয়েক জন দয়ালু তদ্রলোককে জানে যারা সত্যিকারের হুঃখের কথা শুনলে সাহায্য না করে পারে না। উস্কোথুস্কো চুল, খোঁচা-খোঁচা দাড়ি আর ছেঁড়া জামা-কাপড় পরে কেষ্ট তাদেরই মত একজনের সঙ্গে দেখা করে বলে, দয়া করে আপনার টেলিফোনটা একবার ব্যবহার করতে দেবেন ?

—করুন।

কেষ্ট দাঁড়িয়ে থেকেই নম্বর চায়। তদ্রলোক বসতে বলেন। কেষ্টর সেদিকে খেয়াল নেই, সমস্ত মন-প্রাণ দিয়ে সে যেন টেলিফোন করছে, হ্যালো, হ্যাঁ, অমলা-স্বতোর কল, শুভুন, আমি মনোহর দাস কথা বলছি, আপনাদের পাশের ঘরে আমি থাকি। আজ্ঞে হ্যাঁ, আমার ছেলে, কেমন আছে ? একটু দয়া করে খবর নিয়ে বললে ভাল হয়। কিছুক্ষণ কেষ্ট চুপ করে থাকে। ও-পাশের কথা শুনে যেন বলে, হ্যাঁ বলুন, একশ’ চার ডিগ্রী ? আমার খুঁজছে, বলুন, আমি যাচ্ছি এক্ষুনি।

টেলিফোন কেটে দিয়ে কেষ্ট ধপ করে চেয়ারে বসে পড়ে। চোখে জল ভরে আসে, এক গ্লাস জল খাওয়াবেন ? তদ্রলোক বেয়ারাকে জল আনতে বলে নিজে থেকেই প্রশ্ন করেন, কি হয়েছে ?

—ছেলেটার জ্বর। ক’দিনই একশ চার-পাঁচ ডিগ্রী উঠছে। আজ একেবারে নেতিয়ে পড়েছে—

—ডাক্তার দেখিয়েছিলেন ?

—হাসপাতালে নিয়ে গিয়েছিলাম । গরীবদের ওরা দেখে না । বলে কেবিনে রাখুন, সে সামর্থ্য কোথায় ? পাড়াতেও একজন ডাক্তারকে দেখিয়েছি, উনি বলেন একজন স্পেশালিস্ট-এর কাছে নিয়ে যেতে, ষোল টাকা ভিজিট, কোথায় পাব অত টাকা ?

বেয়ারা জল নিয়ে আসে । ভদ্রলোক বলেন, জল খান ।

কেষ্ট ঢক-ঢক করে সব জলটা খেয়ে ফেলে । উঠে দাঁড়িয়ে বলে, যাই, সে বাড়িতে একলা পড়ে আছে ।

—একলা কেন, ছেলের মা ?

কেষ্টর চোখ সজ্জল হয়ে ওঠে, সে তো দু'বছর হল টিবি-তে—একটু থেমে বলে, ছেলেটা গেলে জানি না কি নিয়ে বাঁচবো !

ভদ্রলোকের মনটা কেমন করে ওঠে ; নিজের ছেলেটিও ক'দিন থেকে জ্বরে ভুগছে । তার কথা মনে পড়তেই বলেন, আমি আপনার ডাক্তারের ভিজিট দিচ্ছি, এই নিন ষোল টাকা ।

কেষ্ট কঁদে ফেলে, আপনি আমায় বাঁচালেন, এ কথা আমি কখনও ভুলব না স্মার ।

ভদ্রলোক বাধা দিয়ে বলেন, দেরি করবেন না, শীগগিরি ডাক্তারের ব্যবস্থা করুন ।

কেষ্ট নমস্কার করে বেরিয়ে আসে ।

অনেক রকম পদ্ধতি কেষ্টর জানা আছে । তার জুড়ে ব্যাগ-ভর্তি নানারকম উপকরণ, যা তার প্রায়ই কাজে লাগে । তারই মধ্যে থেকে একদিন একটা ছবি বার করে গৌরী জিজ্ঞেস করছিলো, এটা কার ছবি ?

—ও এক বড়লোকের বউ-এর । কাঁধ দিতে গিয়েছিলাম, শ্মশানে তোলা ছবি ।

গৌরী তাকিয়ে তাকিয়ে দেখে, বেশ দেখতে বোঁটি, একমাথা সিঁদূর । কি হয়েছিল ?

এক মুঠো—১২

—জানি না।

—বয়স কত ?

—তা-ও জানি না।

গৌরী আজকাল আর কেষ্ঠর কথা বিশ্বাস করে না। ভাবে, হয়ত কেষ্ঠ সবই জানে, বলতে চাইছে না। কেষ্ঠ কিন্তু সত্যিই জানতো না, কাঁধ দেওয়ার জন্তে ডেকে নিয়ে গিয়েছিল, অত খোঁজে ওর দরকার কি ? যার বৌ, তিনি খুব ঘটা করে পুড়িয়েছিলেন। অনেক ছবি তোলা হয় শ্মশানঘাটে। একটা ছবিতে কেষ্ঠ মাথার কাছে দাঁড়িয়ে। উঠেছিল ভাল। শ্রাদ্ধের দিন খেতে গিয়ে ওই ছবিটা চেয়ে রেখেছিল।

গৌরী হঠাৎ বলে, এমন লক্ষ্মী-প্রতিমা বিসর্জন দিয়ে ভদ্রলোক বোধ হয়—

—কিছুই না। পরের বছরই আবার বিয়ে করেছিলেন।

কেষ্ঠ অবশ্য ছবিটা কাছে রেখেছে অত কারণে। এই ছবি দেখিয়ে অনেক টাকা রোজগার করেছে। একদফা স্ত্রীর অসুখ বলে টাকা এনেছে, তারপর স্ত্রী মারা গেছে বলে এই ছবি দেখিয়ে।

কেষ্ঠ এসে আশুদার চায়ের দোকানে ঢোকে। আজকাল আবার আগের মত কেষ্ঠ প্রায়ই এখানে আসে, চায়ের কাপ নিয়ে খবরের কাগজের পাতা ওল্টায়। পুজো এসে গেছে পাড়ার ছেলেরা বারোয়ারীর ব্যবস্থা করতে উঠে-পড়ে লেগেছে। সত্যেন বলে, আমাদের পুজো সব চেয়ে ভাল হওয়া চাই, প্রতিমা হবে একেবারে হালফ্যাসানের।

—কি রকম ?

—যাকে বলে ‘আল্ট্রামডার্ন’। ফিল্ম-স্টারের মত চেহারা হবে—

—বলিস কি, বুড়োরা চাঁচামেচি করবে যে—

—দূর দূর, মুখে বলবে। খুশি হবে ওরাই সবচেয়ে বেশি।

ভোঁতন কথার মোড় ঘোরায়, মনে নেই আগের বছর বালীগঞ্জের সেই ঠাকুরটা? মা-দুর্গা থেকে ছেলে পিলে সকলের মাথায় গান্ধীটুপি।

—মাইরী, কি অরিজিনালিটি বলতো! কাগজেও ছেপেছিল সে ছবিটা—

—আগের বার তো আমরা মাইকে গানই দিইনি। —এবার আর বলতে হবে না। যত হিট সঙ আছে একের পর এক। কানে তাল লাগিয়ে দেব।

কেষ্ট জিজ্ঞেস করে, চাঁদা কেমন উঠেছে?

—বিশেষ নয়।

—কেন?

—এখনও জোর-জবরদস্তি শুরু হয়নি আর কি!

—চাঁদা আদায়ে জোর দাও, দেখ যদি একটা একজিবিসান্ করতে পার।

—সে কি আর হবে?

—চেষ্টা করতে দোষ কি। অন্তত খানকয়েক দোকানও যদি বসাতে পারা যায় উৎরে যাবে।

আশুদা উৎসাহ দেন, এ যুক্তি মন্দ নয়, আমি একটা ‘কাফে’ খুলবো।

কেষ্ট বলে, আমি মনোহারীর দোকান দিতে রাজী আছি। লজেন্স, চকোলেট আর খুচরো-খাচরা যা পাওয়া যায়।

সবাই এ প্রস্তাবে রাজী হয়, তাই হোক, একজিবিসান—

সকলে চলে গেলে আশুদা কেষ্টকে বলেন, তুমি এত দিন ছিলে না, আমাদের আড্ডাও জমতো না।

কেষ্ট হাসে, এবার থেকে ঠিক সময়-মত পাবেন।

—দাদার খবর কি ?

—পাঁচিল উঠতে যা দেরি । এখন আলাদা বন্দোবস্ত এক রকম হয়ে গেছে ।

আশুদা গলা নামিয়ে বলেন, আর গৌরী, তাকেও এ বাড়িতে নিয়ে আসছো তো ?

—প্রভাত বলেছে ? মাসখানেকের মধ্যে নয় । তার আগে বিয়েও তো করতে হবে ।

আশুবাবু বিড়-বিড় করেন, ছুটো মস্তুর পড়লেই কি বিয়ে হয়, আসল হল মনের মিল ।

কেষ্ট বেরুবার জন্তে উঠে দাঁড়ায়, তা সত্যি ।

আশুদা জিজ্ঞেস করেন, শ্রামার নাকি বিয়ে শুনছি ?

—শুনছি তাই ।

—পাত্রটি কে ?

—প্রায় চল্লিশ বছরের ঘোজবরে, ছু'-ছেলের বাপ ।

—আহা, তোমার দাদা যে কি ? বাপ হয়ে নিজের মেয়েকে—

কেষ্ট দীর্ঘশ্বাস ফেলে, এ শুধু আমাকে কষ্ট দেবার জন্তে । শ্রামাকে আমি ভালবাসি কি না, তাই—

—যাই হোক, গৌরীকে একদিন নিয়ে এস ।

আসবে বলে প্রতিশ্রুতি দিয়ে কেষ্ট কেবিন থেকে বেরিয়ে যায় ।

কেষ্ট গৌরীকে বলে, মাথার সিঁদূর তুলে ফেলে আজকে কুমারী সেজে এসো ।

আগে গৌরী তর্ক করতো, এখন আর করে না, নির্দেশ-মত কাজ করে ।

কেষ্ট গৌরীকে নিয়ে মস্ত বড় একটা বাড়িতে এসে ঢোকে ।

'গৌরীকে বারান্দায় অপেক্ষা করতে বলে সামনের বড় ঘরে ঢুকে যায়। গৃহস্বামী বাড়িতে ছিলেন না। তাঁর ছেলে বসে ছিল। কেঁষ্ট আলাপ করে বলে, আপনাকে বলেছিলাম আমার বোনের কথা—

ভদ্রলোক জিজ্ঞেস করেন, যার বিয়ের চেষ্টা করছিলে ?

—আজ্ঞে হ্যাঁ, সব পাকাপাকি। বোনকেও নিয়ে এসেছি।

—কৈ দেখি।

কেঁষ্ট গৌরীকে ভেতরে নিয়ে আসে। গৌরী মাথায় অনেক চেষ্টা করে বড় খোঁপা করেছে, কপালে ছোট টিপ, পরনে সবুজ-রঙের শাড়ী। গড় হয়ে গৌরী প্রণাম করে। ভদ্রলোক তাকিয়ে তাকিয়ে দেখেন, বাঃ, খাসা মেয়ে। ছেলেটি কি করে ?

—রেল কোম্পানীর গার্ড।

—টাকাকড়ি চায় নাকি ?

—না, সেদিক দিয়ে ভালো। যা মেয়ের কিছু গয়না-কাপড় তাই দিতেই পারছি না, বাবা নেই। আমার একটি বোন, ইচ্ছে তো করেই—

—তা তো বটেই। তা কিছু টাকা সংগ্রহ হয়েছে ?

—প্রতিশ্রুতি পেয়েছি। অ্যাটর্নী বাবু এক শ' টাকা দিয়েছে—কেঁষ্ট কাগজ বার করে দেখায়।

ভদ্রলোক বাধা দেন, ঠিক আছে, ও-সব দেখাবার দরকার নেই, বাবা তোমায় কত টাকা দেবেন বলেছিলেন ?

—বলেছিলেন, বিয়ের ঠিক হলে এসো, টাকা পঞ্চাশেক দিয়ে দেব।

—বেশ, আমি দিতে বলে দিচ্ছি। সরকারকে ডেকে বলেন, এই ভদ্রলোককে পঞ্চাশ টাকা দিয়ে দিন। কতাদায়ের সাহায্য বলে লিখে রাখবেন।

সরকারবাবু কেঁষ্টকে নিয়ে পাশের ঘরে চলে যান, সই করাতে।

গৌরী চুপ করে দাঁড়িয়ে থাকে। এমন সময় চোখ তুলতেই দেখে, ভদ্রলোক তার দিকে সতৃষ্ণ নয়নে তাকিয়ে আছেন। চোখাচোখি হতেই জিজ্ঞেস করেন, কি নাম তোমার ?

—গৌরী।

—বাঃ বেশ নাম। দাদার নাম কি ?

—কেষ্ট।

—বাঃ, ভাই-বোন ছ’জনেরই দেবতার নাম। দাঁড়িয়ে রইলে কেন, বস না ঐখানে।

ভদ্রলোক আঙ্গুল দিয়ে ফরাসপাতা চৌকীটা দেখান। গৌরী উত্তর না দিয়ে দাঁড়িয়েই থাকে। চোখ মাটির দিকে থাকলেও বুঝতে পারে ভদ্রলোক একদৃষ্টে তাকিয়ে দেখছেন।

কেষ্ট কিছুক্ষণ বাদেই টাকা নিয়ে ফিরে আসে। ছ’জনে ভদ্রলোককে প্রণাম করে বেরিয়ে পড়ে।

গৌরী মস্তব্য করে, ভদ্রলোক কি অসভ্য, সারাক্ষণ চোখ দিয়ে গিলে খাচ্ছিলেন।

নির্বিকার কেষ্ট উত্তর দেয়, এ রকম একটু-আধটু সহ্য করতে হয় বৈ কি, পঞ্চাশ টাকা তো কম নয় ?

গৌরী দীর্ঘশ্বাস ফেলে, টাকাটাই কি সব ?

—এক রকম তা বলতে।

যদিও এ ধরনের লোক ঠকাতে গৌরীর আর মনে লাগে না, কিন্তু তার খারাপ লাগে অতের বিশ্বাসের ওপর আঘাত করতে। সেদিনও যখন কেষ্ট তাকে স্ত্রী সাজিয়ে নিয়ে গিয়েছিল ভবানীপুরের এক সম্ভ্রান্ত পরিবারে, গৌরীর যথেষ্ট আপত্তি ছিল। সে ভালো করেই জানত, কেষ্ট এক বুদ্ধের দুর্বলতার সুযোগ নিতে চলেছে !

ছপুরবেলা রোদ ঝাঁ-ঝাঁ করছে। চাকরেরা দরজার কাছে বসে তাস

খেলায় ব্যস্ত । কেঁষ্ট জিজ্ঞেস করে, কৰ্তাবাবু বাড়ি আছেন ? একজন উত্তর দেয়, ঝুমুচ্ছেন ।

—আমাদের যে বিশেষ দরকার ।

—আপনার নাম কি বলবো ?

কেঁষ্ট একটা মাটির গণেশ বার করে তার হাতে দিয়ে বলে, এইটে দেখালেই হবে । বলো, কুমোররা এসেছে ।

একটু বাদেই ওপরে ডাক পড়লো । গৃহস্থামী বৃদ্ধ ভদ্রলোক । ইজি চেয়ারে বসে হাতে মাটির গণেশটি নিয়ে ঘুরিয়ে ফিরিয়ে দেখছিলেন । ওদের দেখে একমুখ হেসে তারিফ করে বলেন, বাঃ, এতো সুন্দর হয়েছে ।

কেঁষ্ট আর গৌরী ছ’জনে প্রণাম করে । কেঁষ্ট বলে, আপনার দয়ায় ।

—কারুর জন্তেই কিছু হয় না । নিজেদের ইচ্ছে নিজেদের চেষ্টা থাকলে তবেই তো দাঁড়ান যায় । ভিক্ষে করে বাঁচা যায় না ।

—আপনি প্রথমে টাকা দিয়েছিলেন, তবেই তো ব্যবসা করতে পারলাম ।

—এখন কেমন রোজগার হচ্ছে ?

—যা বিক্রি হচ্ছে তাই দিয়ে সংসারও করছি আবার নতুন মাল-মশলাও কিনছি । চলে যাচ্ছে একরকম ।

বৃদ্ধ আনন্দে অধীর হয়ে পড়েন, আমার যে কি ভালো লাগছে । ছ’টিতে মিলে এসে প্রথম দিনই যখন সাহায্য চাইলে, তখনই বুঝেছিলাম তোমাদের কাজ করার ক্ষমতা আছে, মন আছে । তাই ত বললাম মাটির পুতুলের ব্যবসা করতে । গাঁয়ে যে কাজ করতে, এখন পাকিস্তান হবার পর শহরে এলেও সে-কাজ কেন চলবে না, দেখলে তো ?

কেঁষ্ট বিনয়ে তেঙ্গে পড়ে, আপনার সাহায্য না পেলে কোথায় খড়কুটোর মত ভেসে যেতাম !

—আমি খুব খুশি হয়েছি। এখন কি করতে চাও ?

—সামনে পুজো আসছে। এই সময় যদি কিছু বেশি মাল তৈরি করতে পারি, তাহলে অনেক টাকা লাভ হয়।

—এ তো খুব ভালো কথা। কত টাকা লাগবে ?

কেষ্ট ভেবে নিয়ে বলে, শ'খানেক। রঙ মাটি সবই বেশি করে কিনতে হবে। পুজোর বিক্রির পর আমি টাকা ফেরত দিতে পারব।

বুদ্ধ একটি মেয়েকে বলেন, যাও তো দাছ, একটু জলখাবার দিতে বল মাকে।

জল-মিষ্টি খাওয়া হলে ক্যাশ-বাক্স খুলে বুদ্ধ পঞ্চাশ টাকা গৌরীর হাতে দেন, নাও না এখন পঞ্চাশ টাকা। সামনের মাসে আরও পঞ্চাশ টাকা নিয়ে যেও। মন দিয়ে কাজ কর, দেখবে কারুর উপর নির্ভর করতে হবে না।

গৌরী ভূমিষ্ঠ হয়ে প্রণাম করে, তার চোখে জল এসে যায়। রাস্তা থেকে আট আনার গণেশ কিনে বুদ্ধের সঙ্গে এভাবে প্রতারণা করতে গৌরীর মোটেই ভাল লাগে না। অথচ কেষ্টকে বলে কোন ফল হয় না।

—অত দেখলে চলে না, এ আমার ব্যবসা।

—ব্যবসা আপনি করুন না, আমাকে টানছেন কেন ?

—কৃতি কি ?

এ কথার আর কি উত্তর দেবে গৌরী ? সে কেষ্টর মুখের দিকে তাকায়, ভাবে, মনটা যে তার সজুচিত হয়ে আসছে।

শ্রামলকে নিরস্ত করতে না পেরে চুনীলাল মদনের কাছ থেকে ঠিকানা নিয়ে গেল শ্রামলের মামার সঙ্গে দেখা করতে ! জগৎবাবু তখন সবে অফিস থেকে ফিরে বাইরের ঘরে বসেছেন ; বটুবাবুও তক্তাপোশের

ওপর খবরের কাগজ নিয়ে একমনে পাত্রপাত্রীর বিজ্ঞাপন দেখছেন,
এমন সময় চুনীলাল ঘরে ঢোকে।

জগৎবাবু জিজ্ঞেস করেন, কাকে চাই ?

—জগৎবাবু আছেন ?

—আমিই।

চুনীলাল নমস্কার করে আস্তে আস্তে বলে, আপনার সঙ্গে দরকারী
কথা আছে।

—বল।

চুনীলাল বটুমামার দিকে তাকায়। জগৎবাবু বুঝতে পেরে বলেন,
উনি আমার আত্মীয়। ওঁর সামনে বলতে পার।

—শ্রামলের বিষয় দু'-একটা কথা আছে।

বটুমামা ওৎসুক্য প্রকাশ করেন, শ্রামলের বিষয় ! কি ব্যাপার ?
বসো না, দাঁড়িয়ে রইলে কেন ?

চুনীলাল আস্তে আস্তে শ্রামলের সব কথা খুলে বলে।

জগৎবাবুর চোখ কপালে উঠে যায়, বলো কি, শ্রামল বছরখানেক
স্কুলে যায় না ?

—না।

—পলিটিকস করছে ?

—পলিটিকসের নামে গুণ্ডামী।

—না না, এ বিশ্বাস করা যায় না।

বটুমামা স্তব্ধ হুঁজছিলেন। মাথা নেড়ে বললেন, জানতাম।
তোমায় কত বার বলেছি জগৎ, একটা বিচ্ছু শয়তান ঐ শ্রামল।

জগৎবাবু বলেন, ও যে বলতো কোচিং ক্লাশে যায় ?

—মিথ্যে কথা। স্কুলে ওর নামই নেই।

—কি ভয়ানক ব্যাপার, এ যে বিশ্বাস করা যায় না।

চুনীলাল বলে, সেই জন্তেই সাবধান করতে এলাম। বদসঙ্গে
মিশছে।

—ভালো করেছে, খুব ভালো করেছে। এর যা হোক ব্যবস্থা
আমি করবো।

চুনীলাল চলে গেলে জগৎবাবু গম্ভীর মুখে জিজ্ঞেস করেন, কি মনে
হয় বটু! ছেলেটা কি সত্যি কথা বলে গেল?

—শুধু শুধু মিথ্যে কথা বলবে কেন?

—তাও বটে। যাই হোক, কাল আমি একবার স্কুলে গিয়ে
খবর নেব।

বটুমামা তাড়াতাড়ি বলেন, ওর বাক্স-প্যাটরা খুলে দেখলে হয়।

—না না, আগে ভাল করে খবর নিই।

পরদিন আর সন্দেহ রইল না যে চুনীলাল সবই ঠিক কথা বলেছে।
হেডমাস্টার মশাই বললেন, শ্রামলের নাম তো বহুদিন কাটা গেছে।

জগৎবাবুর মুখ কালো হয়ে যায়, আমি কিছুই জানি না।

—তাই নাকি, তাহলে তো সর্বনেশে কথা!

—শুনছি নাকি রাজনীতি করছে। সে দলটাও গুণ্ডাদের আড্ডা—

—তা তো হবেই, বাঁদরামী করার একটা জায়গা চাইতো।

জগৎবাবু মাথা গরম করে বাড়ি ফিরলেন। বটুমামা সাগ্রহে জিজ্ঞেস
করেন, কি হোল?

—ছোকরা যা বলেছে সব সত্যি।

—তাহলে?

—কোথায় ওর বাক্স-প্যাটরা, দেখি তার ভেতরে কি আছে।

বটুবাবু শুধু এই কথারই অপেক্ষা করছিলেন। তাড়াতাড়ি তাল
ভেঙ্গে জগৎবাবুর সামনে শ্রামলের ট্রাক্টা খুলে ফেললেন। ছ'জনের
বিশ্ময়ের সীমা থাকে না। বাক্সভর্তি নানারকম জিনিস। হাতঘড়ি,

কাউন্টেন পেন, সিগারেটের টিন, ছোটখাট সোনার গয়না ! কতকগুলো
শৌখীন জিনিস, তাছাড়া নগদ টাকা ।

জগৎবাবু গুণে দেখেন, শ'হুয়েক তো বটেই ।

বটুমামা প্রথম কথা বলেন, দেখলে তো, ছেলে এক মিনিট বাড়ি
থাকে না, এছাড়া কি করবে ? পাকা চোর ।

জগৎবাবু গুরুগম্ভীর স্বরে বলেন, ভাগ্যে সময় থাকতে সাবধান হতে
পেরেছি, কোন দিন আমাদেরই থানায় নিয়ে যেত ।

—নিশ্চয়ই, আমার তো অনেক দিন থেকেই সন্দেহ হয়েছে ।

—ওর বাবাকে একটা খবর দিতে হয়, এ-সব ছেলেকে বাড়িতে
রাখা মুশ্কিল । আমি কিছু বলতে চাই না ।

বটুবাবু তেতো গলায় বলেন, আমি হলে তো হতভাগাটাকে এখনি
দূর করে দিতাম, তোমার কাছে আশ্কারা পেয়েই তো এমনি বদ হয়েছে ।

জগৎবাবু দীর্ঘশ্বাস ফেলেন, হাজার হোক নিজের ভাগ্নে তো ?

জগৎবাবু ঠিকই করে নিয়েছিলেন শ্রামলেয় বাবা না আসা পর্যন্ত এ
বিষয় নিয়ে আর কোন উচ্চবাক্য করবেন না । কিন্তু শ্রামল নিজে
থেকেই গোল বাধালে । রাত্রি ন'টা নাগাদ কালীর আড্ডা থেকে বাড়ি
ফিরে ট্রাক্সের তালা ভাঙ্গা দেখে ওর মাথা গরম হয়ে ওঠে । ছোটদের
জিজ্ঞেস করে, কে তালা ভেঙেছে রে ?

সকলে একসঙ্গে বলে ওঠে, বটুমামা ।

আর যায় কোথায় ! শ্রামল রাগে কাঁপতে কাঁপতে সোজা বটুমামার
সামনে গিয়ে জিজ্ঞেস করে, কে আমার ট্রাক্স খুলেছে ?

বটুবাবু চিবিয়ে উত্তর দেন, তোমার মামা—

শ্রামল চৈঁচিয়ে বলে, মিথ্যে কথা, আপনি খুলেছেন ।

—তা কি হয়েছে ?

—আমাকে না জিজ্ঞেস করে কেন খুলেছেন ?

—তোমার কীর্তি-কলাপ দেখতে—

—আমার সব ব্যাপারে আপনি নাক গলান কেন ?

—চোরের ওপর নজর রাখতে হবে না ?

শ্রামল নিজেকে সামলাতে পারে না। বটুবাবুর ওপর তার চির-কালের রাগ, আজ তারই ঝাল ঝাড়ে। সজোরে ঘুষি চালিয়ে দেয় নাকের ওপরে। সঙ্গে সঙ্গে বটুবাবু বাপ রে, মা রে বলে আর্তনাদ করে ওঠেন, নাক দিয়ে গল গল করে রক্ত পড়তে শুরু করে। বাড়ির সকলে হৈ চৈ করে ছুটে আসে। শ্রামল হতভম্ব হয়ে গিয়েছিল, রাগের মাথায় মারটা এত জোরে হয়ে যাবে, সে ভাবতে পারেনি।

জগৎবাবুর মন মোটেই ভাল ছিল না, তাই আজ একটু বেশি মাত্রায় পান করেছিলেন। শ্রামলের দিকে একদৃষ্টে তাকিয়ে থেকে বললেন, বেরিয়ে যাও আমার বাড়ি থেকে।

মামার এ ধরনের গলা শ্রামল কখনও শোনেনি। বটুবাবু হাউমাউ করে কি বলতে যাচ্ছিলেন, জগৎবাবু তাকেও ধমকে থামিয়ে দেন, চুপ কর। জগৎবাবুর ধমকমে মুখ দেখে আর কারুর কথা বলার সাহস হয় না। শ্রামল কি করবে বুঝতে না পেরে ভয়ে ভয়ে এদিক-ওদিক তাকায়। জগৎবাবু আবার বলেন সেই একই স্বরে, বেরোও, আমার বাড়ি থেকে।

শ্রামল মাথা নীচু করে ঘর থেকে বেরিয়ে যায়। জগৎবাবু চিৎকার করে ওঠেন, তোমার জিনিসপত্র যা আছে সব নিয়ে যাও। চোরাই মাল এখানে থাকবে না।

চাকরকে হুকুম দেন, এখনি ওর সব জিনিস বার করে দাও।

মিনিট কয়েকের মধ্যে জিনিসপত্র নিয়ে শ্রামল বেরিয়ে আসে। রিক্সায় চেপে এই প্রথম তার চোখে জল আসে। এ কি হোল মাত্র

কয়েক মিনিটের মধ্যে মামার বাড়ির এত দিনের সম্পর্ক চিরকালের মত ছিঁড়ে গেল ? যে মামা কোন দিন তাকে একটা কড়া কথা পর্যন্ত বলেন নি, তিনিই আজ দূর দূর করে বাড়ি থেকে তাড়িয়ে দিলেন ! আর পিসীমা, তিনিও কিছু বললেন না । শামল তাঁকে পিসীমা বলে ডাকে, বাড়ির অন্ত ছেলেদের মত, যদিও তিনি তার মাসীমা, মার আপন ছোট বোন । বিধবা মানুষ, শামলকে কিছু বলতেন না । তাঁর কথা মনে পড়তেই শামলের চোখ দিয়ে আরও জল বেরিয়ে আসে । শামলের সমস্ত রাগ গিয়ে পড়ে বটুমামার ওপর, তিনিই যে মামার কানে লাগিয়ে লাগিয়ে শামলের সম্বন্ধে খারাপ ধারণা করে দিয়েছেন, এ বিষয়ে আর কিছুমাত্র সন্দেহ রইল না ।

এত রাত্রে কোথায় যাবে ভেবে না পেয়ে স্থির করে, অনন্ত-কেবিনে যদি কেঁষ্টদা থাকে । মামার বাড়ি থেকে অনন্ত-কেবিনই সবচেয়ে কাছে হয়, পৌঁছতে আধ ঘণ্টাও লাগে না । দোকানে বিশেষ লোক ছিল না । আশুবাবু টাকা পরসার হিসেব মেলাচ্ছিলেন । শামল কাছে গিয়ে শুকনো গলায় জিজ্ঞেস করে, কেঁষ্টদাকে কোথায় পাব বলতে পারেন ?

আশুবাবু উত্তর দেন, তা কি করে বলব, বিকেলের দিকে এসেছিল—

—আমার যে খুব দরকার—

—কাল বরং এসো, বলে রাখব ।

—না আজই ।

আশুবাবু ভাল করে শামলের মুখটা দেখে নেন, কি ব্যাপার বল তো ?

—আজকের রাত কাটাবার একটা জায়গা চাই ।

—কেন, কি হয়েছে ?

শ্রামল বলতে গিয়ে কেঁদে ফেলে, বাড়িতে ঝগড়া করে চলে এসেছি।
আশুবাবু হাসেন, তাতে কি হয়েছে, এমন ঝগড়াঝাটি সকলেরই
হয়। এই বেলা ফিরে যাও, বাড়ির সকলে ভাববেন।

—না, আমি ফিরতে পারব না।

—ছিঃ, অমন করতে নেই।

—আপনি বুঝতে পারবেন না, কেঁদে হলে বুঝত। শ্রামল দীর্ঘশ্বাস
ফেলে, দেখি কোথায় জায়গা পাই।

আশুবাবু বাধা দিয়ে বলেন, থাকতে চাও, এ রাতটা এখানে থাকতে
পার। চাকর ছটো তো থাকেই, টেবিলগুলো টেনে নিয়ে পাথার তলার
বিছানা করে নাও।

শ্রামল সঙ্কতজ্ঞ কণ্ঠে বলেন, বাঁচালেন আশুদা, এত রাত্রে মালপত্র
নিয়ে যে কোথায় যেতাম—

—সে কি, বাক্স-টাক্স নিয়ে এসেছো? আশুদা অবাক হ'ন।

শ্রামল রিক্সাওয়ালাকে ডেকে মাল নামাতে বলে। আশুদা জিজ্ঞেস
করেন, খেয়েছো?

—খিদে নেই।

আশুদা হাসেন, রাত্তিরে খিদে পাবে। ছোঁড়া চাকরটাকে ডেকে
বলেন, রুটি ডিম যা আছে শ্রামলবাবুকে খাইয়ে দিস, উনি আজ এই
ঘরেই থাকবেন। আশুদা ক্যাশবাক্স থেকে টাকা বার করে পকেটে
রাখেন, চলি শ্রামল, কাল দেখা হবে।

শ্রামল হাসবার চেষ্টা করে, ভয় নেই আশুদা, আপনার খন্দের
আসবার আগেই আমি যা হোক একটা ব্যবস্থা করে নেব।

রাত্রে শুয়ে শুয়ে শ্রামল একটা কথাই ভেবেছে যে সে আজ
গৃহহারা। মার কথা তার মনে নেই, মারা গেছেন খুব ছোটবেলায়।

বাবার সঙ্গে পরিচয় অল্প, মফঃস্বল থেকে আসেন যান। খুব বেশি তাকে ভালবাসেন বলেও মনে হয় না। শ্রামলের যা কিছু বল ভরসা সবই ছিল মামাব উপর। সত্যিই জগৎবাবু সদাশিব মাহুষ, কোন দিন সাথে পাঁচে থাকতেন না। নিজের ছেলেমেয়ের মতই শ্রামলের জন্তে করেছেন। আজ এই প্রথম শ্রামলের মনে হয় সে বোধ হয় অত্যাশ করেছে, নইলে মামা এতখানি চটে গেলেন কেন! কেষ্টদা, মদন, দেবেনদা, কালী, সকলের কথাই একে একে মনে পড়ে, কিন্তু কেষ্টদা ছাড়া কারুর ওপরই তার ভরসা নেই। সম্প্রতি বেশি দেখা-শোনা না হলেও শ্রামলের স্থির বিশ্বাস হয়, সব কথা শুনলে কেষ্টদা তার জন্তে কোন রকম ব্যবস্থা করবেন নিশ্চয়।

পরদিন কেষ্টর সঙ্গে দেখা হতেই শ্রামল একে একে সমস্ত কথা বলে যায়।

—আমি বলছি কেষ্টদা, এ-সব ঐ বটুমামার কাজ। মামার কানে নানা রকম লাগিয়েছে।

কেষ্ট অনেকক্ষণ চুপ করে থেকে জিজ্ঞেস করে তুমি কি আর বাড়ি ফিরবে না?

—ফেরবার উপায় নেই কেষ্টদা, মামা তাড়িয়ে দিয়েছেন।

—তোমার বাবাকে একটা চিঠি লেখ।

—কি হবে?

—বাঃ, বাবাকে জানাতে হবে তো!

—বেশ লিখব। এখন থাকব কোথায়?

—আমার কাছে। একটু থেমে কেষ্ট বলে, বল তো তোমার মামার সঙ্গে আমি দেখা করতে পারি।

শ্রামল কি ভাবে, না থাক। শেষকালে আপনাকেও হয়তো যা-তা বলে দেবে।

—তা হলে এখন আমার সঙ্গে চল, তার পর তোমার বাবার চিঠি পেলো যা হোক করা যাবে।

কেষ্ট ট্যাক্সি থেকে মালপত্রসমেত শ্রামলকে বেহালার নিয়ে যায়। শ্রামল গাড়ীতে জিজ্ঞেস করে, আপনার বাড়িতে যাব, না ?

—না। দাদার সঙ্গে গোলমাল চলছে, খাওয়া-দাওয়ার মুশ্কিল !

—আমার জন্তে অসুবিধেয় পড়তে হল আপনাকে।

—না, তোমাকে গৌরীর কাছে রেখে দেবো। ও একলা থাকে, তোমাকে পেলো খুশি হবে।

গৌরী কেষ্টর কাছে শ্রামলের কথা শুনেছিল এবং তার ভাইকে পোড়াতে যে শ্রামলও শ্রমশানে গিয়েছিল সে-কথা জানত। তাই বেরিয়ে এসে সাদরে অভ্যর্থনা করে, এসো তাই, আমার কাছে থাকবে।

শ্রামল প্রথম প্রথম সংকোচ কাটিয়ে উঠতে পারে না। বাক্স-বিছানা ঘরের এক কোণে রেখে চুপ করে বসে থাকে। কেষ্ট কাজে বেরুবার সময় গৌরীকে বলে যায়, শ্রামল রইল। বেচারী লজ্জা পাচ্ছে, একটু আলাপ করে নিও।

শ্রামলকে পেয়ে গৌরী সত্যিই খুশি হয়। এত দিন পর্যন্ত কেষ্ট আর চিহ্ন ছাড়া তার কথা বলার লোক ছিল না। তাই ভাই-এর বয়সী এই ছেলেটিকে পেয়ে সহজেই কাছে টেনে নেয়।

—শ্রামল, কি খাবে বল ?

—কিছু না।

—কেন, লজ্জা কি আমার কাছে ? আমি তোমার কে হই জান ?

শ্রামল চোখ নীচু করে বসে থাকে। গৌরীর বেশ মজা লাগে। হেসে বলে, গৌরীদি।

শ্রামল এতক্ষণে হাসে। সহজ হয়ে বলে, এক গ্লাস জল দিন না গোঁরীদি।

তুধু জল আসে না, তার সঙ্গে মিষ্টিও। গোঁরী সন্নেহ আদরে শ্রামলকে খাওয়ায়। চিহ্নকে ডেকে এনে আলাপ করিয়ে দেয়, এই দেখ চিহ্ন, একটা ভাই পেয়েছি। শ্রামলকে বলে, এ তোমার আর একটি দিদি, চিহ্নদি!

শ্রামল মুখ তুলে হাসে।

এদের মধ্যে ভাব জমে উঠল খুব তাড়াতাড়ি। চিহ্ন আর গোঁরী দু'জনেই যেন এই ধরনের একটি ছেলের অভাব বোধ করছিল অনেক দিন। আত্মীয়স্বজন ছেড়ে আসা এই দুটি নারীর স্নেহের সবটা দখল করে বসল শ্রামল। এর সঙ্গে বাইরে বেরুলে কেউ কিছু মনে করে না। বিশেষ করে পিনাকী, অতী কারুর সঙ্গে বেরুলে চিহ্নকে বড় মারধোর করে। ছপূরের দিকে প্রায়ই শ্রামলকে নিয়ে এরা বাজারে যায়, নবত কোন দিন এমনিই খানিকটা ঘুরে আসে! শ্রামলেরও এই নতুন পাওয়া দিদি দু'টির সঙ্গ ভালো লাগে। এতদিন সে এরকম ভালবাসা পায়নি। তাকে যে কারুর কাজের জন্তে প্রয়োজন হতে পারে তাও সে জানতে পারে নি।

শ্রামল বলে, গোঁরীদি, আপনার কাছে থাকতে আমার খুব ভালো লাগে।

গোঁরী হেসে বলে, দিদির কাছে ভাই-এর থাকতে ভাল লাগবে না! শ্রামলের মনে হয় গোঁরীর প্রত্যেকটা কথা কি মিষ্টি, কতখানি দরদ মেশানো।

—এত আদর-যত্ন আমি সত্যি কোন দিন পাই নি।

—মা না থাকলে ঐ রকমই মনে হয় ভাই!

শ্রামল আসার পর গোঁরীকে আবার আগের মত হাসিখুশি দেখে এক মুঠো—১৩

কেষ্টও নিশ্চিত হয়ে তার নিজের কাজে মন দিতে পেরেছে। শুধু তাই নয়, কেষ্টর সঙ্গে কাজে বেরতেও এখন গৌরী সহজেই রাজী হয়। বোঝে টাকার দরকার আছে। আজকাল রোজই প্রায় গৌরীর ঘরে খাওয়া-দাওয়া লেগে থাকে। পিনাকী সকালে বেরিয়ে গেলেই চিহ্ন গৌরীর ঘরে চলে আসে, এক সঙ্গে রান্না করে। কেষ্ট কোন দিনই ছুপুরের আগে আসে না, তাই সকালের বাজার করে শামল। সবাই হৈ হৈ করে এক সঙ্গে খাওয়া-দাওয়া করে। কেষ্ট বেশি খরচা হচ্ছে বুঝেও গৌরীকে বারণ করে না। ভাবে, এতে যদি সে আনন্দ পায় তাই ভাল। রান্নায় গৌরীর হাত পাকা, বিশেষ করে মাছের তরকারীতে।

চিহ্ন গৌরীর দেখাদেখি কেষ্টকে কেষ্টদা বলে ডাকে। আজকাল সে-ও নিঃসঙ্কোচে আলাপ করে। খেতে বসে বলে, আপনি খুব কম খান কেষ্টদা !

—তাইতেই ভুঁড়ি হয়ে যাচ্ছে।

—ও আপনার বাতিক, কি এমন মোটা আপনি ?

কেষ্ট হেসে বলে, খাওয়াতে হয় শামলকে খাওয়াও, ছোট ছেলে—

শামল কৃত্রিম ভয়ে জোরে মাথা নাড়ে, ওরে বাবা, দিন নেই রাত নেই যা খাওয়া-দাওয়া শুরু হয়েছে, পরে মুন্সিলে পড়ব।

গৌরী হাসতে হাসতে আরও খানিকটা ভাত শামলের থালায় ঢেলে দেয়।

যেদিন কেষ্ট একলাই কাজে বেরিয়ে যায়, গৌরী চিহ্নকে বলে, গান কর না চিহ্ন, তোর গলাটা বেশ।

চিহ্নর ভাল লাগলে গান করে। শামল বাক্সর উপর তবলার তাল ঠোকে।

গৌরী জিজ্ঞেস করে, থিয়েটারে তুই কি পার্ট করিস, ভয় করে না ? বাবা, অত লোকের সামনে ?

—তাতে কি হয়েছে ? একবার পর্দা উঠে গেলে আর কি ?

—আমি কিন্তু ভাবতেই পারি না ।

—একবার করে দেখ না—

—কোথায় ?

—কত অফিসের কর্মচারীরা, কত ক্লাবে সব থিয়েটার হয় । সেখানে মেয়েদের পার্ট করবার জন্তে বলে পাঠায়, টাকাও দেয় ।

—তোকেও টাকা দেয় ?

—নিশ্চয়, চল্লিশ পঞ্চাশ টাকা, কখনও তার বেশিও দেয় । তোর চেহারা ভাল, পার্ট করতে পারলে নায়িকা হতে পারবি ।

—আমি করতেই পারি না ।

—চেষ্টা করলে কেন পারবি না ? যাবি একদিন রিহার্সাল দেখতে ? গোরীর কোতুহল হয়, কবে ?

—শীগ্গিরি একটা অ্যামেচার ক্লাবে প্লে হবে, প্রভাতদা বলে পাঠিয়েছে ।

—তাই নাকি, কি বই ?

—প্রভাতদারই লেখা একটা নাটক ।

—তাহলে নিশ্চয় খুব ভালো হবে ?

গোরী জিজ্ঞেস করে, কি করে জানলে ?

শ্যামল মুরুব্বি চালে বলে, প্রভাতদার বই যে সিনেমায় উঠছে । আমাকে বলেছে একদিন ছবি তোলা দেখাতে নিয়ে যাবে ।

গোরী আবদারের সুরে বলে, আমরাও বাব, প্রভাতদাকে তুই বলিস তো চিহ্ন !

—তুই-ই বলতে পারিস, চল না আমার সঙ্গে রিহার্সালে—

—কেষ্টদাকে জিজ্ঞেস করবো ।

—কেষ্টদা কিছু বলবে না । আমি তোর হয়ে মত চেয়ে নেব ।

গৌরী খুশি হয়, হ্যা, সেই ভালো।

এমনি কত রকম গল্প-গুজব করে তিন জনে। হাসি-ঠাট্টার মধ্যে এদের দিন কেটে যায়। চিহ্ন সত্যি গৌরীদের মধ্যে থেকে নতুন প্রাণ পেয়েছে। শ্যামল এ ধরনের সাংসারিক জীবনের স্বাদ আগে পায়নি। গৌরীর মনের কোণে যে বিবাদে মেঘ জমা হয়েছিল তা অনেকখানি হাল্কা হয়ে যায়, তবে কেউ কাছ থেকে আগের মত ধরা দিতে পারে না!

পিনাকীকে নিয়ে প্রভাত অনন্ত-কেবিনে আসে, বস, চা খা। প্রভাত চা দিতে বলে পিনাকীকে জিজ্ঞেস করে, কি হল, চিহ্নকে বলেছিলি?

—বলেছি।

—করতে রাজী আছে?

—করবে না কেন? কত টাকা দেবে?

—পঞ্চাশ।

—কিছু টাকা আমার আগে দিতে হবে।

—সে তুই যা বলবি।

পিনাকী চায়ে চুমুক দিয়ে জিজ্ঞেস করে, কবে থেকে রিহার্সাল শুরু হচ্ছে?

—পরশু। ওরা মেয়েদের আনবার আর পৌছবার জন্তে গাড়ী দেবে। আমি তুলে নিয়ে আসব চিহ্নকে।

—আচ্ছা, চিহ্নকে বলে রাখবো।

—তোর কাছে নতুন ছবি কিছু আছে নাকি?

—খান কয়েক পোর্ট্রেট।

—দেখি।

পিনাকী ছ'খানা বড় ছবি বার করে দেয়। প্রভাত দেখে সবগুলিই

একটি নতুন মেয়ের বিভিন্ন ভঙ্গি। কয়েকটা বেশ ভাল উঠেছে। ছবির দিকে তাকিয়ে বলে, বাঃ বেশ উঠেছে তো!

—এগুলো নতুন তুলেছি।

—কে রে? প্রভাত প্রশ্ন করে।

—একটা মেয়ে।

—সে তো দেখতেই পাচ্ছি, মেয়েটা কে, তাই বল না?

—চিত্ররূপা।

—বাবাঃ, নামটিও কবিতা।

—আমিই দিয়েছি।

—তাই নাকি? প্রভাত আড়চোখে পিনাকীর দিকে তাকায়, কি ব্যাপার, চিহ্ন থেকে চিত্ররূপায় নাকি?

—তোর যত বাজে কথা। পিনাকী কথাটা উড়িয়ে দেবার চেষ্টা করে।

বিনোদের পার্ক সার্কাসের বাড়িতেই নাটকের রিহাসাল হচ্ছে। বিনোদের বাড়ির কেউ এখানে থাকে না। অপেক্ষাকৃত নির্জন পাড়ায় বাগানের মধ্যে ছোট্ট দোতলা বাড়ি। অতিথি বা আত্মীয় কেউ কলকাতায় এলে ওঠে, নয় তো বেশির ভাগ সময়ই খালি পড়ে থাকে।

নাটকের চরিত্রানুযায়ী অভিনেতা-অভিনেত্রী যোগাড় হয়ে গেছে। সন্ধ্যার পর সপ্তাহে তিন দিন রিহাসাল হয়। সব রকম খরচই বিনোদ দেয় বলে নায়কের পার্ট সব সময় বিনোদই নেয়। মেয়েদের মধ্যে সবচেয়ে বড় পার্ট চিহ্নর। বিনোদ রিহাসালের দিন নিজে গাড়ী করে তুলে নিয়ে আসে আবার শেষ হয়ে গেলে পৌঁছে দেয়।

আজ কেষ্ঠের অনুমতি নিয়ে চিহ্ন গৌরীকেও নিয়ে এসেছে রিহাসাল দেখতে। গৌরীর বেশ মজা লাগে। ঘরের এক দিকে সবাই বসে,

হেলেরা মেয়েরা। অত্ৰ দিকে জায়গা খালি, দৃশ্ৰ অহুযায়ী দু-একটা চেয়ার-টেবিল রাখা।

যাদের ডাক পড়ে তারা উঠে গিয়ে অভিনয়ের মহড়া দেয়। চিহ্ন উঠে যাবার সময় বলে, তুই বস গৌরী, আমি সিন্টা করে আসি।

চিহ্নকে অভিনয় করতে দেখে গৌরীর হাসি পায়। মুখে আঁচল চাপা দিয়ে বসে। বিনোদের তখন পার্ট ছিল না। গৌরীর পাশে এসে বসে। ফিস্-ফিস্ করে জিজ্ঞেস করে, কি রকম লাগছে আপনার ?

গৌরী অত্ৰ দিকে তাকিয়ে বলে, ভালো।

—চিন্ময়ী দেবী বেশ ভালো অভিনয় করেন।

—হ্যাঁ।

—আপনি অভিনয় করেন না ?

গৌরী হাসে, না।

—আমাদের সঙ্গে করুন না ?

গৌরী লজ্জা পায়, পারবো না।

—চেষ্টা করে দেখতে দোষ কি ?

—আপনাদের তো আর পার্ট খালি নেই, সব মেয়েই তো এসে গেছে।

—যিনি সাধনার পার্ট করছেন তাঁর একটু অসুবিধে আছে।

গৌরী হাসে, আচ্ছা বাড়িতে জিজ্ঞেস করবো।

বিনোদের ডাক পড়ে, অভিনয়ের পার্ট করতে উঠে যায়। একটু বাদে চিহ্ন গৌরীর পাশে এসে বসে।

—বাঃ, তুই তো বেশ ভাল করিস !

—এমন আর কি ?

—বাবাঃ, অতগুলো কথা কি সুন্দর বলে গেলি !

চিহ্ন কথা ঘুরিয়ে বলে, বিনোদবাবুর সঙ্গে আলাপ হল ?

—হ্যাঁ, বেশ ভাল লোক ।

—কি বলছিলেন ?

—এখানে পার্ট করার জন্তে ।

—তাই নাকি, কোন পার্টটা ?

—সাধনার । ঐ মেয়েটির কি অশ্রুবিধে আছে ।

—খুব ভালো হবে । তুই কর না, আমি বাড়িতে শিখিয়ে দেবো ।

সেদিন বাড়িতে পৌঁছে দেবার সময় বিনোদ আবার বলে, চিন্ময়ী দেবী, আপনার উপর তার রইল । সাধনার পার্টটা গৌরী দেবীকে দিয়ে করাতেই হবে ।

চিহ্ন ছুঁমি করে, আমার কথায় বুঝি রাজী হবে, আপনি বলুন ভালো করে ।

—কি করে বলবো বলুন ? গলবস্ত্র হয়ে ?

গৌরী নিজে থেকে উত্তর দেয়, আমি বাড়িতে জিজ্ঞেস করবো ।

—বলেন তো আমি গিয়েও বলতে পারি ।

—না, তার দরকার নেই । যদি অহুমতি পাই, তাহলে নিজেই চেষ্টা করব পার্ট করতে ।

বাড়ির সামনে নামিয়ে দিয়ে বিনোদ হাত তুলে নমস্কার করে । চিহ্ন আর গৌরীও প্রতি-নমস্কার করে তেতরে চলে আসে ।

কেষ্ট ঘরে গৌরীর জন্তেই অপেক্ষা করছিল । জিজ্ঞেস করে, কি ব্যাপার এত হাসি-খুশি যে ?

—খুব মজা হয় রিহার্সালে ।

—তাই নাকি ?

গৌরী শাড়ী বদলে কেষ্টর কাছে এসে বসে । জিজ্ঞেস করে, বিনোদ-বাবুর সঙ্গে তোমার আলাপ আছে ?

কেষ্ট প্রভাতের দেওয়া পত্রিকাটা দেখছিল, সেই দিকে তাকিয়েই বলে, কে বিনোদ ?

—প্রভাতবাবুর বন্ধু ।

—না বোধ হয় ।

—বিনোদবাবুর বাড়িতেই রিহার্সাল হচ্ছে । একটু থেমে বলে, একটা কথা বলবো রাগ করবে না ?

—কি ?

—আমি থিয়েটারে পার্ট করবো ।

—কেষ্ট জোখ বড় বড় করে জিজ্ঞেস করে, কে আবার মাথায় ঢোকাল ? গৌরী মাথা নীচু করে উত্তর দেয়, চিহ্ন বলছিল । একজন মেয়ে করছে না, তাই ।

—তুমি করতে পারবে ?

—জানি না । চিহ্ন বলছে বাড়িতে শিখিয়ে দেবে । তুমি যদি রাগ না কর, তাহলে—

—রাগ করার কি আছে, পারলে করবে বৈ কি ।

—পঞ্চাশ টাকা দেবে বলেছে ।

—এটা তো অ্যামেচার শো, এখানে টাকা দেবে কেন ?

—মেয়েদের দেয় ।

কেষ্ট গম্ভীর গলায় বলে, ভালো কথা ।

গৌরী খানিকক্ষণ চুপ করে থেকে বলে, সত্যি বল, তুমি রাগ কর না তো ?

কেষ্ট হেসে ফেলে, কি মুস্তিল, তুমি আর আমার কোন কথাই বিখ্যাত কর না দেখছি !

কেষ্টর মুখে হাসি দেখে গৌরী ভরসা পায় । বলে, আমি চিহ্নকে বলে আসি, ও খুব খুশি হবে ।

চিহ্নকে বলতেই সে ছুটে গৌরীর ঘরে আসে। কেউকে বলে, আপনি মত দিয়েছেন তো? আমি বললাম গৌরীকে, কেউদা মোটেই রাগ করবে না। তবু আপনার মুখ থেকে না শুনে ওর সোয়াস্তি নেই।

গৌরী কুঁজোয় জল ভরে আনতে চলে যায়। কেউ চিহ্নকে বলে, এসব বিষয়ে একেবারে কাঁচা, তুমি দেখিয়ে দিও।

—সে তার আপনার বলার আগেই নিয়েছি। একটু থেমে বলে, গৌরী আপনাকে খুব ভয় করে।

কেউ হাসে, কেন, আমাকে দেখলে কি ভয় হয়?

—তা নয়। আপনি রাসভারী লোক। না বলে কিছু করতে সাহস পায় না।

—কেন, তুমি কি পিনাকীকে না বলেই কাজ কর?

চিহ্ন আন্তে আন্তে বলে, অনেক সময় করতে হয়।

—সে তো ভালো কথা নয়।

—আপনি যে রকম গৌরীর জন্তে করেন সে তো আমার জন্তে তেমন করে না?

এ প্রশ্নের কেউ আর কি উত্তর দেবে, চুপ করে থাকে। পিনাকীর সঙ্গে যে চিহ্নর খুব বেশি বনিবনা নেই, তা সে গৌরীর কাছে আগেই জেনেছিল।

গৌরী জল নিয়ে ঘরে ঢোকে। কেউ জিজ্ঞেস করে, শ্যামল কোথায় জানো?

গৌরী মাথা নাড়ে, না, বলেছিল বিকেলের মধ্যে ফিরবে।

শ্যামল এলো আরও এক ঘণ্টা বাদে। তখন রাত সাড়ে ন'টা বেজে গেছে। গৌরী ব্যস্ত হয়ে জিজ্ঞেস করে, এত রাত হল যে?

শ্যামল ক্লান্তস্বরে বলে, অনেক দিন বাদে দেবেনদার কাছে গেছলাম। কথা বলতে বলতে দেরি হয়ে গেল।

কেষ্ট জিজ্ঞেস করে, কে দেবেনদা ?

—নাম শোনেন নি, খুব বড় নেতা ।

—কোন পার্টির ?

—তা জানি না । খুব জেল-টেল খেটেছেন । পলিটিক্স করেন ।

—ও সব দলে ভিড়ো না ।

—কেন ?

—খুব সুবিধেবাদী না হলে বিশেষ কিছু হয় না । শক্ত লাইন ।

শ্যামল আর কথা বাড়ায় না । চাঁচিয়ে বলে, গোরীদি, খেতে দিন ।

বড্ড ক্ষিদে পেয়েছে ।

কেষ্ট পকেট থেকে একটা চিঠি বার করে শ্যামলকে দেয়, নাও তোমার চিঠি ।

চিঠি পড়ে শ্যামলের মুখ গম্ভীর হয়ে যায় । কেষ্ট জিজ্ঞেস করে, কার চিঠি ?

—বাবার ।

—কোথা থেকে লিখছেন ?

—মামার বাড়ি থেকে । কাল দেখা করতে চান ।

কেষ্ট উৎসাহ দেয়, বেশ তো । সব কথা খুলে বল, উনি নিশ্চয় বুঝবেন ।

শ্যামল চিন্তিত মুখে বলে, তাই বলবো ।

গোরী চাঁচিয়ে, ডাকে, ভাত বাড়ি হয়ে গেছে ।

কেষ্ট আর শ্যামল পাশাপাশি খেতে বসে ।

পরদিন সকালবেলা শ্যামল বাবার সঙ্গে দেখা করার জন্তে বাড়ি থেকে বেরুল বটে, কিন্তু ট্রাম চলতে শুরু করতেই নানা রকম তাবনা এসে তার মাথায় জড়ো হয় । আবার সেই মামার বাড়ি

যেতে কেমন যেন অস্বস্তি লাগে। এই ক'দিন আগে সে সেখান থেকে অপमानে লজ্জায় মাথা হেঁট করে বেরিয়ে এসেছে, কোন্ মুখে আবার সেই বাড়িতে ঢুকবে? চাকর-বাকর, মামাতো ভাইরা। তাদের কথা মনে হতেই শ্যামলের ভীষণ লজ্জা হয়। হয়তো বটুমামা আবার তাকে যা-তা কথা শোনাবেন। কি প্রয়োজন তার সেখানে গিয়ে? বাবার উপর তার কোন আস্থা নেই। ছোটবেলা থেকেই দেখেছে মামার কথায় উনি ওঠেন বসেন। নতুন কিছু তাঁর কাছে আশা করা ভুল। নয়তো আবার সেই মামার বাড়িতেই দেখা করতে বলবেন কেন? শ্যামল তো পরিকার করে সব কথা লিখে দিয়েছিলো।

মামার বাড়ির কাছাকাছি এসে শ্যামল ট্রাম থেকে নেমে পড়ে। সামনের চায়ের দোকানে ঢুকে এক কাপ গরম চা খায়। সিগারেট ধরিয়ে চুপচাপ বসে থাকে। প্রায় আধ ঘণ্টা বাদে গা-ঝাড়া দিয়ে উঠে দাঁড়ায়। এতক্ষণে মনে মনে সে স্থির করে ফেলেছে আজ আর মামার বাড়ি যাবে না।

চায়ের দোকান থেকে বেরিয়ে শ্যামল সোজা গেল মদনের আড্ডায়, অনেক দিন বাদে দেখা। মদন উঠে এসে আশ্চর্যের সঙ্গে জিজ্ঞেস করে, কি খবর তোর, এত দিন আসিস নি কেন?

শ্যামল নীরস গলায় বলে, শুনিসনি?

—কি?

—আমি এখন আর মামার বাড়িতে নেই।

—কেন? কোথায় আছিস?

শ্যামল আন্তে আন্তে সব ঘটনার বর্ণনা করে। মদন শুনে স্তম্ভিত হয়ে যায়। সহানুভূতির স্বরে বলে, তুই এখন কেউদার কাছে?

—হ্যাঁ, বেহালায়।

—ঠিকানা কি?

শ্যামল ঠিকানা দেয়। সঙ্গে সঙ্গে বলে, দরকার হলে চিঠিই দিস।
গেলে হয়তো দেখা হবে না, কখন বাড়ি থাকি ঠিক তো নেই।

ছ'জনে হাঁটতে হাঁটতে এগিয়ে চলে। মদন বলতে সাহস করে না
যে চুনীলালই শ্যামলের মামার কাছে এ সব কথা বলেছে। তরে তরে
জিজ্ঞেস করে, তোর মামা এ সব ব্যাপার জানলেন কি করে?

শ্যামল মুখ ব্যাকায়, কে জানে! বোধ হয় স্কুল থেকে লাগিয়েছে—
মদন বোঝে, জগৎবাবু চুনীলালের কথা শ্যামলকে বলেন নি। সহজ
ভাবে বলে, কেউদা তাহলে আজকাল বেহালায় থাকে?

—হ্যাঁ।

—হঠাৎ?

—সেই যে ছেলেটাকে পোড়াতে শ্মশানে গিয়েছিলাম, তার দিদি
এখন কেউদার সঙ্গে থাকে কি না!

—তাই নাকি, কেউদা বিয়ে করেছে?

—হয়নি, হবে। মেয়েটা খুব ভাল, আমায় তাই-এর মত ভালবাসে।

—আজকাল কি করছিস, দেবেনদার কাছে যাস না?

—যাই মাঝে মাঝে। রাত করে ফিরলে আবার গৌরীদি বসে
থাকে।

—এদিকে আর আসিস না?

—মামার বাড়ি থেকে চলে যাবার পর, এই প্রথম।

কথা বলতে বলতে ছ'জনে বড় রাস্তায় এসে পড়ে। পাশে সারবন্দী
বড় বড় দোকান। মদন হঠাৎ বলে, নন্দিতা—

—কই? শ্যামল ভাল করে দেখে উত্তর দেয়, হ্যাঁ, নন্দিতাই।

নন্দিতা তার মার সঙ্গে কাপড়ের দোকানে এসেছিল। কাপড় কিনে
দোকান থেকে বেরিয়ে আসে।

—পূজোর বাজার শুরু করে দিয়েছে বোধ হয়।

—তাই হবে।

নন্দিতারা সামনের গাড়ীতে উঠতে যায়। পাশেই মদনরা দাঁড়িয়ে-ছিল, নন্দিতা ওদের দিকে তাকিয়ে হাসে। মদন আশ্চর্য হয়ে যায়, দেখেছিল শ্রামল, আমাদের চিনে গেছে।

—তা চিনবে না! সেই বই-এর দোকানে তো আমার সঙ্গে ছ'-তিন দিন দেখা হয়েছে।

—তাই না কি, বলিসনি তো?

—এ আর বলার কি আছে। আমার নাম শ্রামল, তাও জানে।

নন্দিতাদের গাড়ী চলতে শুরু করে। পেছনের কাচ দিয়ে মেয়েটা আর একবার ফিরে তাকায়।

শ্রামল বলে, বোধ হয় মনুদাকে খুঁজছে।

মদনের কাছ থেকে বিদায় নিয়ে বেহালায় ফিরতে গিয়ে শ্রামলের মনে হ'ল তাই তো কেউদাকে কি বলব। গেলেই তো বাবার কথা জিজ্ঞেস করবেন। মনে মনে ভাবে, কেউদার সঙ্গে দেখা না হলেই ভাল হয়। কিন্তু মানুষ যা চায় সব সময় তা হয় না। বাড়ি ফিরেই কেউর সঙ্গে দেখা। শ্রামলকে দেখেই কেউ জিজ্ঞেস করে, কি হল শ্রামল, বাবা কি বললেন?

শ্রামল চট করে উত্তর দেয়, কি আর বলবেন। সব কথা আমায় জিজ্ঞেস করলেন।

—মামা, বটুমামা এঁরা ছিলেন?

—না।

—তাহলে সব খোলাখুলি কথা হয়েছে।

—হয়েছে, তবে বাবাও কিছু ঠিক করতে পারেন নি। কালকে আবার যাব।

শ্যামল কেঁঠকে এড়িয়ে গৌরীকে জিজ্ঞেস করে, গৌরীদি, খাবার হয়েছে নাকি, আমার আবার বেরুতে হবে। কেঁঠর আগেই খাওয়া হয়ে গিয়েছিল। বলে, শ্যামল খেয়ে নাও, আমি চলি।

—কোথায় যাচ্ছেন ?

—পাড়ায়। এবার পুজোয় একজিবিশান করার কথা হয়েছে, তারই ব্যবস্থা করতে।

—আপনি একটা দোকান করবেন বলেছিলেন ?

—হ্যাঁ, ক’দিন মজা করা যাবে।

—আমি বিক্রি করবো কিন্তু।

—নিশ্চয়।

কেঁঠ চলে গেলে গৌরী শ্যামলের ভাত বেড়ে দেয়। শ্যামল জিজ্ঞেস করে, চিহ্নুদি আজ খাবে না ?

—আমরা দু’জনে এক সঙ্গে খাব।

—আমার ফিরতে দেরি হবে।

—কোথায় যাচ্ছ ?

—দেবেনদার কাছেই।

গৌরী নিজের মনে হাসে, চিহ্নু আমার মাস্টার হয়েছে জানো ত ?

—কেন ?

—আমাকে অভিনয় করা শেখাচ্ছে।

—কোন বইয়ে ?

—সেই যে তোমার প্রভাতদার লেখা নাটক।

—খুব ভাল হবে গৌরীদি, আমাকে কিন্তু পাশ দিতে হবে একটা

গৌরী আরও হাসে, দেখি আমার নেয় কিনা।

শ্যামল খাওয়া শেষ করে হাত ধুতে উঠে যায়।

মদনের কাছে সব কথা শুনে চুনীলাল অবাক হয়ে যায়। সে কি, শ্যামলকে তাড়িয়ে দিয়েছে ?

মদন আশু আশু মাথা নাড়ে।

—এতখানি হবে আমি আশা করি নি, চুনীলাল ক্রুদ্ধ স্বরে বলে।

—কি করা যায় এখন ?

চুনীলাল চুপ করে থেকে হঠাৎ বলে, যাবো আর-একবার ওর আমার কাছে।

—কি হবে ?

—বুঝিয়ে বলব।

—কি আর বোঝাবে। সব কথাই তো সত্যি ! শ্যামল স্কুলে যায় না, গুণাদের দলে মিশছে, সব কথাই তো সত্যি !

চুনীলাল বলে, না, শুনে মনটা খারাপ হয়ে গেল। আমার জন্তে ছেলেটাকে বাড়ি থেকে তাড়িয়ে দিলে !

মদন বলে, এক কাজ করলে হয়, দেবেনদাকে গিয়ে বললে যদি শ্যামল শোনে।

চুনীলাল একটু ভেবে নিয়ে শেষে বলে, আচ্ছা বিকেলের দিকে বরং দেবেনদার কাছেই যাব।

কালীর আজডায় দেবেনদার সঙ্গে ঝগড়া হওয়ার পর, চুনীলাল এই প্রথম দেবেনদার বাসায় গেল। দেবেনদা একলাই ইজিচেয়ারে বসে বই পড়ছিলেন। চুনীলালকে দেখে একমুখ হেসে অভ্যর্থনা করেন, এসো চুনীলাল ! অনেক দিন আসনি।

চুনীলাল স-অভিमानে বলে, আপনিও তো খোঁজ নেননি।

দেবেনদা লজ্জা পান, কাজের ভিড়ে, বুঝ না ?

চুনীলাল আলাপ করিয়ে দেয়, এটি আমার বন্ধু মদন, চেমেন তো ?

—হ্যাঁ, হ্যাঁ, শ্রামলের সঙ্গে দু'-তিন দিন এসেছিল।

সাধারণ আলাপের পর, চুনীলাল শ্রামলের কথা পাড়ে। দেবেনদা, একটা দরকারী কথা আছে, কাউকে বলবেন না—

—না। কি কথা ?

—শ্রামল বলেছে কি না জানি না, ওকে বাড়ি থেকে তাড়িয়ে দিয়েছে !

—কেন ?

—স্কুলে যায় না। বাড়িতে মিথ্যে বলে বাইরে ঘুরে বেড়াত।

—আমায় তো এসব বলে নি ?

—আপনি ওকে বুঝিয়ে বাড়ি পাঠিয়ে দিন।

দেবেনদা জানালা দিয়ে বাইরে তাকিয়ে বলেন, বলবো, তবে আমার কথা শুনবে কি না জানি না।

চুনীলাল বলে, সে কি, আপনি বললেও শুনবে না ?

—আজকাল তাই দেখছি। শ্রামল আর দু'-একজন আমার চেয়ে কালীর কথাই বেশি শোনে।

চুনীলাল রাগে উত্তেজনায় চোঁচিয়ে ওঠে। এই কথাই আমি সেদিন বলেছিলাম। সেদিন কালী আমায় মারলো, আপনি কিছু বললেন না।

দেবেনদা এ কথার উত্তর দিতে পারেন না। মাথা নীচু করে বসে থাকেন। চুনীলাল বলে যায়, আমি খুব ভাল করে জানতাম, কালীর মতলব ভাল নয়। ওরা কেউ আপনার আদর্শ বোঝে না।

দেবেনদা অসহায় ভাবে প্রশ্ন করেন, কিন্তু উপায় কি ?

—উপায় আমি কি বলবো, আপনাকেই ঠিক করতে হবে।

—আমি তো কিছুই ভেবে পাই না। একমাত্র কালীরাই যা আমার পাটিকে ভালবাসে। আর কেউ কথা শোনে না।

—কথা শোনবার দরকার কি ?

দেবেনদার চোখে জল আসে, আমার যে অনেক কথা দেশবাসীকে বলার আছে, তা কি বলা হবে না ?

—শুভাদের দিয়ে বলানোর চেয়ে না বলাই ভালো । আপনি বুঝতে পারছেন না যে দেশের জন্তে, দেশবাসীর জন্তে আপনি এতখানি স্বার্থ-ত্যাগ করেছেন ! তারা আপনাকে কতখানি দিক্কার দেবে পরে সুবিধাবাদী ভেবে । সেইজন্তেই তো কালীরা আপনাকে ছাড়তে চায় না ।

দেবেনদা দাঁড়িয়ে উঠে পায়চারী করতে থাকেন, যাদের জন্তে প্রাণপাত করে সারাজীবন খাটলাম, তারাই তো আর আমায় চায় না ।

চুনীলাল দৃঢ়স্বরে বলে, তাহলে আপনার প্রয়োজন ফুরিয়েছে । আর দেবার মত বোধ হয় আপনার কিছু নেই ।

দেবেনদার এ প্রসঙ্গ আর ভালো লাগে না । শাস্ত গলায় বলেন, আমায় এখন বেরুতে হবে চুনীলাল !

—আমরাও উঠবো ! চুনীলাল উঠে দাঁড়ায়, শ্রামলকে একটু বোঝাবেন ।

দেবেনদা ই্যা কি না কিছুই বলেন না, চুপ করে দাঁড়িয়ে থাকেন ।

দেবেনদার বাড়ি থেকে বেরিয়ে মদনই প্রথম কথা বলে, বাবা, তুমি তুখোড় লেকচার দিতে পার, একেবারে মুখস্থ ।

চুনীলালাল একথা কানে না তুলে বলে, দেবেনদার জন্তে সত্যি দুঃখ হয় । কতখানি ঝাঁটি লোক । শুধু পাওয়ার পলিটিক্‌স্ মাথায় চুকে দিনে দিনে কোথায় নেমে যাচ্ছে । নিজের স্বার্থ যখন কাজের চেয়ে বড় হয় মানুষের বিচার-বুদ্ধি লোপ পায় ।

কথা বলতে বলতে দু'জনে ট্রামে উঠে পড়ে ।

সেদিন সিনেমা থেকে প্রভাত বেলারাগীর সঙ্গে চলে গিয়েছিল বলে অরুণা চার-পাঁচদিন রেগে কথা বলেনি । প্রভাত রোজই গেছে, রাগ এক মুঠো—১৪

ভাঙ্গাবার যত রকম কৌশল জানে সব রকম চেষ্টা করেছে কিন্তু কোনও ফল হয় নি। রোজ প্রভাতকে অরুণার পড়ার ঘরে বসে থাকতে হয়। অরুণা বেশ দেয়ি করে নামে, একটি কথাও না বলে বইখাতা বার করে বসে। প্রভাত সেদিনের ঘটনা সম্বন্ধে কিছু বলতে গেলেই মাথা ধরেছে বলে উঠে চলে যায়। অগত্যা প্রভাতকে শেষ চেষ্টা করতে হয়। সরাসরি অরুণাকে বলে, আমি আর তোমাকে পড়াতে পারব না। রমেশবাবুকে বলে ছুটি চেয়ে নিচ্ছি। যে ছাত্রী কথা বলে না, তাকে কি করে পড়াব ? অরুণা এরও কোন উত্তর দেয় না।

প্রভাত বলে যায়, জীবনে এরকম অবস্থায় আমি কখনও পড়িনি। সেদিন বেলারাগী ধরে নিয়ে গেল ডায়লগ দু'-একটা বদলাবার জন্তে, তার আমি কি করবো ? যদি না যাই তো আমার বই নেবে কেন ? তুমি কি চাও না আমার বই সিনেমা হয় ?

অরুণা এতক্ষণে কথা বলে, তা চাইবো না কেন ?

—তাহলে ? বেলারাগীর হাতেই তো সব। সে যদি ডাকে আমায় যেতে হবে তো, আমি কি নিজের ইচ্ছেয় গেছি ?

—কি রকম ড্যাব-ড্যাব করে আমার দিকে তাকাচ্ছিল।

—কে ?

—আপনার বেলারাগী। কি সঙের মত সেজেছিল। ছবিতেই যা ভালো দেখায়।

—সে তো সবাই জানে।

—আপনিই তো বলেন, কি চেহারা, কি সুন্দর কথাবার্তা। একেবারে প্রেমে পড়ে গেছেন।

প্রভাত ধমক দেয়, কি বাজে বক ? তোমার কথায় যদি কোন আঁট থাকে।

অরুণা হেসে ফেলে, যেমন মাস্টার তেমনই ছাত্রী হবে তো ?

অরুণার মুখে হাসি দেখে প্রভাত আশ্বস্ত হয়, যাক্ তাহলে রাগ গেছে ?

—যদি আপনি মাস্টারী করা না ছাড়েন ।

এবার প্রভাতও হাসিতে যোগ দেয়, মাস্টারী ছাড়ার হুকুমীতে কাজ হয়েছে বল ?

—তা হবে না, আপনার মত ফাঁকিবাজ মাস্টার মশাই আর কোথায় পাব ?

প্রভাত ভুরু কুঁচকে বলে, তুমি দেখছি আমাকে আর আজকাল একেবারেই মানো না !

—কে বললে ? ভীষণ ভীষণ মানি । সত্যি বলছি, দেখুন না ঠোটে আর লিপস্টিক মাখি না ।

—সত্যি !

—তা নজর করবেন কেন ? কথা শোনাবার বেলা ওস্তাদ । ঠোটে রং মাখা আমি পছন্দ করি না । দেখলাম তো বেলারাণীকে, কি রংই মেখেছে । ওকে তো কিছু বলতে পারেন না ।

প্রভাত হাসে, কি মুন্সিল, ছুনিয়াস্বদ্ধ মেয়ে আমার পছন্দমত চলবে নাকি, তোমার যা বুদ্ধি !

এ ধরনের হান্কা কথাবার্তার মধ্যে হঠাৎ অরুণার চোখ সজল হয়ে ওঠে । বলে, প্রভাতদা, বাবার আজকাল কি হয়েছে ।

অরুণার চোখে জল দেখে প্রভাত বিচলিত হয়, কি হয়েছে ?

—জানি না । অরুণা একবার চারিদিক দেখে নিয়ে, নীচু গলায় বলে, রাত-দিন চুপ করে বসে তাবেন, অফিসেও যান না ।

—কবে থেকে ?

—দিন দুই ।

—শরীর খারাপ । জ্বর আছে ?

—না

—যদি বল আমি একবার দেখা করতে পারি।

—কারুর সঙ্গে দেখা করেন না। চুপ করে ঘরের মধ্যে বসে থাকেন।

—এত দিন বলনি কেন ?

—মা বারণ করেছিলেন। অরুণা নীচু হয়ে চোখের জল মুছে ফেলে। বাবার কি হয়েছে বলুন না প্রভাতদা !

—না দেখলে কি করে বুঝবো ?

অরুণা ধরাগলায় বলে, আমার কি রকম ভয় করছে।

—ভয়ের কি আছে ? আমি তো রোজই আসছি। যদি সেরকম দরকার হয় ড্রাইভারকে পাঠিয়ে দিও।

প্রভাত অরুণাকে ভরসা দিয়ে বেরিয়ে আসে বটে কিন্তু তার মনটা খুব খারাপ হয়ে যায়, সত্যি হঠাৎ কেন রমেশবাবু এমন হয়ে গেলেন ? রমেশবাবুর স্নেহপ্রবণ হাসিভরা মুখটা তার চোখের সামনে ভাসে।

চিহ্নর কাছে অভিনয় করতে শিখে গৌরী একদিনেই বিনোদের ক্লাবে বেশ নাম করে ফেলেছে। অভিনয়ের ধরনটা ওর খুব স্বাভাবিক, মনেই হয় না মুখস্থ বলছে। বিনোদ খুবই প্রশংসা করে—দেখুন তো কি অদ্ভুত। আপনি এত সুন্দর অভিনয় করেন অথচ কিছুতেই প্রথমে করতে চাইছিলেন না।

গৌরী লজ্জায় লাল হয়ে যায়। বিনয় করে উত্তর দেয়, সত্যি, কিন্তু আমি আগে কখনও করিনি।

বিনোদ ভুরু উঁচু করে বলে, আশ্চর্য, আমি কোন মেয়েকে প্রথম চোটে এত ভালো অভিনয় করতে দেখিনি। ধরুন না এই চিন্ময়ী দেবীর কথা, কত দিন থেকে পার্ট করছেন কিন্তু আপনার মত নয়।

—সে কি বলছেন, আমি তো ওর কাছে শিখেছি।

—তাহলে গুরুমারা বিত্তে আশ্রয় করেছেন বলতে হবে ।

বিনোদের সঙ্গে গৌরীর কথা বলতে ভালো লাগে । সব সময় কেমন খাতির করে কথা বলে । প্রথম প্রথম আশ্চর্য লাগলেও এখন গৌরীর অভ্যেস হয়ে গেছে ।

বিনোদ বলে, গৌরী দেবী, আপনার গলার মত মনটাও মিষ্টি । গৌরী লজ্জা পায়, কি যে বলেন—

—সত্যি বলছি । আপনার এতটুকু অহঙ্কার নেই । আপনি এ লাইনে থাকলে একদিন খুব বড় অভিনেত্রী হতে পারবেন ।

—গৌরী অবিশ্বাসের সুরে বলে, এত সহজে কি হয় ?

—নিশ্চয় হয় । আপনার প্রতিভা আছে, চেষ্টা করা উচিত ।

বিনোদ যে শুধু গৌরীর মন রেখেই কথা বলতো তা নয়, তার মধ্যে অনেকখানি সত্য ছিল । চিহ্নও কয়েক দিন রিহার্সালের পর বাড়িতে কেঁটকে বলেছিল, গৌরী কি সুন্দর পার্ট করছে, একদিন চলুন না মহড়া দেখতে ।

কেঁট ঠাট্টা করে বলে, তোমার তো গৌরীর সব কিছুই ভাল লাগে ।

—বেশ তো নিজেই গিয়ে দেখুন না ।

—তাহলে পরে ভাল লাগবে না । একেবারে আসল প্লে'র দিন যাব ।

—আচ্ছা, সেই ভাল ।

রিহার্সালের সময় বিনোদ বেশির ভাগ সময়ই গৌরীর পাশে বসে বক বক করে । টাকা-পয়সাওয়ালা এত বড় একজন লোকের এ ধরনের সহজ মেলামেশায় গৌরী মুগ্ধ হয় । তাই রিহার্সালের দিনগুলির জন্তে অধীর আগ্রহে বসে থাকে । এ সপ্তাহে অনেকের অনুবিধে থাকায় একদিন মাত্র রিহার্সালের দিন স্থির হয়েছে ; তাই আজ যখন চিহ্নর সুর

হয়ে গেল, গৌরীর মন খারাপ হয়ে যায় যাওয়া হবে না বলে । কিন্তু চিহ্ন বলে, তুই কেন যাবি না, ওদের মুন্সিল হবে যে !

গৌরী আপত্তি জানায়, না চিহ্ন, আমি একলা যাব না ।

চিহ্ন হাসে, তা কখনও হয়, রিহার্সালে তোর কামাই করা উচিত নয় । একে নতুন—

—বিনোদবাবুর সঙ্গে একা—

—তাতে কি হয়েছে, বিনোদবাবু তো খেয়ে ফেলবে না ।

—কেষ্টদা যদি কিছু মনে করে ?

চিহ্ন বোঝে গৌরীর রিহার্সালে যাবার খুবই ইচ্ছে, শুধু মুখেই যা আপত্তি। হেসে বলে, এত মেয়ে আসছে যাচ্ছে, এতে মনে করার কি আছে।

—তবু আমার ভয় করে ।

—কেষ্টদাকে না বললেই হ'ল । আমি তো এর পরের দিন থেকেই আবার যাব ।

গৌরী আর আপত্তি করে না । তাড়াতাড়ি তৈরি হয়ে নেয় ।

গৌরীকে একা দেখে বিনোদ জিজ্ঞেস করে, আপনার বান্ধবী যাবেন না ?

—না । ওর শরীর খারাপ ।

—তাহলে আপনি চলুন ।

গৌরী উঠে বসে । গাড়ীতে স্টার্ট দিয়ে বিনোদ বলে, চিন্ময়ী দেবীকে ছেড়ে আপনি আসবেন, আমি ভাবিনি ।

—কেন ?

—যা বন্ধু-অন্ত প্রাণ !

—কেন আমার বন্ধুকে নিয়ে সব সময় ঠাট্টা করেন বলুন তো ?

বিনোদ প্রায় ভিক্টোরিয়া মেমোরিয়ালের কাছে এসে জিজ্ঞেস করে, আজ কিন্তু অনেক সময় আছে, একটু বেড়িয়ে যাবেন ?

—কোথায় ?

—গঙ্গার ধারে ।

গৌরী চট্ করে উত্তর দিতে পারে না । বিনোদ জোর করে, চলুন না, কি হয়েছে ?

বিনোদের পীড়াপীড়িতে ভালো-মন্দ বিবেচনা না করেই গৌরী বলে ফেলে, চলুন ।

বিনোদ হাসে, তন্ন নেই । আপনার কেঁষ্টদার সঙ্গে দেখা হলে যাবে না ।

—আহা, বেড়াতে গেলে কেঁষ্টদা কি বলবে ।

বিনোদ গৌরীর দিকে তাকিয়ে বলে, সত্যি, কেঁষ্টবাবু ভাগ্যবান । আপনার মত মেয়েকে কত সহজে পেয়েছেন ।

গৌরী ম্লান হাসে, আমার সব কথা তো আপনি শোনেন নি । আমার মত মেয়ে পথে-ঘাটে ছড়ানো আছে । কেঁষ্টদা দয়া না করলে—

বিনোদ গম্ভীর হয়ে বলে, এখানে আমি আপনার সঙ্গে একমত হতে পারি না, আপনার সব কথাই আমি জানি ।

গৌরী চমকে ওঠে, কি করে ?

বিনোদ অশ্রুমনস্ক ভাবে বলে যায়, গৌরী দেবী, বস্তী থেকে আপনাকে বার করে আনা কেঁষ্টবাবুর উচিত হয় নি ।

গৌরী বাধা দেয়, হঠাৎ এমন বিস্ত্রী গোলমাল হ'ল যে—

—জানি, রাজেন আমায় সব বলেছে ।

—রাজেনের সঙ্গে আপনার আলাপ আছে নাকি ?

—নিশ্চয় ।

গৌরী তাড়াতাড়ি জিজ্ঞেস করে, রাজেন কেমন আছে ?

—ভালো, তবে সে আপনাকে ভুলতে পারে নি ।

—আশ্চর্য, সে-কথাও আপনাকে বলেছে ?

—বলেনি। তবে আমি বুঝতে পারি।

গঙ্গার ধারে গাড়ী রেখে দু'জনে নেমে পাশচারী করে। বিনোদ জিজ্ঞেস করে, আপনাদের বিয়ে কবে ?

—ওনার দাদার সঙ্গে ঝগড়া চলছে। বাড়ি ভাগ হলে—

—বাড়ি ভাগ তো ওর অনেক দিন হয়ে গেছে।

—সে কি, আমি তো জানি না ?

—আমি জানি। ওকে জিজ্ঞেস করবেন।

গৌরীর চোখে জল এসে যায়। মুখ নীচু করে বলে, চলুন, গাড়ীতে ফিরে যাই, আর হাঁটতে পারছি না।

—চলুন।

পার্ক সার্কাসের বাড়িতে এসে বিনোদ আর গৌরী দেখে সবাই তাদের জন্তে বসে আছে। বিনোদ কৈফিয়তের সুরে বলে, কি করবো চিন্ময়ী দেবীর অর। ইনিও কিছুতেই আসবেন না, জোর করে ধরে এনেছি।

রিহার্সাল শুরু হয়। গৌরী আজ কিছুতেই ভালো করে বলতে পারে না, বার বার ভুল করে। বিনোদ ফোড়ন কাটে, আজকে আর মন নেই, বন্ধুর শরীর খারাপ, তার ওপর জোর করে ধরে আনা হয়েছে।

গৌরীর সঙ্গে বিনোদের চোখাচোখি হতেই দু'জনে হেসে ফেলে। রিহার্সালের সময় আজ আর অল্প দিনের মত বিনোদ এসে গৌরীর পাশে বসলো না। একটা ফাজিল ছেলে মন্তব্য করে, বিনোদদা সত্যিই জোর করে গৌরী দেবীকে ধরে এনেছে, তাই আর ভয়ে কাছে ঘেঁষছে না।

রাত্রে বাড়ি ফেরার সময় গাড়ীতে আর দু'জন মেয়ে থাকায় বিনোদ গৌরীর সঙ্গে বিশেষ কথা বলার সুযোগ পায় না। গৌরীকে নামিয়ে বিনোদ বলে, কালও রিহার্সাল আছে, ভুলে যাবেন না।

গৌরী হেসে বলে, না, নমস্কার !

—নমস্কার !

গৌরী বেশ হাঙ্কা-মনে বাড়িতে ঢোকে । প্রথমেই চিহ্নর ঘরে যায় ।
চিহ্ন শুয়ে শুয়ে কি একটা বই পড়ছিল, গৌরীকে দেখে জিজ্ঞেস করলে,
কেমন হ'ল ?

গৌরী মুখ ব্যাজার করে বললে, ভাল নয় ।

—কেন ?

—তুই না থাকলে আমি বলতে পারি না ।

—পাগলী, তা করলে হয় ? পার্ট তো একলাই করতে হবে ।

—সবাই তোর কথা জিজ্ঞেস করছিলেন ।

—রিহার্সালে না গেলেই খোঁজ পড়ে ।

গৌরী চিহ্নর পাশে বসে মাথায় হাত দেয়, তোর এখনও তো বেশ
জর রে, কাল যেতে পারবি ?

—বোধ হয় না, গায়েও ব্যথা রয়েছে ।

গৌরী উঠে দাঁড়ায়, কাল রিহার্সাল না রাখলেই ভাল হ'ত । যাই
দেখি, কেউদা এলো কি না—

—না, এখনও আসেনি ।

চিহ্ন কালও রিহার্সালে নাও যেতে পারে এই সম্ভাবনায় গৌরী মনে
মনে খুশি হয় । বিনোদবাবুর ব্যবহার তার সত্যিই ভাল লেগেছে ।
কত নরম, কত সহানুভূতিশীল ! হঠাৎ গৌরী ভাবে, বিনোদবাবু কি বিষে
করেন নি ? বিনোদের সব কথা জানবাব জন্তে তার মন ব্যাকুল হয়ে ওঠে ।

গৌরীর সব চিন্তা ছিঁড়ে যায় কেউ ফিরে আসতেই । বিনোদের
কথাগুলো ভিড় করে আসে । থাকতে না পেরে গৌরী এক সময়
জিজ্ঞেস করে, তোমাদের বাড়ি ভাগ হয়নি ?

কেউ গৌরীর মুখ থেকে এ ধরনের প্রশ্নে বিস্মিত হয়, হঠাৎ এ
কথা কেন ?

—এমনি জিজ্ঞেস করছি।

কেষ্ট তীক্ষ্ণ দৃষ্টিতে মুখের দিকে তাকায়, কে শিথিয়ে দিয়েছে ?

গৌরী হাসবার চেষ্টা করে, কে আবার শেখাবে ?

—নিশ্চয় কেউ বুদ্ধি দিয়েছে। কে তা জানি না, তবে ভালো করেনি।

—কেন ?

—আজ তুমি বুঝতে পারবে না গৌরী, তবে একদিন আসবে যখন বুঝবে।

এ ধরনের বড় বড় কথা কেষ্ঠর মুখে এত শুনেছে যে গৌরীর আর ধৈর্য থাকে না। রুদ্ধ স্বরে বলে, ঘাট হয়েছে আর জিজ্ঞেস করবো না। নাও, মুখ হাত-পা ধুয়ে নাও।

গৌরীর বলার ধরনে কেষ্ট ব্যথিত হয়, কিন্তু প্রকাশ করে না। মুখ-হাত ধুয়ে এসে জিজ্ঞেস করে, তোমাদের থিয়েটার কবে ?

—পূজোর সময়।

—তাহলে তো মুন্সিল ! পূজোর সময় একজিবিশানে একটা দোকান খুলছি, ব্যস্ত থাকবো।

—দোকানে কারা বিক্রি করবে ?

—আমি আর শ্যামল।

—আমিও থাকবো।

—সে কি করে হবে ?

—কেন ?

—পাড়ার মধ্যে কথা উঠবে।

বিনোদের কথাগুলো আবার গৌরীর মনে পড়ে যায়। বলে, তাতে কি হয়েছে, বিয়ে তো হবেই।

—সে যখন হবে।

এ উত্তর গৌরী আশা করেনি। মনে মনে ভাবে বিনোদ হয়তো ঠিকই বলেছে, কেউ বোধ হয় তাকে এখন এড়িয়ে যেতে চায়।

পরদিন বিনোদের গাড়ী অল্প দিনের চেয়ে আধ ঘণ্টা আগেই এলো।
গৌরী আর চিহ্নর ঘরে না গিয়ে সোজা গাড়ীতে উঠে বসে।

বিনোদ জিজ্ঞেস করে, চিন্ময়ীদেবী আজও যাবেন না ?

—না, বেশ জ্বর আছে এখনও।

—আমি কি দেখা করে যাবো ?

গৌরী নীচু গলায় বলে, না, থাক।

—তথাস্তু। বলে বিনোদ গাড়ীতে স্টার্ট দেয়।

গৌরীর আজ ইচ্ছে ছিল না যে চিহ্ন তাদের সঙ্গে যায়। তাই বলতে গেলে দুপুরের পর একবারও সে চিহ্নর ঘরে যায় নি। পাছে চিহ্ন বলে বসে, এখন বেশ ভাল আছি, তোর সঙ্গে যাব। গৌরী এক রকম নিঃশব্দেই বেরিয়ে এসেছে। চিহ্ন বোধহয় একটু অবাক হবে, গৌরী ভাবে, তা হোক।

—কি ভাবছো ? বিনোদের প্রশ্নে গৌরী চমকে ওঠে, চোখে চোখ রেখে বলে, কিছু না।

—আজ কোন্ দিকে যাবে, বল ?

—আপনি বলুন।

—পার্ক সার্কাসের বাড়িতেই যাওয়া যাক। রিহাসার্সাল শুরু হতে দেরি আছে, ওপরে বসে গল্প করা যাবে বেশ।

এ বাড়িতে রিহাসার্সালে এসে গৌরী নীচে থেকেই বরাবর চলে গেছে। আজ ওপরে এসে সাজানো সুন্দর ঘর দেখে সে অবাক হয়। বলে, বাঃ, কি চমৎকার সাজানো !

বিনোদ হেসে বলে, এ তো কিছুই নয়। আগে আরও গোছান ছিল, এখন তো ব্যবহারই হয় না।

: বিনোদ গৌরীকে ঘরগুলো দেখায়। ছোটো শোবার ঘর, সঙ্গে বাথরুম। মাঝখানে খাবার ঘর, পাশে বৈঠকখানা। চার পাশ দিয়ে বারান্দা গেছে। গৌরী সব জায়গা ঘুরে ঘুরে দেখে। বলে, কি সুন্দর বাড়ি।

বারান্দায় ছোটো চেয়ার এনে ওরা বসে। বেয়ারা চা দিয়ে গেল।

গৌরী প্রশ্ন করে, দক্ষিণের শোবার ঘরে যে ভদ্রমহিলার ছবি দেখলাম, উনি কে?

—মা।

—মারা গেছেন?

—দশ বছর। একটু চুপ করে থেকে বিনোদ ধরাগলায় বলে, সেই থেকে আমার এই অবস্থা, গৌরী! মা মারা যাবার পর থেকে চোখে অন্ধকার দেখলাম। উনি যে আমার কি ছিলেন কেউ বুঝবে না।

গৌরী সহানুভূতি প্রকাশ করে, আমি বুঝতে পারি! আপনার কথা থেকে, ব্যবহার থেকে। মায়ের স্নেহ-ভালবাসা না পেলে কারুর মন এত নরম হয় না।

—সত্যি গৌরী, আমি নরম, স্কুলের মত নরম। টাকা-সম্পত্তি পেয়েছি অনেক। বাবা, জ্যাঠামশাই-এর, আবার দাছর। এক পুরুষে উড়ানো যায় না, এত সম্পত্তি। কিন্তু কি হবে? এতটুকু শান্তি পেলাম না। আমি বড় একলা গৌরী!

—আপনি বিয়ে করেন নি?

—করেছিলাম। সে আর এক ট্র্যাজেডী। আমার স্ত্রী রূপসী, শিক্ষিতা, কিন্তু বন্লো না।

—কি রকম?

—ছ'বছর একসঙ্গে ছিলাম। একদিনের জন্তেও সে আমাকে ভালোবাসে নি।

গৌরী কিছুক্ষণ চুপ করে থেকে জিজ্ঞেস করে, কেন ?

বিনোদ ম্লান হাসে, মুখে না বললেও আমি জানতাম সে আমার ঘেন্না করে। কারণ আমার লেখাপড়া হয় নি। সব সময় ভাবতো, আমি বড় লোকের মুখ্য ছেলে। টাকা-পয়সার খারাপ দিকটাই জানি, ভালর সন্ধান পাইনি। চোখ-মুখে তার অবজ্ঞা ফুটে উঠত, আমি কিছুতেই সহ্য করতে পারতাম না গৌরী !

—তারপর ?

—ওদের বাপের বাড়ির অবস্থা ভাল ছিল না। কিন্তু লেখাপড়ার দস্ত তীষণ। আমি সেখানে গেলেও অন্বস্তি বোধ করতাম। এ সবও হয়ত আমি সহ্য করতাম, কিন্তু যেদিন দেখলাম আমার মাকেও সে ঘেন্না করে—

—তাও কি হয় ?

বিনোদের চোখে জ্বল এসে পড়ে। সামলে নিয়ে বলে, আমার মা ছিলেন অত্যন্ত সাদাসিধে, ভালমাহুষ। লেখাপড়া শেখেন নি, সব সময় পূজো-আচ্ছা নিয়ে থাকতেন। তাঁরই ওপর হল ওর আক্রোশ। উঠতে বসতে কথা শোনাত। পূজো-আচ্ছাকে কুসংস্কার বলে ঠাট্টা করত। মাকে অসুখী দেখে মনে খুব কষ্ট পেতাম। কোনো এক বসন্তপূজোর দিন মা ওকে সংযম করতে বলেছিলেন। বিয়ে ছ'বছর হলেও আমাদের কোন ছেলেপিলে হয়নি। মা শুভদিন দেখে একটা মানত-করা শেকড় নিয়ে এসেছিলেন। আশ্চর্য, আমার স্ত্রী তাঁর সামনে শেকড়টা ফেলে দিয়ে বললে, এসব আমি বিশ্বাস করি না। মা কাঁদতে লাগলেন। আমার মাথায় আগুন চেপে গেল, মুখে যা এল তাই বললাম। রমলা তার একটি প্রতিবাদ করল না, আশ্বে আশ্বে ঘর থেকে চলে গেল। ভাবলাম রমলা ওর ভুল বুঝতে পেরেছে, কিন্তু না। সেই দিনই ও বাপের বাড়ি চলে যায়, আর ফেরেনি। আমিও আনতে যাইনি। মা একবার গিয়েছিলেন, সে আসেনি।

গৌরী চুপ করে ততক্ষণ শুনছিল। জিজ্ঞেস করে, এখন তিনি—

—একটা মেয়েদের স্কুলে মাস্টারী করে।

—আপনার সঙ্গে দেখা হয় না?

—না।

—আর বিয়ে করলেন না কেন?

—এর পরও?

খানিকক্ষণ চুপ করে থেকে বিনোদ দীর্ঘশ্বাস ফেলে উঠে পড়ে, যাক, ওসব কথা। চল, একবার নীচে যাই, রিহাসালের সময় হ'ল।

সেইদিনই রিহাসালের সময় এক ফাঁকে বিনোদ বলে, অনেক আজ-বাজে বকলাম, তোমার হয়ত খারাপ লাগলো। আমার মনটা বেশ হালকা লাগছে।

গৌরী মৃদুস্বরে বলে, আপনি অনেক কষ্ট পেয়েছেন—

বিনোদ গাঢ় স্বরে উত্তর দেয়, তুমি আমার ঠিক বুঝতে পেরেছো গৌরী, আমি বড় অসহায়।

গৌরী বিনোদের দিকে নরম চোখে তাকায়।

সারা রাত গৌরী বিনোদের কথা ভাবে। বিনোদ বড়লোক। এ ধরনের পরস্যাওয়ালা লোকেদের গৌরী চিরকাল দূর থেকেই দেখেছে। এই প্রথম সে একজনের সান্নিধ্য পেল। বিনোদ তাকে মুগ্ধ করেছে, তার ব্যবহারে তার সহানুভূতিশীল মন দিয়ে। এ মনের পরিচয় গৌরী আর কারুর কাছে পায়নি। এমন কি কেউদার কাছেও না। আজ তার মনে হয়, কেউদার মধ্যে যা আছে তা হোল দয়া, অমুকম্পা, কর্তব্যবোধ। যা নেই তা হোল ভালবাসা। বিনোদ কিন্তু সে ভালবাসার সাজি ভরিয়ে ফুল এনেছে। গৌরীকে সে নারার সম্মান দিয়েছে, এর চেয়ে বড় সম্মান গৌরী আশা করেনি। কেউদার কাছে

তার পরিচয় আশ্রিতা হিসেবে, নারী হিসেবে নয়। এ পার্থক্য যে কতখানি তা গৌরী নিজে ছাড়া কার কে বুঝবে? কেউ এতদিন তার জন্তে যা যা করেছে সে-সব কথা ছবির মত চোখের সামনে তেমে ওঠে। কেউ না থাকলে বিনোদের সঙ্গে আলাপের কোন সম্ভাবনাই ছিল না। এ কথা মনে হতেই কেউর জন্তে কৃতজ্ঞতায় তার মন ভরে উঠেছে। কিন্তু তা কৃতজ্ঞতাই, আর কিছু নয়।

হঠাৎ গৌরীর মনে হল সে এসব কি ভাবছে, এ যে অত্যাশ পাপ, সর্বাস্তঃকরণে কেউর কথা ভাববার চেষ্টা করে, কিন্তু পারে না। তার এতদিনের অবহেলিত নারীত্ব সংঘর্ষের বাধা ভেঙ্গে বিনোদের জন্ত উন্মুখ হয়ে ওঠে।

গৌরী ধড়মড় করে বিছানায় উঠে বসে। ঘরের এক কোণে শ্যামল অকাতরে ঘুমুচ্ছে। গৌরী নিঃশব্দে কুঁজো থেকে জল নিয়ে নিজের চোখে-মুখে ছিটিয়ে দেয়। মনটা অনেক শান্ত হয়ে আসে।

এরই মধ্যে একদিন শ্যামার বিয়ে হয়ে গেল। পাড়ার লোক কেউ জানতো না। তাদের খেয়াল হ'ল শ্যামার চিংকার করে কান্না শুনে। প্রথমে ভেবেছিল, বলরামের ঘরে বুঝি কোন বিপদ হয়েছে। খবর নিতে এসে দেখে শ্যামার বিয়ে হচ্ছে।

কেউর পক্ষেও সেই একই কথা, বলবাম তাকেও জানায়নি। বাড়ি ভাগ হয়ে গেছে। তাই দাদার অংশে যাবার বা সেখান থেকে কারুর আসার প্লয়োগ নেই। শ্যামার কান্না শুনে কেউ অবশ্য বুঝেছিল যে জোর করে ওর বিয়ে দেওয়া হচ্ছে, কিন্তু সে নিরুপায়। ছাদ থেকে উঁকি মেরে দেখে বর এসেছে, সঙ্গে তিনজন পুরুত একজন বরকর্তা। এছাড়া আর কেউ নেই। বলরামের দিকেরও বিশেষ কেউ আসেনি। শুধু শ্যামার মামার বাড়ির একগুটি মেয়ে-বউ এসেছে স্ত্রী-আচার করতে।

কেউ তাকিয়ে তাকিয়ে বরকে দেখে। কালো মোটাসোটা দোহারা চেহারা। খোঁচা খোঁচা গৌফ, মাথায় ঢাক, বয়স বত্রিশ-তেত্রিশ তো হবেই, দেখলে আরও বেশি মনে হয়। শ্যামার চেহারা তালো না হলেও বয়স কম। বয়সের শ্রীটুকু অন্তত আছে। কিন্তু এ তন্দ্রালোকের তা-ও নেই।

শ্যামা কেঁদেই যাচ্ছে, তারস্বরে কান্না। বলরাম ধমকাচ্ছে, কান্না কেন, বিয়ের দিনে চোখের জল? শ্যামা উত্তর দেয় না। শাঁখা, শাড়ী আর সিঁদুর দিয়ে শ্যামার বিয়ে হয়ে গেল।

বলরাম কোনদিন ভাবে নি, এই কালো মেয়েটিকে এত সহজে পার করতে পারবে। প্রতিবেশীরা—তাদের খবর দেওয়া হয়নি বলে অভিযোগ করলে বলে, ভাংচি দেবার লোক ডেকে লাভ কি?

কথা শুনে তারা মুখ ফিরিয়ে চলে যায়।

পরদিন পাড়ার লোক জানালা দিয়ে দেখে রিক্সা করে বর-বউ চলে গেল। শ্যামার কোন দিকে খেয়াল নেই, অঝোর ধারায় কাঁদছে।

কেউ সারাক্ষণ ছিল না। শ্যামার কান্না শুনে থেকেই তার মনটা খারাপ হয়েছিল। একসময় বাড়ি থেকে বেরিয়ে অনন্ত-কেবিনে চোকে। আশুদা জিজ্ঞেস করলেন, শরীর খারাপ হয়নি তো?

—না।

—শ্যামার যাবার সময় তুমি থাকলে না? তোমার জন্তে বড় কাঁদছিল।

—হঁ।

আশুদা বোঝেন কেউ কথা বলতে চাইছে না। বলেন, বোস, তোমার চা পাঠিয়ে দিচ্ছি।

কেউ সেখান থেকে উঠে পড়ে, অল্প দিনের চেয়ে সকাল সকাল বেহালায় যায়। গৌরী ঘরে ছিল না, রিহাসালে গিয়েছিল। কেউ পকেট থেকে আর একটা চাবী বার করে দরজা খুলে বিছানায় শুয়ে পড়ে।

দরজা খোলার শব্দে চিহ্ন ভেবেছিল গৌরী বুঝি কিরেছে। ঘরে ঢুকে কেষ্টকে দেখে বিস্মিত হয়।

—আপনি এত সকাল সকাল ?

কেষ্ট মান হেসে উত্তর দেয়, শরীরটা ভাল নেই।

—কি হ'ল ?

—এমনি ম্যাজম্যাজ করছে। গৌরী কোথায় ?

—রিহাসা'লে গেছে।

—তুমি যাওনি ?

—না, আমার তো ক'দিন থেকে অর।

—একলা গেছে ?

—বিনোদবাবু গাড়ী করে নিয়ে গেছেন, আবার পৌঁছে দেবেন।
গৌরী তো একা কিছুতেই যাবে না। আমি জোর করে পাঠিয়ে দিলাম।

কথাটা অবশ্য একেবারেই সত্যি নয়। কারণ, আজ যে রিহাসা'ল
আছে, গৌরী সে-কথা চিহ্নকে আগে বলেই নি। এমন কি যাবার সময়
জিজ্ঞেসও করেনি ও যাবে কি না। সেই জন্তেই চিহ্ন ঝগড়া করতে
এসেছিল, কিন্তু ঘরে কেষ্টকে দেখে সম্পূর্ণ অন্য কথা বলে যায়।

কেষ্ট হঠাৎ বলে, মাথাটা বড্ড ধরেছে।

—অ্যানাসিন আছে, দেবো ?

—দাও।

চিহ্ন এক গ্লাস জল আর বড়ি এনে দেয়। কেষ্ট অল্প সময়ের মধ্যেই
সুস্থ বোধ করে।

একটু পরে চিহ্ন এসে জিজ্ঞেস করে, এখন কেমন লাগছে কেষ্টদা ?

—ভালোই। দাঁড়িয়ে রইলে কেন, বসো।

চিহ্ন যেন এই কথাটুকুরই অপেক্ষা করছিল। সুপ করে সে মাটিতে
বসে পড়ে বলে, আপনি কি এত ভাবছেন ?

—কে বললে ?

—আমি বুঝতে পারি !

কেষ্ট আশ্তে আশ্তে বলে, ঠিক ধরেছ, সত্যি খুব ভাবছি ।

চিহ্ন আবার জিজ্ঞেস করে, কি নিয়ে এত ভাবছেন ?

—শ্রামার আজ বিয়ে হয়ে গেল ।

—আপনার ভাইঝির ?

কেষ্ট ধীরে ধীরে শ্রামার কথা সব বলে । বলতে ভালো লাগে, তাই বলে যায় । চিহ্ন বলে নয়, গৌরী কি যে-কেউ থাকলে সে বলতো, কিছুতেই সে চেপে রাখতে পারতো না । শ্রামা শুধু কাকু কাকু বলে কাঁদতে কাঁদতে খুন্তরবাড়ি চলে গেছে ।

তুনে চিহ্নর চোখ জলে ভরে ওঠে । কান্নাভেজা গলায় বলে, তাই আপনার মন খারাপ হয়ে গেছে, না কেষ্টদা ?

কেষ্ট কোন উত্তর দেয় না ।

—মাহুষ কি করে এত নিষ্ঠুর হয় । শ্রামার বিয়েতে আপনাকে একবার ডাকলে না পর্যন্ত ?

—পাছে আমি বাধা দিই । হোজবরে মাস্টার, সেই কোন্ অজ পাড়ারগায়ে—

—বাধা দিলে তো ভালোর জন্মেই দিতেন ।

—কে বুঝবে বলো ? দাদা যে আমার—কেষ্ট কথা শেষ করতে পারে না ।

চিহ্নর সবটুকু সহানুভূতি কেষ্টর উপর গিয়ে পড়ে । উঠে দাঁড়িয়ে বলে, আপনি একটু বরং ঘুমিয়ে নিন ।

কেষ্ট কথামত শুয়ে পড়ে, চিহ্ন দরজা ভেজিয়ে দিয়ে চলে যায় ।

বিনোদ আজকাল সুযোগ পেলেই গৌরীকে গাড়ীতে নিয়ে একা

বেরিয়ে যায়। সেদিন শনিবার তাড়াতাড়ি রিহার্সাল শেষ হয়ে গেল।
পিনাকী এসেছিল প্রোগ্রামের ছবি তুলতে। চিহ্নকে নিয়ে তার আর
এক জায়গায় যাবার কথা। চিহ্ন ইতস্তত করতে গৌরী জোর দিয়েই
বলে, তুই যা না, আমাকে তো বিনোদবাবুই পৌঁছে দেবেন।

চিহ্নরা চলে গেলে বিনোদ গৌরীকে নিয়ে গাড়ীতে উঠে বসে।
বেহালা ছাড়িয়ে বিনোদের গাড়ী ডায়মণ্ড হারবারের পথে এগিয়ে যায়।
বিনোদ জিজ্ঞেস করে, তোমার বেড়াতে ভালো লাগে, না গৌরী?

—খু-উ-ব।

—কোথায় বেড়াতে যাও?

—আগে কেউদা নিয়ে যেত। বেহালায় আসার পর থেকে—

—আর যায় না, এই তো? আমি তো আগেই বলেছি, ও
লোকগুলো ঠিক ঐ রকম। তোমাকে ঘর থেকে বার করে আনার
জন্তে সব কিছু করবে, পরে একটা কথাও মনে থাকে না।

গৌরী গম্ভীর গলায় বলে, এখন তাই মনে হচ্ছে।

—তোমার কেউদা কি করেন?

গৌরী ইতস্তত করে উত্তর দেয়, ঠিক জানি না। শুনেছি কি ব্যরসা
করেন।

—কি জানি আমার মনে হয় না।

—কেন?

—ভালো রোজগার থাকলে কেউ ঐ বাড়িতে ওঠে। বদনাম হয়ে
যাবে না?

এ কথার উত্তর গৌরী দেয় না। বিনোদ বলে যায়, পরসী থাকলে
ভালো জায়গায় তোমার থাকার ব্যবস্থা করে দিত। লোকটার লজ্জা
বলে কোন পদার্থ নেই।

—ক’দিন বাদেই বিয়ে হবার কথা—

—লেজছে তো আরও দরকার। যার সঙ্গে ছ'দিন বাদে বিয়ে হবে তাকে কি হাফ্‌গেরস করে রাখা যায় ?

—আমি এত ভাবিনি।

—আমি তোমার কথা ভাবি বলেই বলছি। বাঁ হাতটা গৌরীর কাঁধের ওপর রেখে বিনোদ বলে, সত্যি বলছি, তুমি ওকে জিজ্ঞেস করো, এরকম অপমান সহ্য করো না।

গৌরী কঁদে ফেলে, কেঁদে ছাড়া আমার যে আর কেউ নেই।

বিনোদ এই সুযোগই খুঁজছিল। গাড়ী বাঁ দিকে পার্ক করে গৌরীকে কাছে টেনে নেয়। কেন, আমি তো রয়েছি।

গৌরী তখনও ফুঁপিয়ে ফুঁপিয়ে কাঁদে।

—গৌরী, তুমি কি আমার ভালোবাসতে পারবে না ? বিনোদ একটু থেমে আবার বলে, যেদিন তুমি প্রথম রিহাসাঁলে এলে সেদিন থেকেই তোমায় আমি ভালোবাসি। তুমি যাতে সুখী হও, যাতে বড় হও, সব ব্যবস্থা আমি করে দেবো।

গৌরী আজ নিজে থেকেই বিনোদের আঁহানে সাড়া দেয়। কয়েকটি সুন্দর মুহূর্ত কেটে যায়। এত আনন্দ কোন দিনই সে পায়নি।

বেলারাণীর প্রয়োজনায় ছবি উঠতে শুরু করেছে। মহরতের দিন বিশিষ্ট সাহিত্যিক ও সুধীবৃন্দের সামনে ক্লাপস্টিক হাতে বেলারাণীর প্রথম স্টু নেওয়া হয়। প্রভাত চেষ্টা করে কয়েকজন খ্যাতনামা লেখককে ধরে এনেছিলো। বেলারাণী সারাক্ষণ ব্যস্ত, কে এলো, তা দেখার সময় কোথায়।

বিনোদ কিন্তু এক কোণে ছুঁটি মেয়ে নিয়ে বসেছিলো, চিহ্ন আর গৌরী। এদের এতদিনের স্টুডিও দেখার শখ মিটলো। শ্যামলও বাদ যায়নি, এদের পেছ-পেছ ঠিক এসেছে। প্রভাতকে কাছে পেয়ে বলে, কি প্রভাতদা, আপনি তো নিয়ে এলেন না ?

প্রভাত শ্রামলকে দেখে প্রথমটা অবাক হলেও চিহ্নদের দেখে বুঝেছিলো, নিশ্চয় বিনোদ নিয়ে এসেছে। বললে, এসেছো তো, তবে আর কি।

শ্রামল চোখ টিপে বলে, ছবির মত নয় কিন্তু—

—কে ?

—বেলারাণী।

আবার সেই অসত্য কথা ! বিরক্ত হয়ে প্রভাত সেখান থেকে সরে যায়। বেলারাণীর কাছে গিয়ে বলে, বেলা, এদিকের কাজ শেষ হ'তে আর কত দেরি ?

বেলারাণী জিগ্যেস করে, কেন, তাড়া আছে নাকি ?

—হ্যাঁ, বাড়িতে—

—কি ব্যাপার ?

—পরে বলবো। তোমার গাড়ীটা আমায় ছেড়ে দেবে ?

বেলারাণীর সঙ্গে বিনোদের শুধু একবার কথা হয়েছিলো। বেলারাণী খোঁপা ঠিক করতে করতে জিগ্যেস করে, কি হলো, অনেক দিন আসনি যে ?

বিনোদ গম্ভীর স্বরে উত্তর দেয়, ব্যস্ত ছিলাম।

নতুন কথা ! বেলারাণী ক্র উচিয়ে তাকায়। প্রশ্ন করে—তোমাদের নাটক কবে ?

—পূজোর সময়।

বেলারাণী চিহ্নদের ইঙ্গিত করে বলে, ওরা কারা, নাটকের নায়িকা নাকি ?

বিনোদও ব্যাকা উত্তর দেয়, কেন আপত্তি আছে ?

—তা নয়, একটু ভালো দেখে যোগাড় করলেই পারতে।

—অ্যাক্টিং ভালো করে।

—তাই নাকি ? আমার ছবিতে নামাও না, তব্বে টাকা দেবো না ।

বিনোদ হাসে, সে দেখা যাবে ।

প্রভাত স্টুডিও থেকে যাবার সময় বেলারাগীর কাছ থেকে পঞ্চাশ টাকা চেয়ে নিয়ে গেল । বিশেষ দরকার, পরে ফেরত দেবে ।

বেলারাগী অমুরোধ করে, আমার বাড়িতে এসো, কি হয়েছে শোনার জন্তে বসে থাকবো ।

—সময় পেলেই আসবো ।

প্রভাত বেলারাগীকে কথা দিয়ে এসেছিল বটে গিয়ে দেখা করবে, কিন্তু পারে নি । অরুণার কাছ থেকে রমেশবাবুর শরীর খারাপ শুনেই প্রভাত মনে মনে যে আশঙ্কা করেছিল, তা সত্যি সত্যিই ঘটেছে । শেয়ার মার্কেটে উনি অনেক টাকা লোকসান দিয়েছেন । ভাগ্যবিপর্যয় একেই বলে ! যে সময় বাজার তেজী ভেবে লোহার শেয়ার কিনলেন সেই সময়ই দাম চার-পাঁচ টাকা পড়ে গেল । পঁচিশ-তিনিশ হাজার টাকা ঘর থেকে দিয়ে সে-যাত্রা বেঁচে গেলেন, কিন্তু এই টাকা উঠিয়ে আনতে গিয়েই মার খেলেন সবচেয়ে বেশি । বাজার মন্দা দেখে অনেক শেয়ার বেচলেন দাম পড়ে গেলে ধরে নেবেন মনে করে, কিন্তু পাকিস্তানে লীগ হারছে, খবর আসতেই শেয়ার বাজার গরম হয়ে উঠলো ; শেয়ার-পিছু ছ'-সাত টাকা লোকসান হয়ে গেল । এবার আর বাড়ি ঘর গন্ননা সব-কিছু বেচা ছাঁড়া উপায় রইল না । অরুণা যে সময় প্রভাতকে খবর দিয়েছিল তখন থেকেই দুঃসময়ের শুরু । রমেশবাবু ঘর বন্ধ করে চুপ করে বসে থাকতেন । হঠাৎ একদিন থুমবসিস অ্যাটাক হল, অরুণা গাড়ী পাঠিয়ে প্রভাতকে ডেকে আনলে । তারপর থেকে সব-কিছু ব্যবস্থাই প্রভাত করছে । ডাক্তারদের অনেক চেষ্টায় রমেশবাবু বেঁচে উঠলেন বটে, কিন্তু বাঁ দিকটা পক্ষাঘাতে পড়ে গেল ।

প্রভাত এ সময় অমাত্মিক খেটেছে। দিন নেই, রাত নেই কগীর সেবা করেছে। অরুণার মা সব সময় বলেন, প্রভাত আমার হুঃসময়ে যা করেছে নিজের পেটের ছেলে ছাড়া আর কেউ এমন করতে পারে না।

রমেশবাবু কিন্তু জড়ানো গলায় বলেন, আমার মরে যাওয়াই ছিল ভালো, কেন বাঁচালে ?

অরুণা চোখের জল সামলাতে পারে না, এ কি বলছো বাবা !

—ঠিকই বলছি মা, আর বেঁচে কি হবে ? ভাল করে তোর বিয়েটাও দিতে পারলাম না।

রমেশবাবুর এই অসহায় কান্নাকে একমাত্র প্রভাতই সামলাতে পারে, ফের বাজে কথা ভেবে কাঁদছেন, এ করলে শরীর সারবে কি করে ?

—সারিয়ে কি হবে ?

—সে আবার কি কথা ! শরীর ভালো হলেই আবার শেয়ার খেলবেন।

রমেশবাবু আঁতকে ওঠেন, আবার শেয়ার বাজারে ! না না, ওখানে না।

প্রভাত উৎসাহ দেয়—কেন, সব জিনিসের ভাল-মন্দ আছে। তাইতে এত ভেঙ্গে পড়লে কি চলে ? আপনার মত এত চমৎকার স্পেকুলেটিভ বুদ্ধি ক’জন বাঙালীর আছে ?

রমেশবাবু মুখে স্নান হাসি ফুটে ওঠে, একথা তুমি ঠিক বলেছো, কত মাড়োয়ারী আমার প্রশংসা করে বলে, বাঙালীবাবু বহৎ আচ্ছা বাজার কা চাল সমঝাতে হেঁ।

—তবে সে কি কম কথা !

—কিন্তু এখন যে সব গেল।

—ভাতে কি হয়েছে আবার হবে ।

কত রকম উৎসাহ দিয়ে, ডাক্তারদের কথামত শুশ্রূষা করে প্রভাত রমেশবাবুকে সারিয়ে তোলে । অরুণার মা মাঝে মাঝে বলেন, এই ছুঃসময়, কেউ এলো না । সবাই লোক দেখানো—

অরুণা চোখ বড় বড় করে বলে, প্রভাতদা না থাকলে কি হত মা-মণি ?

—ওর ঋণ কি আর আমরা শোধ করতে পারবো ?

—প্রভাতদা আজ বলছিলেন, এ বাড়ি ছেড়ে আমাদের ওর বাসাতেই নিয়ে যাবেন ।

অরুণার মা ক্লান্ত স্বরে বলেন, সে কি করে সম্ভব বুঝতে পারছি না । ওর ওখানে গিয়ে কি করে সবাই উঠবো ! উনি কি রাজী হবেন ?

—প্রভাতদা বাবাকে রাজী করাবেন বলেছেন, এ মাসেই তো বাড়ি ছেড়ে দেওয়ার কথা—

অরুণার মা হাউ-মাউ করে কেঁদে ওঠেন, কত সাধ করে এ বাড়ি করেছিলেন । এক কথায় ছেড়ে যেতে হচ্ছে ! ওঁর মুখের দিকে আমার চাইতে কষ্ট হয় ।

আশ্চর্য ক্ষমতা প্রভাতের ! অরুণার বাবাকে বুঝিয়ে নিজের বাসায় নিয়ে গেল । ইতিমধ্যে প্রভাত বাসা বদলেছিল । নীচে তিনখানা, উপরে ছ'খানা ঘরের ছোট্ট দোতারা বাড়ি । উপরের ঘর দুটিতে অরুণারা রইল, নীচে থাকে প্রভাত ।

রমেশবাবু জিজ্ঞেস করেন, এ ভাবে কতদিন চলবে ?

প্রভাত হেসে বলে, যত দিন দরকার ।

—তোমার এমন কি রোজগার ?

—চার জনের যথেষ্ট চলে যাবে ।

—এর চেয়ে আমার ঐ বাড়িটাই বিক্রি করে দিলেই ভাল হ'ত ।

—অত সাধ করে বাড়িটা করেছিলেন,—তাহাড়া মাসিক একটা আয়ও বাঁধা রইল—

রমেশবাবুর ব্যাঙ্কে যা টাকা ছিল তা সব বের করেও আরও কয়েক হাজার টাকার দরকার ছিল । প্রভাত রমেশবাবুর বাড়ি মর্টগেজ করে সব শোধ করে বাড়িটা ভাড়া দিয়েছে পাঁচশ' টাকায় । প্রভাত ভেবে রেখেছে, ঠিকমত খরচ বাঁচিয়ে চালালে বাড়ি মর্টগেজটাও ছাড়িয়ে নিতে পারব ।

রমেশবাবু বলেন, তুমি বুদ্ধি ঠিকই করেছো, কিন্তু এত দিন তোমার কষ্ট হবে—

প্রভাত মুখ নীচু করে বলে, আমার কি-ই বা ছিল ! আপনিই চাকরী করে দিলেন, তাইতো বেঁচে গেলাম ।

ভালো খবরের মধ্যে রমেশবাবুর ছুরবস্থার কথা শুনে প্রভাতের মালিক ওর মাইনে বাড়িয়ে দিলেন । মালিক মোহনলালজী নিজে এসে রমেশবাবুর সঙ্গে দেখাও করে গেছেন । প্রভাতের পিঠ চাপড়ে বললেন, বড় হ'সিয়ার আদমী আছে, বড় হবে একদিন ।

রমেশবাবুর চোখে জল আসে, এর মনটা যে কত বড়, তা আপনাকে কি করে বোঝাব !

মোহনলালজী চিরকাল কলকাতায় মাহুষ । পরিষ্কার বাংলা বোঝেন । বললেন, খুব ভাল কথা, বাবুকে জামাই করে নিন ।

একথা রমেশবাবুর অসুখ হবার আগে কখনও ভাবেননি ! খুব ধুমধাম করে অরুণার বিয়ে দেবেন বলেই ঠিক করেছিলেন । কিন্তু এ অবস্থায় কি করে যে অরুণার বিয়ে দেবেন তাই ভেবে স্থির করে উঠতে পারছেন না । মোহনলালজীর কথার উত্তর দিতে গিয়ে তাঁর চোখ ছলছল করে ওঠে, আমার তো সবই গেছে, শুধু হাতে অরুণাকে—

প্রভাত বাধা দিয়ে বলে, ও সব কথা কেন ভাবছেন ? অরুণার মত মেয়েকে যে পাবে সে-ই নিজেকে ভাগ্যবান মনে করবে ।

মোহনলালজী উৎসাহ দিয়ে বলেন, সেই কথাই তো বলছি । আপনি শাদির সব ব্যবস্থা করে নিন । খরচা যা হবে আমি আপনাকে দেবো । আপনি আমার কত উপকার করেছেন ।

রমেশবাবু সজল চোখে বলেন, ভগবান আপনার মঙ্গল করুন ।

মোহনলালজীকে নিয়ে প্রভাত নীচে চলে গেলে অরুণার মা রমেশবাবুর ঘরে এসে চোকেন । রমেশবাবুর চোখ দিয়ে তখনও জল পড়ছে ।

—কি হয়েছে গো, চোখে জল কেন ?

—প্রভাতকে জামাই করবো ঠিক করলাম ।

অরুণার মার মুখ হাসিতে ভরে যায়, এ তো খুব ভাল কথা । আমি রোজই বলবো বলবো ভাবি, বলে উঠতে পারি না ! অরুণাতো প্রভাতদা বলতে অজ্ঞান ! প্রভাতও অরুণার জন্তে যে কি করে তা না দেখলে বুঝতে পারবে না ।

ইতিমধ্যে বেলারাগী ছ'বার গাড়ী পাঠিয়েছিলো প্রভাতের কাছে । প্রভাত যেতে পারেনি । ড্রাইভার ফিরে গিয়ে জানিয়েছিল, বাড়িতে অসুখ আছে, বাবু আসতে পারলেন না ।

বেলারাগী জানতো প্রভাত এখানে একা থাকে, অতএব তার বাড়িতে আর কার অসুখ করতে পারে, ভেবে পেল না । তবে কি ওর বাবা-মা এখানে ফিরে এসেছেন ? যাই হোক সন্দেহভঞ্নের জন্তই একরকম বেলারাগী নিজেই আজ প্রভাতের বাড়ি এসে হন' দিল । প্রভাত বাড়ি ছিল না, অরুণা এসে হাসিমুখে অত্যাধর্না করে, আসুন, নামবেন না ?

—প্রভাতবাবু বাড়ি নেই ?

—তাতে কি হয়েছে, আমি তো আছি।

অরুণার কথা শুনে বেলারাগীর মনে কেমন যেন খটকা লাগে, তবে কি তার সঙ্গে প্রভাতের বিয়ে হয়ে গেছে ! বেলারাগীকে একবার জানালও না ? চট করে দেখে নেয় অরুণা মাথায় সিঁদুর দিয়েছে কি না। তা না দেখে খানিকটা আশ্বস্ত হয়ে নেমে পড়ে।

নীচের বৈঠকখানায় তারা দু'জনে বসে। কি করে কথা শুরু হবে কেউ-ই ভেবে পায় না। এর আগে দু'জনের একবার মাত্র দেখা হয়েছিল সিনেমায়, তারপর এই দেখা। এর মধ্যে অনেক পরিবর্তন হয়ে গেছে। তবু অরুণা সেই কথাই তোলে। প্রভাতদার সঙ্গে মেট্রোতে আপনাকে দেখেছিলাম, তখন থেকেই আলাপ করার ইচ্ছে ছিলো।

বেলারাগী হেসে বলে, তবু তো আলাপ করেন নি, আমি নিজে এসে আলাপ করলাম।

—কি করবো সময় পাইনি।

—ঐটাই পাওয়া শক্ত।

—বাবার বড় অসুখ যে—

—কি হয়েছে ?

অরুণা সংক্ষেপে সব কথা বলে। সত্যি, প্রভাতদা না থাকলে যে আমাদের কি হত ?

বেলারাগী মন দিয়ে শুনছিলো, চোখে জল এসে পড়ে, সত্যিই বড় ভালো লোক। তাছাড়া প্রভাত যে তোমায় প্রাণ দিয়ে ভালবাসে অরুণা !

বেলারাগীর মুখ থেকে একথা শুনতে অরুণার অদ্ভুত লাগে। বেলারাগী আবার বলে, তুমি বললাম বলে রাগ করো না, আমি তোমার চেয়ে অনেক বড়। তুমি খুব ভাগ্য করেছ। তা না হলে এমন স্বামী কেউ পায় না।

অরুণার মুখ লজ্জায় লাল হয়ে ওঠে ।

—আমি প্রভাতবাবুর মুখে তোমার কথা প্রথম দিন শুনেই
খুবেহিলাম, তোমাদের ছ’জনের জুড়ি মিলবে খুব চমৎকার ! প্রভাত-
বাবুকে কত দিন বলেছি, উত্তর পাইনি । বল তো শুভদিনটা কবে ?

—পূজোর পর, বোধ হয় অত্রান মাসে ।

অরুণা বেলারানীকে বসিয়ে খাওয়ালো, শুধু তাই নয়, জোর করে
উপরের ঘরে নিয়ে গেল বাবা-মা’র সঙ্গে পরিচয় করবার জন্তে ।
বেলারানী দশ মিনিটের জন্তে এসে অরুণার কাছে ছ’ঘণ্টা আটকে
গেল । কিন্তু এতটুকু তার খারাপ লাগে নি । মনে হয়েছে কত দিনের
পরিচিত এরা ! বিশেষ করে অরুণার ব্যবহারে সে মুগ্ধ হয়েছে সবচেয়ে
বেশি । এতটুকু মেয়ের কি গিল্পীপনা ! কত সহজে বেলারানীর সঙ্গে
‘দিদি’ সম্বন্ধ পাতিয়ে নিলে । আদ্যার করে বললে, এবার থেকে
বোনের কাছে আসতে হবে কিন্তু, শুধু প্রভাতবাবু প্রভাতবাবু করলে
চলবে না বেলাদি !

তার বলার ধরনে বেলারানী হেসে ফেলে, নিশ্চয় আসবো । যা
নেবুর আচার খাইয়েছো । প্রভাতবাবুকে একদিন যেতে বলো । গুর
বই উঠতে আরম্ভ করেছে ।

—আমিও একদিন স্টুডিও দেখতে যাবো ।

—নিশ্চয় যাবে, আমায় খবর দিও, তুলে নিয়ে যাবো ।

—কি মজা হবে, প্রভাতদা কিছুতেই নিয়ে যায় না ।

—দেখো তোমার প্রভাতদা আবার আমায় না দোষ দেয় ।

অরুণা মাথা ছলিয়ে বলে, না না আপনাকে কিছু বলবে না । এখন
বলুন আবার কবে আসবেন ?

—চেষ্টা করবো, ছ’চার দিনের মধ্যেই ।

—না বলুন, আসবেন শনিবার দিন ?

বেলারানী হেসে ফেলে, বেশ আসবো।

—আমি বসে থাকবো কিন্তু।

—আচ্ছা, আচ্ছা, বলে হাসতে হাসতে বেলারানী গাড়ীতে গিয়ে বসে।

অনন্ত-কেবিনে আবার হৈ-হৈ হলোড়। আশ্বিন মাস পড়ে গেছে। আর ক’দিন বাদেই পূজো; তারই তোড়জোড় চলছে। এ বছর প্রথম পূজোর সঙ্গে একজিবিশানের আয়োজন হয়েছে। প্রায় পঞ্চাশ ঘর দোকান বসবে, সে ও তো কম কথা নয়। কেউ বুদ্ধি না দিলে এ কাজে পূজো কমিটি হাতই দিত না। দু-এক ঘর দোকান বসবে বলে কাজ আরম্ভ হয়েছিল, এখন বেড়ে ক্রমে ক্রমে পঞ্চাশ ঘরে এসে দাঁড়িয়েছে।

আন্তদার দোকানে পাড়ার ছেলেদের আবার ভিড় জমছে, যেমন জমেছিল রাঘব বোয়ালের ইলেকুশানের সময়। ভোতন, ল্যাংচা, বিস্ত সবাই সকাল থেকে কাপের পর কাপ চা ওড়াচ্ছে আর নতুন নতুন প্ল্যান ঠিক করে সারাদিন কাটিয়ে দিচ্ছে।

ভোতন বললে, দেখলি, শালা রাঘব বোয়ালের কাণ্ডটা, মাত্র পাঁচ টাকা চাঁদা দিয়েছে।

বিস্ত বলে, আমি তো ভেবেছিলাম, একটা পয়সাও দেবে না—

—কেন, পাড়ার পূজো?

—সেই জন্তেই তো আরও দেবে না। শুনবি হয়তো বাগবাজারে, চোরবাগানে, কাঁড়ি কাঁড়ি টাকা ঢেলেছে।

—যা যা, ও সব মজ্জেলকে খুব জানি। প্যাঁচে না পড়লে শালারা টাকা বার করে না।

ইতিমধ্যে কেউ এসে ঢোকে। ছেলেদের দিকে এগিয়ে যেতে যেতে বলে, ব্যাপার কি রে? এত বেলা পর্যন্ত সব বসে গুলতানী করা হচ্ছে, মাঠে গিয়ে ঝাঝ কাজকর্ম হচ্ছে কি না—

ভোতন চট করে খামিয়ে দেয়, ও নিয়ে ভেবো না কেউদা ! সব ঠিক আছে, আমরা পালা করে পাহারা দিচ্ছি ।

আশুদা বলেন, প্যাণ্ডেলে অনন্ত-কেবিনের যে ত্রাণ খুলব, দেখবে সেখানে কি জিনিস দিই ।

ল্যাংচা জিজ্ঞেস করে, সে যাই দিন আশুদা, তলেটিয়াররা ক্রী খেতে পাবে তো ?

—পাগোল নাকি, তাহলে তো আমাকেই খেয়ে ফেলবে ।

—সে এমনিতেও খাবো ওম্নিতেও খাবো । আমরা ছাড়ব না—

আশুদা কপট ভয়ের ভান করে বলেন, কেউ ব্যাপার শুনছ ? এ হলে আমি দোকান খুলছি না তায়্য ।

কেউ হেসে উত্তর দেয়, আপনার কাছে আবদার করবে না তো কার কাছে করবে বলুন । যাই হোক আমি নিয়ম করে দেবো, দু'বেলা এক কাপ করে চা ক্রী পেলেই হবে ।

—ওতে আমার আপত্তি নেই । চা ক্রী পাবে, কিন্তু 'টা'টা পরসাদ দিয়ে কিনতে হবে ।

শুধু যে এ ভাবে হাসি-ঠাট্টা চলে তাই নয়, কি ভাবে কাজ হবে কোন্ ঘরে কিসের দোকান বসবে সব কিছুই আলোচনাই এইখানে । এককথায় বলতে গেলে অনন্ত-কেবিন পূজা কমিটির সদস্যদের অফিস ! কেউ এখানে ক'দিন থেকে দশটা-পাঁচটা কাজ করছে, বলতে গেলে তার ওপর সমস্ত ভার । ডেকরেটার, ইলেকট্রিশিয়ান, প্রতিমা গড়ার শিল্পী, অতগুলো দোকানদার, সকলের সঙ্গে মাথা ঠিক করে কাজ করা সহজ কথা নয় । ফ্যাকুড়া তো লেগেই আছে, এটা হয় তো ওটা হয় না, সব দিক মানিয়ে নিয়ে কাজ করতে একমাত্র কেউই পারে ।

এই ভাবে চললো প্রায় দিন পনেরো । নাওয়া নেই, খাওয়া নেই, ছুটাছুটি দোড়াদোড়ি । আশুদা, শ্যামল, কেউ আর তার সান্নোপাল

সকলের অক্লান্ত পরিশ্রম। অবশ্য ফল খুব ভাল হ'ল। বগীর আগের দিন সব কাজ শেষ। বগীর দিন পূজোর মণ্ডপ আর প্রদর্শনী আলোর ঝলমল করে উঠল। সকলের মুখেই এক কথা, এ রকম পূজো এ পাড়ায় কখনও হয়নি। কেউর জয়-জয়কার।

পূজোর ক'দিন ভীষণ ভীড়, সকাল থেকে রাত পর্যন্ত লোকের শেষ নেই। বরং দুপুরের দিকে কম, কিন্তু সন্ধ্যার পর আলো জ্বললে কাতারে কাতারে লোক আসে। প্রতিমা দেখতে নয়, প্রদর্শনী দেখতে। প্রতিমা খুব ভালো হয়নি। আগের বছরের মতও নয়। কারণ, কেউরা সব চেয়ে কম টাকা খরচ করেছে প্রতিমা গড়ানর জন্তে। কেউ বলে ও তো পরসো নষ্ট। পূজোর সামগ্রীও যত কম খরচ হয় ভাল—

আন্তদা যুহ আপত্তি করেছিলেন, তা বলে প্রতিমা গড়ার খরচ কমিয়ে দেবে, পূজো তো মায়েরই ?

—কেউ প্রতিমা দেখে না আজকাল। এতো বছর তো খুব ভাল ভাল প্রতিমা করেছেন, লোক এসেছে দেখতে ? এইবার দেখবেন ভিড়। ডেকরেশানে কত খরচ করেছি দেখেছেন ? ফাস্ট ক্লাশ সাজিয়ে হবে। আলোর চকী ঘুরবে, মাইকে গান দিচ্ছি, ভীষণ জমবে।

কেউর কথা মিথ্যে হয়নি। ঝলমলে আলো, রেকর্ডের গান আর দোকানের মেলা টেনে এনেছে অসংখ্য লোক, সব পাড়া থেকে। ভোতনরা ভলেন্টিয়ারের ব্যাজ লাগিয়ে ব্যস্ত হয়ে ঘুরে বেড়াচ্ছে। প্রদর্শনী দেখার পথ দড়ি দিয়ে ছ'ভাগ করা। ছেলেদের আর মেয়েদের আলাদা ব্যবস্থা। কোন্ কোন্ ভলেন্টিয়ার মেয়েদের দিকে ডিউটি পাবে, তাই নিয়ে নিজেদের মধ্যে প্রায় মারামারি হবার ষোগাড়। শেষ পর্যন্ত কেউকে এসে ডিউটির ব্যবস্থা করে দিতে হয়।

আন্তদার দোকানে চা-সরবৎ খুব বিক্রি হয়। বলতে গেলে আসল দোকানে এখন উনি বিশেষ কোন ব্যবস্থাই রাখেন নি। সবাইকে নিয়ে

প্যাণ্ডেলে চলে এসেছেন। কেউ রোজ জিজ্ঞেস করে, কেমন বিক্রি হল আশুদা ?

—মন নয়। হৈ-হৈও হচ্ছে, কাজও হচ্ছে। প্রত্যেক বছর একজিবিশান করো হে, আর অনন্ত-কেবিনের জন্তে একটা স্টল বাঁধা।

—আমার দোকানও খারাপ চলছে না।

—হ্যাঁ, শ্যামল তাই বলছিলো—

—ছেলেটা খুব কাজের আছে।

কেউর দোকান প্রদর্শনীর এক কোণে। কিন্তু জায়গাটা ভাল। সকলকেই একবার এদিকে আসতে হয়। জিনিস-পত্র বেশি না থাকলেও বিক্রি ভালই হচ্ছে। ফাউন্টেনপেনের কালী, মুখে মাখা পাউডার, কতকগুলো সস্তার বই, লজেন্স, চকোলেট, কাপড়কাটা সাবান, এই হ'ল বিক্রির সামগ্রী। যা সব চেয়ে বেশি চলে তা হোল লজেন্স আর বিস্কুট।

শ্যামল চৌকস ছেলে, জিনিস বিক্রি করার ক্ষমতা ওর আছে। শ্যামল ছেলে মেয়েদের হাতে লাগিয়ে দেয়, বয়স অনুযায়ী মা কিংবা দিদি কলে সযোজন করে, এই যে মেখে দেখুন না একবার। জিনিস ভাল না হলে দাম ফেরত দেব।

এক বুদ্ধা নেড়ে-চেড়ে বলেন, কত দাম বাবা ?

—মাত্র এক টাকা, বিলিতি মাল।

—বিলিতি জিনিস এক টাকায় হয় ?

—লাভ করে তো বিক্রি করছি না মা, পুজোর মণ্ডপে কি কেউ ব্যবসা করতে আসে। কোটার পেছনে লেখা আছে, দেখুন—শ্যামল নিজেই কোটো উন্টে দেখিয়ে দেয় লেখা আছে, মেড ইন্ দি গ্রেট ব্রুটেন কোং। বলে, বললাম বিলিতি জিনিস।

—তাহলে দাও বাবা, এক কোটো নিয়ে যাই।

বুঝা পাউডার নিয়ে চলে যায়। লক্ষণ জিজ্ঞেস করে, সত্যি বিলিতি মাল নাকি শ্যামল ?

লক্ষণের সঙ্গে শ্যামলের ভাব কালীর আড্ডায়। এ পাড়ায় বাড়ি, তাই সময় পেলেই দোকানে এসে বসে। শ্যামলও খুশি হত দোকানে একজন সঙ্গী পেয়ে।

—দূর গাধা, লেখা আছে দি গ্রেট বুটেন কোম্পানী। লোকে ভাবে বিলিতি মাল।

—যাদের মাল তাদের কত দিবি ?

—কোটো পিছু আট আনা।

—বলিস কি রে, এত লাভ ?

শ্যামল হাসে। উত্তর না দিয়ে চোঁচাতে শুরু করে, এই যে ফাউণ্টেন পেনের দিশি কালি, মুখে মাখার বিলিতি পাউডার, ছবিব বই, বাচ্চাদের লজেন্স—

এক খদ্দরপরা ভদ্রলোক আসেন, দেখলেই মনে হয় সেই ধরনের লোক খারা ভুলেও বিলিতি জিনিস ব্যবহার করেন না। জিজ্ঞেস করলেন, ফাউণ্টেনপেনের কি কালি ভাই ?

শ্যামল কালির শিশি এগিয়ে দেয়, এই যে দাদা, এক শিশি মসী—

—মসী, ভাল নাম দিয়েছে। দেখতেও বেশ—

—শুধু দেখতে নয়, কালিও খুব ভাল। যে কোন বিলিতি কালির সমান। এই দেখুন—বলে শ্যামল পকেট থেকে ফাউণ্টেনপেন বার করে দেয়, আমি তো ছ’বছর থেকে শুধু এই কালি ব্যবহার করছি।

ভদ্রলোক কাগজে ছ’-একবার নাম সই করলেন, ভালই মনে হচ্ছে, কত দাম ?

—আট আনা।

ভদ্রলোক পরসা দিয়ে চলে গেলেন। শ্যামল আট আনাটা বাজিয়ে এক মুঠো—১৬

মিয়ে বলে, চার আনা লাভ । শালা কলমে ভরলেই নিবের বারোটা বেজে যাবে ।

—কেন, তোর কলম তো বেশ চলছে ।

শ্যামল হাসে, তুইও যেমন, ওতে তো বিলিতি কালি ভরা আছে ।

মদনের সঙ্গে একদিন এখানেই দেখা । বাড়ির মেয়েদের নিয়ে প্রতিমা দেখতে এসেছে । শ্যামল পিঠ চাপড়ে জিজ্ঞেস করে, আমাদের পোস্টঅফিস কেমন চলছে রে, মহুদার চিঠি পেতে অসুবিধা হয় না তো ?

মদন উত্তর দেয়, মহুদা খুব খুশি । দিনে দুটো করে চিঠি ছাড়ে ।

—সত্যি নাকি । দোকানদারটা তো মাইরি লাল হয়ে গেল ।

—তা আর বলতে, মাসে প্রায় তিরিশ টাকা ।

—শেষ পর্যন্ত হবে কি বলতো ?

—হয় বিয়ে, না হয় আত্মহত্যা । নন্দিতা না করলেও মহুদা তো নির্ধাত । একটু থেমে মদন জিজ্ঞেস করে, এ দোকানটা কার ?

—কেউদার, তবে আমারও বলতে পারিস ।

—আসব আর একদিন ।

মদন বাড়ির লোকদের সঙ্গে চলে যায় ।

সেদিন অষ্টমী পূজো । শ্যামল সকালে এসেই, ধূপ ধূনো জ্বলে দোকানঘর সুবাসিত করে রেখেছে । ভিড় আজ অসম্ভব রকম বেশি । সব সময় দোকানে চার-পাঁচজন থন্দের । এক ভদ্রলোককে মসী কালির গুণাগুণ ব্যাখ্যা করছিল এমন সময় মেয়েদের দিক থেকে একজন মিহি গলায় জিজ্ঞেস করে—এ বইটার দাম কত ?

শ্যামল বইটার দিকে তাকিয়েই জবাব দেয়, শারদীয়া সংখ্যা, অনেক ছবি আছে । দাম মাত্র দু'টাকা—আর এ বইটা ।

যে ভদ্রলোক কালি কিনছিলেন তাঁকে অপেক্ষা করতে বলে

শ্রামল মেয়েটির দিকে এগিয়ে যায়। ভাল করে তাকিয়ে দেখে সে নন্দিতা। শ্রামল হেসে জিজ্ঞেস করে, একলা নাকি ?

—না মা'রা এসেছেন। ঐ দোকানে আচার কিনছেন।

—যত ভিড় ঐ দোকানে, এ দিকে কেউ আসেই না।

কথার ধরনে নন্দিতা হেসে ফেলে, দোকানে তো কিছুই নেই, কি কিনতে আসবে শুনি ?

—বাঃ, এই তো কত জিনিস রয়েছে।

নন্দিতা একটা বই তুলে নিয়ে বলে, এইটে নিচ্ছি। ব্যাগ থেকে পাঁচ টাকার নোট বার করে দেয়। বাকী পরস্যা ফেরত দেবার সময়ে শ্রামল নীচু গলায় জিজ্ঞেস করে, চিঠি ঠিকমত পাচ্ছেন ?

—পাই। বলেই নন্দিতা ব্যস্তভাবে সামনের দিকে তাকায়, ঐ যে মা'রা আসছেন আমি যাই।

শ্রামল অল্প দিকে ফিরে গিয়ে দেখে, ভদ্রলোক চলে গেছেন। সে নিয়ে ওর দুঃখ হয় না। ভাবে, কতক্ষণ রসিয়ে রসিয়ে মদনের কাছে নন্দিতার কথা বলবে।

সন্ধ্যার পর অরুণাকে নিয়ে প্রভাত এলো একজীবিশান দেখতে। সে জানত কেউ, আশুদা দোকান খুলেছে, একবার না গেলে দুঃখ করবে।

সত্যিই প্রভাতদের দেখে কেউর আর আশুদার আনন্দের সীমা থাকে না। আশুদা বার বার বলেন, প্রভাত তোমার ভাগ্য ভালো, এমন লক্ষ্মীমন্ত মেয়ে পেয়েছ। সুখী হও মা, খুব সুখী হও। আমার দোকানে কি খাবে বল ?

অরুণা বাধা দিয়ে বলে, এখন আর কেন কষ্ট করবেন ?

—তা হবে না। আশুদার দোকানে প্রথম দিন এসেছো কিছু খেতেই হবে।

আশুদা ছাড়লেন না, যত্ন করে বসিয়ে খাওয়ালেন। প্রভাত এক সময় কেঁটকে জিজ্ঞেস করে, খিয়েটার দেখতে বাচ্চিস কাল ?

—কি করে বাবো একজিবিশান ছেড়ে ?

—একবার যাস, গৌরী ভালো পার্ট করছে।

—দেখি যদি সময় পাই।

—গৌরী-চিহ্ন আজ এখানে আসবে বলেছিলো।

—এখনও আসেনি, হয়তো রিহাসাল গেছে, রাত করে আসবে।

আশুদার কাছ থেকে বিদায় নিয়ে প্রভাতরা কেঁটর সঙ্গে প্রদর্শনীর মধ্যে ঘুরে বেড়ায়। অরুণাকে অবশ্য মেয়েদের পথ ধরেই চলতে হয়।

প্রভাত জিজ্ঞেস করে, তোদের বিয়ের কি হল ?

—এসব ঝামেলা চুকলে পর দেখা যাবে।

—বেশি দিন ফেলে রাখিস না।

—না ভাবছি, দু'এক মাসের মধ্যেই।

প্রভাত হেসে বলে, আয় সামনের অদ্রান মাসে দু'জনে ঝুলে পড়ি।

—দেখি, কেঁট ছোট্ট উত্তর দেয়।

গৌরী, চিহ্ন আর বিনোদ সেই সন্ধ্যাতেই দোকান দেখতে এলো বটে, তবে বেশ রাত করে।

শ্রামল গৌরীদের দেখে খুশি হয়, তবু অহুযোগ করে বলে, বাবা, কত রাত করলেন ?

গৌরী হাসে, কি কব্বো, রিহাসাল শেষ করে আসবো তো ?

—কাল কি রকম হবে ?

—মনে তো হচ্ছে, ভালোই।

—আমার বোধ হয় দেখা হবে না, দোকানে একজনকে থাকতে হবে তো ?

বিনোদ ঠাট্টা করে বলে, এই তো দোকানের মাল, ও ফেলে রেখে গেলেও কেউ নেবে না। যাকগে তোমার কেউদা কোথায় ?

—প্রভাতদার সঙ্গে বেরিয়েছেন, এখন আসবেন।

—বলো, আমরা এসেছিলাম। প্রায় আধ ঘণ্টা এদিক-ওদিক ঘুরে কেউ না আসায় ওরা গাড়ীতে ফিরে যায়।

পরদিন সকালে উঠে স্নান সেরে গৌরী তৈরি হয়ে রইল বিনোদের সঙ্গে বেরবে বলে। রান্নাবাড়ার হাসান নেই। পুজোর ক’দিন কেউ বা শ্রামল বাড়ি ফেরে না খেতে। রাত্রেও দেরি হয়ে গেলে শ্রামল কেউর বাড়িতে গিয়ে শোয়, এত দূরে বেহালার আর আসে না। কথাই ছিল আজ সকালে বিনোদ গৌরীদের নিয়ে যাবে ষ্টেজ সাজাতে। কিন্তু চিহ্ন যে সকালে যেতে পারবে না, গৌরী আগে থেকেই জানত। কারণ পিনাকীর জন্তে রান্না করে রাখতে হবে তাকে।

বিনোদের গাড়ী আসতেই দরজা বন্ধ করে গৌরী গিয়ে গাড়ীতে উঠে বসে। বিনোদ একমুখ হেসে অভ্যর্থনা করে, বাঃ একেবারে তৈরি যে !

—আমি কি কোন দিন দেরি করি ?

—চিহ্ন কোথায় ?

—ঘরে পিনাকী আছে তাই আর ডাকিনি। এখন কোথায় যাবে ?

—বাড়িতে।

গাড়ী চলতে চলতে গৌরী জিজ্ঞেস করে, চিহ্ন যদি আসত তাহলে কি করতে ?

—তা হলে স্টেজে যেতে হত, সারা সকালটা নষ্ট।

—পার্ক সার্কাসের বাড়িতে পৌঁছে বিনোদ গৌরীকে নিয়ে বারান্দায় বসে।

—গৌরী, তুমি এই খিয়েটারে পার্ট করতে না এলে তো আলাপ হত না।

—সত্যি।

—কি আশ্চর্য বলতো। কোথায় ছিলে তুমি আর কোথায় ছিলাম আমি। কার সঙ্গে যে কি ভাবে আলাপ হয়, তা আগে থেকে কে বলতে পারে ?

গৌরী ঠিক এই কথাই নিজের মনে অনেক বার ভেবেছে। মনে মনে চিহ্নকে ধন্যবাদও দিয়েছে এই রিহাসাঁলে নিয়ে আসার জন্তে।

বিনোদ আবেগভরা গলায় বলে, আমার স্থিতি কিসে জানো ? শুধু এই ভেবে যে, তুমি আমার বুঝতে পেরেছো।

—তোমাকে না বোঝার কি আছে ?

বিনোদ ম্লান হেসে বলে, এতদিন তো কেউ বুঝলো না—যাক্গে সে-কথা, তোমার কেউদার সঙ্গে এর মধ্যে আর কোন কথা হয়েছিল ?

—কি নিয়ে ?

—এই খিয়েটার, কি আমাদের বিষয়ে ?

—না, পূজোর ক’দিন দেখাই হচ্ছে না। সারা দিনই প্যাণ্ডেলে থাকেন।

—চিহ্ন ?

—ওর সঙ্গে কথা বলতে আর ভাল লাগে না, বড় ব্যাকা ব্যাকা কথা বলে।

বিনোদ প্রাণ খুলে গৌরীর সঙ্গে গল্প করে। ফেল-আসা দিনের কত কথা, কত কাহিনী। এক সময় হঠাৎ উঠে দাঁড়ায়ে বলে, স্টেজটা ঘুরে আসি চল, সত্যি আজকের হাজিমা চুকলে বাঁচি।

—তোমার ওপর বড় চাপ পড়ে, না ?

—খিয়েটার করার শখ আমার ছোটবেলা থেকেই। তবে এ

বহর এক নাগাড়ে অনেক দিন কলকাতার আছি। আর ভালো লাগছে না, বাইরে কোথাও গেলে হত।

—কোথায় ?

—কার্দিয়াঙে আর পুরীতে আমার বাড়ি আছে। প্রত্যেক বছর অন্তত একবার যাই, এবার বেরুতে পারি নি।

গৌরী বিনোদের দিকে তাকিয়ে বলে, নতুন নতুন জায়গায় গেলে বেশ মজা লাগে, না ? বাংলার বাইরে আমি কোথাও যাইনি।

—আমার সঙ্গে যাবে, যেখানে তোমার খুশি।

—কি জানি, আমার ভাগ্যে আছে কি না।

বৈঠকখানায় গৌরী ব্যাগ রেখে এসেছিল, নেবার জন্তে হুজুনেই ঘরে ঢোকে। বিনোদ গৌরীর কাঁধের ওপর হাত রেখে গাঢ় স্বরে বলে, আমাকে বাঁচতে দিও গৌরী !

—একথা কেন বলছ ?

—তোমাকে ছাড়া আমি বাঁচতে পারবো না সত্যি বলছি, আমার কথা একটু ভেবো।

গৌরী বিনোদের চোখে চোখ রেখে নরম গলায় বলে, সব সময়ই তো ভাবি।

—সত্যি বলছো, বলেই বিনোদ গৌরীকে জড়িয়ে ধরে চোখে-মুখে চুমু খায়।

গৌরী আজ সম্পূর্ণ ভাবে বিনোদের কাছে ধরা দিয়েছে। বিনোদ গৌরীর কানে কিস-ফিস করে বলে, তোমাকে আমার সব দেবো গৌরী, যদি আমার কাছে আস। এই বাড়িতে তুমি থাকবে, চাকর, খি, বামন সব থাকবে। তার ওপর আমাকে তো পাবেই।

গৌরী চাপা গলায় বলে, অত বোল না লক্ষ্মীটি, এত কিছ আমি চাই না—

বাড়ি থেকে বেরিয়ে বিনোদ আর গৌরী স্টেজে অল্প সময়ের জন্য দাঁড়িয়ে, খেতে গেল রেস্টোরাঁয়। যত না খাওয়া হল, কথা হল তার চেয়ে অনেক বেশি। বিনোদের গলা গম্ভীর, ধমধমে স্বর, আজ তো থিয়েটার শেষ, তার পর ?

গৌরীর দীর্ঘশ্বাস পড়ে, আমিও তাই ভাবছি।

—তাহলে কি করবে বল ?

—বল।

—সিনেমায় অভিনয় করবে বলে চলে এস।

—কোথায় ?

—আমার সঙ্গে প্রভাতের যে ছবি উঠছে তা বেশির ভাগ আমার টাকায়। আমি বললে ওরা তোমায় নিতে বাধ্য।

—কেউদা কি মত দেবেন ?

—টাকা পাবে শুনলেই দেবে।

—বোধ হয় তাই।

বিনোদ গৌরীর হাতের ওপর হাত রেখে বলে, কথা দাও গৌরী তুমি আসবে ?

গৌরী মস্তমুণ্ডের মত সম্মতি জানায়, আসব।

সন্ধ্যাবেলা থিয়েটার দেখতে এলো অনেকে। বিনা পয়সায় নাটক দেখার ভিড় এদেশে সব সময়েই পাওয়া যায়। সামনের সারিতে প্রভাত আর অরুণা বসেছিল। বেলারাগী এসে বললে, প্রভাতবাবু উঠুন, আমি অরুণার পাশে বসবো। কথামত প্রভাত উঠে যায়। অরুণা কিন্তু গম্ভীর হয়ে বলে, আপনার সঙ্গে আড়ি হয়ে গেছে বেলাদি।

—কেন, কি হল ?

—বাঃ, শনিবার এলেন না যে !

—তাতে কি হয়েছে, এই শনিবার যাবো, বিজয়ার পরে গিয়ে মা-বাবাকে প্রণাম করে আসব।

অরুণার নাটক দেখতে মন্দ লাগে না, গল্পটা বেশ হাসির। বেলারাণী কিন্তু পাশে বসে সারাক্ষণ খুঁত ধরে গেল, কারুরই নাকি অভিনয় মনের মত হচ্ছে না, দৃশ্যসজ্জা, রূপসজ্জা সবের মধ্যেই গলদ আছে। নাটক শেষ হতে দশটা বাজে। কিছু লোক আগেই উঠে গিয়েছিলো, বার শেষ পর্যন্ত ছিল হাততালি দিয়ে বাহবা দিলে।

সিট থেকে উঠে গিয়ে বারান্দায় দাঁড়িয়ে প্রভাত অরুণা আর বেলারাণী গল্প করছিল। বেলারাণী জিজ্ঞেস করলে, ঐ মেয়েটি কে, যে বন্দনার পার্ট করলে?

প্রভাত উত্তর দেয়, গৌরী।

—নতুন বোধ হয়, আগে তো দেখিনি। গলাটা মন্দ না।

—চিহ্নর বন্ধু।

—চিহ্নকে অনেক থিয়েটারে দেখেছি, বড্ড খারাপ পার্ট করে।

বিনোদ 'গ্রীনরুম' থেকে ব্যস্ত হয়ে বেরিয়ে আসে। জিজ্ঞেস করে, কি রকম লাগলো?

বেলারাণী হেসে বলে, বেশ ভালই তো। তুমি খুব স্বাভাবিক করেছো।

বিনোদের পার্ট-ই বোধ হয় সব চেয়ে খারাপ হয়েছিল, বেলারাণী তারই প্রশংসা করলে। প্রভাত হাসে, উনি তো গৌরীর গলার প্রশংসা করছিলেন।

বিনোদ খুশি হয়ে বলে, তাই নাকি। ওকে নাও না তোমার প্রোডাকসানে।

—কাল বাড়িতে এসো, কথা হবে।

সবাই চলে গেলে বিনোদ গ্রীনরুমে ফিরে এলো। পিনাকী আর

চিহ্ন ঘর থেকে বেরিয়ে আসছিল, চিহ্ন জিজ্ঞেস করলে, গৌরীকে কি আমরা নিয়ে যাবো ?

—আপনারা আর কষ্ট করবেন কেন, আমি ছেড়ে দিয়ে আসব।

গৌরীকে নিয়ে একলা বেরুবার সুযোগ পাবে বিনোদ আশা করেনি, তাই চিহ্নরা চলে যেতে ছুটে এল গৌরীর কাছে। গৌরী সব কিছু শুধিয়ে নিয়ে যাবার জন্তে বসেছিল। বিনোদ বললে, চল গৌরী, চিহ্নরা চলে গেছে।

—চল।

যাকে যা বলবার বলে দিয়ে বিনোদ গৌরীকে নিয়ে গাড়ীতে বসে প্রথম কথাই বললে, তোমার পার্ট আজ খুব সুন্দর হয়েছে গৌরী !

—সত্যি ?

—বাইরের সবাই তাই বলেছে, এমন কি বেলারাণীও।

গৌরী আশ্চর্য হয়ে বলে, বেলারাণী ?

—হ্যাঁ, ও তো কাল আমার যেতে বলেছে। তোমায় ছবিতে পার্ট দেওয়া নিয়ে কথা হবে।

গৌরী কেমন যেন বিহ্বল হয়ে যায়, তুমি আমার জন্তে কত করছ !

—কিছুই না। তোমার মধ্যে যে গুণ আছে তাই ফুটিয়ে দিচ্ছি।

—কেষ্টদারা আসেনি ?

—না বোধ হয়। তাহলে প্রভাত বলতো, ও তোমাকে বড় হতে দিতে চায় না, একটা ঘরে বন্ধ করে রাখতে চায়।

—আজ-কাল সত্যিই তাই মনে হচ্ছে।

—মনে হয় নয়, নিশ্চয়। পুজোর প্যাণ্ডেলে বসে রইল তবু তোমার থিয়েটার দেখতে আসতে চাইল না। এই তার ভালোবাসা !

গৌরী হঠাৎ বলে, কেষ্টদা আমার ভালোবাসে না, ভালোবাসা কি, ও তা বোঝেই না—

বিনোদ অঙ্ককারে গাড়ী রেখে গৌরীর কাছে সরে এসে তাকে হু'-
হাতে জড়িয়ে ধরে, তুমি ভুল বুঝতে পেরেছো দেখে খুশি হলাম।

—তুমিই তো আমার বুঝিয়ে দিয়েছো।

—আমি যে তোমার ভালোবাসি।

—জানি।

বিনোদ যখন গৌরীকে বেহালার বাড়ির সামনে নামিয়ে দিলে তখন
বারোটা বেজে গেছে। বিনোদ নীচু গলায় বলে, কাল আমি বিকেলের
দিকে আসব।

—চারটের সময়।

—চারটে-সাড়ে চারটে, সকালে যাবো বেলারাগীর কাছে।

বিনোদ চলে গেলে গৌরী দরজার চাবি খুলে ঘরের মধ্যে ঢোকে।
শ্রামল আঁজও আসেনি। মনে মনে গৌরী খুশিই হয়, একলা শুয়ে শুয়ে
অনেক কথা ভাবতে পারবে। বিনোদ তার সামনে একটা নতুন পঞ্চ
খুলে দিয়েছে, একদিন সেও হয়ত বড় হতে পারবে, বেলারাগীর মত
নাম করতে পারবে। সবাই তখন তার পেছনে ছুটবে। থিয়েটারে
নামার আগে এ সম্ভাবনা তার মাথায় আসেনি, আজ অভিনয় করার
সময় তার ভীষণ পা কেঁপেছে, তবু তো সবাই ভালো বলেছে। চেষ্টা
করলে ঠিক হয়ে যাবে।

বিনোদ কি তাকে ভালবাসে? এ প্রশ্ন যে তার মনে আসে না তা
নয়, কিন্তু গৌরী ভাবে, কেউও তো তাকে ভালবাসে না। এতে কিছু
আসে-যায় না। কেউই যদি এভাবে থাকতে পারে বিনোদের সঙ্গেই
বা থাকতে পারবে না কেন? বিনোদের কাছে সে আরও অনেক মুখে
থাকবে! এ ক'দিনেই টাকার মহিমা সে বুঝে নিয়েছে! পার্ক সার্কাসের
ঐ সুন্দর বাড়ি, গাড়ী, চাকর, এ যেন স্বপ্ন বলে মনে হয়।

এই ধরনের অনেক কথা ভাবতে ভাবতে গৌরী কখন ঘুমিয়ে

পড়েছে। সকালবেলা চিহ্নর দরজা ঠেলার খুম ভাললো। ভাড়াভাড়ি উঠে গৌরী দরজা খুলে দেয়। চিহ্ন ঘরে ঢুকে শুকনো গলার জিজ্ঞেস করে, কি হল, এত বেলা পর্যন্ত ঘুমুচ্ছিস যে ?

—এমনি।

—কাল তোর পার্ট ভালই হয়েছে।

—কে বললে ?

—ও বলছিলো। একটু থেকে আবার বলে, কেউদাও—

—কেউদা ! গৌরী বিস্মিত হয়, কেউদা তো থিয়েটার দেখতে যায়নি ?

—গিয়েছিলেন। পেছনের দিকে বসেছিলেন, শেষ হতেই চলে গেছেন।

—আশ্চর্য !

চিহ্ন চুলের বিহুনি খুলতে খুলতে বলে, আশ্চর্য হবার কি আছে ? কেউদা যে যাবে আমি জামতাম।

—তোর সঙ্গে দেখা হয়েছিল ?

—হ্যাঁ। অনেকক্ষণ তোর জন্তে অপেক্ষা করেছিলেন, দেয়ি হচ্ছে দেখে চলে গেলেন।

গৌরী মনে মনে বিরক্ত হয়, থিয়েটারের পর আমাদের সঙ্গে দেখা করলেন না কেন ?

—উনি বললেন, সব বড় বড় লোকের ভিড়। ওখানে গিয়ে দেখা করতে লজ্জা করে।

—যত সব ঝাকামী। গৌরী কলতলার মুখ ধুতে চলে যায়।

চিহ্ন ঘর থেকে চাঁচিয়ে গৌরীকে জিজ্ঞেস করে, তোর কি হয়েছে বল তো ? কেউদার উপর কথায় কথায় বিরক্ত হোস ?

গৌরী কোন উত্তর দেয় না। চিহ্ন নিজে থেকেই বলে, গৌরী, তোকে বলছি, একটু সামলে চলিস।

গামছায় মুখ মুহুতে মুহুতে গৌরী জিজ্ঞেস করে, হঠাৎ এত উপদেশ দিচ্ছিস যে ?

—মনে হল বললাম ।

—তুই দেখছি কেউদার যোগ্য ছাত্রী হয়েছিস ! কথায় কথায় বড় বড় উপদেশ ।

চিহ্ন আঙ্গুল দিয়ে চুলের জট ছাড়াতে ছাড়াতে বলে, সে যাই বলিস, আজকাল অনেক বদলে গেছিস তুই ।

—কি জানি !

—আজকাল কত সাজিয়ে কথা বলিস, আগের মত আর প্রাণখোলা ভাব তোর নেই ।

গৌরী হেসে উত্তর দেয়, সে বোধ হয় তোদের সঙ্গে মিশে !

—তা হতে পারে, কিন্তু ভালো নয় । আর একটা কথা—

—কি ?

—বিনোদবাবুর সঙ্গে অত মেলামেশা কি উচিত ?

গৌরীর মনের কাঁচা জায়গায় চিহ্ন খোঁচা দিয়েছে । মুখ কালো করে বলে, কেন, কি হয়েছে ?

—কাল কোন সকালে তোরা স্টেজে যাবি বলে বেরুলি অথচ সেখানে তো মাত্র পনের মিনিট ছিলি ।

গৌরীর বুঝতে বাকী থাকে না, চিহ্ন ভেতরে ভেতরে সব খবরই রাখে । তাই এ প্রসঙ্গ ঘুরিয়ে নিয়ে বলে, চিহ্ন, তুই আমাকে মিথ্যে সন্দেহ করছিস । অল্প সময় এ নিয়ে কথা বলব । এখন আমার কাজ আছে ।

চিহ্ন বোঝে, গৌরী আর কথা বাড়াতে চায় না, ধীরে ধীরে নিজের ঘরে চলে যায় ।

বিপদ হল পাঁচটার সময় বিনোদের গাড়ী আসতে । গৌরী ঘর

থেকে বেরিয়েই দেখে, চিহ্ন সামনে দাঁড়িয়ে রয়েছে। জিজ্ঞেস করলে,
কোথায় থাকিস ?

গৌরী দৃঢ়স্বরে বলে, ভাসান দেখতে।

—বিনোদবাবুর সঙ্গে ?

—কোন দোষ আছে ?

চিহ্ন নীচের ঠোঁট কামড়ে জিজ্ঞেস করে, কেউদা যদি আসে, কি
বলবো ?

—তোর যা ইচ্ছে। বলে গৌরী লম্বু পায়ে নেমে গিয়ে বিনোদের
গাড়ীতে উঠে বসে।

চিহ্ন চুপ করে দাঁড়িয়ে থেকে ওদের চলে যেতে দেখে। গৌরী কি
করে এতখানি বদলে গেল, সত্যিই সে তেবে পায় না ! মানুষের কি
এত তাড়াতাড়ি পরিবর্তন সম্ভব ? যে গৌরী ক'দিন আগেও নিজের
বলতে কিছু বুঝত না, বিয়ে করার দরকার কতটা জানতো না, সে আজ
কি করে চিহ্নর মুখের ওপর এমন করে চলে যেতে পারে ! থিয়েটারের
রঙ্গ দেখার জন্তেই চিহ্ন তাকে ধরে নিয়ে গিয়েছিলো, বিনোদের সঙ্গে
ঘুরে বেড়াবার জন্তে নয়। কেন জানা নেই, কেউদার জন্তে তার
হুঃখ হয়। আর যাই হোক লোকটা খাঁটি, অত্যান্ত পুরুষদের মতো নয়।
গৌরীর জন্তে কতই না করে। পিনাকী তো কিছুই করে না চিহ্নর জন্তে !
সেই কেউদাকে কাঁকি দিয়ে বিনোদের সঙ্গে ঘুরে বেড়ানর কথা ভাবতেই
বিস্ত্রী লাগে চিহ্নর।

ঘরে গিয়ে চুল বাঁধতে বসে চিহ্ন। আয়নায় নিজের চেহারা দেখে
অদ্ভুত লাগে। মুখটা শুকিয়ে গেছে, রংটা আরও কালো হয়ে গেছে,
এরকম সে ছিল না। তাইতো পিনাকী তার মুখের ছবি এত তুলেছে।
বিনা পয়সায় মডেল পাবার লোভে বিয়ে করবে বলে বার করে এনেছে
তাকে। তার পর এই দেড় বছরের মধ্যে কি চেহারাই না হয়েছে !

পিনাকী তার ছবি আর তোলে না, নতুন নতুন মুখ খুঁজে বেড়ায়।
গৌরীকে বন্ধু ভাবে পেয়ে সে খুশি হয়েছিল, কিন্তু ক'দিন থেকে তার
ব্যবহারে সে পীড়িত হয়েছে। এর পরিণাম তার অজানা নেই, ঘরপোড়া
গরু সিঁহরে মেঘ দেখলেই ভয় পায়।

গৌরীদের ঘর খোলার শব্দে চিহ্ন বেরিয়ে এসে দেখে, কেঁষ্ট ঘরে
চুকছে। চিহ্নকে দেখে হেসে জিজ্ঞেস করলে, কি চিহ্ন, তোমার বন্ধুটি
বেরিয়ে গেছে না কি ?

—হ্যাঁ।

—কোথায় গেছে ?

—ভাসান দেখতে।

—তুমি গেলে না ?

—না।

চিহ্ন বিনোদের কথা উল্লেখ করে না। কাছে এসে জিজ্ঞেস করে,
চা খাবেন

কেঁষ্ট হেসে বলে, পেলে খুব ভাল হয়, সকাল থেকে বড় খাটনি গেছে—

—আমি এখুনি নিয়ে আসছি।

কেঁষ্ট জুতো খুলে বিছানায় গা এলিয়ে দেয়, শুয়ে শুয়ে পকেট থেকে
একটা চিঠি বার করে পড়ে।

চিহ্ন চা নিয়ে এসে দেখে, কেঁষ্ট চোখ বুজে শুয়ে আছে। বলে, চা
এনেছি।

কেঁষ্ট উঠে বসে হাত বাড়িয়ে চা নেয়, তুমি খাবে না ?

—খেয়েছি।

—বসো।

বিছানার আর-এক প্রান্তে চিহ্ন বসে। কেঁষ্ট চায়ে চুমুক দিয়ে বলে,
আঃ, চমৎকার চা করেছ !

—ঘরে আর কিছু নেই, দিতে পারলাম না।

—কিন্দে মোটেই নেই, এ শুধু চা-তেষ্টা। একটু পরে মিজ থেকেই বলে, ক’দিনই গৌরীর সঙ্গে দেখা হচ্ছে না। সময়-মত আসতেই পারি না, বোধ হয় ও আমার ওপর খুব চটে গেছে। যাই হোক, কালকের মধ্যেই সব ঝামেলা মিটে যাবে, আজ তো বিসর্জন।

—গৌরীকে কিছু বলব ?

—হ্যাঁ, মানে শ্রামার চিঠি এসেছে।

—তাই নাকি, কি রকম আছে সে ?

চিহ্ন যে শ্রামার সম্বন্ধে এতখানি আগ্রহ প্রকাশ করবে, কেউ তা ভাবে নি। জিজ্ঞেস করে, তুমি শ্রামার কথা জান ?

চিহ্ন হাসে, সব জানি। বলুন, ও কেমন আছে ?

কেউ খাম থেকে চিঠি বার করে বলে, তোমায় পড়ে শোনাই।

‘ত্রীচরণেশু কাকু, বিয়ের সময় হইতে তোমার সহিত আর দেখা হয় নাই। তোমার জন্তে ভারী মন কেমন করে। তুমি কেমন আছ জানাইও। আমবা এখানে খুব ভালো আছি। সংসার লইয়া ব্যস্ত আছি। ছেলেরা দু’জন আমার কথা সব শোনে। আমায় খুব ভালোবাসে। তোমাদের জামাই এখানকার নাম-করা লোক, সকলে খুব খাতির করে। তুমি একবার এখানে আসিলে ভাল হয়, নিশ্চয় করে আসিও। প্রণাম নিও। ইতি তোমার স্নেহের শ্রামা।’

চিহ্ন একগমল হেসে বলে, শ্রামা নিশ্চয় সুখী হয়েছে।

—কি জানি, চিঠি পড়ে তো বুঝতে পারছি না।

—আমি ঠিক বুঝেছি। মেয়েরা সুখী না হলে এমন করে লিখতে পারে না।

—তা হবে।

—চিঠির উত্তর দেবেন না ?

—দেবো, গৌরী আশুক ।

চিহ্ন নিজে থেকে বলে, কেন, পোস্টকার্ড নেই বুঝি ?

—শুধু তাই নয়, লিখেও দিতে হবে । আমার হাতের লেখা বড্ড খারাপ ।

—আমি লিখে দেবো ?

কেষ্ট চিহ্নর দিকে তাকায় । চিহ্ন দাঁড়িয়ে বলে, পোস্টকার্ড নিয়ে আসি ?

—আনো ।

অল্পক্ষণের মধ্যেই চিহ্ন দোয়াত-কলম আর পোস্টকার্ড নিয়ে এসে বসে, বলুন, কি লিখবো ?

কেষ্ট ম্লান হাসে, শ্যামাকে আগে কখনও চিঠি দিই নি ।

চিহ্ন চিঠির ওপরে লেখে, শ্রীশ্রীহর্গী সহায় ।

কেষ্ট বলে যায়, ‘তোমার চিঠি পেয়ে খুব আনন্দিত হলাম । তুমি সুখী হলেই আমি খুশি হব । পূজোর ক’দিন বড় হাঙ্গামায় আছি । যদি পারি কিছুদিন বাদে তোমার বাড়ি যাবো । তোমরা আমার ভালবাসা নিও ।’

চিহ্ন জিজ্ঞেস করে, আর কিছু লিখবেন না ।

—আর কি লিখবো ?

—আপনি গেলে শ্যামা বড় আনন্দ পাবে ।

প্রায় ঘণ্টাখানেক বসে থেকেও গৌরী যখন ফিরল না কেষ্ট উঠে পড়ে, আমি এখন চলি । ও-দিকে অনেক কাজ বাকি, বিসর্জনের ব্যাপার—

আমরাও হয়তো যাব ভাসান দেখতে, সাতটার পর ।

কেষ্ট বেহালা থেকে বেরিয়ে সোজা চলে এল পূজার মণ্ডপে । রাত্রি আটটার সময় প্রতিমা বেরোবে । এখনও দলে দলে লোক আসছে ঠাকুর দেখতে । গেটের মুখে বিস্তর সজে দেখা ।

এক মুঠো—১৭

—মাইরি কেঁষ্টদা, আর একদিন প্রতিমা রেখে দাও। কি ভিড় দেখছে!

—তা কি হয়?

—না হয় এক কাজ করো। প্রতিমা থাক, একজিবিগানটা রেখে দাও।

কেষ্ট হাসে, তাহলে কি আর ভিড় হবে ভেবেছিস, সব কাঁকা হয়ে যাবে।

—কখখোনা নয়, খুব লোক আসবে। প্রতিমা দেখবার চেয়ে ঠাকুর দেখতে বেশি লোক আসে—

—তার মানে?

—তা-ও বুঝতে পারছ না? বিত্ত হো-হো করে হাসে। পাশ দিয়ে ল্যাংচা যাচ্ছিল, বিত্ত তাকে ডেকে বলে, শুনেছিস, কেষ্টদা ঠাকুর আর প্রতিমার তফাত বুঝতে পারছে না।

ল্যাংচা উত্তর দেয়, কি করে বুঝবে? তোমার কথা কি সহজে বোঝা যায়? জানো কেষ্টদা, বিত্তর মতে প্রতিমা হ'ল মাটির তৈরি আর ঠাকুর হল জ্যান্ত, যারা খুরে বেড়ায়।

কেষ্ট হাসে, বিত্ত ভালো বলেছে, লোকে ঠাকুর দেখতেই আসে।

কেষ্ট মণ্ডপের দিকে এগিয়ে দেখে, মদন আরও দুজনকে নিয়ে বসে আছে। উঠে এসে বললে, কেষ্টদা আপনার জন্তেই বসে আছি।

—কি ব্যাপার মদন, তোমাকে অনেক দিন দেখিনি।

—বাবার শরীরটা ভাল নেই।

—কি হ'ল?

—ঠিক বোঝা যাচ্ছে না। আজও আসতে পারতাম না, এলাম এঁদের জন্তে। এই আমার বন্ধু চুনীলাল আর ইনি শ্যামলের বাবা, শশধরবাবু।

শশধরবাবু কেঁটের কাছে এগিয়ে আসেন, শ্যামলের বিষয় ছ’-একটা কথা বলার আছে !

—বলুন ।

—ও এখন আপনার কাছে থাকে তো ?

—হ্যাঁ ।

—ওর মামার বাড়িতে কি ব্যাপার নিয়ে গোলমাল হয়েছে, জানেন বোধ হয় ?

—শ্যামলই যা বলেছে ।

—কি বলেছে জানি না । তবে তার পর থেকে আমার সঙ্গেও আর দেখা করেনি, পালিয়ে পালিয়ে বেড়াচ্ছে ।

কেঁট বিস্মিত হয়, সে কি, আমি তো জানি আপনার সঙ্গে ওর কথাবার্তা হয়—

শশধরবাবু সব কথা খুলে বলেন । কেন শ্যামলের মামার বাড়িতে ঝগড়া হয়, কোন্ দলে শ্যামল মিশছে এবং তাঁর সঙ্গে দেখাও করে না, চিঠিরও উত্তর দেয় না ।

কেঁট চুপ করে থেকে বলে, বিশ্বাস করুন, এর কিছুই আমি জানি না । আমি এখুনি এর ব্যবস্থা করছি ।

কেঁট ভোঁতনকে পাঠিয়ে দেয় শ্যামলকে দোকান থেকে ধরে আনার জন্তে । কিন্তু ভোঁতন ফিরে এসে জানাল, শ্যামল একটু আগে দোকান বন্ধ করে চলে গেছে, পাশের দোকানদার তাই বললে ।

কেঁট শশধরবাবুকে ভরসা দিয়ে বলে, আজই রাত্রে কি কাল সকালে আমার সঙ্গে শ্যামলের নিশ্চয় দেখা হবে । আমি কথা বলে আপনার সঙ্গে দেখা করিয়ে দেবো ।

কেঁটের মাথা গরম হয়ে ওঠে । শ্যামল যে তাকে না জানিয়ে কিছু করতে পারে, তা তার জানা ছিল না । তার উপর বার বার মিথ্যে

কথা বলেছে। সেও তো ভয়ানক কথা, এর বিহিত তাকে করতেই হবে। কাছে গেলে এখনই শ্যামলের কাছে কৈফিয়ৎ চাইতো, না পেয়ে মনে মনেই গজরাতে থাকে। অবাধ্য ছেলেদের শাস্ত করাতে সে জানে। আজ বিসর্জনের হাজামায় বোধ হয় সম্ভব হবে না, তবে পরদিন সকালেই শ্যামলের সঙ্গে বোঝাপড়া সে করবে।

চিহ্নর সঙ্গে কথা কাটাকাটি করে মেজাজ দেখিয়ে গৌরী বিনোদের গাড়ীতে এসে উঠলো বটে, কিন্তু মনের মধ্যে দুর্ভাবনার অস্তরইল না। এতদিন বিনোদের সঙ্গে বার হওয়া নিয়ে কেঁষ্ট কোন কথাই বলেনি। আজ যদি চিহ্ন তার নামে নতুন করে লাগায় হয়তো কেঁষ্ট তার ওপর রাগ করতে পারে। গাড়ী চলতে শুরু করলে বিনোদ জিজ্ঞেস করে, কি এত ভাবছ গম্ভীর হয়ে ?

—কিছু না।

—তবু ?

—চিহ্নটা যেন কি রকম !

—কি হল ?

—আমাকে ভয় দেখাচ্ছে, কেঁষ্টদাকে বলে দেবে বলে।

বিনোদ হাসে, ও, এই ! আমি ভাবলাম হাতি-ঘোড়া আর-কিছু। তা ওর তো হিংসে হবেই। যাকুগে ও সব বাজে কথা, বেলারাগীর কাছে গিয়েছিলাম।

—কি বললেন ?

—তোমায় ঈঁডিওতে নিয়ে যেতে।

—কবে ?

—সামনের সপ্তাহে যে কোন দিন।

—সত্যি ?

—বিখ্যাত হচ্ছে না ?

—আমি পারব না ।

—কি, স্টুডিওতে যেতে ?

গৌরী ব্যস্ত হয়ে বলে, না, বলছি সিনেমায় পার্ট করতে ।

—প্রথমে ঐ রকম মনে হয়, নামলে দেখবে কিছুই নয় । বেলারাগীও
ঠিক এই রকম বলত ।

গৌরী জিজ্ঞেস করে, কি করে জানলে ?

বিনোদ হাসে, এ তো জানা কথা । তুমি কবে যাবে বল ?

—যেদিন বলবে ।

বিনোদ ভুরু কুঁচকে বলে, কেউদার অনুমতি নিতে হবে তো ?

—সে আমি আদায় করে নেব ।

একটা ছোট রেস্টোরাঁয় চা পান করে তারা এল গঙ্গার ধারে ।
বিকেল থেকেই ঠাকুর বিসর্জন শুরু হয়েছে । একের পর এক লরীতে
প্রতিমা নিয়ে আসছে । সন্ধ্যা হতেই কত রকম আলো দিয়ে সাজিয়ে
সামনে নাচতে নাচতে ছেলেরা চলেছে । চার দিকে ঢাকের, ব্যাঙের
বাজনার শব্দ । বিনোদ আর গৌরী গাড়ীর মধ্যে বসে বসে অনেকক্ষণ
দেখে । অন্ধকার বেশি হয়ে এলে গৌরী বলে, চল, ফেরা যাক ।

—এত শীগ্গিরি ?

—আজ বিসর্জন, কেউদারা হয়তো তাড়াতাড়ি ফিরতে পারে ।

—চল ।

বেহালার বাড়ির কাছে এসে গৌরীরা দেখে সব অন্ধকার । কোন
ঘরেই আলো জ্বলছে না ।

বিনোদ বলে, কেউ নেই, সবাই বেরিয়েছে । তুমিই সাত তাড়াতাড়ি
ফিরে এলে ।

গৌরী মুদ্র স্বরে বলে, এখন তাই মনে হচ্ছে ।

—একলা ভয় করবে না ?

—আমি খুকি নাকি ?

বিনোদ গৌরীর দিকে তাকিয়ে বলে, আমার কিন্তু বড্ড ভেঁটা পেয়েছে—

—একটু দাঁড়াও, আমি জল নিয়ে আসছি।

—ভয় না পেলে আমিও সঙ্গে যেতে পারি।

—ভয় কিসের ? এসো।

বিনোদ গৌরীর সঙ্গে বারান্দায় গিয়ে ওঠে। গৌরী চাবি বার করে দরজা খোলে। ঘরে ঢুকে আলো জালিয়ে ডাকে, এসো, যদিও তোমার বসবার মত ঘর এ নয়।

—কে বললে ? বিনোদ মাটিতে পাতা বিছানার উপর বসে পড়ে। গৌরী জল আর মিষ্টি নিয়ে আসে, নারকোল নাড়ু, খাও। আমি করেছি।

বিনোদ খেতে খেতে জিজ্ঞেস করে, হঠাৎ যদি কেউ এসে পড়ে ?

—আমি দেখে আসছি।

গৌরী সন্তর্পণে বেরিয়ে যায়। ফিরে এসে বলে, ভয় নেই। চট করে কেউ আসবে না। চিহ্নদের ঘরেও তালা বন্ধ, ভাসান দেখতে গেছে নিশ্চয়।

—তাহলে দরজাটা ভেজিয়ে দাও।

গৌরী কথামত দরজা বন্ধ করে দেয়। বিনোদ ডাকে, আমার কাছে বোসো।

গৌরী বিনোদের কাছে গিয়ে বসে। বিনোদ দীর্ঘশ্বাস ফেলে, এই দিনটি আমার প্রিয় ; কতজনের কথা মনে হয়, যাদের প্রণাম করতাম একে একে তারা সব চলে গেল !

—আমারও তো কেউ নেই। গত বছরও তাইটা ছিল ; বলতে গিয়ে গৌরীর চোখে জল ভরে আসে।

বিনোদ গৌরীর একটা হাত টেনে নিয়ে বলে, ছিঃ গৌরী, কেঁদো না। লক্ষ্মীটি, বিনোদের কাছে সহানুভূতি পেয়ে গৌরীর কান্নার উচ্ছ্বাস বেড়ে যায়। বিনোদ গৌরীকে সম্বন্ধে কাছে টেনে এনে দৃঢ় আলিঙ্গনে বদ্ধ করে।

পূজোর ক’দিনই শ্যামল ব্যস্ত ছিল দোকান নিয়ে। হৈ-হৈ করে দিন কেটেছে, লক্ষণ প্রায় সব সময় তার সঙ্গে থাকতো। বিক্রি করার সময় সাহায্য করত। অবসর সময়ে দুজনে বসে গল্প করত। লক্ষণের দোষের মধ্যে মেয়েদের দিকে ছাংলার মত তাকায়! শ্যামল কত বার বলেছে, ওরকম করে তাকাস না। কি ভাববে—

লক্ষণ তাচ্ছিল্যভরে উত্তর দেয়, কি আবার ভাববে, সেজেগুজে এসেছেই তো দেখাতে—

শ্যামল আর কিছু বলত না যদি-না লক্ষণ সপ্তমীর দিন বিক্রি করার সময় একটা মেয়েকে চারটে লজ্জেল বেশি দিয়ে দিত। বিরক্ত হয়ে জিজ্ঞেস করলে, ও কি, চারটে বেশি দিলি কেন?

লক্ষণ পানখাওয়া দাঁত বাব করে বলে, কি বড় বড় চোখ মাইরি।

শ্যামল থাকতে না পেরে হেসে ফেলেছিল।

বিসর্জনের দিন লক্ষণ বললে, আজ কিন্তু আর সন্ধ্যার পর আসবোনা।
—কেন?

—বাঃ, আজ বিজয়া। বাড়িতে সকলকে প্রণাম করতে হবে যে, নইলে আর রক্ষে থাকবে না।

শ্যামলের মুখ শুকিয়ে যায়, আজকের এ দিনটাতেও সে বাড়ি ফিরতে পারবে না। মামা, পিসিমা, বাবা, সবাই এসে জড়ো হবেন মাঝখানের উঠোনে। গৃহদেবতাকে প্রণাম করে একের পর এক বড়দের প্রণাম করা, তারপর কোলাকুলি, প্রিয়জনদের স্মরণ করে চোখের জল ফেলা। শ্যামলের সেখানে আর যাবার অধিকার নেই।

লক্ষণ বলে যায়, আলাতন মাইরি। এমন দিনে যে সিদ্ধি-টিঙ্কি একটু ওড়াবো তার উপায় নেই। রাজ্যের যত বেরসিক লোক এসে জুটবে। বাবাই এখন আমাদের বংশের মধ্যে সবচেয়ে বড় কি না—

তখন থেকেই শ্যামলের মন খারাপ হয়েছিল। কিছুতেই নিজেকে সামলাতে পারে না। বার বার চোখে জল এসে পড়ে তার। কোন রকমে দুপুরটা কাটিয়ে বিকেল হতেই দোকান বন্ধ করে ফেলে। লক্ষণ অনেক আগেই চলে গিয়েছিল, শ্যামলও বেরিয়ে পড়ে। ভেবেছিল কেউকে বলে যাবে, কিন্তু তার সঙ্গে আর দেখা হ'ল না। সেখান থেকে পার্কে গিয়ে বসে। বিকেলের রোদের তেজ কমে গেছে। অল্প অল্প হাওয়া দিচ্ছে। বসে থাকতে শ্যামলের ভালই লাগে। হঠাৎ মনে হয়, মামার বাড়িতে গেলে কি হয়? সে তো থাকতে যাচ্ছে না, সবাইকে প্রণাম করে চলে আসবে। মনে হতেই শ্যামল উঠে পড়ে মামার বাড়ির পথে চলতে শুরু করে। খানিক দূর এগিয়ে তার মনে পড়ে বাবার সঙ্গে একবারও দেখা করেনি, তাঁর একটা চিঠিরও উত্তর দেয়নি। আজ যদি ওখানে বাবা থাকেন, আবার একটা অপ্রীতিকর ঘটনার পুনরাবৃত্তি হবে। শ্যামলের নিজেকে বড় হীন মনে হয়। ভাবে, তার চেয়ে বেহালার বাড়ি গিয়ে শুয়ে পড়া ভালো। ক'দিন অমাত্মিক পরিশ্রম গেছে, ঘুমিয়ে নিলে সব রকম অবসাদ কেটে যাবে।

সন্ধ্যা হয়ে গেছে। শ্যামল বেহালার ট্রাম থেকে নেমে পড়ে। ঐ পাড়ার পুজোর প্যাণ্ডলের পাশ দিয়ে যেতে যেতে পরিচিত গলায় কে একজন ডাকলে, শ্যামল না?

ফিরে দেখে জলিল। জলিল কালীর ডান হাত। তবে সে জাতে মুসলমান। কিন্তু না বলে দিলে বোঝবার উপায় নেই, ঠিক বাঙালী হিঁহুর মত দেখতে। শ্যামল হেসে জিজ্ঞেস করে, কি খবর জলিল?

—এসো, এক-ভাড়া খেয়ে যাও।

—কি ?

—সিদ্ধি ।

—না ভাই, মন-মেজাজ ভালো নেই ।

জলিল হাসে, সেইজন্মেই তো আরও থাকবে ।

—আজ না, অল্প দিন হবে ।

জলিল শ্রামলের হাতটা চেপে ধরে, কি হয়েছে রে ?

—কিছু না ।

—তার সঙ্গে ঝগড়া হয়েছে বুঝি ?

এত দুঃখেও শ্রামলের হাসি পায় । কালীর আড্ডায় সে অনেক দিন বাহাদুরী করে জলিলদের কাছে বলেছে, সে একটা মেয়েকে নিয়ে এই বেহালায় থাকে । কি রকম ভাবে মেয়েটি তার প্রেমে পড়েছিল, তারপর কি ভাবে তাকে নিয়ে পালিয়ে এসেছে । বানিয়ে বানিয়ে নানারকম গল্প তাদের কাছে করেছে । অত্বেরা সন্দেহ করলেও জলিল করেনি, কারণ গৌরীর সঙ্গে দু'তিন দিন সে শ্রামলকে বাজারে যেতে দেখেছে । আজ সেই প্রসঙ্গ তুলতে সত্যিই শ্রামলের হাসি পায় । ভাবে জলিলটা কি বোকা, সব কথাই বিশ্বাস করে ।

জলিল কিন্তু ছাড়লো না । একটা ছোট্ট ভাঁড় ধরিয়ে দিয়ে বললো, ভালো না লাগে ফেলে দিও । এক চুমুক দিয়ে শ্রামলের মন্দ লাগে না, গল্প করতে করতে বেশ খানিকটা খেয়ে নেয় ।

—এখন কেমন লাগছে ?

—মন্দ না ।

—তবে ? নে ধর, এই বড় ভাঁড়টা ।

এক কোণায় বসে দুজনে মিলে অনেকখানি সিদ্ধি খেয়ে ফেলে । জলিল ভাবেনি শ্রামলের এত সহজে নেশা হবে । খানিক বাদেই শ্রামল ভুল বকতে শুরু করে, অকারণে হাসতে থাকে ।

জলিল বলে, দূর, এইটুকুতেই তোর নেশা লেগে গেল ?
শ্যামল কুখে ওঠে, নেশা লাগেনি তো, আমি ঠিক আছি। বলেই
হাসতে শুরু করে।

—শালা এত হাসছিস কেন ?

—কোন শালা হেসেছে। আমি তো হাসিনি, তুই হাসছিস। শ্যামল
হো-হো করে হেসে ওঠে।

জলিল জিজ্ঞেস করে, মেয়েটার নাম কি রে ?

—কোন মেয়েটার ?

—তোর সঙ্গে যে থাকে ?

—গৌরী।

—বেশ মিষ্টি নাম। চল, তোকে ঘরে ছেড়ে আসি।

জলিল শ্যামলকে একরকম ধরে ধরেই বাড়িতে নিয়ে আসে। সব
ঘর অন্ধকার, শুধু গৌরীর ঘরে আলো জ্বলছে। বারান্দায় উঠে শ্যামল
বসে পড়ে। আর পারছি না, এখানেই শুয়ে পড়ি।

—এই তো দরজা, চল না। গৌরী নিশ্চয় তোর জন্তেই বসে আছে।
জলিল দরজায় ধাক্কা মারে। দরজা ভেজানো ছিল, ঠেলতেই খুলে যায়।
বারান্দায় পায়ের শব্দ শুনেই বিনোদ আর গৌরী নিজেদের সামলে
নিয়েছিল। জলিল ঘরে ঢুকে এদের দুজনকে দেখে থমকে দাঁড়ায়।
শ্যামলকে কোন রকমে টেনে আনে। শ্যামল ঢুকেই ধপ করে মাটিতে
বসে পড়ে। নেশার কোঁকে আঙ্গুল দিয়ে দেখিয়ে বলে, ঐ তো গৌরী।
তারপর আবার মাটিতে শুয়ে পড়ে।

জলিল ছোট ছোট চোখ দিয়ে গৌরীর দিকে তাকিয়ে বলে, সিদ্ধি
থেকে ওর নেশা হয়েছে। তাই পৌঁছে দিয়ে গেলাম।

গৌরী কোন উত্তর দিতে পারে না, মুখ নিচু করে থাকে। বোঝে,
শ্যামল না দেখলেও এই অপরিচিত লোকটার কাছে তারা হাতে-নাতে

ধরা পড়ে গেছে। বিনোদ বুদ্ধিমান, জলিলের জামা-কাপড়ের অবস্থা দেখেই বুঝেছিল টাকা পেলেই সে খুশি হবে। জলিলের হাতে দুটো টাকা দিয়ে বলে, বেশ করেছে, এখন যাও, জলিল নোটটা হাতে নিয়ে চোখ টিপে হেসে সেলাম করে চলে যায়।

গৌরী এতক্ষণে কথা বলে, বাবা, আমি ভীষণ ভয় পেয়ে গিয়েছিলাম!

—ভাগ্যিস তোমার কেউদা নয়, হাতাহাতি হয়ে যেতো।

—সত্যি।

—আমি এখন চলি, আর থাকা ঠিক হবে না।

গৌরী শ্রামলকে দেখিয়ে বলে, একে নিয়ে কি করবো?

—তাই তো, ভাবনার কথা। ওকে নিয়ে এক ঘরে থাকা ঠিক হবে না।

—কি করি?

—আমি ওকে বারান্দায় শুইয়ে দিয়ে যাচ্ছি।

বিনোদ শ্রামলকে পাঁজাকোলা করে তুলে বারান্দায় বিছানা করে শুইয়ে দেয়।

যাবার সময় গৌরী বিনোদকে ঘরে ডেকে পায়ে হাত দিয়ে প্রণাম করে। বিনোদ গৌরীকে জড়িয়ে ধরে চুমু খায়, মৃদুস্বরে বলে, যদি কোন গেলমাল হয় সোজা আমার কাছে চলে এসো।

বিনোদ চলে গেলে গৌরী দরজা বন্ধ করে আলো নিবিয়ে শুয়ে পড়ে।

কেউ ভোরবেলা উঠে চলল বেহালার দিকে। কাল রাত্রেই সে আসতো গৌরীর সঙ্গে দেখা করতে, যদি না প্রতিমা বিসর্জন দিয়ে বাড়ি ফিরতেই রাত্রি এগারোটা বেজে যেত। তা ছাড়া মনে মনে একথাও ভেবেছিল, শ্রামল যেমন পুজোর কদিন বেহালায় না গিয়ে তার বাড়িতে শুচ্ছে বিজয়ার দিনও হয়তো আসবে। কিন্তু বাড়ি ফিরে শ্রামলকে না দেখে স্থির করেছিল পরদিন ভোরবেলাই গৌরীর কাছে যাবে।

কেউ যখন বেহালায় এসে পৌঁছাল তখনও বেলা বাড়ে নি। গৌরীর ঘরের সামনে শ্রামলকে শুয়ে থাকতে দেখে অবাক হয়। শ্রামল স্থির হয়ে শুমিয়ে আছে, তাকে না ডেকে কেউ দরজায় থাকা দেয়। গৌরী একটু দরজা কাঁক করে দেখে নিয়ে বলে, ওঃ তুমি! কেউ লক্ষ্য করে গৌরীর চোখে-মুখে কেমন যেন আতঙ্কের ভাব। জিজ্ঞেস করে, কি হয়েছে গৌরী?
গৌরী বলে, আমি বড় ভয় পেয়েছিলাম।

—কেন?

—শ্রামল কাল—

—কি হয়েছে, বল?

—কি রকম নেশা করে এসেছিল ঘরের মধ্যে ঢুকে মাতলামি—

—একলা?

—সঙ্গে একটা লোক ছিল।

কেউর আর কথা শোনার ঐর্ষ্য থাকে না, মাথার রক্ত গরম হয়ে ওঠে, বারান্দায় বেরিয়ে এসে শ্রামলের চুলের মুঠি ধরে কাঁকি দেয়। শ্রামল ধড়-মড় করে উঠে বসে, অপ্রস্তুত মুখে বলে, কেউদা। ও অনেক বেলা হয়ে গেছে বুঝি? কেউর পায়ে হাত দিয়ে বলে, আপনাকে বিজ্ঞয়ার প্রণাম করা হয় নি।

কেউ সে-কথার উত্তর না দিয়ে কর্কশ গলায় বলে, ঘরের ভিতরে এসো।

শ্রামল কেউর কঠিন স্বরে অবাক হয়ে যায়, ভয়ে ভয়ে ঘরের মধ্যে এসে ঢোকে।

দরজা বন্ধ করে কেউ আগের মতোই তেঁতো গলায় জিজ্ঞেস করে, কাল নেশা করেছিলে?

শ্রামল মাথা নিচু করে খুব আস্তে বলে, সিদ্ধি খাইয়ে দিয়েছিল।

—কচি খোকা, খাইয়ে দিয়েছিল, না, নিজে খেয়েছিলে?

শ্যামল চুপ করে থাকে। কেঁট চিৎকার করে, সঙ্গে কাকে নিয়ে এসেছিলে?

জলিল যে তাকে বাড়ি পর্যন্ত নিয়ে এসেছিল, সে-কথা শ্যামলের আদৌ মনে ছিল না, বলে, কেউ না তো।

গৌরী বাধা দিয়ে বলে, সে কি! একমুখ পানখাওয়া পাজামা-পরা-লোকটা।

গৌরীর বর্ণনা শুনে শ্যামলের জলিলের কথা মনে হয়, ভয়ে ভয়ে বলে, কে জলিল?

কেঁটর অরে সহ হয় না, সজোরে চড় মারে শ্যামলের গালে, মিথ্যেবাদী।

শ্যামল মার খেয়ে মেঝের উপর ছিটকে পড়েছিল। হাত দিয়ে গাল চেপে ধরে চোখের জল সামলাবার চেষ্টা করে, কোন রকমে গলা পরিষ্কার করে বলে, আমার মনে ছিল না কেঁটদা।

—একশ'বার মনে ছিল, মিথ্যুক।

—আমি মিথ্যে বলিনি।

—তোমার বাবার সঙ্গে দেখা না করে মিথ্যে বলনি তুমি, দেখা করেছে।

শ্যামল শুরু হয়ে যায়। তার বুঝতে বাকি থাকে না কেঁটদা সব জানতে পেরেছে।

কেঁটর ক্রমশ রাগ বাড়ছিল, শ্যামলকে চুপ করে থাকতে দেখে, এগিয়ে গিয়ে এক লাথি মেরে বলে, কুকুর কোথাকার, জানোয়ার, চোর।

শ্যামল আর সহ করতে পারে না। তার মাথায় যেন ভূত চাপে, কুঁতিয়ে কুঁতিয়ে বলে, চোর আমি না আপনি, কে আমায় মিথ্যে কথা বলতে শিখিয়েছে?

কেঁট আর-এক লাথি মারে, ফের কথা!

শ্রামল কঁাদতে কঁাদতে বলে, আপনি আমার মারতে পারেন, আমি কোন দিন আপনার ক্ষতি করিনি। কিন্তু আপনি আমার সর্বনাশ করেছেন। আপনার জন্তে আমাকে বাড়ি থেকে তাড়িয়েছে, আপনার জন্তে আজ আমি রাস্তার ছেলে হয়ে গেছি।

কেষ্ট রাগে অন্ধ হয়ে লাথি-চড় যা খুশি মারতে থাকে। শ্রামল চিৎকার করে বলে, ভগবান আপনাকে লাথি মারবেন, ঠিক এমনি করে মারবেন।

কেষ্ট ঘাড় ধরে শ্রামলকে ঘর থেকে বার করে দেয়। বলে, শূয়োর, আর কোন দিন এ-মুখো হবে না, জুতিয়ে মুখ ভেঙ্গে দেবো। দড়াম করে দরজা বন্ধ করে দিখে কেষ্ট একটা ট্রাকের উপর বসে হাঁফাতে থাকে, জোরে জোরে নিঃশ্বাস নেয়। গৌরী এতক্ষণ আড়ষ্ট হয়ে দাঁড়িয়েছিলো, কেষ্টকে এতখানি রাগতে সে আগে কখনও দেখেনি। কি অমানুষিক রাগ, পারলে বোধ হয় শ্রামলকে নখ দিয়ে কুটি-কুটি করে ছিঁড়ে ফেলতো। শ্রামলের জন্তে তাব সত্যিই মায়া হয়, ভোর বেলা কেষ্ট হঠাৎ এসে না পড়লে গৌরী তার নামে লাগাতো না নিশ্চয়। পাছে শ্রামল বিনোদের সঙ্গে গৌরীর একঘরে থাকার কথা কেষ্টর কানে তোলে, সেই ভয়ে সে একথার অবতারণা করেছিল, কিন্তু তার পরিণাম যে এত ভয়ঙ্কর হবে তা মোটেই কল্পনা করেনি। এ অবস্থায় কথা বলারও সাহস হয় না।

অনেকক্ষণ চুপ করে থেকে কেষ্ট বলে, কাল বিজয়ার রাত্রে তোমার কাছে আসতে পারিনি।

শুকনো গলায় গৌরী জবাব দেয়, তাতে কি হয়েছে, নিশ্চয় ব্যস্ত ছিলে।

আবার অনেকক্ষণ কোন কথা হয় না। কেষ্টই বলে, শ্রামল বাক্স নিতে এলে দিয়ে দিও। আমি এখন যাচ্ছি, ফিরতে বেলা হবে।

কেষ্ট ভেবেছিল গৌরী হয়তো তাকে বাধা দেবে, শীগুগিরি ফেরার

জন্ম পীড়াপীড়ি করবে, অন্তত বিজয়ার প্রণাম করবে। গৌরী কিছুই করল না, কেউ চলে যেতে চূপ করে বসে রইল। শ্রামলের কথাগুলো তার মনের মধ্যে তোলপাড় করেছে! কেউদাই ছেলেটাকে নষ্ট করেছে, এ আর আশ্চর্য কি? গৌরীকে নিয়েও যে লোক ঠকানোর ব্যবসা করে, তার পক্ষে সব কিছুই সম্ভব। অথচ মেজাজ দেখিয়ে তাকে দিল তাড়িয়ে। এ তো অজ্ঞায়। শ্রামল এখন কি কববে? কোথায় যাবে দরকার মনে করলে না।

খানিক বাদে চিহ্ন এলো, জিজ্ঞেস করলে, ব্যাপার কি রে, কেউদা শ্রামলকে এত বকছিলো কেন?

চিহ্নর সঙ্গে আজকাল আর কথা বলতে গৌরীর ইচ্ছে করে না। বলে, কি জানি কি নিয়ে নিজেদের মধ্যে ঝগড়া হয়েছে।

—তুই তো শুনেছিস সব, কি ব্যাপার বল না?

—ওসবের মধ্যে আমি থাকতেও চাই না, ভালোও লাগে না।

—তোর কি হয়েছে বল তো?

—আর আমি পারছি না, এভাবে পড়ে থাকতে, এর চেয়ে বস্তী ঢের ভালো, সেখানকার মানুষগুলো খাঁটি, এরকম চোর-জোচ্চোর নয়।

চিহ্নর মনে হয় গৌরী যেন তাকে শুনিয়েই কথাগুলো বললো, হেসে উত্তর দেয়, তোর মন এখন উড়ু উড়ু করছে, আমি তা জানি গৌরী।

—তার মানে?

—আমি বলে রাখছি, বেশি ফুলে মধু খেয়ে বেড়াস না, দেখবি রাস্তায় গিয়ে দাঁড়াতে হবে। বলেই চিহ্ন ঘর থেকে বেরিয়ে যায়। সে যে কি ইঙ্গিত করে গেল তা বুঝতে গৌরীর বাকি থাকে না। ইচ্ছে করে দরজাটি বন্ধ করে দেয়, আর না চিহ্ন জ্বালাতন করতে আসে।

ঘণ্টাখানেকের মধ্যে গৌরী সেজেগুজে বেরিয়ে পড়ে। একবার ভাবে,

চিহ্নকে কিছু না বলেই সে চলে যাবে, আবার মনে হয় ওকে এত ভয়
কিসের ? ইচ্ছে করেই চিহ্নকে ডেকে হাতে চাবি দিয়ে বলে, যদি শ্রামল
এসে ওর জিনিসপত্র চায় দিয়ে দিস।

—কোথায় যাচ্ছিস ?

—বেড়াতে।

গৌরী বেহালার ট্রাম ধরে ময়দানের কাছে এসে ট্যাক্সি নেয়। হাজির
হয় বিনোদের বাড়ি। বিনোদ কাল জোর করে ওর ব্যাগে দশ টাকা
দিয়ে দিয়েছিলো, বলেছিলো, দরকার পড়লেই ট্যাক্সি করে আমার বাড়ি
চলে এসো।

বিনোদ গৌরীকে আসতে দেখে প্রথমেই জিজ্ঞেস করে, কিছু
হয়নি তো ?

—কেষ্টদা শ্রামলকে তাড়িয়ে দিয়েছে।

—তাই নাকি ? ভালো কথা।

—সেকথা পরে হবে। এখন চল—

—কোথায় ?

—বেলারাগীর কাছে। ওদিকে যদি ঠিক হয়ে যায় আমি বেহালা
ছেড়ে চলে আসবো।

—সত্যি ? কেষ্টদাকে ?

—আর আমি পারছি না, সত্যি পারছি না !

বিনোদ গৌরীকে নিয়ে যখন বেলারাগীর বাড়িতে এল বেলারাগী
তখন সব ঘুম থেকে উঠে চা খেতে বসেছে। বিনোদ এসেছে শুনে
উপরে নিজের ঘরে ডেকে পাঠালো।

বিনোদ জিজ্ঞেস করে, ব্যাপার কি এত বেলায় ঘুম থেকে
উঠলে যে ?

বেলারাণী হেসে বলে, কাল এক বিল্লী স্নটিং ছিল, হাড়ভাঙ্গা খাটুনি গেছে। তোমরা বসো।

বিনোদ আর গৌরী বড় সোফায় পাশাপাশি বসে।

—কি খাবেন বলুন ?

গৌরী মুছ স্বরে বলে, খেয়ে এসেছি।

—না খেয়ে আসেননি তাতো জানি, চা আনতে বলি কি বলুন ?
বেলারাকে দু কাপ চা আনতে বলে।

বেলারাণী নিজ থেকেই বলে, আপনার পার্ট সেদিন দেখলাম বেশ হয়েছিলো। কথাগুলো আর একটু স্পষ্ট করলে ভালো হয়।

—আগে তো কখনও করিনি।

—তাই শুনলাম, বিনোদ বলছিলো।

বিনোদ মাঝখান থেকে জিজ্ঞেস করে, গৌরীকে কবে স্টুডিতে নিয়ে যাবো ?

—সামনের সপ্তাহে দু'দিন আমার স্নটিং আছে, সোমবারই নিয়ে এসো। দেখার আর কি আছে। ছবিতে ওর মুখ ভালোই উঠবে। মাইক্রোফোনে গলাটা কি রকম আসে, সেইটে শুধু দেখে নিতে হবে।

—সেই তো ভালো গৌরী, সোমবার তোমায় আমি নিয়ে যাবো।

গৌরী নীরবে সন্মতি জানায়।

বেলারাণী জিজ্ঞেস করে, কি ধরনের পার্ট আপনার ভালো লাগে ?

—অত আমি বুঝি না, যা পারবো তাই দেবেন !

—প্রভাতবাবুর সঙ্গে কথা বলে আপনার পার্ট ঠিক করবো।

বিনোদ জিজ্ঞেস করে, প্রভাতের খবর কি, অনেক দিন দেখিনি।

—বিয়ের তোড়জোড় করছে আর কি। আজ একবার অরুণার কাছে যাবো বলেছিলাম। আজ কি বার বিনোদ ?

—শনিবার।

—ঠিক কথা, বিকেলের দিকে যেতে পারবো কি না কে জানে, এই বেলা সেরে আসি।

বিনোদরা উঠে পড়ে। গৌরী হাত তুলে নমস্কার করে বলে, সোমবার আপনার সঙ্গে দেখা হবে।

গাড়ীতে উঠেই বিনোদ প্রশ্ন করে, কেউদাকে কবে বলবে ?

—যেদিন প্রথম সন্যোগ পাবো।

—এই লাইনে থাকবে স্থির করেছে ?

—করেছি।

—এখন কোথায় যাবে ?

—বল।

—বাড়ি ফেরার তাড়া নেই ?

—না।

—কেউদা জানে কোথায় এসেছে ?

—না।

—ফিরলে তখন যদি জিজ্ঞেস করে ?

—সত্যি কথাই বলব।

—ভয় করবে না ?

—না।

বিনোদ হেসে বলে, তবে চল আমার সঙ্গে, একেবারে সন্ধ্যার সময় বাড়ি যেও।

প্রভাতের ছোট্ট বাড়ির চেহার। একদিনেই অনেকখানি বদলে গেছে। অরুণার মার স্নানিগুণ গৃহিণীপনার সংসারের সব কাজ নিখুঁত ভাবে চলছে। প্রভাতের রোজগার খুব বেশি না হলেও কেউ অভাব অনুভব করে না। রমেশবাবুর শরীরও আগের চেয়ে অনেকটা ভালো।

বাঁদিকটা যে পক্ষাঘাতে পড়ে গিয়েছিলো, তাতে অল্প অল্প করে জোর পাচ্ছেন। ঘর থেকে বারান্দা অল্প কারুর কাঁধে তর দিয়ে বেড়াতে পারেন। নিয়ম করে সকালবেলা কাগজ পড়া, ছপু্রে ঘুমনো, বিকেলের পর প্রভাত ফিরলে তাস খেলা চলে।

আজ ছুটির দিন বলে সকাল থেকেই তাস খেলা শুরু হয়েছে। রমেশ-বাবু আর প্রভাত একদিকে, অল্প দিকে অরুণার মা আর অরুণা। টোয়েন্টিনাইন খেলাটাই সকলে জানে, তাই বেশির ভাগ সময় ঐ খেলাই হয়।

প্রভাত বলে, এ খেলা কলকাতার কারা খেলে জানো অরুণা?

—কারা?

—উড়ে চাকরেরা।

অরুণা বলে, সত্যি কথা। বাপি, সেই যে আমাদের বলিয়া ঠাকুর ছিল মনে আছে, কি রকম খেলতো—

খেলা বেশ জমে উঠেছে! প্রভাতদের তিনটে লাল বেরিয়েছে, অরুণাদের একটা কালো। এমন সময় নীচে থেকে বেলারাগীর গলা শোনা গেল।

—অরুণা আছো, অরুণা?

—যাই, সাড়া দিয়ে অরুণা বলে, নিশ্চয় বেলাদি এসেছে, এখানে ডেকে আনি।

কয়েক মিনিট খেলা বন্ধ থাকে। বেলারাগীকে নিয়ে অরুণা ঘরে ঢোকে। নিজে থেকেই বলে, বাঃ, বেলাদিকে হলদে শাড়ীতে কি সুন্দর মানিয়েছে, না?

অরুণার মা হেসে অভ্যর্থনা করেন, এসো, কত দিন পরে এলে বলতো। বসো এখানে।

বেলারাগী বলে, অনেক কাজ পড়ে গিয়েছিল। আজ একটু কাঁকা আছে, তাই বিজয়ার প্রণাম করতে এসেছি। বেলারাগী অরুণার মা-বাবাকে প্রণাম করে।

অরুণার মা আশীর্বাদ করেন, বেঁচে থাকো মা! বাবা বললেন, যশস্বিনী হও।

প্রভাত জিজ্ঞেস করে, আপনি টোয়েন্টি-নাইন খেলেন তো?

বেলারাগী হেসে জবাব দেয়, খেলি না, তবে খেলতে জানি।

মা বললেন, আমার হাতটা নিয়ে অরুণার সঙ্গে তুমি বসো তো মা, আমি এখুনি আসছি।

আবার খেলা শুরু হল। বেলারাগীর বরাত ভালো, দু'দানে খেলার চেহারা গেল পাণ্টে। বেলারাগীর কুড়ির খেলা, অপর পক্ষকে একটাও পিঠ না দিয়ে খেলা করে কালো বুজিয়ে লাল খুলিয়ে দিলে। আর পরের দানে প্রভাতের আঠারোর ডাকে ডবল দিয়ে ওদের দুটো লালই বন্ধ করে দেয়।

অরুণা বলে, বেলাদি খুব ভালো খেলে, আমার সঙ্গে মাকে দিয়ে প্রভাতদা আর বাপি খালি খালি হারিয়ে দেয়।

অরুণার মা প্লেটে মিষ্টি সাজিয়ে এনে বেলারাগীকে খাওয়াতে বসলেন। খেলা বন্ধ হয়ে গেল। প্রভাত একটা মিষ্টি তুলে নিয়ে নীচে নেমে যায়, আসছি, কোন চিঠিপত্র আছে কি না দেখি।

বেলারাগী অরুণার বাবাকে জিজ্ঞেস করে, এখন কি রকম আছেন?

—অনেকটা ভাল। রমেশবাবুর গলা ভারী হয়ে আসে, প্রভাত আমার নতুন জীবন দিয়েছে। কি ভাবে যে ভুলিয়ে রাখে! সকাল বেলা কাগজ পড়িয়ে শোনায়, অল্প সময় বই পড়ে, কত রকম বই পড়ে। সন্ধ্যাবেলা তাস খেলে, কি অল্প কিছু। অবশ্য এ-সব প্রায় ভুলেই গিয়েছিলাম। প্রভাত নতুন করে ধরিয়েছে, খুব ভালো লাগছে।

—প্রভাতবাবুর মনটার কোন তুলনা পাই না। সকলকেই এত ভালোবাসেন, বেলারাগী অরুণার গাল ধরে আদর করে বলে, বিয়ে কবে, অগ্রহায়ণ মাসে তো?

অরুণা মাথা নীচু করে বসে থাকে ।

অরুণার মা উত্তর দেন, হ্যাঁ, অম্মানের মাঝামাঝি । সামনের সপ্তাহে
আমরা হাওয়া বদলাতে একটু বাইরে যাব ।

—কোথায় ?

—জগদীশপুর । ওঁর বন্ধুর বড় বাড়ি আছে । আগেও আমরা গেছি ।
ডাক্তার বলছে, ঘুরে এলে অনেক উপকার হবে ।

—চেজটা খুবই দরকার, আপনারা সকলেই যাবেন তো ?

—হ্যাঁ, প্রভাতও এক মাসের ছুটি পেয়েছে ।

অনেকক্ষণ গল্প করে বেলারাণী বিদায় চায়, আমি এবার আসি ।
আপনারা ফিবে এলে আবাব দেখা করব ।

নীচের ঘরে প্রভাত বসে চিঠির উত্তর দিচ্ছিল, অরুণা বেলারাণীকে
নিরে এল !

—এই যে, বেলাদি চলে যাচ্ছেন ।

প্রভাত চেয়ার ছেড়ে উঠে দাঁড়ায়, এর মধ্যেই ?

—বাঃ, এক ঘণ্টার ওপর হয়ে গেছে ।

—তাই নাকি ?

চেজে যাবার আগে একবার আসবেন, যদি কিছু অদল-বদল করার
থাকে ।

—পরশু-তরশু যাব !

বেলারাণী ঘর থেকে বেরিয়ে যেতে যেতে জিজ্ঞেস করে, গৌরী
মেয়েটি কে ?

—কেন বলুন তো ?

—দরকার আছে, চেনেন নাকি ?

প্রভাত বলে, চিনি, তবে বিশেষ নয় ।

—ও ফিল্মে পার্ট করতে চায় ।

প্রভাত বিম্বিত হলেও মুখে কিছু বলে না। বেলারানী চলে যেতেই অরুণা জিজ্ঞেস করে, কে গৌরী ?

—তোমায় বলেছিলাম, সেই কেউ, যার সঙ্গে পূজোর প্যাণ্ডেলে তোমার আলাপ করিয়েছিলাম ?

—হ্যাঁ হ্যাঁ, ভোরবেলা একদিন যে মেয়েটিকে নিয়ে তোমার বাসায় গিয়েছিল ?

প্রভাত সায় দেয়, সেই-ই গৌরী। আমাকে বোঝালে, মেয়েটাকে বিয়ে করবে, এখন দেখছি সিনেমায় নামিয়ে রোজগার করার মতলব। আশ্চর্য !

ফেলে-আসা দিনের অনেক ঘটনা খুঁটিয়ে দেখতে গেলে অনেক গলদ হয়তো চোখে পড়ে—যা সে সময় নজর এড়িয়ে গিয়েছিল। বেহালা থেকে বেরিয়ে পূজোর মণ্ডপে আসা পর্যন্ত কেউ সারাক্ষণ শ্যামলের কথাই ভেবেছে। যে শ্যামলকে প্রথম দিন সিনেমার সামনে থেকে টেনে বার করে এনে নিজের পথে চালিয়েছিল, যাকে দিয়ে স্বার্থসিদ্ধির অনেক উপায় বের করেছিল, সেই শ্যামলকে নিজের অজান্তে কেউ ভালোবেসেছিল। তা না হলে সব সময় শ্যামলের কথা কেন সে চিন্তা করেছে ? কেন বাড়ি থেকে তাকে তাড়িয়ে দিলে ? কেন নিঃসঙ্কোচে সে গৌরীর সঙ্গে থাকতে দিয়েছে ? কেন তার দোকানের সমস্ত তার শ্যামলকে দিয়ে সে খুশি হয়েছে ? আজ রাগের মাথায় শ্যামলকে মেরে তাড়িয়ে দিল, শুধু সে কেউর কাছে মিথ্যে কথা বলেছিল বলে। শ্যামলের অভিযোগ হয়তো সত্যি, কেউই তাকে মিথ্যে কথা বলতে শিখিয়েছিল। কিন্তু সে শুধু অর্থ উপার্জনের কৌশল হিসেবে। মহুষ্যত্বকে বিক্রি করার জন্তে নয়। ব্যবসায় মিথ্যে কথা কে না বলে, কেউ তাকে ব্যবসা করতেই শিখিয়েছে, গুরুমারা বিত্তে আয়ত্ত করতে নয়। সেই জন্ত

সে শ্রামলকে এত নির্মম ভাবে প্রহার করতে পেরেছে। তবে এ কথাও সে ভেবেছে, শ্রামল এসে তার পায়ে হাত দিয়ে মাপ চাইলে সে আবার তাকে কাছে টেনে নেবে।

পুজার মণ্ডপে পৌঁছে ক্লান্ত অবসন্ন কেঁট আশুদার কেবিনের এক কোণে বসে গরম চায়ের অর্ডার দেয়। প্রদর্শনী ভেঙ্গে গেছে, দোকানের মাল বাক্স বন্ধ করে ঠেলাগাড়ীতে চাপিয়ে নিয়ে যাবার ব্যবস্থা করছে। ডেকরেটারের লোক এসে কাপড় খুলে ফেলেছে, একদিনের মধ্যেই পুজোর মণ্ডপ আবার ছেলেদের খেলার মাঠে রূপান্তরিত হবে।

আশুদা নিজের দোকানে ছিলেন। স্টলে এসে কেঁটকে দেখে বললেন, সারারাত ঘুমোওনি নাকি? এত রুক্ষ দেখাচ্ছে কেন?

কেঁট বিরক্তিমাখা গলায় বলে, আর বলবেন না আশুদা! শুধু ঝুটো ঝামেলা—

—কি হোল আবার?

—শ্রামলটাকে আজ বড় মেরেছি।

আশুবাবু বিস্মিত হন, শ্রামল আবার কি করল?

—ক’দিন থেকে আমার কাছে মিথ্যে কথা বলছে। তার বাবার সঙ্গে দেখা করে কথা বলে এই সব, অথচ একদিনও সে তার বাবার কাছে যায়নি। তাছাড়া কাল নেশা করে বাড়ি ফিরেছিল, গৌরী ভয় পেয়ে গেছে।

—এ তো মারাত্মক কথা?

—রাগের মাখায় ছেলেটাকে খুব মেরেছি।

আশুবাবু চুপ করে থেকে বললেন, এবারে গৌরীর কথা একটু ভাবো।

কেঁট মুখ তুলে তাকায়।

—আমি বলছি বিয়ে-খা করে ফেল। মেয়েটাকে আর ঝুলিয়ে

রেখো না। প্রভাতরা তো অজ্ঞানে বিয়ে করছে, ওই সঙ্গে তোমাদেরও
হয়ে যাক।

কেষ্ট মৃদুস্বরে বলে, আমিও তাই ভাবছি।

—অত ভাবনার কি আছে? ক'মাস থেকেই তো দেখছি শুধু
ভাবছ, পুরুত ডেকে একটা দিন ঠিক কর, আমরা পাঁচজন তো আছি!

—আপনাদের ওপরই তো ভরসা আশুদা!

আশুদা বলেন, তুমি বরং বাড়ি যাও, চান-টান করে এসো।

কেষ্ট উঠে দাঁড়িয়ে আড়মোড়া ভাঙ্গে, তাই যাই।

অপমানিত লাক্ষিত শ্রামল বেহালার বাড়ি থেকে বেরিয়ে একটা রিক্সা
নিয়ে চলল জলিলের বাড়ি। জলিলের বাড়ি কাছেই। কাল রাতে
কি কি ঘটেছিল তার কাছে শোনা না অবধি কিছুতেই মনে শান্তি পাচ্ছে
না। মামার বাড়ি থেকেও তাকে একদিন ঈর্ষমনি ভাবে চলে আসতে
হয়েছিল সত্যি কথা, কিন্তু সেদিন তার নিজেরই দোষ ছিল বেশি। কিন্তু
আজ কোন রকম দোষ না থাকা সত্ত্বেও কেষ্টদা তাকে বিলী ভাষায় গাল
দিয়েছে, নিষ্ঠুরভাবে পীড়ন করেছে। আর যাই করুক, কেষ্টর কাজে
তো শ্রামল কোন দিন অবহেলা করেনি, তবে সে শ্রামলকে কথা বলার
সুযোগ না দিয়ে কেন এরকম দুর্ব্যবহার করল? মনে মনে ভাবল, কাল
নেশার ঘোরে যদি কোন রকম অত্যাচার করে থাকে, জলিল হয়ত তার
হদিশ দিতে পারে।

জলিল ঘুম থেকে উঠে দাওয়ার বসে দাঁতন করছিল। শ্রামলকে
রিক্সা চড়ে আসতে দেখে চোঁচিয়ে জিজ্ঞেস করলে, কি রে, নেশা ছুটেছে?

সে-কথার উত্তর না দিয়ে রিক্সা থেকে নেমে ভাড়া চুকিয়ে শ্রামল
জলিলের কাছে এসে বসল। শ্রামলের ছিন্ন-ভিন্ন পোষাক, ফোলা-
ফোলা চেহারা দেখে জলিল আশ্চর্য হয়ে জিজ্ঞেস করে, কি হয়েছে রে?

শ্যামল গভীর গলায় উত্তর দেয়, সে অনেক কথা, পরে বলছি।
আগে বলতো, কাল আমি কি বেশি মাতলামি করেছি ?

—না, তুই তো খালি ঘুমিয়ে পড়েছিলি। কোন রকমে তোকে
বাড়িতে পৌঁছে দিলাম।

—তাহলে তুই কি কাউকে কিছু বলেছিলি ?

—আমি বলবো কেন ?

শ্যামল চিন্তিত হয়, তাহলে ?

—কি বলছিস, বুঝতে পারছি না। আমি ঘরে ঢুকে দেখলাম, তোর
গৌরী একটা অন্ধ লোকের সঙ্গে বসে আছে।

—অন্ধ লোক কে ?

—আমি কি করে চিনবো ? দেখে তো বেশ মালদার বলে মনে হল।

—চোখে চশমা ছিল ?

—হ্যাঁ, বাড়িতে ঢোকান আগে সাদা রঙের গাড়ী দেখলাম।

—তবে শালা বিনোদ।

—লোকটা ঘুমু, চোখ টিপে আমার হাতে ছোটো টাকা দিলে, যাতে
না তোকে এ-সব কথা বলি। শ্যামল চুপ করে থাকে, জলিল নিজে
থেকেই বলে, তোকে বলে রাখছি শ্যামল, ও-সব মেয়ে মাহুষের সঙ্গে
ঘর করিস না। তোকে শুধু ধোঁকা দেবে।

শ্যামল বোঝে, জলিল এখনও ভুল করছে গৌরীকে তার পোষা
পাখি ভেবে। আন্তে আন্তে সব কথা সে খুলে বলে, কি ভাবে কেউদার
সঙ্গে আলাপ হয়েছিল, কেমন করে আমার বাড়ি থেকে তাড়িয়ে দিলে
এখানে এসে ওঠে। গৌরীর সঙ্গে কেউদার সম্বন্ধ বা কি।

জলিল সব শুনে বলে, এতদিন আমায় এসব কথা বলিসনি কেন ?

—মজা দেখার জন্যে, ভাবতাম, তোরা আমায় গৌরীকে নিয়ে রগড়
করিস। তাতে আর এসে-যাচ্ছে কি ?

* জলিল গম্ভীর স্বরে বলে, তোর কেউদা শালা বেইমান, আজ থেকে আমার এখানেই থাকবি।

—এখানে আর কে কে আছে ?

—আমি, রাজীব ও মান্কে। ছটো কামরা আছে, দু'জন দু'জন এক ঘরে থাকা যাবে।

—আমার জিনিসপত্র আনতে হবে যে।

—ওরা আনুক ! এক সঙ্গে গিয়ে নিয়ে আসব।

শ্রামল স্নান করে জলিলের পাষাণামা পাঞ্জাবী পরে নেয়। সামনের দোকান থেকে গরম তেলেভাজা আর চা এনে দু'জনে খেতে বসে।

জলিল জিজ্ঞেস কবে, মোটর চালাতে জানিস ?

—না।

—চটপট শিখে ফেল।

—তুই শিখিয়ে দিস।

—সে সব তালিম দিয়ে দেব। এখন শুধু ঐ কাজটাই ভাল চলছে।

গাড়ী সরাতে হবে—

—তোরা সরিয়েছিস ?

জলিল হাসে, রাজীবটা ওস্তাদ আছে।

—কি রকম ?

—ব্রোবোর্ন রোডে একটা অফিসের সামনে দাঁড়িয়েছিলাম। ড্রাইভার গাড়ী রেখে ওপরে চলে গেল। রাজীব সেই ফাঁকে গাড়ীতে উঠে স্টার্ট করলে। বুদ্ধু ড্রাইভার চাবিটা সঙ্গে নিয়ে গেছে। ভেবেছিস স্টার্ট করতে পারব না। ইঞ্জিন খুলে শেলফের তার টেনে স্টার্ট করে আমরা চম্পট দিলাম।

—পুলিস ধরতে পারল না ?

—ধরবে কি, তার আগেই সব পার্টস খুলে বিক্রি করে দিয়েছি।

বডিটা শুধু রাত্রে ঠেলে রেখে দিয়ে এসেছিলাম এক গলির মধ্যে, পুলিশ সেটা নিয়ে গেছে। কালীর এই তো এখন সবচেয়ে বড় কাজ। আমরা তিন জন, তুইও এই দলে ভিড়ে যা।

খানিক বাদে রাজীব আর মানুকে ফিরল। কোন দোকানে গাড়ীর পার্টস বিক্রি করেছিল, আজ গিয়েছিল দাম আদায় করতে। জলিলের হাতে পঁচিশটা টাকা দিয়ে বলে, বাকীটা সামনের সপ্তাহে দেবে বলেছে।

জলিলদের নিয়ে শ্যামল গেল বেহালার বাড়ি থেকে মালগুলো উদ্ধার করতে। চিহ্ন ছাড়া আর কেউ ছিল না।

শ্যামল হাঁক দিয়ে বললে, আমার মালগুলো নিয়ে যাবো, আপনার কাছে চাবি আছে ?

চিহ্ন কোন কথা না বলে চাবিটা বার করে দেয়। শ্যামল দরজা খুলে জলিলের সাহায্যে বাক্সগুলো বারান্দায় বের করে আনে। জলিল ফিস-ফিস করে, ও ছুঁড়ীটা কে রে ?

—গৌরীর বন্ধু।

—খাসা জায়গায় তুই ছিলি মাইরি, জলিল চোখ টিপে ইঙ্গিত করে।

শ্যামল আর কথা না বাড়িয়ে চাবিটা চিহ্নর হাতে দিয়ে বেরিয়ে আসে।

কেউ নিজের বাড়িতে এসে অনেকক্ষণ চুপচাপ শুয়ে রইল। এক সময় ঘুমিয়েও পড়েছিল। জেগে উঠে দেখে, প্রায় বারোটা বাজে। তাড়া-তাড়ি চান করে নেয়। আজ আশুদার কথাগুলো তার মনে নতুন চিন্তা এনে দিয়েছে। সত্যিই তো, এ ক'মাস গৌরীর কোন ব্যবস্থাই সে করেনি। উচিত ছিল এরই মধ্যে বিয়ে করা। সকালবেলা শ্যামলের সঙ্গে এই অপ্রীতিকর ঘটনার ফলে গৌরীর সঙ্গে ভালো করে কথা বলারও সময় পায়নি। এমন কি, খেতে আসবে কি না তাও

বলে আসতে ভুলে গেছে। তবে একথা ঠিক, গৌরী তাকে দেখলে নিশ্চয় খুশি হবে। প্রয়োজন হলে নতুন করে তাত চাপিয়ে তাকে খাওয়াবে, এরকম তো আগে কত বারই হয়েছে।

কিন্তু আশ্চর্য, বেহালায় পৌঁছে কেঁট দেখলে, আজও গৌরী বাড়ি নেই। ঘর তালাবদ্ধ। তাড়াতাড়িতে কেঁট নিজের চাবি আনতে ভুলে গিয়েছিল। বাড়িওয়ালার চাকরকে ডেকে জিজ্ঞেস করে এঘরের চাবি আর আছে কি না জান ?

চাকরের উত্তর দেবার আগেই চিহ্ন ঘর থেকে বেরিয়ে এসে বলল, ই্যা কেঁটদা, গৌরী আমায় চাবি দিয়ে গেছে।

চিহ্নর কাছ থেকে চাবি নিয়ে দরজা খুলতে খুলতে কেঁট জিজ্ঞেস করে, গৌরী কোথায় গেল ?

—জানি না।

—বলে যায়নি ?

—না। শুধু শ্রামল এলে জিনিসপত্র দিয়ে দিতে বলেছিল, সে নিয়ে গেছে।

কেঁট গম্ভীর স্বরে বলে, ও !

চিহ্ন কেঁটর পিছু-পিছু ঘরের মধ্যে ঢোকে, আপনার নিশ্চয় এখনও খাওয়া হয়নি ? আমি খাবার নিয়ে আসি—

—কোথা থেকে ?

চিহ্ন হাসে, কেন, আমি রান্না করি না বুঝি ?

—তা বলিনি। গৌরী বাড়িতে থাকে না ?

—বোধ হয় না। এখনও যখন রান্না করেনি।

চিহ্ন কেঁটকে আর কথা বলার সুযোগ না দিয়ে ঘর থেকে বেরিয়ে যায়। কেঁট জামা খুলে বিছানার স্তরে পড়ে। পাশে একটা পাঁজী ছিল, পাতা উন্টে বর্ষফল দেখে। লেখা রয়েছে অনেক রকম কথা, কিছু

ভাল কিছু মন্দ । পড়তে বেশ লাগে । দশ মিনিটের মধ্যে চিহ্ন গরম ভাত ডাল আর মাছের ঝোল নিয়ে এল । কেষ্ট রসিকতা করে বলে, তুমি যে দ্রোপদী দেখছি, রান্না সব সময় মজুত ।

—রোজই থাকে । বলতে গিয়ে চিহ্নর গলা ভারী হয়ে যায় ।

—কেন ?

—ওর জন্তে করে রাখতে হয় ।

—কে, পিনাকী ? এখনও ফেরেনি ?

—না । আজ আর আসবে না । চিহ্নর চোখ সজল হয়ে ওঠে ।

কেষ্ট চিহ্নর দিকে তাকিয়েই বুঝতে পারে ওদের মধ্যে কোন গোলমাল হয়েছে । খাওয়া শেষ হয়ে গেলে চিহ্ন খালা-বাসন তুলে নিয়ে চলে যায় । কেষ্ট হাত ধুয়ে এসে মোড়ার ওপর বসে । একটু পরে চিহ্ন ফিরে এল দু' খিলি পান নিয়ে । কেষ্ট হেসে বলে, ওইটেরই অভাব বোধ করছিলাম । পান ছুটো মুখে পুরে সিগারেট ধরায় ।

—আপনি শুয়ে পড়ুন, গৌরী হয়ত এখনি ফিরবে ।

কেষ্ট মৃদুস্বরে বলে, এবার সামনের অঘ্রানে বিয়েটা করে ফেলব তাবছি ।

চিহ্নর চোখ চকচক করে ওঠে, খুব ভালো কথা । ঐ সময় নীত পড়বে । আমাদের কিন্তু খুব খাওয়াতে হবে কেষ্টদা ।

—খাওয়ানার তার আশুদা নিয়েছেন, সে দিক থেকে আমি নিবাক্ষাট ।

—কোথা থেকে বিয়ে হবে ?

—আমার বাড়ি থেকে ।

—এ জায়গাটা ছেড়ে দেবেন তাহলে ?

—রেখে আর কি হবে ? বলেই কেষ্টর মনে হল গৌরী চলে গেলে

সত্যি চিহ্ন বড় একলা পড়ে যাবে। তাই বলে, তোমায় কিছু বেশির ভাগ সময় গৌরীর কাছে গিয়ে থাকতে হবে, নইলে ও একা থাকতে পারবে না।

চিহ্ন কেমন যেন আনমনা হয়ে বলে, কেন পারবে না, ঠিক পারবে! ষাই, ঘরে অনেক কাজ পড়ে আছে। কেউর দিকে তাকিয়ে ম্লান হেসে চিহ্ন ঘর থেকে চলে যায়।

কেউ ঘুমিয়ে পড়েছিল। যখন ঘুম ভাঙলো সন্ধ্যা হয়ে গেছে। গৌরী কখন ফিরে এসে শাড়ী বদলে চায়ের জল বসিয়ে দিয়েছে, কেউ জানতেই পারেনি। উঠে বসে জিজ্ঞেস করে, কখন এলে গৌরী?

—অনেকক্ষণ।

—ছপুরে খেলে কোথায়?

—গৌরী চট করে বলে, বেলাদির কাছে।

—কোন বেলাদি?

—বেলারানী। ছবিতে খুব ভাল পার্ট করে?

—তোমার সঙ্গে আলাপ হ'ল কি করে?

—বাঃ, প্রভাতবাবু করিয়ে দিলেন যে।

মনে মনে কেউ আশ্চর্য না হয়ে পারে না। গৌরীর সঙ্গে কেউর কি সম্বন্ধ প্রভাত ভাল করেই জানে। তবু কেউকে না জানিয়ে গৌরীকে বেলারানীর কাছে নিয়ে গেল কি করে তাই ভাবে। মুখে বলে, বেলারানী শুধু তোমাকেই খেতে বলেছিল, চিহ্নকে ডাকে নি।

গৌরী মুখে আত্মল চাপা দেয়, চুপ! এ সব কথা চিহ্নকে বোল না, বেচারী ছঃখ পাবে। ওর পার্ট বেলাদির পছন্দ হয়নি।

চায়ের জল ছুটে গিয়েছিল। কেউ সুযোগ ধোঁজে কখন গৌরীর

কাছে বিয়ের কথা পাড়বে। চা খেতে বসেই বলে, জান ত অঘান
মাসে প্রভাতের বিয়ে ?

—শুনেছি।

—আমাদের ঐ সময়ে হলেই ভাল হয়।

—বিয়ের এত তাড়া কিসের ?

কেষ্ট চোখ তুলে তাকায়, তাড়া মানে, এ ভাবে আর ক’দিন থাকা
চলবে ?

—মন্দ কি ?

—আশ্চর্য ! একটা থিয়েটারে পার্ট করেই নাটকের ভাবায় কথা
বলছ।

কেষ্ট গৌরীকে লক্ষ্য করে। তার চাল-চলনে বৈচিত্র্য এসেছে।
চুল বাঁধা, শাড়ী পরার ধরন, চোখে-মুখে রঙের প্রলেপ। গৌরীর মুখের
দিকে তাকিয়ে থেকে কেষ্ট বলে, তুমি অনেক বদলে গেছ, শুধু কথায়
নয়, সাজ-পোশাকেও।

গৌরী হেসে বলে, তুমিই তো চাইতে আমি সেজে-শুজে থাকি।

—যখন চাইতাম তখন তো করনি ?

—স্বযোগ পাইনি।

—এখন পাচ্ছে ?

—হ্যাঁ। বেলাদির কাছে প্রায়ই যাই।

—একথা তো আমায় বলনি ?

—তুমি তো জানতে চাও নি ?

কেষ্টের মুখ কঠিন হয়ে ওঠে, আমি ব্যস্ত ছিলাম।

গৌরী তরল গলায় বলে, তাই বিরক্ত করিনি।

—আমি বুঝতে পারছি না গৌরী, তোমার বেলাদি কি চায় ?

—আমি ছবিতে নামি।

—ছবিতে, সিনেমায় ! কেউই বিশ্বাসের অবশি থাকে না ।

—হ্যাঁ, অনেক টাকা পাওয়া যাবে ।

—টাকা, টাকাটাই কি সব ?

—অন্তত, তুমি তো তাই বুঝিয়েছিলে ।

কেউ আর কোন কথা বলতে পারে না । অনেকক্ষণ পরে জিজ্ঞেস করে, তুমি কি পাকা কথা দিয়েছ ?

গৌরী কেউ গাঙ্গীর মুখের দিকে তাকিয়ে ধতমত খেয়ে বলে, না, তোমার মত না নিয়ে কি আমি কথা দিতে পারি ?

—তাহলে না করে দিও ।

—বেশ ।

কেউ উঠে জামা পরে । পকেট থেকে শ্যামার চিঠিটা পড়ে যায় । কুড়িয়ে নিয়ে বলে, শ্যামা অনেক করে বলেছে ওদের গ্রামে যাবার জন্তে ।

—চিহ্নর কাছে গুনছিলাম । ঘুরে এসো না ক’দিন ।

—ভাবছি সামনের সপ্তাহে দু’-তিন দিনের জন্ত যাব ।

—শ্যামা তোমায় পেল সত্যিই খুব খুশি হবে ।

কেউ নিজের মনেই বলে, লিখেছে ওরা স্মৃতি হয়েছে, নিজের চোখে না দেখলে বিশ্বাস হবে না ।

কেউ ঠিক করেছিল সোমবার দিন শ্যামার কাছে কিশোরপুরে যাবে । মাঝে শুধু একদিন, তাও রবিবার । দোকান হাট সবই প্রায় বন্ধ । তাই গৌরীকে নিয়ে ঘুরে বেড়ায় । যেখানে যা খোলা আছে, তারই মধ্যে পছন্দ করে কয়েকটা জিনিস কেনার জন্তে । বিশেষ করে পুজোর পর যাচ্ছে । শ্যামার জন্তে শাড়ী, জামাইয়ের জন্তে ধূতি সবই নিতে হবে । গৌরী মনে করিয়ে দেয়, ওদের বাচ্চা দুটির জন্তে কয়েকটা শার্ট-প্যান্ট নিয়ে নাও ।

—কত বড়, মাপ তো জানি না !

আন্দাজ-মত নিয়ে নাও না ।

বাজার করতে এত সময় লাগবে কেউ ভাবেনি । গৌরীর জন্মে একটা শাড়ী কেউর পছন্দ হয়েছিল । গৌরী কিন্তু কিনতে দিলে না । বলে, এইতো সেদিন অতগুলো শাড়ী কিনলে আমার জন্মে, আবার কেন ?

বাজার সারা হলে কেউ গৌরীকে নিয়ে একটা ছোট দোকানে খেতে গেল । দোকানটা পাঞ্জাবীর । ভাত, ডাল, মাংস সবই পাওয়া যায় । গৌরীর কিন্তু মোটেই ক্ষিদে ছিল না । নেড়ে-চেড়ে রেখে দিলে । কেউ জিজ্ঞেস করে, কি হোল, কিছু খাচ্ছ না ? আগে তো বাইরে খেতে খুব ভালবাসতে ।

—আজকাল আর ভাল লাগে না ।

কিশোরপুর যাবার দিন কেউ গৌরীকে বিশেষ করে বারণ করে যায়, আমি দু-তিন দিনের মধ্যেই ফিরব । এর মধ্যে বেলাদির কাছে তুমি যেও না । যা বলতে হয় ফিরে আসার পর হবে ।

গৌরী বলে, অত বার করে বলতে হবে না । একবার না করেছ, সেই যথেষ্ট ।

কেউ চিহ্নকে বলে, গৌরী একলা রইল, তোমরা দুজনে মিলে থেকো ।

চিহ্ন উত্তর দেয়, আমি তো সব সময়েই বাড়ি থাকি ।

—তা তো জানি । তাই বলছি গৌরীকে একটু দেখো ।

—দেখতে দিলে তো ? বলে চিহ্ন গৌরীর দিকে তাকিয়ে হাসে । গৌরী কথাটা শুরিয়ে নেবার জন্মে বলে, চিহ্ন আজকাল বড় হৈয়ালী করে, তুমি বুঝতে পারবে না ।

কেউ হেসে ফেলে, তাই দেখছি দুই বছরে এমন নাটুকেপনা শুরু করেছ, আমার মাথায় ঢোকে না কিছু ।

কিশোরপুর যেতে বালীচক স্টেশনে নেমে বাসে করে দশ মাইল সব-
পর্যন্ত আসতে হয়। তারপর হাঁটাপথে গন্তব্যস্থানে পৌঁছতে মাইল
দুয়েক লাগে জানা ছিল বলেই কেউ জামা-কাপড় সব-কিছু একটা
বিছানার মধ্যে বেঁধে নিয়েছিল। ট্রেন বাস ছেড়ে বিছানা কাঁধে করে
হাঁটতে হাঁটতে কেউ সন্ধ্যা সাতটা নাগাদ কিশোরপুর এসে পৌঁছয়।
কেউ যে আসবে চিঠি দিয়ে তা আগে জানায়নি। গ্রামে পৌঁছে ব্রজ-
দুলালবাবুর নাম করতেই সকলে বাড়ি চিনিয়ে দিলে। কেউ যে এভাবে
আসতে পারে শ্রামা কোনদিনই আশা করেনি। বেরিয়ে এসে প্রণাম
করে টানতে টানতে কেউকে ঘরে নিয়ে যায়।

—সত্যি কাকু, তুমি এসেছ, আমি যে কি খুশি হয়েছি!

কেউ জিজ্ঞেস করে, ব্রজদুলাল কোথায়?

—ছেলে পড়াতে গেছেন। এখনি আসবেন। উনি আমাদের
কাড়ির সকলের কথা খুব জিজ্ঞেস করেন। কেউ একবারও এল না।

—সে কি, দাদা আসেনি?

—বাবা, মা কেউ না। তুমি প্রথম।

দুটি ছোট ছেলে ঝগড়া করতে করতে ঘরে ঢোকে, শ্রামার সঙ্গে
অপরিচিত একজনকে দেখে চুপ করে বায়।

শ্রামা বলে, এ দুটি আমার ছেলে! ওরে, তোদের দাছ হয়,
প্রণাম কর।

বলামাত্র ছেলে দুটি টিপ টিপ করে প্রণাম করে কেউকে, কেউ ব্যস্ত
হয়ে বলে, বিছানাটা খুলি, দাঁড়া। এদের জন্তে জামা, কাপড়, খেলনা
এনেছি। জামা গায়ে হয় কি না দেখো তো—

ছেলে দুটি উৎসাহভরে কেউর সঙ্গে বিছানা খুলতে লেগে যায়।

কেষ্ট ছোট ছোট সার্ট-প্যান্ট বার করে বলে, পুরে দেখো তো তোমাদের
হয় কি না।

বাচ্চা দুটো সেইখানেই উদ্যম হয়ে সার্ট-প্যান্ট পরতে থাকে। কেষ্ট
শাড়ী-ধুতিগুলো শ্রামার হাতে দিয়ে বলে—এগুলো তোদের।

জিনিসগুলো নিতে গিয়ে শ্রামার চোখে জল এসে যায়। বলে,
কাকু, তুমি আমার মুখ রেখেছ।

দাদা যে পূজার তত্ত্বও পাঠায় নি সে-কথা বুঝতে কেষ্টর দেরি হয়
না। বলে, আমার কোটের পকেটে লজেন্স আছে, ওদের দিয়ে দে।

ছেলে দুটি সহজেই কেষ্টর তত্ত্ব হয়ে পড়ে। জামা প'রে বলে, দেখুন
কেমন দেখাচ্ছে।

কেষ্ট দেখে বলে, জামাগুলো আন্দাজ করে এনেছিলাম, বেশ গায়ে
হযেছে তো!

ব্রজহুলাল বাড়ি ফিরতে আসর আরও জমে উঠল। কোলাকুলি
করে বললে, কেষ্টবাবু, আপনার কথা শ্রামার মুখে সব সময় শুনি।
আলাপ করার খুব ইচ্ছে ছিল।

শ্রামা এগিয়ে এসে বলে, দেখ না, কাকু কত জিনিস এনেছে।

ব্রজহুলাল মৃদুস্বরে বলে, এ সব আবার কেন? লৌকিকতা আমায়
ভালো লাগে না।

কেষ্ট বাধা দেয়, লৌকিকতা কি বলছো, পূজার সময় শ্রামার জন্তে
শাড়ী দেব না?

—একশ' বার দেবেন, কিন্তু আমার জন্তে কেন?

শ্রামা বলে, কাকু এই এল, আর তুমি বক্তৃতা শুরু করলে?

ব্রজহুলাল হেসে ফেলে, না না বক্তৃতা দিইনি। তুমি কাকুকে বেশ
কিছুদিন ধরে রাখো।

কেষ্ট আপত্তি জানায়, নানা, এই বৈশ্বাতি বারেই আমার যেতে হবে।

শ্রামা জোর দিয়ে বলে, ছাড়লে তো। এক মাসের আগে তুমি এক পা-ও নড়তে পারবে না। ছেলে দুটিকে ডেকে বলে, মিঠু, কিটু, তোরা খবদার দাতুকে ছাড়িস না।

বলবামাত্রই তারা দুজন এগিয়ে এসে পন্টনের মত কেঁপের হাত দুটো পেঁপে ধরে। একসঙ্গে চোঁচামিচি করে, আমরা গোরা পন্টন, কিছুতেই তোমায় ছাড়ব না।

তাদের কথার ভঙ্গিতে কেঁপ, শ্রামা, ব্রজদুলাল তিন জনেই জোরে হেসে ওঠে।

কেঁপ যেদিন কিশোরপুর গেল, সেই দিনই গৌরীর স্টুডিওতে যাবার কথা। বিনোদ সোমবার দুপুরে এসে গৌরীকে নিয়ে স্টুডিওতে গেছে। সেখানে বেশি সময় লাগেনি, খান কয়েক ছবি তুলে আর গলার স্বর পরীক্ষা করে বেলারানী তাদের ছুটি দিয়েছে। তবু সন্ধ্যা না হতেই গৌরী বাড়ি ফিরে আসে। বিনোদের পীড়াপীড়ি সত্ত্বেও তার সঙ্গে যায় না। বলে, আজকের দিনটা সাবধানে থাকি। কাল থেকে তো ফাঁকা আছি।

বিনোদ গৌরীর হাতটা ধ'রে বলে, তাহলে কিন্তু কাল ভোরেই আসব।

উত্তরে গৌরী বলে, সে তোমার যা খুশি।

বারান্দায় চিহ্ন দাঁড়িয়েছিল। বিনোদের গাড়ী থেকে গৌরীকে নেমে আসতে দেখল, তবু কোন কথা বলে না। গৌরী নিজে থেকে বলে, জিজ্ঞেস করলি না কোথায় গিয়েছিলাম ?

চিহ্ন ঠোট ওলটায় ; আমার কি দরকার।

—আম, ঘরের ভেতর আয়।

—না থাক। অনেক কাজ বাকি।

—কেন, ঘরে কর্তা আছে নাকি ?

চিহ্ন দীর্ঘশ্বাস ফেলে, না।

আর কোন কথা না বাড়িয়ে গৌরী ঘরের মধ্যে ঢোকে। একবার ভাবে, বিনোদের সঙ্গে থাকলেই ভালো হত। একলা-একলা এ ঘরে কাঁহাতক বসে থাকবে। আবার রান্না করতে হবে, খেতে হবে, ভাবতেই বিত্রী লাগে। শুধু এইটুকুই আনন্দ যে কাল থেকে সে যেখানে খুশি যেতে পারে, যতক্ষণ খুশি থাকতে পারে। এ তিন দিন কারো কাছে কৈফিয়ৎ দেবার নেই।

কেষ্ঠর একটা পাঞ্জাবী পেরেকে ঝুলছিল। পকেটের কাছে ছিঁড়ে গেছে, গৌরী সেটা নিয়ে সেলাই করতে বসে। মনে পড়ল তার বাবার কথা। এমনি করে সে তাঁর জামা সেলাই করে দিয়েছে। কতখানি নিষ্ঠার সঙ্গে তিনি দেশে টোল চালাতেন। এতটুকু পাণ্ডিত্যের অভিমান ছিল না। অথচ কি নিদারুণ কষ্টে তাঁর শেষ জীবনটা কাটল! চোখের সামনে গৌরীর মার মৃত্যু দেখে কেমন যেন পাগলের মত হয়ে গিয়েছিলেন। সে ভাবেও হয়তো দিন কেটে যেত যদি-না দেশ ভাগ হবার পর বিধর্মীরা এসে বাড়ির গৃহদেবতাকে অশুদ্ধ করার চেষ্টা করত, তিনি নিজে হাতে নারায়ণকে জলে ফেলে দেন। সেই দিন থেকেই বদ্ধ পাগল হয়ে গেলেন। ক’দিন বাদেই তাঁর মৃতদেহ পাওয়া গেল নদীর ধারে, তিনি আত্মহত্যা করেছিলেন। পুরোন কথা ভাবতে গিয়ে গৌরীর গা ছমছম করে ওঠে। বাবার কথা ভাবলে এখন তাঁর শেষ-জীবনের অপ্রীতিকর ঘটনাগুলোই চোখের সামনে ভেসে ওঠে। সেই জন্তে গ্রামের কথা, শৈশবের কথা সে জোর করে সরিয়ে রাখে। রাজেনের কথা এখনও তার মাঝে মাঝে মনে পড়ে। ছেলেটা তাকে দিয়েছিল অনেক। কিন্তু কেমন যেন অদ্ভুত! গৌরীর ভাইকে সে দৃঢ়ক্ষে দেখতে পারত না। ভাই উপায় থাকলেও তার অশুখের সময় কিছু সাহায্য করেনি। তা না হলে গৌরীও হয়ত ভাসতে ভাসতে এতদূর চলে আসত না!

কেষ্ঠর কথা মনে হতেই গৌরী অস্বস্তি বোধ করে। মাহুষটা অসৎ,

কোন দিন সত্যি কথা বলে না। মুখোস খসে না পড়লে গৌরী কোন দিন ভাবতে পারত না যাকে সে এতদিন দেবতা বলে ডেকেছিল, সে এতখানি হতে পারে! অথচ একথাও সত্যি, গৌরীর প্রতি সে কোন দিন অসহ্যবহার করেনি। এমন কি তার জন্তে স্বার্থত্যাগও করেছে যথেষ্ট। তা না হলে দাদার সঙ্গে ঝগড়া করে বাড়ি ভাগ করল কেন? গৌরীর নিজেকে অসহায় মনে হয়। সে কেঁপে কেঁপে ঘুণা করতে চায়, মনে-প্রাণে দূরে সরিয়ে দিতে চায়, কিন্তু পারে না। এ না পারার কারণ যে কি তা অনেক বিচার করেও গৌরী স্পষ্ট বুঝতে পারে না। তবে একথা সত্যি, কোথা থেকে কৃতজ্ঞতার ক্ষীণ স্রব বেজে ওঠে, যাকে উপেক্ষা করবার সাধ্য তার নেই।

রাত্রে আর গৌরীর রান্না করা হল না। ঘরে যা সামান্য মিষ্টি ছিল তাই দিয়ে জল খেয়ে শুয়ে পড়ে।

পরদিন ভোরবেলা ঘুম থেকে উঠে গৌরী নিজেকে খুব হাল্কা মনে হয়। তাড়াতাড়ি মুখ-হাত ধুয়ে তৈরি হয়ে নেয়। বিমোদ কখন এসে পড়বে তার ঠিক কি! চায়ের জল চাপিয়েছিল কিন্তু খাওয়া হল না, তার আগেই বিনোদের গাড়ী এসে পড়ে। গৌরী ছুটে এসে বলে, আমি কিন্তু এখনও চা খাইনি, দুমিনিট সময় দাও তো খেয়ে নিই।

—কিছু দরকার নেই, চলো, আমার সঙ্গে সব-কিছু আছে।

গৌরী আর দ্বিধা করল না, যদিও বুঝলো চিহ্ন জানালার পর্দা ফাঁক করে সেই দিকে একদৃষ্টে তাকিয়ে আছে। তবু ইচ্ছে করে হাসতে হাসতে তার সামনে দরজা খুলে বিনোদের পাশে গিয়ে বসলো।

গাড়ী ছুটলো জোরে, হাওড়া ব্রিজ পেরিয়ে। গৌরী জিজ্ঞেস করে, কোথায় যাচ্ছি আমরা?

—চল না।

—আমার যে খিদে পেয়েছে ।

—এক জায়গায় গাড়ী থামিয়ে খাবো ।

গাড়ী এসে দাঁড়ালো এক বিরাট বাগানের মধ্যে ।

— বাঃ, সুন্দর তো, কাদের বাগান ?

—সকলের, যারা বেড়াতে আসে ।

ছায়া দেখে বিনোদ জায়গা ঠিক করলো, দু'জনে মিলে ধরাধরি করে গাড়ী থেকে খাবার নামিয়ে আনে ।

—একি করেছ, এত খাবার কে খাবে ?

—আমরা ।

—আমরা কি রান্সস ?

কথা বলতে বলতে তারা বিলাতী দোকানের ছোট ছোট কাগজের বাক্স খুলে কেক প্যাটি বার করে খেতে শুরু করে । বিনোদ নিজেকে ঘাসের উপর এলিয়ে দিয়ে বলে, কত দিন বাদে এখানে এলাম । এর নাম বোটানিক্যাল গার্ডেন ।

—কেষ্টদা একদিন এখানে আনবে বলেছিল ।

—গাড়ী না থাকলে এসে কোন লাভ হয় না ।

সারা দুপুর কোথা দিয়ে কেটে গেল গৌরী বুঝতে পারেনি । মাঝে মাঝে ঘুরে বেড়িয়েছে, কখনও হেঁটে, কখনও গাড়ীতে, কত ফুল কত গাছ, কি সুন্দর পুকুর ! বেলা চারটে নাগাদ বিনোদ বলে, চল ফেরা যাক ।

—না, আর একটু থাকি ।

—চল, বিকেলে একটা সিনেমায় যাবো ।

—একদিনে সব করলে ফুরিয়ে যাবে যে !

—উপায় কি, তিন দিনের তো মেয়াদ, তারপর তো আবার জেলখানা ।

বিনোদের পার্ক সার্কাসের বাড়িতে তারা সন্ধ্যার সময় এসে পৌঁছাল।
উপরের ঘরে গৌরীকে নিয়ে গিয়ে বিনোদ বললে, তুমি শাড়ী বদলে
নাও, আমি চান করে নিচ্ছি।

—এখানে শাড়ী কোথায় পাবো ?

—ডান দিকের দেরাজটা খুলে দেখো। বলে বিনোদ ঘর থেকে
চলে যায়।

গৌরী দেরাজ খুলে দেখে, একটা বড় কাগজের প্যাকেট, তার
উপর গৌরীর নাম লেখা, ভেতরে তিনটে সুন্দর শাড়ী। হাত দিয়েই
বোঝে খুব দামী সিল্ক। তাড়াতাড়ি দরজা ভেজিয়ে লাল শাড়ীটা পরে
ফেলে, আয়নার সামনে দাঁড়িয়ে নিজেকে দেখতে অবাক লাগে।

বিনোদ এসে দরজায় ধাক্কা না দিলে গৌরীর খেয়াল হত না, তবু
আরও আধ ঘণ্টা লাগে গৌরীর সেজেগুজে বেরুতে। সত্যিই তাকে
ভালো দেখাচ্ছিলো। বিনোদ বলে, কেমন মানিয়েছে বলো ত ? গৌরী
আরক্ত মুখে মাথা নীচু করে থাকে।

সিনেমা দেখে ওরা গেল দোকানে খেতে, সেখানেও খুব হৈ-হৈ করে
কাটলো, এক সময় গৌরী বললে, এত দামী শাড়ী পরে আমি কিন্তু বাড়ি
ফিরতে পারবো না। শাড়ী বদলে তারপর যাবো।

—তোমার যা ইচ্ছে।

—সাড়ে ন'টা বাজে, চল এবার যাওয়া যাক। তোমার বাড়ি হয়ে
বেহালা ফিরতে রাত হয়ে যাবে।

—তাতে কি হয়েছে ?

—বাবা ! চিন্ময়ী দেবী আছেন যে, নোট বই-এ টাইম টুকে রাখবেন।

—ওকে একটা শাড়ী দিয়ে দিও, খুশি হয়ে যাবে।

পার্ক সার্কাসের বাড়িতে ফিরে এসে বিনোদ লম্বা হয়ে খাটের উপর শুয়ে পড়ে। গৌরী মৃদুস্বরে বলে, তুমি উঠে পাশের ঘরে যাও, আমি এবার কাপড় ছেড়ে নি।

বিনোদ হাই তোলে, আমি আর পারছি না উঠতে।

—আঃ রাত হয়ে যাচ্ছে।

বিনোদ গৌরীর দিকে একদৃষ্টে চেয়ে থেকে বলে, গৌরী, শোনো।

—কি ?

—এখানে এসো।

—লম্বীটি, আমি কাপড়টা ছেড়ে নিই, তারপর আসছি।

বিনোদ আবদারের সুরে বলে, এসো না, তাহলেই আমি ঘর থেকে চলে যাবো।

অগত্যা গৌরী বিনোদের কাছে আসে, বিনোদ বলে, বসো।

গৌরী খাটের উপর বসতেই বিনোদ তাকে কাছে টেনে নিয়ে আদর করে, গৌরী ক্ষীণস্বরে বলে, ছেড়ে দাও, রাত হয়ে যাবে।

—তাতে কি হয়েছে, একটা রাত তো ?

গৌরী আর প্রতিবাদ করতে পারে না, বিস্মল হয়ে যায়, দেহের যে এতখানি আকর্ষণ আছে তা সে আগে কোনদিন উপলব্ধি করে নি। নিজেকে অসহায় ভাবে বিনোদের কাছে ধরা দেয়। তারই মধ্যে একবার গৌরী জিজ্ঞেস করে, আর কখন বাড়ি ফিরবো !

বিনোদ ধীরস্বরে বলে, আজ ফিরতে হবে না।

—সে কি ?

—কি হয়েছে। খুব ভোরে তোমায় পৌঁছে দিয়ে আসবো, কেউ জানতে পারবে না।

সেদিন রাত্রে যে গৌরী বাড়ি ফেরেনি, সত্যিই তা কেউ বুঝতে

পারেনি। এমন কি চিহ্নও না। পরদিন দেখা হতে গৌরীকে বলেছিলো,
কাল সারা দিন দেখা হয়নি, খুব ঘুরেছিস বুঝি ?

—তা ঘুরেছি বৈ কি।

—ভালো। চিহ্ন আর কোন কথা বলে না, আজকাল ও গৌরীকে
এড়িয়ে চলতে চায় যতদূর সম্ভব !

গৌরীর সাহস এতে বেড়েছে বৈ কমেনি। বিনোদের সঙ্গে দেখা
হতেই বলেছিলো, কেউ বুঝতে পারেনি।

—সে আমি জানতাম।

—আজ কিন্তু আর নয়। যদি ধরা পড়ে যাই ?

—পড়বে কেন ? একটু থেমে বলে, সত্যি আমি আর একলা থাকতে
পারছি না গৌরী !

এর পর থেকে রোজই বিনোদ গৌরীকে নিয়ে বেরিয়ে গেছে। সারা
দিন সারা রাত কাটিয়ে ভোরবেলা বাড়ির কাছে ছেড়ে দিয়ে গেছে।
এর মধ্যে কিসের যেন এক উন্মাদনা আছে। গৌরী কিছুতেই বিনোদকে
বাধা দিতে পারে না।

ইতিমধ্যে কেষ্ঠর একটা চিঠি এসেছিল, ক’দিন আসতে তার আরও
দেরি হবে। শ্রামা কিছুতেই ছাড়ছে না। বিনোদ মন্তব্য করে, শ্রামা
একেবারে না ছাড়লেই তো ভালো।

গৌরী মৃদুস্বরে বলে, অন্তত দিন কয়েক তো ধরে রাখুক।

—তারপর ?

—এলে তো একদিন বোঝাপড়া হবেই।

এরই মধ্যে একদিন বেলারাণীর বাড়িতে প্রভাতের সঙ্গে দেখা। গৌরী
একটা পার্ট পেয়েছে ছবিতে কাজ করার জন্য। গৌরী আজ লাল
শাড়ীর সঙ্গে কালো ব্লাউজ পরে সুন্দর সেজে এসেছে। বেলারাণী

তারিফ করে বলে, বাঃ সুন্দর দেখাচ্ছে। বিনোদ, এ তো তোমার পছন্দ করা দেখছি।

বিনোদ হাসে, তোমার অজানা আর কি।

ড্রইংরুমে বসে তারা গল্প করছিলেন। এমন সময় প্রভাত এসে হাজির। হাত তুলে নমস্কার করে বলে, কাল জগদীশপুরে যাচ্ছি, তাই দেখা করতে এলাম।

বেলারাণী চেষ্টা করে হাসে, কালই ?

—হ্যাঁ।

—কবে ফিরছেন ?

—এক মাস বাদে।

—তার পরই বিয়ে, বেশ আছেন। আপনারা বসুন, আমি চা আনতে বলি।

বেলারাণী উঠে গেলে প্রভাত বিনোদের সঙ্গে আলাপ করে, আপনার কি খবর বিনোদবাবু ?

—ভালোই।

—ছবি কেমন উঠছে ?

—বেলা তো সারাক্ষণই আপনার তারিফ করছে। ছবি ভালো উঠলে নাকি আপনারই লেখার কৃতিত্ব।

প্রভাত জোরে হেসে ওঠে। তাই নাকি ?

এতক্ষণে গৌরীর দিকে তার নজর পড়ে, নিখুঁত সাজে প্রথমে তাকে চিনতে পারেনি। এখন জিজ্ঞেস করে, ভালো আছেন ?

গৌরী মাথা নেড়ে সায় দেয়।

—কেউ কোথায় গেছে ?

—কিশোরপুর, শ্যামার কাছে।

—কবে ফিরবে ?

—ঠিক নেই।

বেলারাণী ফিরে আসে। খানিকক্ষণ মামুলি কথাবার্তা হয়। প্রভাতের যাবার সময় হলে বেলারাণী তাকে নিয়ে বাইরের দরজার কাছে এসে কথা বলে। পার তো চিঠি দিও।

—দেবো, অরুণাকেও দিতে বলবো।

বেলারাণী অন্তমনস্ক ভাবে জিজ্ঞেস করে, তোমার নাটকের রিহাসালি বিনোদের কোন্ বাড়িতে হ'ত। পার্ক সাকাসে কি?

—হ্যাঁ, কেন?

—গৌরীর সঙ্গে বিনোদের ঐখানেই আলাপ।

—যত দূর মনে হয়, কেন?

—পরে বলবো। গৌরীকে মুক্তার পার্ট দিলাম।

—পারবে?

—বুঝতে পারছি না, তবে চেষ্টা আছে, তাছাড়া বিনোদের তদ্বির। আমি টাকা দেবো না বলেছি। ঐ বোধ হয় দেবে আমার নাম করে। ইঁ করে কি ভাবছো?

প্রভাত দীর্ঘশ্বাস ফেলে, না কিছু না, চলি।

প্রভাত চলে গেলে বেলারাণী আবার বিনোদের সঙ্গে যোগ দেয়।

কিশোরপুরে এসে কেঁটে উপলব্ধি করে এ ক'দিন তার বড় বেশি খাটনি গেছে। কলকাতার ব্যস্ত জীবন থেকে চলে এসে এখানকার শান্তিপ্রিয় অলস দিনগুলি তার কাছে বড় মধুর মনে হয়। সকালে ঘুম থেকে উঠে জলখাবার খেয়ে কেঁটে ছিপ নিয়ে পুকুরপাড়ে গিয়ে বসে। কত কথা ভাবে, গৌরীর কথা। হয়তো মাছ ওঠে, হয়তো ওঠে না। ব্রজ-ছলল ছপুরের দিকে এসে খবর নেয়, কিছু উঠল না কি? কেঁটে মুখ তুলে বলে, বিশেষ কিছু নয়।

—এ পুকুরে ছিপে ধরবার মাছ নেই, জাল ফেললে রুই কাতলা উঠতে পারে। পুকুরপাড়ে বসে ছুজনে গল্প করে, গায়ে তেল মেখে জলে সাঁতার কাটতে নামে। পুকুরের জল খুব পরিষ্কার না হলেও একেবারে পান্য-পড়া নয়। অনেক দিন বাদে এভাবে চান করতে পেয়ে কেঁচু খুশি হয়। বলে, কলকাতায় আর সাঁতার কাটব কোথায়, যাওয়া ছু-একটা জায়গা আছে সময়ের অভাবে আর যাওয়া হয় না।

ব্রজহুলাল সায় দিয়ে বলে, বটেই তো, কলকাতা কত ব্যস্ত শহর।

—আপনি কলকাতায় বেশি যান না?

—ন'মাসে, ছ'মাসে একবার। তাও খুব দরকার না পড়লে নয়।

—কেন?

—তালো লাগে না।

নিচু আর কিচু পাড়ে বসে খেলা করছিল, জিজ্ঞেস করে, বাবা, যে কটা মাছ উঠেছে নিয়ে যাবো?

—এখনও যাসু নি, শীগগিরি মার কাছে নিয়ে যা।

ওরা দৌড়তে দৌড়তে চলে যায়। কেঁচু বলে, যাই বলুন, গায়ে দিনকতক বেশ লাগে। কিন্তু চিরকাল থাকতে বড় কষ্ট।

—যার যেমন অভ্যেস।

ব্রজহুলাল কথা বলে খুব শান্ত ভাবে। পাড়ে উঠে গামছা দিয়ে গা-হাত মুছে ভিজ্জে গামছাটা পাট করে মাথায় দিয়ে বলে, চলুন এবার যাওয়া যাক।

বাড়ি ফিরে কেঁচু দালানে বসে অর্ধসাপ্তাহিক আনন্দবাজারের উপর চোখ বুলায়। পুরোন খবর, তবু সময় কাটাবার জন্তে পড়া।

ব্রজহুলাল রান্নাঘরে চলে গিয়েছিল, খানিক বাদে বেরিয়ে এসে ডাকে, আসুন, আহা প্রস্তুত।

ভিতরের দালানে শ্যামা আসন পেতে ঠাই করে রাখে, ছুজনে

পাশাপাশি বসে, শ্যামা নিজের হাতে পরিবেশন করে। শ্যামা বলে, তোমার ধরা মাছ রেখে দিয়েছি কাকু, রাত্রে রেঁধে দেবো।

ব্রজদুলাল বলে, সে না হয় রেঁধো। এখন কাকুকে একটু ঘি দাও না, গরম ভাতে মেখে খাবেন।

কেষ্ট ভৃগুি করে খায়। পদের বাহল্য না থাকলেও, আন্তরিকতা আছে। খাওয়া শেষ করে ঢেকুর তুলে বলে, খুব খেয়েছি!

শ্যামা বলে, তোমার নিশ্চয় কষ্ট হয়েছে, এখানে তো বেশি জিনিস পাওয়া যায় না। আমি ভেবেই পাই না কি দিয়ে খাবে!

ব্রজদুলাল হেসে ওঠে, খিদে দিয়ে খাবেন, ওর চেয়ে আনন্দ আর কিছুতে পাবেন না।

খাওয়া-দাওয়ার পর ছপূরে কেষ্ট একটু গড়িয়ে নেয়। কলকাতায় তার শোয়ার অভ্যেস না থাকলেও এখানে শুতে ইচ্ছে করে। তবে বেশিক্ষণ পারে না। ছপূরের রোদ নরম হলেই মিঠু আর কিটু এসে ঠেলা মারে, ওঠো না, বেড়িয়ে আসি। এখুনি সন্ধ্যা হয়ে যাবে।

কোন রকমে এক কাপ চা খেয়ে কেষ্টকে বেরুতে হয়। শ্যামাকে জিজ্ঞেস করে, তুই যাবি না কি?

শ্যামা জিত কেটে বলে, তুমি পাগল হয়েছ না কি কাকু, বউমাহুষ বুকি বেড়াতে যায়?

কেষ্ট হাসে, খুব গিন্নী হয়েছিস এ ক'দিনে।

মিঠু আর কিটু টানতে টানতে কেষ্টকে নিয়ে যায়। একটা শুকনো খালের ওপর দিয়ে ডিঙ্গে মেরে চলতে চলতে কেষ্ট জিজ্ঞেস করে, এখানে কোন নদী নেই?

মিঠু বলে, আছে তো। কেলঘাই নদী, বাবা, বরষায় কি বান ডাকে!

খাল পেরিয়ে অল্প দূরে যেতেই কিশোররাজার গড়। ছেলেরা

বুঝিয়ে দেয়, এই রাজার নামেই গ্রামের নাম কিশোরপুর। জায়গাটি বড় সুন্দর! কেঁচু তাকিয়ে তাকিয়ে দেখে। এখান থেকে সমস্ত গ্রাম দেখা যায়। কেলেঘাইতে বান এলে ঐ জায়গাটা আরও কত সুন্দর দেখায় কেঁচু তা সহজেই অনুমান করতে পারে। মিঠু আর কিটু খুশিমত এক-একটা জায়গা দেখিয়ে বলে, এখানে রাজার বাড়ি ছিল, এখানে মন্দির ছিল।

একটা টিবির উপর বসে কেঁচু সিগারেট ধরায়। ভাবে, হয়তো সত্যিই এখানে একদিন সমারোহের অন্ত ছিল না। রাজা রাণী মন্ত্রী, সামন্তের উপস্থিতিতে এই গড় গমগম করত। আজ সেখানে ঝিঝি পোকায় ডাক ছাড়া কিছুই শোনা যায় না। মিঠু বলে, জানো দাদু, এখানকার রাণী ভীষণ গরীব হয়ে গিয়েছিল। পান্ধী চড়ে ভিক্ষে চেয়ে বেড়াত।

কেঁচু হোঁ-হোঁ করে হাসে, রাণী কখনও ভিক্ষে চায়, তাহলে আর তাকে রাণী বলবে কেন?

মিঠুর অভিমান হয়, তুমি তো আমার কোন কথাই বিশ্বাস করছ না।
| যাকে খুশি জিজ্ঞেস করে দেখো।

সারাদিন কেঁচুর বেশ ভাল ভাবেই কেটে যায়। মাছ ধরে, সাঁতার কেটে, ঘুমিয়ে, বেড়িয়ে এই অলস মন্থর দিনগুলি সে উপভোগ করে। কিন্তু সন্ধ্যা হলে কেঁচুর আর ভালো লাগে না। চারদিক অন্ধকার হয়ে আসে, হারিকেন বাতি জ্বালিয়ে দাওয়ায় বসে থাকা ছাড়া উপায় থাকে না। যেদিন ব্রজহুলাল তাড়াতাড়ি ছেলে পড়িয়ে বাড়ি ফেরে, সেদিন তবু খানিকটা গল্প হয়। শ্যামা থাকে রান্নাঘরে, বাত্রের খাওয়া শেষ না হওয়া পর্যন্ত বাইরে আসতে পারে না। মিঠু, কিটু অবশ্য কেঁচুর নিত্যসঙ্গী কিন্তু সন্ধ্যা হলে তাদের ঘুম পায়। নতুনমার কাছে খেয়ে ঘরে গিয়ে শুয়ে পড়ে। ব্রজহুলালের

ব্যবহার কেঁষ্টর ভাল লেগেছে। সরল, অমায়িক, ভদ্রলোক। তবে তার জন্তে করুণা হয় এই ভেবে পৃথিবীর অর্ধেক আনন্দ থেকে সে বঞ্চিত। কুপমণ্ডুকের মত কিশোরপুরের এই ছোট্ট গাঁয়ের মধ্যে সে আবদ্ধ। এই তার পৃথিবী, এই তার সব। এক একবার কেঁষ্ট ভাবে, জোর করে এদের কলকাতায় টেনে নিয়ে গেলে হয়। যুহন্তর জীবনের সাড়া পেয়ে হয়তো এদের ঘুম ভাঙতে পারে।

এক সন্ধ্যাবেলা কেঁষ্ট দাঁওয়ায় বসে এমনি কত কথা ভাবছে। ব্রজহুলাল ফিরল মাস্টারী করে। জামা খুলে কেঁষ্টর পাশে বসে হাঁপাতে থাকে। বলে, ওঃ, আজ বড় পরিশ্রম হয়েছে।

—কেঁষ্ট জিজ্ঞেস করে, স্কুল তো এখন বন্ধ, এত কি টিউশানী করেন ?

—আমার একটা কোচিং ক্লাশের মত আছে। যে সব ছেলেরা উঁচু ক্লাশে পড়ে, কোন কোন বিষয়ে কাঁচা, তাদেরই পড়িয়ে দিই।

—সে রকম ছাত্র ক'জন ?

—অনেকগুলি আছে। শুধু আমাদের স্কুলের তো নয়, অন্য স্কুলের কয়েকটি ছেলে আসে।

—এ থেকে রোজগার ভাল হয় ?

—এমনিই পড়াই। এরা গাঁয়ের ছেলে, ইস্কুলেরই মাইনে দিতে পারে না তো আবার আমায় কি দেবে ?

—তবে আর ব্যাংকার খাটছেন কেন ?

ব্রজহুলাল হাসে, যদি এ বাঁদরগুলো মানুষ হয়।

এই ধরনের কথা শুনলে কেঁষ্ট বিরক্ত হয়, কি যে বুদ্ধি আপনাদের বুঝি না ! পাস করে এরা করবে কি, চাকরী তো জুটবে না।

—আজকাল তাই হয়েছে বটে।

—আজকাল কেন, চিরকালই তাই। যার বুদ্ধি আছে সেই করে খাচ্ছে। এম-এ, বি-এ-দের সব চাকর রাখছে। ধরুন না একটা

ড্রাইভার, লেখাপড়া শিখেছে না ঘণ্টা ! একশ' টাকার ওপর মাইনে পায়, আর পাসকরা কেরানীর মাইনে ষাট টাকা। বলিহারী লেখাপড়ার ফল—

—তা তো দেখতেই পাচ্ছি।

—যত ব্যাটা ব্যবসাদার, সব দেখবেন বুদ্ধি খাটিয়ে রোজগার করছে। পেটে লাখি মারলে কোঁক বলবে, ক বলবে না। তবু আপনারা রাত্রি-দিন লেখাপড়া শিখিয়ে কেরানী তৈরি করবেন।

ব্রজহুলাল উত্তর দেয় না। স্নান হাসে। কেষ্ট ভেবেছিল, হয়তো সে প্রতিবাদ করবে, না করায় নিজের মতকে সুপ্রতিষ্ঠিত করবার জন্তে ওর রোখ চেপে যায়। বলে, আজকের দিনে কাকে লোকে খাতির করে, যার টাকা আছে, সে চোর হোক, জোচ্চোর হোক, চরিত্রহীন, হোক, তবু লোকে তাকে মাথায় করে নাচবে। টাকা না থাকলে আপনি যত সৎই হন, যত ভাল লোকই হন কেউ পুঁছবে না। আমাদের পাড়ায় রঘু বাঁড়ুজ্যে বলে এক শয়তান আছে। হতভাগা সব রকম ব্যবসা করে, কোনটা সৎপথে নয়। তবু তার কি খাতির, সমাজের একজন মাথা-বিশেষ।

—এ কথা তো আমি অস্বীকার করছি না—

কেষ্ট গলা চড়িয়ে বলে, অস্বীকার করবে কি, এ যে খাঁটি সত্য কথা। আজকে যারা লেখক, তারা দেখে কি করে বই বিক্রি হবে। কি করে বেশি টাকা পাবে। তার জন্তে যত রকম অশ্লীল লেখা তারা দিতে রাজী আছে। যে ডাক্তার, তার ভিজিট পেলেই হল, রুগী বাঁচল কি মরল সেদিকে দৃষ্টি নেই। উকীল ব্যারিস্টার বিধবা অসহায়দের সম্পত্তি মেরে টাকা করার চেষ্টা করছে। যে দেশনেতা সে কি করে নিজের পেটোয়া লোকদের চাকরী করে দেবে, কি করে নতুন কন্ট্র্যাক্ট পাবে, সেই স্মরণে খুঁজছে। খবরের কাগজ কতগুলো এক মুঠো—২০

অবিবেচক টাকাওয়ালা লোকদের হয়ে ড্রাম পেটাচ্ছে, সিনেমায় শুধু যৌন আবেদন। এই হচ্ছে আজকের সভ্যতা, এর বাইরে থাকলে আপনি অসত্য।

ব্রজহুলাল উঠে পড়ে, দেখি শ্যামা আজ খাবার দিতে এত দেরি করছে কেন ?

কেষ্ট বোঝে, ব্রজহুলালের মত লোককে বুক্তি দিয়ে বোঝান অসম্ভব। কতকগুলো ধারণা এদের মনে বদ্ধমূল হয়ে আছে, যা কিছুতেই উপড়ে ফেলা যায় না।

বৃহস্পতিবার। কেষ্ট ফেরার সব তোড়জোড় করছিল। কিন্তু শ্যামা কিছুতেই যেতে দিলে না। বলে, আবার কবে আসবে কে জানে, আরও কিছুদিন থেকে যাও।

কেষ্ট চলে আসতে চাইলেও পারেনি। মনে মনে ভাবে, সত্যিই তো, এতদিন বাদে শ্যামার সঙ্গে দেখা হল, আরও দু-একদিন থেকে গেলে যদি সে খুশি হয়, তাহলে ভালই। শুধু শ্যামার জন্তে নয়, ব্রজহুলাল আর বাচ্চা দুটির যুগপৎ পীড়াপীড়িতে কেষ্ট আরও ক’দিন থেকে যাওয়াই স্থির করল। সেই দিনই গোঁরীকে চিঠি লিখে জানিয়ে দেয় তার কলকাতায় ফিরতে আরও দু-একদিন দেরি হবে।

ভীমেশ্বরী বাজারের কাছে যে অস্থায়ী সিনেমা হল আছে, সেখানে দু-একদিনের জন্তে পৌরাণিক ছবি ‘ঋব’ এসেছে। শ্যামা ধরে বসল, এই ছবিটা আমাদের দেখাও কাকু, কত দিন বায়স্কোপ দেখিনি !

কেষ্ট জিজ্ঞেস করে, কেন, তোরা আস না ?

—উনি তো সময়ই পান না।

সেই দিনই শ্যামা আর বাচ্চাদের নিয়ে কেষ্ট বাজারে ছবি দেখতে গেল। খড়ের চালের সিনেমা-হল। সামনে সতরঞ্জি, তারপর বেঞ্চি। পেছনে চেয়ার। আট আনা দামের টিকিট করে কেষ্টরা চেয়ারে বসে।

মামুলী পৌরাণিক ছবি, তবু দেখতে মন্দ লাগে না। এক প্রৌঢ় ভদ্রলোক দাঁড়িয়ে দাঁড়িয়ে অনেকের সঙ্গে কথা বলছিলেন। শ্যামা দূর থেকে চিনিয়ে দেয়, ওর নাম নিতাই দাস। এই সিনেমাটা ওর—

—তাই না কি? বড়লোক বুঝি?

—হ্যাঁ! কি করে টাকা পেয়েছিল পরে বলব।

ছবি শেষ হলে বাড়ি ফেরার পথে শ্যামা নিতাই দাসের পরিচয় দেয়, বলে, ওর বাবা যথের ধন পেয়েছিল।

—সে আবার কি?

—নিতাই দাসের বাবা বুড়ো দাস মশাই একদিন ভীমা মায়ের পুকুর থেকে এক যক্ষকে উঠতে দেখলেন। শুনলেন বড় বড় ধড়ার শব্দ। উনি তো খুব বিচক্ষণ লোক ছিলেন, বুঝতে পারলেন নিশ্চয় ওখানে যথের ধন আছে। তাড়াতাড়ি কাছে পিঠে যা নোংরা জিনিস ছিল তাই ছুঁড়ে ছুঁড়ে ঘড়াগুলোকে অপবিত্র করে দিলেন। যক্ষ তখন ঘড়া ফেলে জলের মধ্যে চলে গেল। দাস মশাই সারা রাত ধরে এক একটা ঘড়া মাথায় করে বাড়িতে নিয়ে এলেন। সত্যি কাকু, বুড়োর মাথায় নাকি একদিনে টাকা পড়ে গিয়েছিল। কিন্তু পরদিন সকালবেলাই মুখে রক্ত উঠে বুড়ো ম'ল! এই নিতাই দাস। পেল যক্ষের ধন, সেই থেকে এরা বড়লোক।

কেষ্ট হাসে, যত সব গাঁইয়া গল্প।

মিঠু ফোড়ন কাটে, নতুনমা, দাছ কোন কথা বিশ্বাস করে না, সব তাতে হাসে।

গল্প করতে করতে তারা যখন বাড়ি ফিরল তখন ব্রজহুলাল খাতা কলম নিয়ে কি লিখছিল। জিজ্ঞেস করে, কেমন লাগল? ছেলেরা ছুটে গিয়ে বাবাকে গল্প শোনাতে শুরু করে। এক সময় কেষ্ট জিজ্ঞেস করে, নিতাই দাসের বাবা যথের ধন পেয়েছিল?

—ওই রকম কিংবদন্তী আছে ।

—আসল ব্যাপারটা কি ?

বুড়ো হুনের ব্যবসা করে টাকা করে । গান্ধীজি যখন বিলাতী হুন ‘বয়কট’ করলেন ও তখন মাথায় করে হুন নিয়ে বিক্রি করে বেড়াত ! লোকটা ছিল এক নম্বর সুবিধাবাদী, একই সঙ্গে বিলিতি কাপড় আর দিশি হুনের ব্যবসা চালিয়েছিল বেনামে ।

—তাইতেই ওর টাকা । তবে নিতাইটাও লোক ভাল নয় ।

—কেন ?

—টাকা টাকা করে পাগল । সিনেমা খুলে রাজ্যের খারাপ বই এনে দেখায়, জমিদার হিসেবেও দুর্নাম করেছে যথেষ্ট ! সেদিন আপনি যে সুবিধাবাদী কৃতী লোকদের কথা বলছিলেন, তাদেরই একজন ।

—লেখাপড়া শিখেছিল ?

—না ।

—তবেই দেখুন, পয়সা করেছে তো ?

—বদনামও ।

—তাব মানে ?

—পঞ্চাশের কোঠা পেরিয়ে গেছে, তবু লিপ্সার শেষ নেই । গাঁয়ের কত কুমারী এবং ক্বাহিতা মেয়ের সর্বনাশ করেছে, তার ইয়ত্তা নেই ।

—তবু তো লোকে তাকে খাতির করে ? তবু তো সে সুখে আছে ।

ব্রদহুলাল উঠে পায়চারী করতে করতে বলে, লোকে তাকে খাতির করে নিশ্চয়, যত দিন টাকার খাতির থাকবে ও খাতির পাবে । কিন্তু সুখে আছে বলা যায় না ।

—কেন ?

—ওর একটি ছেলে আর একটিই মেয়ে । মেয়েটির পনের বছর বয়সে অবৈধ সম্ভান হয়, সে আত্মহত্যা করে । তারপর থেকে ওর

স্ত্রী পাগল। ছেলেটা বদসঙ্গে মেশে, এখনই কত রকম রোগে ভুগছে—
এ থেকে কি সুখ-শান্তি থাকে ?

কেউ উত্তর দিতে পারে না। ব্রজহুলাল বলে যায়, কেউবাবু, একেই
বলে ভগবানের চাবুক। মোক্ষম মার, কেউ এড়াতে পারে না।

—আপনাদের ভগবানও তো কম খোসামুদে নয়, সেই যে বিপদ।
তাকে সুখ দিয়ে নিতাই দাসরা বেশ মার এড়িয়ে যায়। আর ভগবানের
চাবুক গিয়ে পড়ে নিরীহ মানুষদের ওপর, এর দৃষ্টান্তও কম নেই।

ব্রজহুলাল খানিকক্ষণ চুপ করে থেকে বলে, যে রকম চোখের সামনে
দেখা যায় তাতে আপনার কথাগুলো খুব সত্যি সন্দেহ নেই। মিথ্যেরই
যেন জয়জয়কার আমাদের দেশে। কিন্তু কেন তা ভেবেছেন কি ?
আমরা মনুষ্যত্ব হারিয়েছি, আমরা আর মানুষ নই।

—তার মানে ?

ব্রজহুলাল ঘন ঘন মাথা নাড়ে, ইংরেজ রাজত্বে আমরা শিক্ষা পাইনি।
তখন দু'পাতা ইংরিজী পড়তে শিখে লোকে বড় পণ্ডিত বলে পরিচিত
হত, এর চেয়ে মিথ্যে আর কি থাকতে পারে ? আমি জানি, আমার
ঠাকুর্দা টোলের পণ্ডিত ছিলেন, লোকে তাকে মুখ্য ঠাওরালে, আর
আমার কাকা শুনেছি ছোটবেলায় চিরকাল বখামি করে ইংরিজী বুলি
আউড়ে এই গাঁয়েরই মস্ত পণ্ডিত ব্যক্তি হয়ে উঠলো। এইখানেই যে
সবচেয়ে বড় গলদ, সেদিনের বিষ প্রয়োগের ফল আজ ফলেছে।
আজকের ছেলেরা না জানে বাংলা, না জানে ইংরিজী। লিখতে
শেখেনি। ময়নার মতো কতকগুলো বুলি আওড়ায়।

কেউ কোন উত্তর না দিয়ে চুপ করে শোনে।

—এদের মনুষ্যত্ব বলে কিছু নেই। তাই এরা ওষুধে বিষ
মেশায়, খাবার চালে কাঁকর দেয়। সব রকম উপায়ে লোক
ঠকায়, কারণ তারা বুঝতেই পারে না ভবিষ্যতের ফল। আপনি

ঠিক বলেছেন তারা বোঝে টাকা, কিন্তু এদের ভরসায় থাকলে তো চলবে না—

কেষ্ট এবার হেসে ওঠে, এরাই তো আমাদের চালাচ্ছেন, আমরা ভেড়ার পালের মত এদের ইজিতে চলেছি।

ব্রজদুলালের মুখ কঠিন হয়ে ওঠে, এ চলবে না। সব ভাঙ্গবে, ভেঙ্গে চুরমার হয়ে যাবে।

কেষ্ট ব্রজদুলালের মুখে এ ধরনের কথা শুনবে আশা করেনি। নির্বাক-বিশ্বস্তে তাকিয়ে দেখে, উত্তেজনায় তার মুখ কঁপে কঁপে উঠছে।

—মানুষ চোর, জোচ্চোর, সুবিধাবাদী এমনিতে হয় না কেষ্টবাবু, মনুষ্যত্ব হারালে তবে হয়। আমাদের দেশের সমস্তা খাতি নয়, বস্ত্র নয়; সমস্তা হল মানুষ কমে যাচ্ছে, পশুর সংখ্যা বেড়ে যাচ্ছে। তাই আমাদের আজ মানুষ তৈরি করতে হবে।

মিঠু আর কিটু দুজনে কেষ্টের পেছন থেকে উঁকি মেরে বাবাকে দেখছিল। ব্রজদুলাল তাদের দেখিয়ে বলে, এদের বয়সী ছেলেরাই এখন আমাদের ভরসা। মিঠু কিটুদের যদি মানুষ তৈরি করতে পারেন আজ থেকে বিশ বছর বাদে দেখবেন দেশের চেহারা বদলে গেছে। এদের সত্যিকারের শিক্ষা দিতে হবে, তার জন্তে চাই যথেষ্ট আত্মত্যাগ। আসবেন আপনারা শহর ছেড়ে গাঁয়ের মধ্যে?

কেষ্ট এতক্ষণে কথা বলে, আমাদের দিয়ে আর কি হবে? লেখাপড়া করিনি, বিত্ত-বুদ্ধি কিছুই নেই।

—এখানেই তো ভুল করছেন। পাস করলেই জ্ঞান হয় না, আপনি যা বলেন খুব কম পাস-করা লোকের মুখে একথা শুনেছি। যদি সত্যি আজকের দেশের অবস্থা দেখে প্রাণ কাঁদে, চলে আসুন এখানে। আমাদের এই ছোট্ট শিক্ষায়তন-এর আদর্শে যা পারেন যোগ দিন। এখনো এখানে ড্রিল শেখানো হয় না। দরকার তাদের স্বাস্থ্যের

দিকে নজর দেওয়ার। তাদের খেলাধুলো শেখান কোনদিন হবে না।

শ্রামা এসে না পড়লে কথা হয়তো আরও চলতো। বলে, আবার বক্তৃতা শুরু হয়েছে তো, অমন করলে কাকু পালিয়ে যাবে।

ব্রজহুলাল নিজেকে সামলে নেয়, মাস্টারী করে এই বদ অভ্যাস হয়েছে, বড় বকবক করি।

লেকের পাড়ে সাঁতার কেটে উঠে জলিল আর রাজীব জামা-কাপড় পরছিল। সন্ধ্যা হয়ে গেছে, শ্রামল রেলিং-এর ওপর বসে সিগারেট টানে। একটা গাড়ী পার্কিংএ দাঁড়ায়, হেড লাইটের আলো ওদের গায়ের উপর এসে পড়ে।

জলিল দাঁত চেপে বলে, এ শালাদের জ্বালায় কাপড় ছাড়া আর যাবে না দেখছি।

রাজীব ফোড়ন কাটে, ওদিকে নজর না দিলেই হল। আমাদের যা খুশি করব, লেকটা তো কারুর বাপের সম্পত্তি নয়।

শ্রামল ইচ্ছে করে টেঁচিয়ে বলে, এই রাজীব, ভদ্রলোকের বাপ তুলছিঁস কেন মিছিঁমিছি।

—বেশ করেছি, তোর কি?

গাড়ীর চাবি বন্ধ করে ভদ্রলোক একটি মেয়েকে নিয়ে সাঁতারের ক্লাবের দিকে যান। শ্রামল আড়চোখে দেখে মন্তব্য করে, স্বামী-স্ত্রী না কি?

—সে খোঁজে তোর দরকার কি? ব্যাগ নিয়ে গেল, এখুনি বোধ হয় জলে নামবে—

জলিল এতক্ষণে কথা বলে, পয়সাওয়াল লোক রে, নতুন হিলম্যান চেপে এসেছে।

তিনজনে গাড়ীটা দেখে। শামল হঠাৎ বলে, চাকার হাফ ক্যাপ-
গুলো খুলে নেব ?

—নে না। আমরা নজর রাখছি।

মিনিট পাঁচেকের বেশি লাগে না। শামল পকেট থেকে একটা চাড়
দেবার যন্ত্র বের করে হাফ ক্যাপ চারটে খুলে নেয়। পাশেই জলিলদের
পুরাতন মডেলের ভান্সা স্ট্যাণ্ডার্ড গাড়ীটা দাঁড়িয়েছিল। তারা জিনিস
নিয়ে গাড়ীতে করে চম্পট দেয়।

রাজীব বলে, বেশ রগড় হবে মাইরি ! ভদ্রলোক তো খুব চাল মেয়ে
মেয়ে নিয়ে জলে সাঁতার কাটতে গেল। ফিরে এসে দেখবে হাফ ক্যাপ
গন্, একেবারে মাথায় হাত দিয়ে বসবে।

জলিল গাড়ী চালাতে চালাতে বলে, কিছুই নয়। ইঞ্জিনের স্ক্রল
থেকে কান মূলে ঢাকা আদায় করবে।

শামল দুটো হাফ ক্যাপ দু'হাতে নিয়ে খঞ্জরীর মত বাজাচ্ছিল।
জিজ্ঞেস করে, এখন কোথায় যাবি ?

—গ্যারেজে, কালী থাকবে।

—মিটিং না কি ?

—হ্যাঁ। দেবেনের সঙ্গে সাফ কথা বলতে হবে।

গাড়ী গিয়ে ঢুকলো ঢাকুরিয়ার এক মেঠো রাস্তার ভেতর।
গাছপালায় ঢাকা ভান্সা গ্যারেজ। বাইরে থেকে পোড়ো জমি বলে
সন্দেহ হয়। ইটের উচু পাঁচিল, মরচে-পড়া টিনের গেট।

শামলরা ভিতরে ঢুকে দরজা বন্ধ করে দেয়। কালী আগে থেকে
এসেই খাটিয়ায় বসে ছিল। জিজ্ঞেস করে এত দেরি যে ?

জলিল উত্তর দেয়, লেকে চান করে নিলাম।

রাজীব বলে, শামল হিলুম্যানের চারটে হাফ ক্যাপ খুলে এনেছে।

—নতুন ?

—হ্যাঁ ।

—ভালো দাম পাওয়া যাবে । এ জায়গাটা কেমন রে জলিল ?

—ভালো, রাজীব তো এখানেই থাকে । বলছে, কোন গোলমাল নেই ।

—পাড়ার লোকরা কেমন ?

রাজীব উত্তর দেয়, বেশি আলাপ হয়নি । দূরে দূরে বাড়ি, সবাই চুপচাপ থাকে ।

—তা হলেও বেশি দিন থাকা ভালো নয় । ছ' মাসের মধ্যে নতুন জায়গা ঠিক কর । গন্ধ পেলেই পুলিশ আসবে ।

জলিল তচ্ছিল্যতরে বলে, গন্ধ পেলে তো ! সেই শোভুরলে গাড়ীটা মনে আছে ? রং পার্টে পাকিস্তানে পাঠিয়ে দিলাম—

—তবু সাবধান হয়ে থাকা ভালো ।

দেবেনদা এসে ঢোকেন । সকলে খাতির করে খাটিয়ায় বসতে দেয় । দেবেনদা জুতো খুলে ভালো করে বসেন । শামলকে দেখে বলেন, কি খবর, তোমাকে তো বহুদিন বাদে দেখছি ।

কালী উত্তর দেয়, কেন, এখন তো ও আমার কাছেই রয়েছে ।

—তাই নাকি ? আমার ওখানে তো যায় না ।

শামল ব্যাজার মুখে বলে, সময় পাইনি । অনেকগুলো ঝামেলায় ছিলাম ।

—একদিন চুণীলাল আর মদন এসে কি বলছিল ।

—কি ?

—তোমাকে না কি বাড়ি থেকে তাড়িয়ে দিয়েছে ।

চুণীলাল ও মদনের নাম শুনেই শামল তেলে বেগুনে জ্বলে ওঠে, আমাকে তাড়িয়েছে তো ও শালাদের কি ?

এত বিক্রী ভাষায় তাঁর মুখের উপর কথা বলবে দেবেনদা ভাবেন নি । বলেন, সংযত হয়ে কথা বল, শামল !

কালী মাঝখান থেকে চৌঁচিয়ে ওঠে, ওর কথা পরে হবে দেবেনদা,
এখন কি ঠিক করেছেন বলুন।

দেবেনদা একটু চুপ করে থেকে বলেন, কিছুই ঠিক করিনি।

—তাহলে পার্টি ভেঙ্গে দিন।

—কেন?

—কি করে চলবে, টাকা চাই, টাকা—

—হঁ, ভাবছি চাঁদা তুলে—

—কে চাঁদা দেবে?

দেবেনদা বিস্ময় প্রকাশ করেন, তবে কি করবে?

কালী অম্লান বদনে হাসে, গয়নার দোকানে এত গয়না আছে, ব্যাঙ্কে
এত টাকা আছে।

দেবেনদা উত্তেজিত হয়ে ওঠেন, না, না, অসম্ভব!

—কেন অসম্ভব? দেশের ভালোর জন্তেই তো খরচা করা হবে।

—তোমার কি ইচ্ছে ঠিক স্পষ্ট করে বলো।

—সামনের ইলেকশানে দাঁড়াবেন বলেছিলেন। আমরা ভাবলাম,
আপনি দাঁড়ালে আমাদেরও সুবিধে হবে, সে সব গেল—

দেবেনদা বাধা দেন, কেন, ইলেকশানে তো আমি দাঁড়াবো।

—দাঁড়াবেন তো টাকা কোথায়?

—টাকা কি হবে? দেশের লোকের কাছে আমি আবেদন করব।

এত বছর যাদের জন্তে জেল খেটেছি, সারা জীবন যাদের জন্তে উৎসর্গ
করেছি, তুমি কি ভাবছো তারা আমায় ভোট দেবে না?

কালী মুখ বিকৃত করে, ওরকম জেলখাটা লোক রাস্তায় অনেক
ফ্যা-ফ্যা করে ঘুরে বেড়াচ্ছে, ইলেকশানে টাকা দিয়ে ভোট কিনতে হয়
দাও, এমনিতে হয় না।

—তাহলে আমি দাঁড়াবো না—

—তাই তো বলেছি। আপনাকে ঘড়া ঠিক করে কি বুঝুই বনেছি। শালা পয়সা ঢাললে আপনাকে সব চেয়ে বেশি ভোট পাইয়ে দিতাম, গাড়ী বাড়ি নিয়ে হাঁকিয়ে বসতেন, এমন চটী পায়ে ঘুরে বেড়াতে হত না—

দেবেনদা অস্থির হয়ে ঘন ঘন পায়চারী করেন, তাই বলে এই হীন উপায় ?

—সব সময় সাধু হলে চলে না। জেলে ঘুরলেই যদি ইলেকশান জেতা যেত, তাহলে ইদ্রিস তো দশ বারের বেশি জেল খেটেছে—

দেবেনদা ছাড়া সকলে হো হো করে হেসে ওঠে। এই ক’দিন আগেই ইদ্রিসকে পকেট মারার জন্ত পুলিশে ধরেছে। দেবেনদা ঘন ঘন মাথা নাড়েন, ঠাট্টা নয় কালী, এসব বিষয় নিয়ে ঠাট্টা করা উচিত নয়।

—তাহলে একটা ব্যবস্থা করুন। আমি তো আপনাকে গরীবের টাকা কাড়তে বলছি না! যারা দেশের টাকা নিয়ে মজা লুটেছে তাদের টাকা নিয়ে যদি দেশের কাজ করেন তো আপনাকে সকলেই জয়জয়কার করবে।

নিরুপায় দেবেনদা ক্ষীণস্বরে বলেন, মনে রেখো আমার আদর্শ—

—সে বলতে হবে না। আপনি দেখুন—

দেবেনদা স্বস্তির নিশ্বাস ফেলেন, তাহলে আমার বলার কিছু নেই।

—আপনি ভোটে জিতবেনই। দেবেনদার মত জোর করে আদায় করে কালী নিশ্চিত হয়। জলিলকে বলে; গাড়ী করে দেবেনদাকে বাড়ী পৌঁছে দিতে।

দেবেনদা চলে গেলে রাজীবকে জিজ্ঞেস করে, মেয়ে ঠিক হয়েছে ?

—হ্যাঁ, রাজীব উত্তর দেয়।

—কাল দেবেনদার সঙ্গে আলাপ করিয়ে দিতে হবে। ওকে সামনে রেখে কাজ হাসিল করব, কিন্তু মেয়েটা ঠিক তো ?

—দেখলেই চিনতে পারবে।

—ঠিক আছে।

শ্রামল এতক্ষণ এদের আলোচনায় যোগ না দিয়ে নিজের কথাই ভাবছিল। দেবেনদা চুণীলালের কথা বলতে সে বোঝে, চুণীলালই ঠুর কাছে চুকলী কেটেছে। তবে কি মামার বাড়িতেও ওরা গিয়েছিল! আশ্চর্য নয়, চুণীলাল ছেলেটা একরোখা আর বদরাগী, হয়তো ও গিয়ে মামার কাছে লাগিয়েছিল। মনে মনে ভাবে, মদনের বাড়ি গিয়ে এর ফয়সালা করে আসবে।

সেইদিনই বিকেলে শ্রামল মদনের পাড়ায় যায়। আড্ডা-সজ্জার পাথরে মনুদা বসেছিল। শ্রামলকে দেখে হেসে জিজ্ঞেস করে, কত দিন বাদে, কি খবর তোমার?

—ভালো। মদন কোথায়? ওর কাছেই এসেছি।

—ভালোই করেছো, কার কাছে শুনলে?

—শ্রামল বুঝতে না পেরে অবাক হয়ে যায়।

—শোনো নি, মদনের বাবা মারা গেছেন?

—কবে?

—পরশু।

শ্রামল শুধু বলে, ওঃ।

—বাড়িতে বোধ হয় মদন নেই, একটু আগেই গাড়ীতে করে বেরিয়ে গেল।

—তবে আর এখন গিয়ে কি করব?

—পার তো সকালের দিকে এসো।

—তাই আসবো।

শ্রামল মনুদা'র পাশে বসে পড়ে, আপনার কি খবর মনুদা?

—ভালো নয় ভাই!

—কি হল ?

—নন্দিতার বাবা ওর বিয়ের সব ঠিক করে ফেলেছেন।

—তাই না কি ?

—দোসরা অঘ্রান বিয়ে।

—সে কি, তারিখ ঠিক হয়ে হয়ে গেছে ? কার সঙ্গে ?

মহুদা দীর্ঘশ্বাস ফেলে, কে জানে, বড় লোক কেউ হবে !

—নন্দিতা চিঠি দেয়নি ?

—ক’দিন তাও বন্ধ। নন্দিতা বাড়ি থেকে বারই হয় না। এদিকের জানালা-দরজা দেখছো না, সব বন্ধ থাকে। শ্রামল সমবেদনা প্রকাশ করে, তবে তো খুব মুস্থিল !

—তোমরা কখনো প্রেমে পড়ো না তাই ! এ বড় বিক্রী কষ্ট, সবাইকে জ্বালিয়ে মারে। আমাদের মতো লোকের জন্তে এ-সব নয়। বাড়ি গাড়ী থাকলে দেখতে নন্দিতার বাবা আমার পেছনে ছুটে বেড়াতে। সবই টাকা তাই !

মহুদার কথা শুনে শ্রামলের সত্যি মন খারাপ হয়ে যায়। বলে, আমাদের দিয়ে যদি কিছু হয়তো জানাবেন।

মহুদা ম্লান হাসেন, বলেন, এসো মাঝে মাঝে।

বেলারাণীর কাছে কনট্রাকট পেয়ে অবধি গৌরী ছ’দিন স্টুডিওতে গিয়েছে কাজ করতে। কেউ এখনও ফেরেনি। হয়তো ছ’চার দিনের মধ্যে ফিরবে। গৌরী কিন্তু তা নিয়ে মাথা ঘামায় না। মন থেকে কেউকে সে জোর করে সরিয়ে দিয়েছে। বিনোদের সঙ্গে পা মিলিয়ে তাকে চলতেই হবে। যদি সে নিজেকে সুপ্রতিষ্ঠিত করতে চায়, নিজের পায়ে দাঁড়াতে চায়। বেলারাণীই এখন তার আদর্শ। এক একবার মনে হয়েছে বটে, এমন ভাবে চললে কেউ হয়তো দুঃখ পাবে।

হয়তো গৌরীর প্রতি ঘণায় তার মন ভরে যাবে, কিন্তু সঙ্গে সঙ্গেই নতুন জীবনের অদ্ভুত উন্মাদনায় তার মন আশা-আকাজকায় ভরে ওঠে। বিনোদ যে জীবনের স্বাদ তাকে একদিন দিয়েছে কেউ তা কোন দিনই দিতে পারবে না। গৌরী ঝুঁড়িতে যায়, বিনোদের সঙ্গে নতুন নতুন জায়গায় ঘুরে বেড়ায়, তারই সঙ্গে রাত কাটায়। বেহালার বাড়িতে সে কোন দিন ফেরে, কোন দিন ফেরে না। চিহ্নর সঙ্গে তার খুব কম দেখা হয়। আগে যাও-বা দু-একটা মোখিক আলাপ হত, এখন সেটা শুধু হাসিতে দাঁড়িয়েছে। তবে তারই মধ্যে একদিন সামান্য আলাপ হয়েছিল। চিহ্নর মুখটা গৌরীর সামনে ভেসে ওঠে, তুমি শুনলাম ঝুঁড়িতে যাচ্ছে। ?

—হ্যাঁ, একটা ছোট কাজ পেয়েছি।

—কন্‌গ্র্যাচুলেশান !

—ধন্যবাদ।

—কেউদা কবে ফিরবে ?

—জানি না।

—তুমি কোন চিঠি লেখনি ?

—না।

গৌরী যে আজকাল প্রায়ই রাতে বাড়ি ফেরে না সে নিয়ে চিহ্ন কিছু বলেনি। একবার বলেছিল, তোমায় আজকাল আগের চেয়ে আরও সুন্দর দেখতে হয়েছে।

গৌরী হেসে বলে, আমার কোন কৃতিত্ব নেই, সব এই শাড়ি আর ব্লাউজের।

—অনেক দাম, না ?

—তা তো হবেই, বিনোদের পছন্দ।

—সে তো বুঝতেই পারছি।

সেদিন গৌরী নিজের থেকেই বলে, একটা কথা রাখবি চিহ্ন—

—কি বল্।

কেষ্টদা ফিরলে তুই ওকে সব কথা খুলে বলিস—

—তোমার বলাই তো ভাল—

গৌরী মাথা নাড়ে, আমি বলবো না। ও কি বলে আমায় জানাস।

চিহ্ন অনেকক্ষণ চুপ করে থেকে বলে, তোমার যা ইচ্ছে।

কেষ্ট মাত্র তিন দিনের জন্তে শ্রামার কাছে কিশোরপুর গিয়েছিল বটে, কিন্তু বারো দিনের আগে কিছুতেই সেখান থেকে বেরুতে পারল না। রোজই একবার করে সে কলকাতা ফেরার তোড়জোড় করেছে কিন্তু মিঠু, কিটু এবং তাদের নতুনমার জন্তে হয়ে ওঠেনি। শেষ পর্যন্ত ব্রজহুলালই তার ফেরার পথ সুগম করে দেয়। বলে, সত্যিই যদি ওনার কলকাতায় কাজ থাকে, মিছিমিছি আটকে রাখা উচিত নয়।

শ্রামা বলেছে, আমি মিছিমিছি ধরে রেখেছি না কি? কাকু কলকাতায় ফিরে গেলে আর কি আসবে ভেবেছো?

—কেন আসবেন না, নিশ্চয়ই আসবেন, দরকার হলে আমরাও যাবো।

কেষ্টকে বিদায় দেবার সময় শ্রামার চোখ ছলছল করে, পরেরবার কিন্তু খুড়িমাকে সঙ্গে নিয়ে আসবে। ব্রজহুলাল ছাড়লে না, কেষ্টর বিছানা ঘাড়ে করে নিয়ে বাস-স্টাণ্ডে তুলে দিতে চললো। কেষ্ট অনেক আপত্তি করেও তাকে নিরস্ত করতে পারেনি। এ কদিনেই কেষ্ট বুঝতে পেরেছিলো শ্রামার কথা কতখানি সত্যি। এ গ্রামের ছেলে বুড়ো সকলেই ব্রজহুলালকে ভালোবাসে, শ্রদ্ধা করে। রাস্তায় দেখা হলেই হাত তুলে নমস্কার করে। বলে, কোথায় চললেন মাস্টার মশাই?

—কোথাও যাইনি ভায়া, এঁকে বাসে তুলতে যাচ্ছ। ব্রজহুলাল

নিজের মনেই বলে, এদের ছেড়ে কি শহরে যাবার উপায় আছে ? কেউ কোন উত্তর দেয় না । ব্রজহুলাল এক সময় জিজ্ঞেস করে, মনে আছে তো সেদিন যা বললাম ?

—কি ?

—একজন মাস্টার খুঁজছি, যে শরীরচর্চা শেখাবে, অথচ নীচু ক্লাসে পড়াতে পারবে ।

—মাইনে ?

—বলেছি তো, মোটা-ভাত-কাপড়ের অভাব হবে না ।

অল্পমনস্ক স্বরে কেউ উত্তর দেয়, দেখবো ।

ঐনে সারাক্ষণ কেউর কলকাতার কথা মনে হয়েছে । পূজার হিসাব মেলানো, ব্যবসায় আবার মন দেওয়া, বাড়িতে রান্নার সুব্যবস্থা করা, কত কাজ পড়ে রয়েছে । মনে মনে ভাবে, শ্রামাটা আদার করে অনেক দিন ধরে রেখেছিলো, আগে চলে এলেই ভালো হ'ত । অথচ কি আশ্চর্য, কিশোরপুরে থাকতে একদিনও একথা মনে হয়নি । কলকাতার কথা ভাবতেই কেমন যেন ব্যস্ততা আপনা থেকেই এসে যায় । সকলের চেয়ে বড় কথা—কলকাতায় গিয়ে বিয়ের ব্যবস্থা করতে হবে । গৌরীর কথা মনে হতেই কেউ অস্বস্তি বোধ করে, ও নিশ্চয় খুব অভিমান করেছে । তিন দিনের জন্তে বেরিয়ে, বারোদিন হয়ে গেলে কোন্ মেয়ে না রাগ করবে ? কেউ কিশোরপুর থেকে তিনখানা চিঠি লিখেছিলো কিন্তু গৌরীর কাছ থেকে কোন উত্তর পায়নি ।

কল্পনার আল বুনে আর মিথ্যে স্বপ্ন দেখে যে ছেলেরা আনন্দ পায়, কেউ মোটেই সে দলের নয় । তবু বিয়ে সম্বন্ধে কেমন যেন তার দুর্বলতা আছে ! আর-কিছু না হোক, রত্ননচৌকি না বাজলে বিয়ে বলে মনেই হয় না । তাছাড়া পাত পেড়ে খাওয়ার ব্যবস্থা । এ ছটো তাকে করতেই হবে ।

কলকাতায় পৌঁছে কেঁট রিক্সা করে বাড়ি ফেরে। বলরামদের দরজা খোলা ছিল। কি মনে হল, কেঁট দাদার বাড়িতে ঢুকে ডাকাডাকি করে। বৌদি শুকনো মুখে বেরিয়ে আসে, কি হয়েছে ঠাকুরপো!

কেঁট হাসে, আমাকে দেখলেই ভয় করে বুঝি? না, হয়নি কিছু।

—তবে?

—এই মাত্র শ্রামার কাছ থেকে আসছি।

—কিশোরপুর থেকে?

—হ্যাঁ, ক’দিনের জন্তে গিয়েছিলাম, দিন-বারো কাটিয়ে এলাম।

শ্রামা কিছুতেই আসতে দেবে না।

বৌদির মুখে হাসি ভরে ওঠে, ও যে তোমায় খুব ভালোবাসে।

—পুজোর কাপড়-জামা নিয়ে গিয়েছিলাম।

বৌদির চোখে জল আসে, বড় ভালো করেছ ঠাকুরপো, আমাদের কিছুই পাঠানো হয়নি। তোমার দাদা যে এ-সব বোঝেন না।

বৌদি খুঁটিয়ে খুঁটিয়ে শ্রামাদের সব কথা শোনে, মিষ্টি, ফল না খাইয়ে কেঁটকে ছাড়ে না। বলে, পুজোর ক’দিনই শ্রামার জন্তে যে কি রকম মন কেমন করেছে, বলতে পারি না।

বাড়ি গিয়ে মুখ-হাত-পা ধুয়ে জামা-কাপড় বদলে কেঁট বেহালার বাস ধরে। না জানিয়ে আনন্দ আছে, গৌরী কি ভাবে, তার সঙ্গে কথা বলবে ভাবতেই কেঁটর মজা লাগে। দোকান থেকে বেলফুলের মালা কিনেছে, গৌরী খোঁপায় জড়াতে ভালোবাসে।

কিন্তু বাইরে থেকে গৌরীর ঘর অন্ধকার দেখে কেঁট অনেকখানি দমে যায়। বারান্দায় উঠে চিহ্নকে ডাক দেয়। চিহ্ন ঘরে আছ নাকি?

—কে, কেঁটদা, বলে সাড়া দিয়ে চিহ্ন বেরিয়ে আসে, কখন এলেন?

এক মুঠো—২১

৩২১

—এই মাত্র । গোঁরী কোথায় ?

—বেরিয়েছে । দাঁড়ান, দরজাটা খুলে দিই ।

দরজা খুলে ভিতরে ঢুকে আলোর তলায় চিহ্নর মুখ দেখে কেঁষ্ট
বিস্মিত হয়, কি হয়েছে চিহ্ন ?

—না, ভালোই আছি ।

—চোখের তলায় কালি, শুকনো চুল ?

কথা ঘোরাবার জন্তে চিহ্ন জিজ্ঞেস করে, কি আনবো বলুন না ?

—শুধু চা খেতে পারি ! আর কিছু না । তবে ব্যস্ত হচ্ছে কেন,
গোঁরী ফিরুক ।

—তখন না হয় আর-এক কাপ খাবেন । বলে চিহ্ন চা করতে চলে
যায় ।

কেঁষ্ট হাতের মালাটা তাকের উপর রাখে, মনে মনে ভাবে, গোঁরী
ফিরে এলে পর ঘোঁপায় নিজ হাতে পরিয়ে দেবে । চিহ্ন চা করে নিয়ে
এলো, সেই সঙ্গে গল্প চলল অনেকক্ষণ । সবই কিশোরপুরের—শ্রামার
ছেলেদের কথা, ব্রজদুলালের কথা ।

চিহ্ন সব কথা শুনে সজল চোখে বলে, বড় আনন্দের কথা । শ্রামারা
সুখী হয়েছে ।

—সত্যি চিহ্ন, বড় ভাবনা ছিল । ভেবেছিলাম, দাদা কোন এক
বুড়োর সঙ্গে মেয়েটার বিয়ে দিয়েছে । এখন দেখছি, ঐ একটা কাজই
দাদা ভালো করেছে ।

কথা বলতে বলতে প্রায় সাড়ে ন'টা বেজে যায় । কেঁষ্ট জিজ্ঞেস
করে, কৈ গোঁরী তো এখনও ফিরল না ?

প্রশ্ন শুনেই চিহ্নর মুখ ফ্যাকাশে হয়ে যায়, বলে, কি জানি ।

—ও কোথায় গেছে ?

—জানিনে, বলতে গিয়ে চিহ্নর গলা কেঁপে ওঠে । কেঁষ্টর তা নজর

এড়ায় না। বোঝে, চিহ্ন কিছু গোপন করার চেষ্টা করেছে। জোর দিয়ে বলে, কি হয়েছে চিহ্ন, ঠিক করে বলে।

চিহ্ন আর চুপ করে থাকতে পারে না, হাউ হাউ করে কেঁদে ফেলে; কেঁদে ধমকে ওঠে, খুলে বলে কি হয়েছে গৌরীর।

চিহ্ন অনেক কষ্টে গলা পরিষ্কার করে বলে, ক’দিন থেকে গৌরী ফিরছে না।

—মানে?—সে কি কথা? কোথায় থাকে?

—বিনোদের কাছে।

কেঁদে পাথর হয়ে যায়। চিহ্ন তার পায়ের তলা থেকে মাটি সরিয়ে নিয়েছে। বেশ কয়েক মিনিট কোন কথা বলতে পারে না। পরে অতীত দিকে তাকিয়ে প্রশ্ন করে, ক’দিন থেকে?

—দিন পাঁচেক।

—তোমায় কিছু বলেছিলো?

—শুধু আপনাকে জানিয়ে দিতে যে ও সিনেমায় কাজ নিয়েছে।

কেঁদে দাঁতে দাঁত চেপে বলে, সিনেমায় নেমোছ! ও!! অনেকক্ষণ পরে জিজ্ঞেস করে, প্রত্যাহারের বই-এ?

—বোধ হয়। আমায় বলেনি।

—বিনোদের বাড়ির ঠিকানা জানো?

—না, তবে পার্ক সার্কাসে থাকে। চিহ্ন ইচ্ছা করেই ঠিকানা গোপন করে গেল।

—বড় ক্লান্ত লাগছে। আমি একটু শুয়ে পড়ি চিহ্ন, তুমি আলোটা নিবিয়ে দিয়ে যাও।

—থাবেন না?

—না। চিহ্ন আলো নিবিয়ে দরজা ভেজিয়ে দিয়ে চলে যায়।

কেঁদে বিছানায় শুয়ে পড়ে কিন্তু ঘুমুতে পারে না। বুকের ভেতরটা

কেমন যেন মোচড় দিয়ে উঠছে। এক ফোঁটা জল তার চোখ দিয়ে পড়লো না, শুধু জ্বালা চোখে-মুখে, সমস্ত শরীরে কি অসহ্য জ্বালা! যে গৌরীর জন্তে সে সব ছেড়ে এই ভাবে হাফ-গেরস্থ হয়ে দিন কাটিয়েছে, যাকে নিজের দোসর বলে গ্রহণ করেছে, যার অপমান এক মুহূর্তের জন্তে সহ্য করতে পারেনি, সে তাকে এভাবে ঠকিয়ে বোকা বানিয়ে চলে গেল! এ চিন্তা কেষ্ঠর মাথায় আগুন ধরিয়ে দেয়। গৌরীকে হাতের কাছে পেলে বেদম মারতে ইচ্ছা করে। যে মার সে জীবনে ভুলতে পারবে না। চুলের মুঠি ধরে মুখখানা দেওয়ালে ঘষে ভোঁতা করে দেবে, তবে বোধ হয় বুকের জ্বালা কমবে।

আবার তার নিজেকে একা নিঃশ্বাস অসহায় মনে হয়, কোথায় গেল গৌরী, কোথায় গেল শ্রামল, আগে নিজেকে ভাবতে সে গর্ব অনুভব করতো! কিন্তু আজকে সে একা, সবাই ফেলে চলে গেছে। নিজেকে তার প্রতারিত মনে হয়। এ অন্তর্দাহের শেষ কোথায়?

কিসের জন্তে গৌরী চলে গেল? টাকা। টাকা ছাড়া আর কি? গাড়ী বাড়ি শাড়ী—এর প্রলোভন সে সামলাতে পারলো না। বিনোদ তাকে নিশ্চয় বিয়ে করবে না। শখ মিটলেই ওকে সরিয়ে আর-একটা গৌরীকে নিয়ে যাবে। কি লাভ হল গৌরীর?

কেষ্ঠ সারারাত ছটফট করেছে। বার বার জল খেয়েছে! বারান্দায় বেরিয়ে জোরে জোরে নিশ্বাস নিয়েছে। মাহুঘের উপর খুব বেশি বিশ্বাস কোন দিনই কেষ্ঠর ছিল না। যেটুকুও অবশিষ্ট ছিল গৌরী তা সমূলে বিনষ্ট করে গেল। সংসারের প্রতি পুঞ্জীভূত ঘণায় তার সমস্ত শরীর বিধিয়ে ওঠে।

ভোর না হতেই কেষ্ঠ বেহালা থেকে বেরিয়ে পড়ে। বাড়ি ফিরে জিরোবার চেষ্টা করে, পারে না। অনন্ত-কেবিনে গিয়ে গরম চা খায়। আগুদা দোকানে আসার আগে পয়সা মিটিয়ে বোরয়ে আসে।

পার্কের বেঞ্চে গিয়ে বসে। সারাদিন ট্রেনে করে এসে ক্লান্ত হয়েছিলো, তার উপর রাতে ঘুম হয় নি, ফলে খোলা মাঠের মাঝখানে শুয়ে অবসন্ন দেহে ঘুমিয়ে পড়ে।

যখন ঘুম ভাঙলো প্রায় দুপুর। সারা দেহে কেঁষ্ট বেদনা অমৃভব করে, মাথাটাও ধরেছে, একবার ভাবে বাড়ি ফিরে যাবে, পরক্ষণে মনে হয় বেহালায় যাওয়াই ভালো, চিহ্নর কাছ থেকে হয়তো আরও খবর পাওয়া যাবে।

ঘর খোলা ছিল, তেতরে চিহ্ন ঝাড়পোঁছ করছে, কেঁষ্ট গিয়ে বিছানায় ধপ করে বসে পড়ে।

চিহ্ন চমকে ওঠে, কি হয়েছে কেঁষ্টদা, অমন করে শুলেন কেন ?

—কিছু না, এমনি।

—কোন ভোরে উঠে চলে গেছেন বলুন তো ?

কেঁষ্ট চোখ খুলে তাকালো, জবাব দিতে পারলো না। চিহ্ন কেঁষ্টর লাল চোখ দেখেই ভয় পেয়েছিল। কাছে গিয়ে গায়ে হাত দিয়ে বলে, গা যে পুড়ে যাচ্ছে, আপনার জ্বর হয়েছে ?

কেঁষ্ট সে কথা শোনে না, চিহ্নর হাতটা ধরে বলে, তোমার হাতটা কি ঠাণ্ডা, বুকের উপর একটু রাখবে ? এখানে বড় জ্বালা।

কেঁষ্টর জ্বর ছাড়তে পাঁচদিন লাগলো। ঐ ক’দিনই চিহ্ন অবিরাম সেবা করেছে, বার্লি সাবু করে এনে খাইয়েছে। মাথার কাছে বসে কপালে হাত বুলিয়ে দিয়েছে, সাস্তুনা দিয়ে ভুলিয়ে রেখেছে।

কেঁষ্ট সুস্থ হয়েই বলে, তুমি আমার জন্তে এত করলে চিহ্ন, অথচ আমি কার জন্তে এত করলাম ?

চিহ্ন থামিয়ে দেয়, ওসব কথা এখন ভাববেন না।

—কখন ভাববো ?

—সুস্থ হয়ে উঠুন।

কেমন যেন মোচড় দিয়ে উঠছে। এক কোঁটা জল তার চোখ দিয়ে পড়লো না, শুধু জ্বালা চোখে-মুখে, সমস্ত শরীরে কি অসহ জ্বালা ! যে গৌরীর জন্তে সে সব ছেড়ে এই ভাবে হাফ-গেরস্থ হয়ে দিন কাটিয়েছে, যাকে নিজের দোসর বলে গ্রহণ করেছে, যার অপমান এক মুহূর্তের জন্তে সহ্য করতে পারেনি, সে তাকে এভাবে ঠকিয়ে বোকা বানিয়ে চলে গেল ! এ চিন্তা কেষ্ঠের মাথায় আগুন ধরিয়ে দেয়। গৌরীকে হাতের কাছে পেলে বেদম মারতে ইচ্ছা করে। যে মার সে জীবনে ভুলতে পারবে না। চুলের মুঠি ধরে মুখখানা দেওয়ালে ঘষে ভোঁতা করে দেবে, তবে বোধ হয় বুকের জ্বালা কমবে।

আবার তার নিজেকে একা নিঃস্ব অসহায় মনে হয়, কোথায় গেল গৌরী, কোথায় গেল শ্যামল, আগে নিজেকে ভাবতে সে গর্ব অনুভব করতো ! কিন্তু আজকে সে একা, সবাই ফেলে চলে গেছে। নিজেকে তার প্রতারিত মনে হয়। এ অন্তর্দাহের শেষ কোথায় ?

কিসের জন্তে গৌরী চলে গেল ? টাকা। টাকা ছাড়া আর কি ? গাড়ী বাড়ি শাড়ী—এর প্রলোভন সে সামলাতে পারলো না। বিনোদ তাকে নিশ্চয় বিয়ে করবে না। শখ মিটলেই ওকে সরিয়ে আর-একটা গৌরীকে নিয়ে যাবে। কি লাভ হল গৌরীর ?

কেষ্ঠ সারারাত ছটফট করেছে। বার বার জল খেয়েছে ! বারান্দায় বেরিয়ে জোরে জোরে নিশ্বাস নিয়েছে। মাহুষের উপর খুব বেশি বিশ্বাস কোন দিনই কেষ্ঠের ছিল না। যেটুকুও অবশিষ্ট ছিল গৌরী তা সমূলে বিনষ্ট করে গেল। সংসারের প্রতি পুঞ্জীভূত ঘণায় তার সমস্ত শরীর বিধিয়ে ওঠে।

ভোর না হতেই কেষ্ঠ বেহালা থেকে বেরিয়ে পড়ে। বাড়ি ফিরে জিরোবার চেষ্টা করে, পারে না। অনন্ত-কেবিনে গিয়ে গরম চা খায়। আশুদা দোকানে আসার আগে পয়সা মিটিয়ে বোরয়ে আসে।

পার্কের বেঞ্চে গিয়ে বসে। সারাদিন ট্রেনে করে এসে ক্লান্ত হয়েছিলো, তার উপর রাতে ঘুম হয় নি, ফলে খোলা মাঠের মাঝখানে শুয়ে অবসন্ন দেহে ঘুমিয়ে পড়ে।

যখন ঘুম ভাঙলো প্রায় দুপুর। সারা দেহে কেঁষ্ট বেদনা অনুভব করে, মাথাটাও ধরেছে, একবার ভাবে বাড়ি ফিরে যাবে, পরক্ষণে মনে হয় বেহালান্ন যাওয়াই ভালো, চিহ্নর কাছ থেকে হয়তো আরও খবর পাওয়া যাবে।

ঘর খোলা ছিল, ভেতরে চিহ্ন ঝাড়পোঁছ করছে, কেঁষ্ট গিয়ে বিছানার ধপ করে বসে পড়ে।

চিহ্ন চমকে ওঠে, কি হয়েছে কেঁষ্টদা, অমন করে গুলেন কেন ?

—কিছু না, এমনি।

—কোন তোরে উঠে চলে গেছেন বলুন তো ?

কেঁষ্ট চোখ খুলে তাকালো, জবাব দিতে পারলো না। চিহ্ন কেঁষ্টর লাল চোখ দেখেই ভয় পেয়েছিল। কাছে গিয়ে গায়ে হাত দিয়ে বলে, গা যে পুড়ে যাচ্ছে, আপনার জ্বর হয়েছে ?

কেঁষ্ট সে কথা শোনে না, চিহ্নর হাতটা ধরে বলে, তোমার হাতটা কি ঠাণ্ডা, বুকের উপর একটু রাখবে ? এখানে বড় জ্বালা।

কেঁষ্টর জ্বর ছাড়তে পাঁচদিন লাগলো। ঐ ক’দিনই চিহ্ন অবিরাম সেবা করেছে, বার্লি সাবু করে এনে খাইয়েছে। মাথার কাছে বসে কপালে হাত বুলিয়ে দিয়েছে, সাস্ত্যনা দিয়ে ভুলিয়ে রেখেছে।

কেঁষ্ট সুস্থ হয়েই বলে, তুমি আমার জন্তে এত করলে চিহ্ন, অথচ আমি কার জন্তে এত করলাম ?

চিহ্ন থামিয়ে দেয়, ওসব কথা এখন ভাববেন না।

—কখন ভাববো ?

—সুস্থ হয়ে উঠুন।

কেষ্ট চুপ করে যায়, এক সময় জিজ্ঞেস করে, গৌরীর আর কোন খবর পাওনি ?

চিহ্ন চুপ করে থাকে । কেষ্ট দীর্ঘশ্বাস ফেলে, বলে, ফিরে এসে বিয়ে করবো তারই ঠিক করছিলাম । শ্রামা বলছিলো, পরের বার খুড়িমাকে সঙ্গে নিয়ে এসো । কি আশ্চর্য, যখন আমি প্রস্তুত হলাম ও চলে গেল !

চিহ্ন কি ভেবে নিয়ে হঠাৎ বলে, যদি গৌরীর সঙ্গে দেখা করতে চান, আমি নিয়ে যেতে পারি ।

—তুমি যে সেদিন বললে, ঠিকানা জান না ?

—নিজে গিয়ে চিনিয়ে দিতে পারি ।

—চলো, তার সঙ্গে বোঝাপড়া করে আসি ।

—আজই ? এখনও আপনি দুর্বল !

—এখুনি । ট্যাক্সি নেবো ।

চিহ্ন শাড়ী বদলে ফিরে এসে দেখে, কেষ্ট আগের মতোই শুয়ে আছে ।

—কি হল, যাবেন না ?

কেষ্ট চিহ্নর দিকে পূর্ণদৃষ্টিতে তাকিয়ে বলে, না থাক ।

—কেন ?

—কি দরকার । ওর যা ইচ্ছে তাই করেছে, আমার বলার কি দরকার ?

চিহ্ন চুপ করে থেকে হঠাৎ বলে, একটা কথা বলবো ?

—বলো ।

—গৌরী কোন দিনই আপনাকে ভালোবাসেনি ।

—তুমি কি করে জানলে ?

—জানি ।

কেষ্ট কোন কথা বলে না ।

—সত্যি বলছি কেষ্টদা, আপনার প্রতি এতটুকু দরদ থাকলে সে এভাবে আপনাকে ফেলে চলে যেতে পারতো না ।

কেষ্টর চোখ-মুখ কঠিন হয়ে ওঠে। মেয়েদের উপর আমার তেমন কোন বিশ্বাস নেই। ওরা—

চিহ্ন খামিয়ে দেয়। এক গৌরীকে দেখে মেয়ে জাতের কথা ভাবলে ভুল করবেন। হাতের পাঁচ আঙ্গুল তো কোন দিনই সমান হয় না। বলেই চিহ্ন ঘর থেকে চলে যায়।

কেষ্ট বোঝে, চিহ্নর সামনে মেয়েদের সম্বন্ধে এ ধরনের উক্তি করা উচিত হয়নি।

গৌরী যেদিন চিহ্নকে বলেছিল, কেষ্ট ফিরলে জানিয়ে দিতে যে সে ছবিতে কাজ করছে, সেই দিন থেকেই সে আর বেহালায় ফেরেনি। বিনোদের পার্ক সার্কাসের বাড়িতেই থেকে গেছে। এখানে ঠাকুর চাকর দারোয়ান কিছুই অভাব নেই। নিজের হাতে কাঠি ভেঙ্গে কুচো করতে হয় না। গল্পের বই পড়া, রেডিও শোনা আর বিনোদের সঙ্গে বেড়াতে যাওয়া। এই নতুন জীবন তার বেশ ভালো লাগে। এর মধ্যে যথেষ্ট মাধুর্য আছে।

কত রকম বিনোদ জানে, কি ভাবে মেয়েদের সুন্দর দেখায়। সাহেবী দোকানে নিয়ে গিয়ে চুল কাঁপিয়ে ফুলিয়ে কি সুন্দর করে সাজিয়ে এনেছে। মোটা ভুরুকে সরু করিয়েছে, মুখে কত রকম রং মাখিয়েছে। আয়নায় নিজের চেহারা দেখে গৌরীর আশ্চর্য লাগে। সে যে এত সুন্দরী, কোন দিন তা ভাবেনি।

বিনোদ বলে, হলদে শাড়ী আর কালো ব্লাউজ, এতে তোমায় সবচেয়ে বেশি মানায়।

মার্কেট থেকে পাড়-না-ওয়ানা কত রকম হলদে রঙের শাড়ী এনে দিয়েছে। গৌরী পরতে গিয়ে বলে, দেখো, লোকে না ভাবে ছাড়া হয়েছে। বিনোদ হো-হো করে হাসে।

গৌরী পার্ক সার্কাসে আসা অবধি রোজই ভয় পেয়েছে কেঁষ্ট হয়তো যে কোন দিন এসে পড়বে কিন্তু সে আশঙ্কা যখন কেটে গেল, কেঁষ্ট এলো না, গৌরী মনে মনে মুষড়ে পড়ে। সে ভেবেছিল, কেঁষ্ট নিজে না এলেও চিহ্নকে অন্তত পাঠাবে। কিন্তু চিহ্নও না আসাতে তার বিস্ময়ের সীমা থাকে না। তবে কি বিনোদের কথা ঠিক যে গৌরী চলে যাওয়ায় কেঁষ্ট খুশিই হয়েছে? প্রথম প্রথম ভেবেছিল, কেঁষ্ট বোধ হয় ফেরেনি কিন্তু দিন দুই আগে গাড়ী করে স্টুডিওতে যেতে কেঁষ্টকে ভিড়ের মধ্যে দেখতে পেয়ে সে ধারণাও বদলাতে বাধ্য হয়েছে।

এরই মধ্যে বেলারাণীর বাড়িতে একদিন নেমস্তন্ন ছিল। গৌরী আর বিনোদের। বিনোদ আগেই বেলারাণীর বাড়ি গিয়েছিল। গৌরী দোকান থেকে চুল ঠিক করে সেখানে এলো প্রায় ঘণ্টাখানেক বাদে। বেলারাণী বাইরের ঘরে বসেছিল। বলে, এসো গৌরী, এখানে বসো।

—বিনোদ কোথায়?

—ওপরে আছে।

গৌরী বেলারাণীর পাশে বসে। বেলারাণী তারিফ করে বলে, খুব সুন্দর দেখাচ্ছে। ক’দিনে চেহারা ফিরিয়ে দিয়েছে বিনোদ।

গৌরী মুখ টিপে হাসে।

বেলারাণী ফুলদানীতে ফুল সাজাতে সাজাতে বলে, আমি তোমার চেয়ে অনেক বড়। আমি আর বিনোদ একবয়সী। আমাকে বেলাদি বলেই ডেক। সারা দিন কি করো, যেদিন স্টুডিও থাকে না?

—কি আর করি। রেডিও শুনি কি গল্প করি।

—একটু পড়াশুনো ক’রো। অন্তত ইংরিজিটা এ লাইনে খুব দরকার। চটপট কথা বলা চাই। বিনোদকে ব’লো একটা মাষ্টার রাখতে।

গৌরী মাথা নিচু করে বলে, বলে দেখবো!

—ওকে বললেই রাখবে। আমার বেলা তো রেখেছিল।

—আপনি কি বলছেন বেলাদি! আমি ঠিক বুঝতে পারছি না।

এবার বেলারাগীর বিশ্বয়ের পালা, বলে, তুমি কি জান না আগে আমি বিনোদের সঙ্গে থাকতাম?

—আপনি?

—সে কি, বিনোদ তোমায় বলেনি বুঝি? ঠিক তুমি যেমন আজ আছ, আমিও একদিন ওর সঙ্গে ছিলাম, ঐ পার্ক সার্কাসের বাড়িতে। লোকটা ভাল। ওর টাকা আছে, হৃদয় আছে। নেই শুধু বুদ্ধি। ঐটে তোমার থাকা চাই। নিজের উপর দাঁড়াতে গেলে যা যা দরকার, সব এই বেলা করে নাও। পরে স্মৃতিধে হবে।

—আপনি কত দিন ওখান থেকে চলে এসেছেন?

—বছর কয়েক। প্রথম প্রথম ও চেষ্টামেচি করেছিল। তারপর যখন দেখলো আমি ছবিতে নাম করে ফেলেছি, তখন ও আর কিছু বলে না। এখানে আসে, যায়, দেখা করে।

—ও এখন কোথায় থাকে রাতে?

—বেশির ভাগ নিজেদের বাড়ি। মাঝে মাঝে পার্ক সার্কাসে। ও বিশেষ তোমায় জ্বালাতন করবে না। কারুর সঙ্গে মিশলেও বারণ করে না।

গৌরী বেলারাগীর সঙ্গে আর এ প্রসঙ্গ আলোচনা করতে চাইছিল না। জিজ্ঞেস করে—বিনোদ এখন কি করছে ওপরে বেলাদি?

—চলো, দেখিগে। ওপরে উঠতে উঠতে বেলারাগী একটা চোখ ছোট করে খাটো গলায় জিজ্ঞেস করে, তোমার পিরীতের লোকটি কে?

গৌরী বুঝতে পারে না। মুখ তুলে তাকায়।

বেলারাগী হাসে, নেকা সেজো না। এ লাইনে আমি পেট থেকে পড়েই আছি। বিনোদকে নিয়ে তো আর পেট ভরবে না? আমার

পিরীতের লোক আসতো রোজ রাত্রে । তাই বিনোদকে রোজ সকাল
সকাল বাড়িতে পাঠিয়ে দিতাম ।

—যদি জানতে পারতো ?

বেলারাণী গৌরীর হাতে চিমটি কাটে—পাগলী কোথাকার ! বিনোদ
যখন বাড়ি যেত ওর কোন হুঁস থাকতো নাকি ! তাছাড়া দারোয়ান
চাকররা বকশিস পেত বলে, সময় বুঝে তাকে আমার ঘরে নিয়ে আসতো ।

গৌরীর কৌতুহল হয়—তিনি কে ?

—কেউ না । রাত্তার একটা লোক । আগে থিয়েটারের সিন্ফ-টার
ছিল । পরে আমি তাকে টাকা দিতাম । লোকটা ছিল সত্যিকারের
পুরুষ মানুষ । কি সুন্দর স্বাস্থ্য ।

—এখন আসেন ?

—না, মারা গেছেন । বলতে গিয়ে বেলারাণীর চোখে জল এসে
পড়ে, তার মুখের আদলটা ছিল অনেকটা প্রভাতবাবুর মত ।

দুজনে উপরে উঠে এসে দেখে, বিনোদ তাকিয়া ঠেস দিয়ে বসে
আছে ! একেবারে মাতাল । গৌরী বিনোদকে আগে কখনও এত
বেশি মত্ত অবস্থায় দেখেনি । জিজ্ঞেস করে, ও কি ? এ রকম করে
বসে আছ কেন ?

বিনোদ জড়ান-গলায় বলে, আমি তো বেশি পান করিনি । মাথা
আমার ঠিক আছে । দেখবে, আমি হেঁটে দেখিয়ে দেব । বলে, বিনোদ
উঠবার চেষ্টা করে । না পেরে আবার ফরাসে বসে পড়ে ।

বেলারাণী গৌরীর খোঁপাটা নেড়ে দিয়ে বলে, যত চায় খেতে দিও ।
খবরদার নেশা ছাড়িও না । তাহ'লে তোমারও দিন ফুরাবে ।

বেলারাণী যে সব কথাই সত্যি বলেছে, তা বিনোদকে জিজ্ঞেস না
করেও চাকরের বউ-এর কাছ থেকেই গৌরী সহজে জানতে পারে ।
সে বলে, আমার দেখত। আপনার আগে তিন জন । তবে বেলা দিদির

মত কেউ নয়। কি টাকাই আমাদের দিয়েছে। এখনো বাড়ি গেলে ছবি দেখার পাশ দেয়। বিনোদের সম্বন্ধে বলে, এ বাবুর নতুন কিছুই নয়। ঠুঁর বাবা তাঁর বাবা তিন পুরুষে পয়সা হ'য়ে অবধি এই করেছে। পাখি পোষে, পাখি উড়ে যায়, আবার পোষে।

কলকাতার প্রাণকেন্দ্র ক্লাইভ স্ট্রীট। এখন যার নাম হয়েছে— নেতাজী সুভাষ রোড। যেখানে সকাল ন'টা থেকে সন্ধ্যা ন'টা পর্যন্ত ভিড়ের অন্ত নেই। সেখানেই কালীর দলের বেশির ভাগ লোকের দিন কাটে। কেউ বিক্রি করে চোরাই মাল। কেউ ডিসপোজালের জিনিস। কেউ নতুন রকম খেলনা। যা প্রথম চোটে টাকায় একটা করে বিক্রি হয়ে পরে নেমে আসে জোড়া ছ'আনায়, ছ'রাস্তার মোড়ের কাছে ব্যাক্সের বিরাট বাড়ির তলায় পানওয়ালী ছাতা মাথায় করে পান বিক্রি করে। এলোচুলে গঁট বাঁধা। কপালে সিঁদুরের টিপ। ছ-একটা ছোট পেন্টরা। তার পান সাজার সরঞ্জাম। এর সঙ্গে ভাব গাড়ীর ড্রাইভারদের। সারাদিন গাড়ী পার্ক করে রেখে তারাই বা কি করে? মাঝে মাঝে পানওয়ালীর সামনে উঁবু হয়ে বসে পান কিনে খায়। ঠাট্টা-তামাসা করে।

শ্রামল এসে পান সাজতে বলে—ছ'পয়সার তালো পান দাও।

পানওয়ালী পান সাজতে সাজতে মৃদুস্বরে জানায়, কাল এসেছিল। তোমরা যাবার ঘণ্টাখানেক বাদে।

—শালা হয়রান করে মারছে।

—সাড়ে সাতশো টাকা চায়। বলছে তার কমে হবে না।

—সব ঠিক করে রাখবে। কোন গোলমাল হবে না। আমি আজ তোমার বাসায় দুশো টাকা নিয়ে যাব।

পানওয়ালী চোখ না তুলেই বলে, ও পুরো টাকা আগে চায়।

শ্রামল গম্ভীর হয়ে যায়।—তাহলে অন্যদের জিজ্ঞেস করতে হবে।

—জিজ্ঞেস করে যদি মত হয়, তাহলে টাকা নিয়ে এসো। আমি তো থাকবো।

শ্রামল পানওয়ালীর কাছ থেকে সোজা যায় রয়াল এক্সচেঞ্জের মোড়ে। জলিল দাঁড়িয়ে দাঁড়িয়ে স্টীলের মাপবার গজ বিক্রি করছে। আড়াই টাকার মাল দেড় টাকায়।

শ্রামল সামনের দোকানে গিয়ে একটা সিগারেট ধরায়, সাড়ে সাতশো চাইছে।

জলিল চোখটা ছোট করে বলে, ঠিক আছে। আমি রাতের মধ্যে টাকা জোগাড় করে রাখবো।

জলিল অভ্যাস-মত হাঁটতে শুরু করে, আড়াই টাকার মাল দেড় টাকায়। ছ'একজন এসে দেখে, তবে দাম না বলেই চলে যায়। সেদিকে জলিলের বড খেয়াল নেই। বলে, দেবেন শালার মতলবটা কি ঠিক বুঝতে পারছি না।

—কেন?

—কৈ এখনও তো এলো না।

—আসবার কথা ছিল?

—তা না হলে আর দাঁড়িয়ে আছি কেন? সেই মেয়েটাকে নিয়ে আসবার কথা। রাজীব গাড়ী চালিয়ে নিয়ে আসবে।

—কোথায় যাবে? বউবাজারের গয়নার দোকানে?

—হ্যাঁ, মেয়েটা ঠিক গুছিয়ে কাজ করবে। কিন্তু দেবেন শালাকে নিয়ে মুন্সিল! জেল খেটে খেটে মাথাটা মোটা হয়ে গেছে। কালী ভুল লোক ধরেছে। ওকে কি আর খাড়া করা যায়?

শ্রামল এ কথার কোনও উত্তর দেয় না। বলে, ঠিক আছে, আমি এখন বাড়ি চললাম। সন্ধ্যা বেলায় মঙ্গলার কাছে একসঙ্গে যাওয়া যাবে।

মঙ্গলা যে বাড়িতে থাকে তা পুরনো হলেও পাকা দেওয়াল। মাথায় টালি-দেওয়া আড়াইখানা ঘর। তারই মধ্যে বেশ সাজিয়ে গুছিয়ে রাখে। বাড়িতে তার চেহারা অল্প রকম। ভাল করে খোঁপা বেঁধে রঙ্গীন শাড়ী পরে চোখের কোণে কাজল টানে। উত্তর-কলকাতার যে অঞ্চলে তার বাসা, সেখানে বেশির ভাগ জানা-শোনা লোকেরই আনাগোনা, উটকো লোকের উপদ্রব বেশি নেই।

শামল ও জলিল এল সন্ধ্যার ঝোঁকে। মঙ্গলা দরজা খুলে বসতে দেয়। জলিল সরাসরি কাজের কথা পাড়ে।

—অনেক টাকা দিলাম। দুটো চাবিই চাই। গাড়ীর আর গ্যারেজের।

—দেবে বলেছে।

—কবে?

—কাল এই সময় এসো। রাতে গাড়ী সরিয়ে ফেলো। কিন্তু আমার টাকা।

—কত চাও?

—আমি গরীব মানুষ। আড়াই শো।

—পাগল না কি? হাজার টাকা তো এইখানেই বেরিয়ে যাবে।

—আর তো কোন খরচ নেই! তোমরা যে কত হাজার টাকা পাবে!

—ধরা পড়লে যে কত বছর, সে হুঁস আছে? যাক গে, সব ঠিক মতো হ'লে একশো দেড় শো টাকা পাইয়ে দেব।

কাজের কথা এইখানেই শেষ হল। শুরু হল আমেজের কথা। মঙ্গলা দেশী পানীয় তিনটি প্লাসে পরিবেশন করে। জলিল তারিফ করে বলে, বহুত আচ্ছা।

শ্যামল জলিলদের সঙ্গে থাকার পর থেকে মাঝে মাঝে নেশা করে। মাতাল সে হতে চায় না। কিন্তু রঞ্জীন ঘোরটা বেশ উপভোগ করে! একদিন হয়তো কেঁঠর কাছে লাস্তিত হ'য়ে বিতৃষ্ণায় সে পান করতে শুরু করেছিল। কিন্তু এখন নিছক আনন্দের জন্তে পান করতে কুণ্ঠিত হয় না।

আজও মঙ্গলার অহরোধে শ্যামল পান করলো। এত কড়া জিনিস আগে সে খায়নি! তাই একটুতে নেশা ধরে যায়। বুঁদ হ'য়ে বসে বসে কত রকম ভাবে। মঙ্গলার দিকে বেশিক্ষণ তাকিয়ে থেকে তার মনে হয়, বেলারাগী বসে আছে। উঃ, কি পালিশকরা চকচকে চেহারা, কালো সিল্কের মতো চুল। সঙ্গে সঙ্গে গৌরী, চিহ্ন অনেকের কথা তার মনে পড়ে। আশুদা, প্রভাত, মামার বাড়ি! শ্যামলের চোখে জল আসে। কেঁঠর কথা মনে হ'তেই তার চোখ জলে ওঠে। বিড়-বিড় করে বলে, তুমি খুব অত্যাচার করেছ, খুব অত্যাচার।

এ ভাবে কতক্ষণ কেটেছে শ্যামলের খেয়াল ছিল না। কার গরম নিশ্বাসে তার চেতনা ফিরে এল। অন্ধকার ঘরের মধ্যে মঙ্গলা তাকে নিবিড় আলিঙ্গনে বদ্ধ করেছে। শ্যামলের জীবনে এ এক নতুন অভিজ্ঞতা! সে উন্মুখ হ'য়ে ওঠে। মৃদুস্বরে জিজ্ঞেস করে, জলিল!

মঙ্গলা উত্তর দেয়, পাশের ঘরে শুয়ে আছে।

শ্যামল আর কথা বলে না। মঙ্গলার কাছে সম্পূর্ণরূপে ধরা দেয়। মঙ্গলা তার কানে কানে বলে, তুমি আমার কাছে এসো, প্রায়ই এসো, রোজ এসো। তোমায় টাকা দিতে হবে না, কিছু দিতে হবে না, তুমি শুধু এসো। ঘোবনের প্রথম ধাপে পা দেওয়া শ্যামল কিছুতেই এ আমন্ত্রণকে অস্বীকার করতে পারে না।

চিহ্নর অক্লান্ত সেবার কেঁঠর শরীর সুস্থ হয়ে উঠলেও ভালো মন তার

জোড়া লাগলো না। বেশির ভাগ সময় গুম হ'য়ে বসে থাকে, আবোল-
তাবোল ভাবে। চিন্তকে সব সময় বলে, তুমি কেন এত খেটে মরছ চিন্ত,
আমি তো ভালো আছি। চিন্ত হেসে উত্তর দেয়, কোথায় ভালো!
আগের মত তো হননি।

—সে কি আর হবে?

—যত দিন না হবে, আমাকেও খাটতে হবে।

—পিনাকী কি ভাবছে বলো তো?

—কি আবার!

—সারাদিনই তো তুমি আমার সেবা করছো।

চিন্ত হাসে, সেবা করাতে কোন দোষ নেই।

কেষ্ট আর কথা বলে না।

কেষ্ট নিজের বাড়িতে ফিরে দিন-দুই বেহালায় গেল না। বেশির
ভাগ সময় বাড়িতে বসে থাকতো, তবে এরই মধ্যে একদিন আশুদা
খবর নিতে এসেছিলেন। কেষ্টের ক্লিষ্ট শীর্ণ মুখের দিকে তাকিয়ে জিজ্ঞেস
করলেন, ব্যাপার কি, কিশোরপুর থেকে ফিরে তো আর দেখা
করলে না।

—জ্বর হয়েছিল।

—তাই নাকি? আমাকে জানাও নি কেন?

কেষ্ট ম্লান হেসে বলে, মিছিমিছি ব্যস্ত করিনি।

আশুদা পাড়ার খবর দিয়ে গেলেন। পূজোর খরচপত্র সব মিটে
গেছে। কোনও রকম গোলমাল হয়নি। এবারে যে পাড়ার পূজো
সবচেয়ে সমারোহ করে হয়েছে সে-বিষয়ে কারুর সন্দেহ নেই। প্রভাতরা
সামনের সপ্তাহে ফিরছে। চিঠিতে জানিয়েছে, ওর ভাবী খন্তর অনেক
ভালো। আর সব চিঠিতেই তো তোমার খবর করে।

—আমারও দরকার ওকে। এলেই আমার জানাবেন।

প্রভাতের প্রসঙ্গে কেষ্ঠের মুখ গম্ভীর হয়ে যায়। আশুদা বিস্মিত হন, কি হ'য়েছে বলতো ? আজকাল তোমাদের দুজনের মধ্যে সন্তাব নেই না কি ? দুজনেই দুজনের নাম শুনলে কেমন হয়ে যাও।

কেষ্ঠ সোজা উত্তর দেয়, প্রভাত আমাকে না জিজ্ঞেস করে একটা কাজ করেছে, আমি তার কৈফিয়ত চাই।

আশুদা আর ও বিষয়ে বেশি কথা না বলে ছ'চারটে কথাবার্তার পর উঠে পড়েন।

প্রভাতের কথা মনে পড়লেই কেষ্ঠের কেমন যেন ঈর্ষা হয়। বেশ গুছিয়ে নিয়েছে। ভাল চাকরী, শ্বশুরের বাড়ি-গাড়ী সবই তো ও পাবে। তার উপর অরুণা, খাসা মেয়েটি।

শ্যামলটা হতভাগা। সেই যে চলে গেল আর-একবারও দেখা করে গেল না। কেষ্ঠ ছ'চারজনকে জিজ্ঞেস করে দেখেছে, কেউ জানে না শ্যামল এখন কোথায়। এক একবার ভাবে, খবর নিলেও হয় মদনের কাছে। সে হয় তো বলতে পারবে।

সেদিন সকালবেলা বাড়ি থেকে বেরিয়ে কেষ্ঠ ঘুরতে ঘুরতে মদনদের পাড়ায় আসে। বাড়ি না চিনলেও খুঁজতে হয় না। মোড়ের মাথায় আড্ডা-সম্ভের জোর আসর বসেছিল, সেখানে খোঁজ করতেই তারা মদনের বাড়ি দেখিয়ে দিলে।

মদন নেড়ামাথায় নেমে এল। আর যাকেই হোক কেষ্ঠদাকে সে মোটেই আশা করেনি। বৈঠকখানার দরজা খুলে বসতে দিয়ে জিজ্ঞেস করে, কি খবর কেষ্ঠদা ?

কেষ্ঠ গম্ভীর স্বরে প্রশ্ন করে, বাবা কবে গেলেন ?

—এই তো মাসখানেক হবে।

—তোমার ওপর তো দাদা আছেন ?

—ই্যা, এখন হুজনেই কাজ দেখছি। তিন পুরুষের গয়নার দোকান, সারাদিন ওখানেই বসি।

কেষ্ট তাকিয়ে তাকিয়ে দেখে, মদন কত গম্ভীর হয়ে গেছে। সংসারের কতখানি চাপ সে সহসা উপলব্ধি করেছে। শ্রামলের বন্ধু মদন স্কুলপালানো বেহিসেবী ছেলে আর নেই। বাড়ির ঐতিহ্য বজায় রেখে পুরো মাত্রায় হিসেবী হয়ে উঠেছে। কেষ্ট জিজ্ঞেস করে, শ্রামলের সঙ্গে তোমার দেখা হয়?

—না তো, কেন?

—ওর কোন খবর পাচ্ছি না।

—সে কি, শ্রামল তো আপনার কাছেই ছিল।

—ছিল, তবে এখন নেই। কেষ্ট সংক্ষেপে বিজয়া দশমীর পরের দিনের কথা ব্যক্ত করে। মদন চিন্তিত হয়, তাইতো বন্ধু, আমি চুণীলালকে ডেকে আনি।

মদন অল্পক্ষণ পরেই চুণীলালকে ডেকে নিয়ে এল। চুণীলাল আক্ষেপ করে বলে, হতভাগাটা একেবারে গোল্লায় গেছে—

—আমি তো ভেবেছিলাম শ্রামল ফিরে আসবে।

—কালীর আড্ডায় গিয়ে পড়লে তাকে উদ্ধার করা শক্ত। দেবেনদাই পারলো না—

—দেবেনদার সঙ্গে দেখা—

—ক’দিন আগে হয়েছিল একটা গয়নার দোকানের সামনে। গাড়ীতে বসেছিলেন। আমি অবাক হয়ে গেলাম, যে লোকটা চিরকাল কাটা-খদ্দেরের পাঞ্জাবী প’রে কাটিয়েছে তার পরনে ধোপছুরন্ত শোখিন ধুতি-পাঞ্জাবী, মানুষ কত বদলে যায়!

মদন চট করে জিজ্ঞেস করে, তোর সঙ্গে কথা হল?

—খুব অল্প। দোকান থেকে একটি মেয়ে এসে ওর গাড়ীতে উঠল, এক মুঠো—২২

আমিও সরে পড়লাম। তাইতো বলছি কালীর খপ্পরে পড়ে দেবেনদা যদি পাণ্টে যেতে পারেন, শ্যামল তো কিছুই নয়।

কেউ চলে গেলে মদন আর চুণীলাল নন্দিতাদের বাড়ির দিকে তাকিয়ে থাকে। ঘরামীরা মেরাপ বাঁধছে, অত্মানের ছুঁতারিখে নন্দিতার বিয়ে। পাকা দেখা হয়ে গেছে। মদন নিজের মনেই বলল, মনুদার মাথাটা ধারাপ হয়ে যাবে।

—ভদ্রলোক বড় সেন্টিমেন্টাল।

—তা আর বলতে! এক দিনে কি চেহারাই হয়েছে। বললাম, দিনকতক এখন ছুটি নিয়ে ঘুরে আসুন, তা কিছুতেই শুনবে না। বলে বিয়ের দিনটা কাটিয়ে যা হয় করবে।

—মেয়েটা এ ব্যাপারে সিরিয়াস্ কি রকম?

—ভগবান জানেন। তবে আমার মনে হয় বিয়ের আগে যেমন অনেক মেয়ের হয়, অল্প-অল্প ফটিনটি করে—

চুণীলাল দুঃখ প্রকাশ করে, বেচারী মনুদা!

কেউ বেহালায় ফিরে নীচে না থেমে ওপরে উঠে যায় বাড়িওয়ালার কাছে। মদনের পাড়া থেকে আসবার পথে ট্রামে বসে সিদ্ধান্ত করেছে, ঘর সে ছেড়ে দেবে। এঘরের প্রয়োজন ফুরিয়েছে, মিছিমিছি পরসাদ নষ্ট করে কি হবে। বাড়িওয়ালার আপত্তি করার কিছু ছিল না। বলে, দেখবেন আপনি, জানাশোনা কোন লোকের যদি এরকম ঘরের দরকার থাকে। জানেন তো, অজানা-অচেনা লোককে আমি ভাড়া দিতে চাই না। কথার আছে, অজ্ঞাত কুলশীলসু—

কেউ খামিয়ে দেয়, খেয়াল রাখবে।

—এ মাসের ভাড়াটা তাহলে—

—এরই মধ্যে একদিন দিয়ে যাব, এখনও তো আমি যাই নাই।

ওপর থেকে নীচে নামতেই চিহ্নর সঙ্গে দেখা। বারান্দায় দাঁড়িয়ে

সে ফেরিওয়ালার কাছে ফল কিনছিল। জিজ্ঞেস করে, কেঁষ্টদা কখন এলেন ?

—এই তো।

—ওপর থেকে ?

—বাড়িওয়লাকে নোটিশ দিয়ে এলাম।

চিহ্ন আর উৎসাহ প্রকাশ করে না। বলে, ও !

কেঁষ্ট ঘর খুলে ভেতরে ঢোকে। মনে পড়ে গৌরীর সঙ্গে গিয়ে একটি একটি করে জিনিস কিনে এই খেলাঘরের সংসার পেতেছিল। আসবাবের বাহুল্য না থাকলেও প্রয়োজনীয় সব কিছুই আছে।

নিজের অজান্তে কেঁষ্টর দীর্ঘশ্বাস পড়ে। মোড়ায় বসে পড়ে একটা সিগারেট ধরায়। হাত ধুয়ে আঁচলে মুছতে মুছতে চিহ্ন ঘরের ভেতর ঢোকে। জিজ্ঞেস করে, কি খাবেন কেঁষ্টদা ?

কেঁষ্ট স্নান হাসে, আমাকে দেখলেই তোমার খাওয়াতে ইচ্ছে করে কেন বলতো চিহ্ন ? আমি কি খুব বেশি খাই ?

চিহ্ন উত্তর দেয় না। বাস্তবের ওপর থেকে কতকগুলো কাগজ মেঝের পড়ে গিয়েছিল, সেগুলো গুছিয়ে রাখে। কেঁষ্ট হঠাৎ বলে, এ জিনিস-গুলোর কি করা যায় ?

—বলুন।

—ভাবছি কাউকে দিয়ে দেব।

—বেশ তো।

একটু থেমে কেঁষ্ট আবার প্রশ্ন করে, তোমাদের কোন কাজে লাগবে না ?

চিহ্ন পরিষ্কার গলায় উত্তর দেয়, না। একটু পরে চিহ্ন নিজে থেকেই জিজ্ঞেস করে, এ মাস থেকেই ঘর ছেড়ে দিচ্ছেন ?

—হ্যাঁ।

—এখানে আবার কে আসবে কে জানে ?

একথার উত্তর দেবার কিছু ছিল না, কেঁপে চুপ করে বসে থাকে ।

—এদিকের পালা উঠে গেলে আর কি এতদূর আসবেন ?

—যদি কাজ পড়ে ।

বেশ ক’দিন একসঙ্গে থাকা গেল । জানতাম, একদিন গৌরীকে নিয়ে এ বাসা ছেড়ে যাবেন । কিন্তু যেখানেই সংসার পাতুন, আমার একটা অধিকার থাকত । মাঝে মাঝে গিয়ে আপনাদের জ্বালাতন করতাম । তা আর হ’ল না—

—খা ভাবা যায় সব সময় তা হয় না ।

চিহ্ন মৃদুস্বরে বলে, তাই দেখছি ।

—আমার নামে কোন চিঠি আসে নি ?

—না ।

—শ্যামারা নিশ্চয় চটে গেছে । এসে অবধি একটাও চিঠি দিইনি ।

—লিখবেন ?

—তোমার কাছে পোস্টকার্ড আছে ?

চিহ্ন হাসে, জানি আপনি নিজে চিঠি লেখেন না । আপনার মনে নেই বোধ হয় ? আগের চিঠিটাও তো আমি লিখে দিয়েছিলাম ।

—তাহলে এবারও ছ’ লাইন লিখে দাও ।

চিহ্ন পোস্টকার্ড আর কলম নিয়ে আসে । যথারীতি ওপরে ছুঁগা সহায় লিখে জিজ্ঞেস করে, শ্যামাকে লিখবেন তো ?

—না, ওর স্বামীকে ।

—বলুন ।

কেঁপে বলে যার : প্রিয় ব্রজদুলাল, তোমাদের কাছ থেকে এসে অবধি একটাও চিঠি দিই নি । কারণ আমার অন্থক করেছিল । এখন ভাল আছি । প্রায়ই তোমাদের সকলের কথা মনে পড়ে ।

মিটু কিটু কেমন আছে ? শ্রীমা কেমন আছে সব কথা জানিও ।
কলকাতা বড় একঘেয়ে লাগছে, মনে শান্তি পাচ্ছি না । তোমার কথা
ভুলিনি, তুমি যে বলেছিলে একজন ড্রিল-মাস্টার দরকার, যদি কোন
ভালো লোক পাই জানাব । আমার মত মুখ্য সূখ্য মানুষ দিয়ে তো
তোমার কাজ চলবে না, তাই ভাল লোকের সন্ধানে রইলাম । ভালো-
বাসা নিও, ছোটদের আশীর্বাদ জানিও । ইতি তোমার কেষ্ঠ ।

চিঠি লেখা শেষ হলে চিহ্ন বলে, খুব তো বাহাদুরী করে লিখলেন,
যেন কিশোরপুরে ড্রিল-মাস্টারী করার জন্তে আপনার মন ছটফট করছে ।
সত্যি সত্যি ডাকলে যাবেন সেখানে কলকাতা ফেলে ?

—কি জানি, এক একবার মনে হয় গেলেই ভালো । এখানে পড়ে
থেকে আর কি হবে ?

চিহ্ন কোন কথা না বলেই উঠে পড়ে । কেষ্ঠ জিজ্ঞেস করে, কোথায়
যাচ্ছে ?

—রান্না চড়িয়ে দিই ।

—আমিও উঠি চিহ্ন !

—সে কি, আপনার জন্তেই তো রান্না করছি ।

—না, না । আমি বাড়ি যাবো ।

—সেখানে তো কেউ বাড়ি ভাত নিয়ে বসে থাকবে না । হোটেলের
চাইতে এখানে খাওয়া ভাল । ব'লে চিহ্ন ধীরে ধীরে ঘর থেকে বেরিয়ে
যায় । কেষ্ঠ কিছুক্ষণ চুপ করে বসে থেকে জামা খুলে বিছানায় গুয়ে
পড়ে ।

গৌরী বিনোদের কাছে এসে নিজেকে সুপ্রতিষ্ঠিত করার সব রকম
সুযোগ পেয়েছিল, পড়ার মাস্টার, নাচের মাস্টার, শাড়ী, গাড়ী, রূপসজ্জার
নানারকম সরঞ্জাম কিছুই অভাব ছিল না, কিন্তু চিহ্নর সঙ্গে দেখা করার

আগ্রহ তার একটুকু কমেনি। মাঝে মাঝে হয়তো ভেবেছে, এর কি প্রয়োজন আছে? তবু তার মন কেঁটের কথা জানার জন্যে কৌতূহলী হয়ে উঠেছে। এত দিনেও সাহস সঞ্চয় করে বেহালার বাসায় যেতে পারেনি। বিনোদ তাকে বলে, ও-সব কথা ছুলে যাও। কেঁট তোমার কে?

—কেউ না।

—তবে?

—তবে আর কি, এমনি জানতে ইচ্ছে করে, অনেক দিন একসঙ্গে ছিলাম তো।

—যেতে চাও আমি নিয়ে যেতে পারি।

গৌরী এ প্রস্তাবে রাজী হতে পারে না। কেঁটের মেজাজের সঙ্গে সে অপরিচিত নয়। হয়তো বিনোদকে অপমান করে বসবে, কি দরকার সে ঝামেলার মধ্যে গিয়ে?

কিন্তু আশ্চর্য! আকস্মিক ভাবে চিহ্নর সঙ্গে গৌরীর দেখা হ'য়ে গেল এক থিয়েটারের রিহাসা'লে। গৌরী গিয়েছিল বিনোদের সঙ্গে, বিনোদ সে ক্লাবের পেট্রন, চিহ্ন এসেছিল টাকা নিয়ে অভিনয় করতে, দুজনের দেখা হতেই চিহ্ন আড়ষ্ট হয়ে যায়। গৌরী সপ্রতিভ ভাবে এগিয়ে গিয়ে হেসে কথা বলে, কি খবর, কতদিন বাদে দেখা।

চিহ্ন মুখ তুলে তাকায়, বলে, হ্যাঁ, প্রায় এক মাস হ'ল।

—এখানে পার্ট করছ বুঝি?

—হ্যাঁ।

গৌরী ভিড়ের মধ্যে থেকে চিহ্নকে টেনে এনে একান্তে বসে। জিজ্ঞেস করে, আমার কাছে আসো না কেন?

—যেতে তো বলিসনি কখনও?

গৌরী হাসবার চেষ্টা করে, বলবার কি আছে, তোমাকেও নেমস্তম্ভ করতে হবে না কি?

—আশা করেছিলাম একটা খবর দেবে।

—পারিনি, এত রকম ঝামেলা। বাইরে থেকে ভাবতাম ফিল্ম লাইন খুব সোজা, উঃ বাবা, সকাল থেকে রাত্রি, খাটুনির কি শেষ আছে ?

চিহ্ন একদৃষ্টে তাকিয়ে বলে, যাই বলো, চেহারা তোমার অনেক ভাল হয়েছে।

গৌরী আশ্বপ্রসাদ অনুভব করে বলে, সবাই তাই বলছে। একটু থেমে জিজ্ঞেস করে, তোমরা কেমন আছো ?

—আমরা ? ভালোই।

—তবু ?

চিহ্ন অন্তমনস্ক ভাবে জিজ্ঞেস করে, তবু মাসে ?

—ঐ পিনাকীবাবু, তুমি—

—কেটে যাচ্ছে আর কি।

গৌরী ভেবেছিল চিহ্ন নিজে থেকেই কেঁটার কথা তুলবে। কিন্তু সে প্রসঙ্গ না ওঠায় সরাসরি প্রশ্ন করে, আর কেঁটা? গৌরীর গলা কেঁপে ওঠে।

—বেশি দেখা হয় না।

—কেন ? বেহালায় যায় না ?

—বাড়ি ছেড়ে দিচ্ছেন এ মাস থেকে।

—তাই নাকি ? জিনিসপত্র সব ?

—বলছিলেন কোন দাতব্য প্রতিষ্ঠানে দিয়ে দেবেন।

—ও ! গৌরী চুপ করে যায়।

—শুনলাম কলকাতায় আর থাকবেন না।

—কোথায় যাবেন ?

—কলকাতার বাইরে কোন গ্রামে।

—হঠাৎ ?

—বলছিলেন, কলকাতা আর ভালো লাগছে না।

এ বিষয় নিয়ে বেশি আলোচনা করতে গৌরীর ভয় হয় ! কেন যে কেউ কলকাতা ছেড়ে চলে যাচ্ছে, তা বুঝতে গৌরীর বাকী থাকে না । চিহ্ন কিন্তু কোন কথাতে গৌরীকে এতটুকু খোঁচা দেয় না । স্টুডিওতে কি রকম সে কাজ করছে, বাড়িতে কি ভাবে দিন কাটায়—একে একে সব কথা জিজ্ঞেস করে বিনোদের কথা পাড়ে, বিনোদবাবু লোক খুব ভালো, না ?

গৌরী উৎসাহিত হয়ে বলে, সত্যিই খুব ভালো । বাইরে থেকে ওকে কিছুই বোঝা যায় না ।

গৌরী উচ্ছ্বাসের সঙ্গে বিনোদের গুণ বর্ণনা করে । তার উদারতা, তার ভালোবাসা, অকৃত্রিম বন্ধুত্ব, সব কিছু ।

চিহ্ন মন দিয়ে সব কথা শুনে হঠাৎ জিজ্ঞেস করে, কেউদার চেয়েও ভালো ?

চিহ্নর এই একটি প্রশ্নে গৌরী হতবাক হয়ে যায় । কোনও উত্তর সে দিতে পারে না । যে মনকে সে এই ক’দিনে রাত্রে, স্বপ্নে, জাগরণে সব সময় বুঝিয়েছি—বিনোদ ভালো, কেউদার চেয়ে অনেক ভালো, সেই মন চিহ্নর প্রশ্নের সামনে মৌনী হয়ে যায় ! বিনোদ এসে গৌরীকে বাঁচায় । চিহ্নকে দেখে হেসে জিজ্ঞেস করে, কি খবর ? গৌরী তো সারাক্ষণই তোমার সঙ্গে দেখা করতে চায় ।

বিনোদ বরাবরই চিহ্নকে ‘আপনি’ বলে সম্বোধন করেছে । কিন্তু অনেক দিন পর আজকে দেখে ‘তুমি’ বলতে বাধে না ।

—সত্যি নাকি ? চিহ্ন বলে ।

—বিশ্বাস না হয় ওকেই জিজ্ঞেস কর না ।

—আমাদের ভাগ্য বলতে হবে ।

বিনোদ কথাটা গায়ে মাখে না । দরাজ গলায় বলে, এসো না এক-দিন স্টুডিওতে, গৌরী কেমন পার্ট করেছে দেখবে ।

—যাবো ।

রিহার্সাল শুরু করার জন্তে সকলের ডাক পড়ে। চিহ্ন ‘মাপ করবেন’, বলে বিনোদ ও গৌরীর কাছ থেকে চলে যায় ।

এর মধ্যে আর কেউর সঙ্গে চিহ্নর দেখা হয়নি । দেখা হলে হয়তো গৌরীর কথা উঠতো, কিন্তু কেউ আজকাল বেশির ভাগই নিজের বাড়িতে থাকে, খুব কম বার হয় । বেহালায় বেশি যেতে চায় না । পাছে চিহ্ন তাকে নিয়ে অযথা ব্যস্ত হয়ে পড়ে । মনে মনে ভাবে, পিনাকী মুখে কিছু না বললেও নিশ্চয় অন্তরে বিরক্ত হয় । তবু এরই মধ্যে একদিন সে বেহালায় গিয়েছিল, কিন্তু চিহ্ন বাড়ি ছিল না, ক’দিনই সন্ধ্যার সময় তাকে রিহার্সাল দিতে বাইরে যেতে হয় ।

কেউ চেঁচা করে গৌরীর কথা আর না ভাবতে, তবু অনেক সময় তার কথা মনে পড়ে । এতে নিজের উপর বিরক্তি বাড়ে, আর কোন লাভ হয় না । ক’দিন আগে কোন এক সিনেমা পত্রিকায় নবাগতা গৌরী দেবীর ছবি সে দেখেছে ! পরসাদ দিয়ে এক কপি সংগ্রহ করেও এনেছিল, কিন্তু কয়েক ঘণ্টার বেশি সে বইখানা কাছে রাখেনি । এ ছবিতে ছিল না গৌরীর সেই সহজ সুন্দর মুখখানি যা দেখে প্রথম দিন কেউর মনে সহানুভূতির উদ্রেক হয়েছিল । যাকে নিয়ে ঘর বাঁধার স্বপ্ন তাকে পাগল করে দিয়েছিল, এ গৌরী নয় । কেউ বার বার ছবি-খানা দেখেছে, তার লোল কটাক্ষ, অতি-আধুনিক সাজ-পোশাক, কাঁপানো মাথার চুল, কৃত্রিমতার-ভরা একখানা মুখ । রাগে সমস্ত শরীর তার কেঁপে উঠেছিল । নিমেষের মধ্যে ছবিখানা ছিঁড়ে কুটি কুটি করেও সে মনে শান্তি পায়নি । ছাদে গিয়ে ছবির টুকরোগুলো জড়ো করে একটা দেশলাই জ্বালিয়ে দেয় । একদৃষ্টে সেই দিকে তাকিয়ে থেকে কেউর চোখে জল এসে পড়ে । গৌরীর ভাইকে গলানে পোড়াতে গিয়েও তার মনে

এতখানি অবসাদ আসেনি, যা আজ এল ছবির গৌরীকে অভিমানে চিতায় তুলতে।

আজ রোববার। প্রভাত কলকাতায় ফিরেই এসেছে আশুদার কাছে, পুরনো বন্ধু-বান্ধবের কাছে দেখা করতে। আশুদা জড়িয়ে ধরে বললেন, তোমার শরীর অনেক ভালো হয়েছে, প্রভাত।

আগের মতো প্রভাত হেসে পদপুরণ করে দেয়, কাঠির উপর আলুর দম আর নেই। এই তো ?

—কি সব খবর বলো ? অরুণা কেমন আছে ? বিয়ে কবে ?

প্রভাত ইচ্ছে করে কাসে, বিষম লাগিয়ে দিলেন যে। একসঙ্গে কটা প্রশ্নের উত্তর দেব ?

—বেশ তো, একে একেই বলো না।

—অরুণা, অরুণার বাবা সবাই ভালো অছেন। অরুণার মা আমার মধ্যে রোজ নতুন নতুন গুণ দেখছেন। আমি নাকি বিদ্বান, বুদ্ধিমান, সৎচরিত্র, ধর্মভীরু—

—মানে স্কুলে মহাপুরুষদের জীবনী লিখতে ছেলেরা যে সব বিশেষণ ব্যবহার করেন, সেইগুলো তো ? প্রভাত সায় দেয়, হুবহু ঠিক ধরেছেন। আশুদা প্রাণ খুলে হাসেন, এ নতুন কিছু নয় ভাই, শাস্ত্রীদের মুখে বরাবর শুনেছি, শুধু ওঁর কথামতো মেয়েকে বাপের বাড়ি আসতে না দিলে বিশেষণগুলো কম ব্যবহার করতেন।

—অরুণার বাবা এখন অনেক ভালো, বিয়ের ব্যবস্থা বলতে গেলে সব উনি নিজেই করছেন।

—হাঁটতে-ফিরতে পারছেন ?

—অল্পবিস্তর। ওঁর বন্ধুভাগ্য খুব ভালো। সবাই এসে সাহায্য করছে।

—বিয়েটা কবে ?

—আট তারিখে ।

—আটুই অদ্বান, বল কি ? এ তো এসে গেল, একেবারে নাকের গোড়ায় । খাঁটাটের ব্যবস্থা ভালো হচ্ছে তো ?

—অহুষ্ঠানের ত্রুটি হবে না আশুদা । আমার খস্তরের জিদ চেপে গেছে । উনি সুস্থ থাকলে যেভাবে মেয়ের বিয়ে হ'ত ঠিক সেই ভাবে ধুমধাম করে ব্যবস্থা করতে চান ।

—এ তো খুব আনন্দের কথা, কি খাবে বলো ? আজ তুমি আমার গেস্ট ।

—শুধু চা ।

—ঐ নেশাটি তোমার গেল না !

প্রভাত হেসে বলে, যাবেও না । কেষ্ট কোথায় ?

—খবর পাঠিয়েছি, আসবে এখনি ।

একটু থেমে আশুদা জিজ্ঞেস করেন, তোমাদের কি হয়েছে বলতো ?

—কেন ?

—কি জানি, তোমার কথা হ'লেই কেষ্ট কেমন গম্ভীর হয়ে যায়, তুমিও ওর কথা শুনলে কি যেন ভাবো ।

প্রভাত গম্ভীর ভাবে বলে, বিশেষ কিছু নয় । একটা কথা ওকে জিজ্ঞেস করার আছে ।

—তোমার লেখাপত্র চলছে কি রকম ?

প্রভাত চায়ে চুমুক দিয়ে বলে, খুব বেশি লিখিনি আশুদা ! আগে পয়সার জন্তে বিস্তর লিখেছি, এখন সে দরকার নেই । মনে ইচ্ছে আছে ছ'একটা ভালো বই লেখার । অবশ্য যদি সময় আর সুযোগ পাই—

এমন সময় কেষ্ট এসে পড়ে । আশুদা চৈঁচিয়ে বলেন, এসো কেষ্ট, প্রভাতের তো বিয়ে লাগল ।

কেষ্ট শুকনো হেসে বলে, ভালোই তো ।

প্রভাত প্রশ্ন করে, কি হয়েছে তোর কেষ্ট, এত শুকনো কেন ?

—কিছু না ।

—এখানে বোস ।

কেষ্ট বসেই আশুদাকে উদ্দেশ্য করে বলে, আশুদা, কিছু যদি মনে না করেন প্রভাতের সঙ্গে দু'একটা দরকারী কথা সেরে নিই ।

আশুদা তাড়াতাড়ি উঠে পড়েন, নিশ্চয় নিশ্চয় ! আমারও অনেক কাজ পড়ে রয়েছে, সেরে নিইগে ।

আশুদা উঠে যেতেই কেষ্ট কঠিন গলায় বলে, প্রভাত, 'তোর কাছ থেকে এ ব্যবহার আমি আশা করিনি ।

প্রভাত মুখ তুলে তাকায় । কেষ্টকে তারই প্রশ্ন করার কথা, সেই-জন্মেই তাকে এতদিন খুঁজছে । হঠাৎ কেষ্টর কাছে এ অভিযোগে সে বিস্মিত হয় ।

—গৌরীকে যদি তোমার ফিল্মে নামাবার ইচ্ছে ছিল, একবার আমাকে জিজ্ঞেস করাও তুমি দরকার মনে করলে না ?

—আমি কিছুই বুঝতে পারছি না কেষ্ট, গৌরীকে আমি ফিল্মে নামাতে যাব কেন ?

—তার মানে ?

প্রভাত একে একে সব কথা বলে যায়, নাটকের রিহার্সালে চিত্রর সঙ্গে গৌরীকে দেখার পর কি ভাবে, কবে স্টুডিওতে দেখেছিল, তারপর বেলারাণীর বাড়িতে গৌরীর সঙ্গে কথাবার্তা সব বর্ণনা করে বলে, আমি তো এতদিন তোরই উপর চটে ছিলাম । ভাবলাম বিয়ে করবি বলে আবার ফিল্মে কেন নামাতে গেলি । কেষ্ট নির্বাক-বিস্ময়ে প্রভাতের কথাগুলো শোনে । ধরা-গলায় বলে, আমায় মাপ কর প্রভাত, আমি ভুল বুঝেছিলাম ।

কেষ্ট হঠাৎ উঠে দাঁড়ায়। তার চোখ দুটো অলে ওঠে; দাঁতে দাঁত চেপে বলে, গৌরী যে এত বড় মিথ্যেবাদী তা জানতাম না।

আর কোন কথা না বলে কেষ্ট দ্রুত পায়ে চায়ের দোকান থেকে বেরিয়ে যায়। বিস্মিত প্রভাত আশুদার কাছে এসে নীচু গলায় জিজ্ঞেস করে, কেষ্টর কি হয়েছে আশুদা ?

আশুদা ততোধিক গম্ভীর হয়ে বলেন, জানি না ভায়া, বোধ হয় মেয়েটা ওকে ছেড়ে পালিয়ে গেছে।

—গৌরী আর কেষ্টর কাছে থাকে না ?

—সেই রকমই তো গুজব শুনিছি।

প্রভাত অনন্ত-কেবিন থেকে বেরিয়ে সোজা গেল বেলারাণীর বাড়ি। কেষ্ট ও গৌরী দু'জনকেই সে জানে। তাই তাদের মধ্যে যদি কোন রকম বিচ্ছেদ এসে থাকে তা জানার কৌতুহল স্বাভাবিক। এবং বেলারাণী যে সে-সম্বন্ধে সব কথাই জানবে সে-বিষয়েও তার কোন রকম সন্দেহ ছিল না।

প্রভাতকে দেখে বেলারাণী সত্যিই খুশি হয়। ওপরে ডেকে এনে সোফায় বসিয়ে গল্প করে, বাবা কি ছেলে, একটা চিঠি দিলে না ?

প্রভাত ম্লান হাসে, চিঠি দিয়ে বিরক্ত করে কি লাভ ?

—অত লাভ তোমায় কে দেখতে বলেছে, বললাম লিখতে, তা একটা কথাও যদি শোনে।

প্রভাত উত্তেজিত গলায় বলে, একটা দরকারী কথা তোমার কাছে জানতে এলাম।

—কি বিষয়ে ? ছবি কি উঠছে না উঠছে সব তো অরুণাকে লিখেছি !

—তা নয়, আমি জানতে চাই গৌরীর কথা।

বেলারাণী হাসে, তোমাকেও গৌরীতে পেয়েছে নাকি ? মেয়েটার বরাত ভালো।

—না, না, ওর বিষয়ে কি জান তুমি বলো।

—বিশেষ কিছু জানি না, তবে ও এখন ছবিতে কাজ করছে, আর থাকে বিনোদের কাছে।

প্রভাত বিস্মিত হয়, বিনোদের কাছে!

—ই্যা, পার্ক সার্কাসে। কেন কি হয়েছে?

—না। আমি বরং উঠি।

—আশ্চর্য, আমায় বলবে না?

—বলার কিছু নেই, আমার এক বন্ধু ওকে বস্তী থেকে এনে নিজের কাছে রেখেছিল, বিয়ে-থার ব্যবস্থা পাকাপাকি। হঠাৎ আজই শুনছি গৌরী সেখানে নেই। তাই ছুটে এলাম তোমার কাছে, যদি কোন হদিশ দিতে পার।

—এত কথা আমি কিছুই জানতাম না।

—ছেলেটা খুব শকু পেয়েছে, প্রভাত উঠে পড়ে বলে, এসো না একদিন অরুণাকে সাহায্য করবে।

বেলারাগী হেসে বলে, আর তো বেশি দিন নেই, বেচারী অরুণা, ওর ওপর খুব চাপ পড়েছে নিশ্চয়, বরপক্ষ, কনেপক্ষ দুদিকের ব্যবস্থাই তো ওকে করতে হবে।

মামুলী কথাবার্তার পর প্রভাত বেলারাগীর বাড়ি থেকে বেরিয়ে আসে।

প্রভাত নিমন্ত্রণ করার অছিলায় গিয়েছিল বিনোদের বাড়ি পার্ক সার্কাসে। বিনোদ সেখানে ছিল না। প্রভাত সরাসরি গৌরীর সঙ্গে দেখা করে। গৌরী কি ভাবে অভ্যর্থনা করবে বুঝতে পারে না। যতদূর সম্ভব নিজেকে স্বাভাবিক করার চেষ্টা করে বলে, বসুন প্রভাতবাবু, বিনোদ এখন বাড়ি নেই। প্রভাত বসে পড়ে হাসবার চেষ্টা করে, বিয়ের নেমস্তম্ভ করতে এলাম—

—তাই নাকি ? বিয়ে কবে ?

প্রভাত হাত বাড়িয়ে চিঠিটা এগিয়ে দেয় গৌরীর কাছে । গৌরী যতক্ষণ চিঠি পড়ে প্রভাত ভালো করে গৌরীকে নিরীক্ষণ করে । দেখে কতখানি তফাৎ । কেঁপের সঙ্গে যে স্বভাবভীরু লাজুক মেয়েটিকে সে দেখেছিল, তার কিছুই আর বেঁচে নেই এই স্তবেশা গৌরীর মধ্যে । ইচ্ছে করেই জিজ্ঞেস করে, আপনার চিঠিটা কোথায় দিয়ে যাব ? এখানে, না, কেঁপের কাছে ?

প্রভাতের খোঁচাটুকু গৌরী গায়ে না মেখে বলে, কেন এইখানেই, যদি নেমস্তম্ভ করার ইচ্ছে থাকে ।

প্রভাত পকেট থেকে আর-একটা চিঠি বার করে তাতে নাম লিখে গৌরীর হাতে দেয় ।

গৌরী নিজে থেকেই প্রশ্ন করে, আপনি কি জানতেন না আমি আজকাল এখানে থাকি ?

—কি করে জানবো ?

—কেঁপদা বলেনি ?

—ওর তো বলে বেড়ানো স্বভাব নয় ।

গৌরী বেশি কথা বাড়াতে চায় না । প্রভাতের উপস্থিতি তার অসহ্য লাগে অথচ প্রভাত ওঁঠবার নাম করে না ।

—স্টুডিওর জীবন কেমন লাগছে ?

—ভালোই ।

—এ লাইনে পরসা আছে, তবে লেগে থাকতে হয় । আপনার কি ইচ্ছে, বরাবর থাকবেন, না দু'দিনের জন্তে ?

—দেখি ।

প্রভাত হাসে, মেয়েদের তো ঐ মুন্সিল, কিছুতেই লেগে থাকবে না ।
আজ এটা পছন্দ তো কাল ওটা—

গৌরী কথা ঘুরিয়ে নেয়, নতুন নাটক কিছু লিখছেন নাকি ?

—না, সময় পাইনি। তবে লিখব।

—চিহ্নর সঙ্গে দেখা হয়েছে ?

—না।

—কেষ্টদা ?

—হয়েছে। কেষ্টটা চিরকালই বোকা, একটু মুষড়ে পড়েছে।

—বোকা বলছেন কেন ?

প্রভাত অন্তমনস্ক ভাবে বলে, জীবনটাকে বড় বেশি সিরিয়াস্‌লি নিতে চায়, তাই এত দুর্ভোগ।

—আপনি নেন না বুঝি ?

—না। এসব ছেলেখেলা। নতুন শাড়ীর শখ যেমন আপনাদের মেটে না, তেমনি মেটে না আপনাদের নতুন জীবনের তেষ্ঠা।

গৌরী বিরক্ত হয়, বেলা অনেক হ'ল। এবার আমায় বাইরে যেতে হবে।

প্রভাত বাঁকা হাসে, উঠতে বলছেন, পরিষ্কার করে বললেই হয়, তাতে আমি কিছু মনে করি না। উঠে দাঁড়িয়ে চারদিক তাকিয়ে বলে, বেশ বাড়ি পেয়েছেন, কোথায় বেহালার পাখির বাসার মতো একটা ছোট খুপ্‌রী, আর তার বদলে এই বিনোদের সুসজ্জিত বাড়ি।

গৌরী মুখ ঘুরিয়ে নেয়। প্রভাত হাত তুলে নমস্কার করে, এখন তো প্রায়ই দেখা হবে স্টুডিওতে। চলি তবে। বিয়েতে আসবেন, আপনি আর বিনোদ দুজনেই।

গৌরী শুকনো গলায় বলে, চেষ্টা করব, কথা দিতে পারছি না।

সেখান থেকে বেরিয়ে প্রভাত গেল কেষ্টর বাড়ি। ভেবেছিল এ সময় দেখা পাবে না, নেমস্তনের চিঠিখানা দিয়ে আসবে। কিন্তু কড়া

নাড়তে কেঁট নিজে এসে দরজা খুলে দেয়। প্রভাতকে দেখে সাঁদরে
অত্যাশ্চর্য করে, ভেতরে আসে।

—নেমন্তন্ন করতে এলাম।

কেঁট প্রভাতকে নিয়ে উপরে উঠতে উঠতে বলে, চিঠির আবার কি
দরকার। তবু চিঠিখানা প্রভাতের হাত থেকে নিয়ে ভালো করে পড়ে
বলে, বেশ লেখা হয়েছে, সাহিত্যিকের বিয়ে বোঝাই যাচ্ছে।

—তাকে কিন্তু আগে থেকে যেতে হবে, সব কিছু যোগাড়যন্ত্র করা।

—যখন বলবি যাবো।

—আজই চল না, বেশ হৈ-হৈ করা যাবে।

কেঁট মৃদুস্বরে বলে, আজ থাক, আর একদিন যাবো।

—বাড়িতে এরকম একলা-একলা বসে আছিঁস কেন বলতো ?

—এমনি।

—এমনি না হাতি, আমি শুনেছি সব। ও-সব মেয়ের যাওয়াই
ভালো। তুই বেঁচে গেছিস।

—গৌরীকে তুই চিনিস না—

—অনেক গৌরী দেখেছি তাই, চিনতে আর বাকী নেই। যতদিন
বয়সের জোর থাকবে কেউ এদের ধরে রাখতে পারবে না।

কেঁট চুপ করে থেকে বলে, এক এক সময় মনে হয়, হয়তো সে
অনুতপ্ত, ভয়ে আমার কাছে আসতে পারছে না। পাছে আমি রাগা-
রাগি করি।

কেঁট যে গৌরীকে কতখানি ভালোবাসে তা এই ক’টি কথায় প্রভাতের
কাছে পরিষ্কার হয়ে যায়। বলে, আমি গৌরীর কাছে গিয়েছিলাম।

—কোথায় ?

—বিনোদের বাড়ি, পার্ক সার্কাসে—

—দেখা হ’ল ?

। —হ্যাঁ ।

—কথা হ'ল ?

—হ্যাঁ ।

—কি ?

—কত কথা । দেখলাম, পুরোদস্তুর ফিল্ম অ্যাক্ট্রেস হবার চেষ্টা করছে । সে গৌরী নেই, মরেছে ।

কেষ্টর চোখ দুটো আবার জ্বলে ওঠে, সত্যি প্রভাত, তুই ঠিক বলেছিস । আমারও তাই বিশ্বাস, গৌরী মরেছে । কদিন আগে আমি তাকে দাহ করেছি ।

প্রভাত দেখে, কেষ্ট যেন কেমন আবোল-তাবোল বকছে, জোর করে তাকে গাড়ীতে নিয়ে যায় । চল্ আমার সঙ্গে । একলা তাকে কিছুতেই রেখে যেতে পারবো না ।

কেষ্ট প্রভাতের কথামতো অরুণাদের গাড়ীতে উঠল বটে কিন্তু কিছু দূর গিয়ে মোড়ের মাথায় জোর-জবরদস্তি করে নেমে পড়ে । মিনতিভরা গলায় বলে, আজকের দিনটা আমায় রেহাই দে প্রভাত ! এ কদিনের মধ্যে নিশ্চয় যাবো ।

প্রথম প্রথম জলিলদের সঙ্গে থাকতে শ্যামলের অসুবিধা হলেও ক্রমে তা গা-সওয়া হয়ে যায় । জলিলরা সেই শ্রেণীর লোক যাদের অহুভূতিশক্তি কম, শুধু ইন্দ্রিয়ের সাহায্যে স্তম্ভ ছঃম্ভ উপভোগ করে । যাদের মধ্যে নেই কোন কৃষ্টির বালাই, সব কিছুই বড় স্পষ্ট । লুকোচুরির মধ্যে যে আনন্দ আছে, তা তাদের অভিজ্ঞতার বাইরে । শ্যামল আর যাই হোক, এ ধরনের ছেলে ছিল না । তাই প্রথম ভাল না লাগলেও মুখ বুজে কাটিয়ে দিত । কিন্তু এখন মনে হয়, এ মোটা জীবনটার মধ্যে কিছুই অস্বাভাবিক নয় ।

জলিলরা মেয়ে দেখলে চোখ দিয়ে গিলে খায়। শ্যামলের মনে হত এ বড় অসভ্যতা। কিন্তু এ কদিনে সে নিলজ্জ ভাবে তাকাতে শিখে গেছে। এর মধ্যে যে একটা আনন্দ আছে তা সে এর আগে বুঝতে পারতো না। অবশ্য মঙ্গলা এসে পড়ায় শ্যামল এ কদিনে খুব তাড়াতাড়ি বড় হয়ে উঠেছে! তাই প্রত্যেক দিন রাত্রে সে মঙ্গলার বাসায় যায়। সারা রাত কাটিয়ে ভোরবেলা জলিলদের কাছে ফিরে আসে।

জলিল টিটকিরি কাটে। মেয়েছেলে ছাড়া এক রাতও কাটাতে পারিস না! আচ্ছা ছেলে তুই। শ্যামল উত্তর না দিয়ে খাটিয়ার উপর শুয়ে পড়ে।

তোর বেহালার ছুঁড়িটা ভালো ছিল, তবু তাজা, মঙ্গলার মত বাজারের জিনিস নয়।

শ্যামলের গৌরীর কথা মনে পড়লো। এক ঘরে কত রাত তারা শুয়েছে। কিন্তু কোন দিন তার দেহের প্রতি শ্যামলের নজর পড়েনি। এখন যদি এক রাত সে ঐ রকম ভাবে কাটাতে পারতো, একথা ভেবে শ্যামল দীর্ঘনিশ্বাস ফেলে আড়মোড়া ভাঙ্গে।

সত্যি মঙ্গলা তাকে হাতে ধরে কৈশোর থেকে যৌবনে উপনীত করেছে। মঙ্গলা তাকে বলে, ছুঁছু লোকের সঙ্গে বেশি মিশো না! আমি খবর দিয়ে দেব, তুমি জলিলদের কাছে ঐটুকু বলেই টাকা আদায় করে নিও।

শ্যামল হেসে বলে, তাতে কি হয়েছে। ওদের সঙ্গে ঘুরতে আমার বেশ ভাল লাগে। সেদিন যে তোমার কথামতো আমরা গাড়ী নিয়ে পালালাম, তার মধ্যে কি আনন্দ।

মঙ্গলা ভয় পায়—যদি ধরা পড়তে?

—কে ধরবে? অত ভয় পেলে দুনিয়ায় থাকা চলে না। শ্যামল মঙ্গলাকে কাছে টেনে নিরে আদর করে বলে, কিছু ভয় নেই তোমার। রোজ রাত্রে দেখবে আমি ঠিক আসবো।

শ্রামলের সঙ্গে পুরোন বন্ধু-বান্ধবদের কারুরই দেখা হয় না। মদন আর চুনীলালের উপর যে আক্রোশ জমা হয়েছিল, তাও সে একরকম ভুলে গেছে বললেই হয়। প্রতিহিংসা নেবার কল্পনা আর নেই। এমন কি, বটুমামাকেও একলা পেলে সে হয়তো কিছু বলবে না, একমাত্র অভিমান তার কেঁষ্টদার ওপর। কেঁষ্টদা যে তার প্রতি অত্যাচার করেছে, একথা সে চেষ্টা করেও ভুলতে পারে না। কেঁষ্টদার কথা সে শুনতো। তাকে সে সত্যিই ভালোবেসেছিল, অথচ সেই কেঁষ্টদা বেইমানী করলে।

আগে দুঃখ পেলে মার কথা তার মনে পড়তো, হয়তো নীরবে চোখের জল ফেলতো, কিন্তু মার সেই ছবিতে দেখা মুখখানা আর তার মনে পড়ে না। বাবা সম্বন্ধে অল্প কথা। শুধু ঐ বাবা শব্দটার সঙ্গেই সে পরিচিত! তাঁর অন্তরের কোন স্পর্শই সে পায়নি। মামার বাড়ি থেকে চলে আসার আগে একদিন মামার সঙ্গে বটুমামার টুকরো আলোচনায় সে শুনেছিল, তার বাবা মফঃস্বলে আবার বিয়ে করেছেন। সে-কথা শশধরবাবু শ্রামলকে আর কোন দিন বলেননি। কিন্তু কলকাতায় তার আগে তিনি মাসে একবার করে আসতেন। ক্রমে তা তিন মাসে একবার হয়ে দাঁড়াল। শ্রামল এ নিয়ে মনে মনে যথেষ্ট ব্যথা পেয়েছে। কোন দিন মুখ ফুটে তা বলেনি। আজ শ্রামলের মনে হয় সে চলে আসায় সবাই হয়ত সুখী হয়েছে। বাবা নতুন সংসার নিয়ে ব্যস্ত। শ্রামলকে মন থেকে মুছে ফেলেছেন। মামার বাড়িতে সে ছিল বাইরের ছেলে, এখন তারাই স্বস্তির নিশ্বাস ফেলে বেঁচেছে। সেই ফেলে-আসা দিনের কথা শ্রামল আর মোটেই ভাবতে চায় না। সব কিছুই তার দুঃস্বপ্নের মতো মনে হয়।

কালী একদিন জিজ্ঞেস করেছিল, এখানে কি রকম লাগছে, তোমার মন টিকবে ? শামল উৎসাহভরে বলে, নিশ্চয় ।

—সাবাস । কালী শামলের পিঠ চাপড়ায় । এখন তুই আমার পায়ের কড়ে আঙুল । হবি বুড়ো আঙুল । পরে বাঁ পা, ডান পা । শেষে বাঁ হাত, ডান হাত । ব্যস ! হাজার টাকা রোজগার ।

শামল কালীর পায়ে প্রণাম করে । ভাবে, এ লোকটা খুব খাঁটি । এতটুকু কঁাকি নেই এর মধ্যে, আজকের দিনে যারা কালীর হাত, পা, আঙুল, তাদের সকলের সঙ্গেই শামল সুপরিচিত । একদিন সে তাদের মতো হবে এতে আর আশ্চর্য কি ?

এরই মধ্যে একদিন সন্ধ্যার মুখে ছোট ভাঙ্গা ছুঁদরজার গাড়ী চালিয়ে শামল বালীগঞ্জ স্টেশনের কাছে গ্যারাজ থেকে বেরিয়ে যাচ্ছিল রাসবিহারী এভিনিউ ধরে । গড়েহাটা বাজারের কাছে গাড়ী থামিয়ে পান, সিগারেট কিনতে নামে । নজরে পড়ে অনেকগুলি মেয়ে ট্রাম থেকে নেমে রাস্তা পার হচ্ছে । তাদের মধ্যে একজনকে সে চিনতে পারে, সে নন্দিতা ।

নন্দিতা রাস্তা পার হয়ে ‘আলেক্সা’র সামনে দিয়ে আসছিল । শামল ইতস্তত করে এগিয়ে যায় ; নমস্কার করে বলে, চিনতে পারছেন ?

শামলকে দেখে নন্দিতা উৎফুল্ল হয়ে ওঠে, চারদিক তাকিয়ে নীচু গলায় বলে, শুনেছেন তো সব ? সামনের সপ্তাহে বিয়ে ।

শামল বলে, তাহলে মনুদা ?

—আমি যে কি করব বুঝে উঠতে পারছি না । বাবা কিছুতেই রাজী হলেন না ।

শামল অন্তমনস্ক ভাবে বলে, মনুদা কিন্তু পাগল হয়ে যাবে । ও আপনাকে—

—আমি বুঝতে পারছি, সব বুঝতে পারছি । এই তো ছু’ একদিন

মাত্র বাড়ি থেকে বেরুতে পেরেছি বন্ধুদের নেমস্তন্ন করার জন্তে ।
মহুদাকে একটা খবর পর্যন্ত দিতে পারি না । আমার সঙ্গে একবার
দেখা করিয়ে দেবেন ?

—নিশ্চয় ।

—কবে ?

—আজই ।

নন্দিতা খুশি হয় । ঘণ্টাখানেক আমার সময় আছে । তার মধ্যে
হবে ?

—কেন হবে না ? আমার সঙ্গে গাড়ী আছে । বালীগঞ্জ স্টেশনের
কাছে একটা বাড়ির কাছে আপনি কিছুক্ষণ অপেক্ষা করুন, আমি
মহুদাকে নিয়ে আসি ।

নন্দিতা ভয়ে ভয়ে জিজ্ঞাসা করে, কেউ জানতে পারবে না তো ?

—কোন ভয় নেই ।

নন্দিতা শ্যামলের কথামতো ওর ভাঙ্গা গাড়ীর পেছনের সিটে বসে ।
শ্যামল জোরে গাড়ী চালিয়ে বালীগঞ্জের গ্যারাজে নিয়ে আসে । বড়
দরজা বাইরে থেকে বন্ধ ছিল । ধাক্কা দিয়ে খুলে নন্দিতাকে ভেতরে
নিয়ে যায় । জলিল তখন একটা গাড়ী মেরামত করছে ।

শ্যামল আলাপ করিয়ে দেয়, এ আমার এক বন্ধু । জলিলকে বলে,
তুই দেখিস ওঁকে, এখানে রেখে যাচ্ছি ।

নন্দিতা ব্যস্ত হ'য়ে প্রশ্ন করে, আপনি কতক্ষণে ফিরবেন ?

—আধ ঘণ্টাও লাগবে না । যাবো আর আসবো ।

জলিল তখন গাড়ীতে হাতুড়ি মেরে শব্দ করছে । নন্দিতাকে ঘরে
খাটিয়ার উপর বসিয়ে শ্যামল সদর দরজা বন্ধ করে দ্রুত গাড়ী নিয়ে
বেরিয়ে যায় । প্রায় ল্যান্সডাউন মার্কেট পর্যন্ত কোন দিকে না তাকিয়ে
সে হ-হ শব্দে গাড়ী ছোঁটায় । এক-একবার ভাবে, মহুদাকে যদি খুঁজে

না পায়, নন্দিতা বড়ই নিরাশ হবে। মনুদার কথা মনে পড়তে তার মুখখানা চোখের সামনে ভেসে ওঠে। বড় নিরীহ ভদ্রলোক। নন্দিতার বিষে হ'য়ে গেলে মনে বড়ই কষ্ট পাবে। তার পরই মনে হয় যদি মদনের সঙ্গে দেখা হয়, সেই মদন, চুনীলাল, তাদের আড্ডা-সজ্জ বিতাড়িত শ্রামলকে কি ভাবে নেবে কে জানে। হয়তো পাঁচশো প্রশ্ন করবে। টিটকিরি কাটবে। ভাবতেই শ্রামলের গা গুলিয়ে ওঠে। এতদিনের যে পুঞ্জীভূত রাগ মদন ও চুনীলালের ওপর পোষা ছিল, তা আবার চাড়া দিয়ে ওঠে। হঠাৎ মনের মধ্যে বিপ্লব শুরু হয়। কেন সে মনুদার উপকার করবে? কে এই নন্দিতা? কে এই মনুদা? তার তো কেউ নয়? মাহুষের উপকার করা যদি ধর্ম হয় তবে সে ধর্ম তো কোন দিন তার প্রতি কেউ পালন করেনি? ছনিয়ায় সকলের কাছে সে শুধু কেবল অধর্মের ভাগ পেয়ে থাকে। লাঞ্চিত, অপমানিত হয়ে থাকে। তবে আজ হঠাৎ কেন সে উদার মহৎ হয়ে উঠবে? সবাই ভাবে, শ্রামল আজ অধম নীচ—সে তাই হোক।

নন্দিতা ঘোড়শী, চেহারায় তার যথেষ্ট আকর্ষণ আছে, আজ যখন তাকে হাতের মুঠোর মধ্যে পেয়েছে, কেন তাকে উপভোগ করবে না? চিরকাল যাদের উচ্ছিষ্ট পেয়ে জীবন কাটাতে হবে, তাদের কি প্রসাদ পাবার কোন অধিকার নেই?

বিদ্রোহী শ্রামল গাড়ী ঘোড়ায়। জোরে, আরও জোরে ফিরতে থাকে। তার মন ছুটেছে তারই সঙ্গে পাল্লা দিয়ে। কিন্তু এমনই দুর্ভাগ্য—তেকোণ পার্কের কাছে এসে গাড়ীর চাকা ফেটে গেল। শ্রামল বিরক্ত হ'য়ে নেমে চাকা বদলাতে থাকে। গাড়ীতে যন্ত্রপাতি ছিল না। দোকান থেকে যন্ত্র এনে চাকা পাল্টে বেরুতে অনেক দেরি হ'য়ে যায়।

বালীগঞ্জের গ্যারেজে যখন এসে পৌঁছল, বেশ রাত হ'য়ে গেছে। নিম্নম নিম্নরূপ পাড়া, ধাকা দিয়ে দরজা খোলে। গাড়ী ভেতরে চুকিয়ে

আবার দরজা বন্ধ করে দেয়, মনে মনে তৈরি করে নেয় কি ভাবে নন্দিতার সঙ্গে কথা শুরু করবে। কেন মহুদার সঙ্গে দেখা হল না ? কোথায় গেছে ইত্যাদি। বাইরের খাটিয়ায় জলিল উপুড় হ'য়ে শুয়ে রয়েছে, সারাদিন খেটে বোধ হয় ঘুমিয়ে পড়েছে, ইচ্ছে করেই তাকে জাগায় না। দ্রুত পায়ে ভেতর দিকে যায়, নিশ্চয় নন্দিতা সেখানে অধীর হ'য়ে বসে আছে। দরজা বন্ধ, ভেতর থেকে কোন রকম ভারী জিনিস দিয়ে আটকান হ'য়েছে, বন্ধ করার খিল বা ছিটকিনি কিছুই তো নেই। শামল জোরে ধাক্কা দেয়, দরজা খোলার সঙ্গে সঙ্গে, টেবিল চেয়ার ছড়মুড় করে মাটিতে পড়ে। শামল কিন্তু ভেতরে ঢুকতে পারে না ! অন্ধকার ঘরের মধ্যে স্পষ্ট দেখতে পায় কড়িকাঠের সঙ্গে কাপড় বাঁধা। তাইতে নন্দিতার প্রাণহীন দেহটা ঝুলছে। কি বীভৎস ! কি ভয়ঙ্কর ! মুখে হাত চেপে শামল চিৎকার করে ওঠে। ভয়ে ভয়ে, পেছু ফিরে বেরিয়ে আসে। ছুটে গিয়ে জলিলকে ডাকে, জলিল, সর্বনাশ হয়েছে। ওঠ।

অনেক কষ্টে জলিল চোখ মেলে তাকায়। শামল বোঝে, সে মাতাল।

শামল ব্যস্ত হয়ে বলে, মেয়েটা গলায় দড়ি দিয়েছে। তুই জানিস কিছু ?

জলিল বেমালুম মাথা নাড়ে।

—এখন কি হবে ? শামলের গলা কাঁপছে।

জলিল জড়ানো গলায় প্রশ্ন করে, একেবারে মরে গেছে ?

—আমি কাছে গিয়ে দেখিনি।

—তাহলে লাশটা ফেলে দিয়ে আসতে হবে।

শামলের বুক ধড়ফড় করে—কোথায় ?

—যেখানে হোক, রাত হতে দে।

জলিল আবার শুয়ে পড়ে। একলা শামলের ভয় লাগে, ঘরের দিকে তাকিয়ে চুপ করে সে জলিলের কাছে বসে থাকে, এতটুকু

নড়বারও সাহস হয় না। মহুদার প্রেম সার্থক। নন্দিতা তার জন্তে আত্মহত্যা করে, এর মূল্য মহুদা কি ভাবে দেবে, শামল ভেবে পায় না।

অনেক রাতে নন্দিতার মৃতদেহটা কাপড়ে মুড়ে জলিল আর শামল গাড়ীতে করে বেরিয়ে পড়ে। জলিল শুধু একবার বলেছিল, কোথা থেকে মেয়েটাকে জুটিয়েছিলি! কিছু বোঝে না। একদম আনকোরা নাকি। শামলের এই প্রথম খেয়াল হয়, জলিলের মুখে, গলায় সব জায়গায় সে দেখেছে, নখ দিয়ে খামচান রক্তের দাগ। জলিলের দিকে তাকিয়ে সমস্ত শরীর তার ঘেন্নায় কুঁচকে ওঠে।

পরদিন খবরের কাগজে একটি কুমারী মেয়ের আত্মহত্যা-বিবরণী বার হয়। গলায় ফাঁস লাগিয়ে তাইতে ভারী পাথর বেঁধে জলে ডুবে ছিল। কি ভাবে কেমন করে, কিছুরই হদিশ পাওয়া যায়নি। রাতে নন্দিতাকে ফিরতে না দেখে বাড়ির লোক চারদিকে খুঁজতে বেরিয়েছিল। কাগজের খবর দেখে সনাক্ত করে এসেছে। মৃত্যু মেয়েটি আর কেউ নয়, নন্দিতা। বাড়িতে কান্নার রোল ওঠে। বিয়ে-বাড়িতে আনন্দ এক নিমেষে নিবে গেল। বরপক্ষ কলকাতায় বাড়ি ভাড়া করে এসেছিল, রাতারাতি অত্ন জায়গায় বিয়ে ঠিক করে ফেলে। আত্মীয়েরা বললে, কি কেলেকারী, মরেও বাপ-মার মুখে কালি দিয়ে গেল। পাড়ার ছেলেরা সকলেই এই আকস্মিক ঘটনায় বেশ আঘাত পেয়েছে। আগের মত আড্ডা-সজ্জের পাথরে গিয়ে বসলেও হৈ-চৈ করে না।

চুনী আক্ষেপ করে বলে, মেয়েটা সত্যিই 'জেমুইন' ছিল, আমি ভাবতাম বুঝি ইয়ার্কি করছে। মনের জোর না থাকলে কেউ আত্মহত্যা করতে পারে ?

নন্দিতার মা'র চোখে অবিরল জলের ধারা। তাঁর দুঃখে কে সাহসনা দেবে ?

নন্দিতার বাবা নিজেকে অপরাধী মনে করেন, মম্বর সঙ্গে বিয়ে দিলে এ অঘটন যে ঘটত না সে-বিষয়ে তিনি নিঃসন্দেহ।

আর মম্বদা? এক মুখ খোঁচা-খোঁচা দাড়ি, চোখ বসে গেছে, পাগলের মত ঘোলাটে চাউনি। ক্লান্ত স্বরে বলে, অশোচ শেষ হলে তীর্থে চলে যাবো।

মদনরা নিজেদের মধ্যে বলাবলি করে, নন্দিতা মরে বেঁচে গেছে। মম্বদার ট্রাজেডী চোখে দেখা যায় না।

মম্বদার মত আরেক জনও অশান্তিতে দিন কাটিয়েছে, সে শ্রামল। সমাজ, সংসার, বন্ধু-বান্ধব, আত্মীয়-স্বজন সবাইকে অগ্রাহ্য করতে পারলেও শ্রামল এখনও বিবেককে সম্পূর্ণ উড়িয়ে দিতে পারে নি। বিবেকের দংশনে বড় জ্বালা। সারা রাত সে ছটফট করেছে। ভোর থেকে মঙ্গলার কাছে গিয়ে আশ্রয় নিয়েছে। কিছুতেই তাকে বাড়ি থেকে এক-পা বেরতে দেয় নি। সারাক্ষণ মদের বোতল আর গেলাস নিয়ে চোখ লাল করে বসে আছে।

মঙ্গলা ভয় পেয়ে বলে, কি করছ, মরে যাবে যে!

শ্রামল উত্তর না দিয়ে শুধু মাথা নাড়ে। ক’দিন এক-নাগাড়ে ঐ ভাবে বসে থাকে।

আড্ডায় ফিরতে না দেখে জলিল বুঝতে পেরেছিল, শ্রামল অশোচনার আত্মগ্লানিতে কোথাও লুকিয়ে আছে। নিজে এসে মঙ্গলার বাসা থেকে শ্রামলকে টেনে বার করে নিয়ে যায়। বলে, ও কি করছিস?

শ্রামল নেশার বোঁকে কেঁদে ফেলে, আমি পাপ করেছি।

—দূর শালা, তুই পাপ করলি কিসে, যা করলাম তা তো আমি।

—তোমার ভয় করে না?

—কিসের ভয়?

শ্রামল এক কথায় উত্তর দিতে পারে না। ভয় যে অনেক কিছু।

ইহকালের, পরকালের, ধর্মের, অধর্মের, পাপের, পুণ্যের। এত দিনের সংস্কারের বোঝা তার ঘাড়ের ওপর আজ চেপে বসেছে।

জলিল কিন্তু বেপরোয়া ভাবে বলে, ভয় ? সে তো শুধু পুলিশের, আমি লাল পাগড়ির তোয়াক্কা করি না। ব'লে জলিল হাতের বুড়ো আঙুল নাড়তে থাকে

অনিচ্ছা সত্ত্বেও শ্যামলকে জলিলের সঙ্গে বেরিয়ে আসতে হয়। জলিল চাপা গলায় বলে, এখন কি আর নষ্ট করার সময় আছে ? দেবেন শালা রাজী হয়েছে। কালীর হুকুম, এই সপ্তাহেই গমনা সরাতে হবে। খুব হুঁশিয়ার। তুই থাকবি আমার পাশে।

কেষ্ট যদিও প্রভাতকে কথা দিয়েছিল বিয়ের আয়োজন করতে তাদের বাড়ি যাবে কিন্তু এর মধ্যে একদিনও যেতে পারেনি। বার বার মনে হয়েছে তাদের আনন্দের সঙ্গে খাপ খাইয়ে চলতে না পেরে মিছিমিছি বিমর্ষ থেকে ছন্দপতন ঘটিয়ে লাভ কি ?

প্রভাত ইতিমধ্যে দু'একদিন লোকও পাঠিয়েছিল, কেষ্ট বাড়ি ছিল না বলে তাদের এড়িয়ে যেতে পেরেছে। এদিকে পুঁজি স্কুরিয়ে আসছে। এক একবার মনে করে আবার আগের মত টাকা রোজগার করতে বার হবে। পরক্ষণেই ভাবে, তারই বা কি প্রয়োজন ? একেবারে হাতে পয়সা না থাকলে তখন দেখা যাবে। ঠিক এইরকম যখন মনের অবস্থা, নিজের কর্তব্য যখন নিজেই ঠিক করতে পারছে না, সেই সময় ব্রজহুলালের কাছ থেকে একখানা দীর্ঘ চিঠি এসে পৌঁছল।

“প্রিয় কেষ্টবাবু,

তোমার ছোট চিঠিটি যথাসময়ে পেয়েছি। পেয়েই উত্তর দিতে বসলাম। আমাদের কথা জানতে চেয়েছো, সকলেই ভাল আছি।

মিঠু, কিটু আর শ্যামা সারাক্ষণই তোমার কথা বলে। আমাকে চিঠি লিখতে দেখে ছেলেরা বলছে লিখে দাও, দাখু যেন তাড়াতাড়ি চলে আসে। ওরা তোমায় সত্যিই ভালোবাসে।

চিঠির এক জায়গায় লিখেছ, কলকাতা তোমার ভাল লাগছে না। এ তো অত্যন্ত স্বাভাবিক কথা। আমি তো ছু'দিনের জন্তু শহরে গিয়ে তিষ্ঠতে পারি না। গ্রামের সহজ সুন্দর জীবনের স্বাদ পেলে আর কি শহরের শুকনো জীবন ভালো লাগে? সকলের চেয়ে বড় অভাব এখানে প্রাণ নেই। এখানে অমৃতব করি মানুষের মধ্যে আন্তরিকতা আছে। এইটাই এখানকার সবচেয়ে বড় সম্পদ। কলকাতায় নিজের মতলব ছাড়া, স্বার্থ ছাড়া, কেউ কারুর জন্তে কোন কাজ করে না। প্রত্যেকটি দিন সকাল থেকে রাত্রি পর্যন্ত নিজেদের আত্মরক্ষা করে চলতে হয়, সব সময় ভয়, কে কোথায় ঠকিয়ে দেবে, কে কোথায় ত্রাঘ্য পাওনা দেবে না। যারা জন্মেছে কলকাতায়, মানুষ হয়েছে কলকাতায়, মারা যাবে কলকাতায়, তাদের জন্তুই ওই শহর, আমাদের জন্তু নয়।

অতএব এখান থেকে ফিরে গিয়ে তোমার যে শহর ভালো লাগছে না তাতে আমি এতটুকু আশ্চর্য হইনি। কিন্তু দুঃখ পেয়েছি আর-একটি কথায়।

তুমি লিখেছ, মনে কিছুতেই শান্তি পাচ্ছি না। এইটাই খুব বেশি ভাববার কথা। আমি তো মনে করি সুখ ও শান্তির সুধার স্বাদে যে জীবন ধন্ব হতে পারেনি তার জীবন ধারণের কোন সার্থকতা নেই। মনে আছে বোধ হয়, তুমি আমায় বোঝাতে চেয়েছিলে এ জগতে বড় হবার একমাত্র পথ লোক ঠকিয়ে টাকা রোজগার করায়। তোমার কথায় যুক্তির অভাব ছিল না। নিদর্শন দিয়ে দেখিয়েছিলে, আজকের দিনে অধিকাংশ পয়সাওয়াল লোকেরাই অসৎ। বলেছিলে, ডাক্তার রোগীকে ফাঁকি দিয়ে, উকিল মক্কেলকে ফাঁকি দিয়ে, মাস্টার ছাত্রকে ফাঁকি দিয়ে,

ব্যবসাদার খদ্দেরকে ফাঁকি দিয়ে ব্যাঙ্কে জমার অঙ্ক বাড়াচ্ছে। একথা অস্বীকার করার কিছু নেই, কিন্তু তাই বলে আমরাও সেইপথ ধরব কেন?

একবার ভালো করে ভেবে দেখো। সুখ ও শান্তি যদি জীবনের কাম্য হয়, তাহলে এই পয়সাওয়ালা লোকগুলো কি বা পেয়েছে? পেলে এ ভাবে নিজেদের মধ্যে খাওয়া-খাওয়ি করত না। আমি বলছি বিশ্বাস কর, এরা কেউ কাউকে বিশ্বাস করে না। স্বামী স্ত্রীকে নয়, তাই ভাইকে নয়, বন্ধু বন্ধুকে নয়। এই যে অবিশ্বাস, সংশয়, সন্দেহ, এর মধ্যে দিয়ে কি সুস্থ জীবন গড়ে উঠতে পারে?

এ নকল সভ্যতা বাঁচতে পারে না। তিন যার দুর্বল তা টিকে থাকবে কিসের জোরে? আমাদের চোখের সামনে আজ ভেজালে দেশটা ভরে গেল। তেল ঘি থেকে শুরু করে সাহিত্যে, শিল্পে, সামাজিক জীবনে। তুমি কি বলতে চাও, এই ভেজাল-মেশানো সভ্যতা বেঁচে থাকবে? ঘুনধরা ইমারতের ভিত্তি আলাগা হবে না? পড়বে, সব ভেঙ্গে চুরমার হয়ে যাবে। কোথাও কোন দিন মিথ্যের রাজ্য কায়েমি হয়নি, এখানেও হবে না। তার জন্তে যুদ্ধ করতে হবে তোমাকে, আমাকে, শ্রামাকে, সবাইকে, যারা এখনও এই ভেজালের নেশায় মশগুল হয়নি।

আমি তোমায় অহরোধ করছি কেঁপেবাবু, আর উদাসীন হয়ে থেকো না, ভালো ভাবে নিজেকে বিচার করে দেখো। সারা জীবনটাই কি আলেয়ার পেছনে ছুটবে? আজও কি সৃষ্টি করার সময় আসেনি? ভুলে যাও ছোট ছোট স্বার্থের কথা, নিজেদের গণ্ডির কথা। তার বাইরেও একটা বিরাট জগৎ আছে, তার প্রয়োজনে তুমি সাড়া দেবে না?

ভেবে-চিন্তে উত্তর দিও। আমি তোমায় কিছু জোর করছি না। এখনকার স্কুলের ড্রিল মাস্টারীর পদ খালি আছে। তোমাকে পেলে আমরা ধন্য মনে করব। ভালবাসা নিও।

ইতি গুণমুখ ব্রজদুলাল।”

কেষ্ট বার বার চিঠিখানা পড়ে, দেখে, ব্রজহুলালের সঙ্গে তার চিন্তার অনেক মিল আছে। হুজনেই একই কথা ভাবে কিন্তু পদ্ধতি আলাদা। কেষ্ট চায় ভাঙ্গনের স্রোতে গা ভাসিয়ে দিতে। ব্রজহুলাল ভাঙ্গনের প্রতিরোধ করে রুখে দাঁড়াতে চায়। কেষ্টের মতো তার মনে নৈরাশ্রবাদের ছায়াটুকু নেই। সে কর্মে বিশ্বাসী, বিশ্বাস করে পাঁকে ফুল ফোটানো যায়। নকল সত্যতার পচধরা শিকড় উপড়ে ফেলে নতুন বীজ সে পুঁততে পারবে। তাই তো কেষ্টকে সে সাদরে আমন্ত্রণ জানিয়েছে।

সারা দিন ভেবেও কোন রকম সিদ্ধান্তে কেষ্ট পৌঁছতে পারে না। পাগলের মত এখানে-সেখানে ঘুরে বেড়ায়। পকেট থেকে চিঠিটা বার করে পড়ে, আবার রেখে দেয়। সত্যিই তো, যে ভাবে সে গৌরী আর শামলকে গড়ে তুলতে চেয়েছিল তারা তো সে পথের ইঙ্গিত বুঝতে পারেনি? কেষ্ট তো কোন দিন বিবেককে বিসর্জন দিতে বলেনি, কিন্তু এরা তো প্রথমেই বিবেকই বলি দিল! তাদের শিখিয়েছিল, যারা অত্মায় করে তাদের ঠকালে কোন দোষ হয় না। কিন্তু এরা যে অত্ম-অত্মায়ের কোন ধারই ধারল না।

শামল এখন কি করছে কে জানে! বিবেককে বলি দিলে মানুষ তো সব কিছুই করতে পারে। আর গৌরী? ভাবতেই কেষ্টের মাথা ঝিম-ঝিম করে ওঠে, সে এখন দেহটাকে মূলধন করেছে। নারীত্বের অবমাননা এর চেয়েও আর কি হতে পারে? কেষ্ট সিদ্ধান্ত করে, সে কিশোরপুর চলে যাবে। চিঠির উত্তর দেবার কথা ভাবতেই চিহ্নর কথা মনে পড়ল। বেহালায় গেলে সে এখুনি খুশি হয়ে লিখে দেবে।

বেহালার বাড়িতে পৌঁছতেই বাইরের বারান্দায় চিহ্নর সঙ্গে দেখা। কেষ্টকে দেখে তার সারা মুখ হাসিতে ভরে যায়। বলে, কেষ্টদা, কত দিন বাদে এলেন?

—ব্যস্ত ছিলাম, বড় ব্যস্ত।

—চলুন, আমার ঘরে বসবেন চলুন।

—তোমার ঘরে ? কেঁষ্ট ইতস্তত করে।

—তাতে কি হয়েছে, আপনার ঘর যে নোংরায় ভর্তি।

—পিনাকী বাড়ি নেই ?

—না। ব'লে আর কথা বলার সুযোগ না দিয়ে কেঁষ্টকে নিয়ে চিহ্ন নিজের ঘরে ঢুকে যায়।

কেঁষ্ট এই প্রথম চিহ্নর ঘরে এল। ঘরটি আয়তনে ওরই ঘরের মতো কিন্তু সুসজ্জিত। চিহ্নর রুচির প্রশংসা না করে পারা যায় না। ছোট ছ'খানা চেয়ার, একটা টেবিল, সবুজ রঙের টেবিলঢাকা, বিছানা, আলনা, সব কিছুই পরিপাটি করে রাখা। অগোছাল মোটেই নেই। কেঁষ্ট চেয়ারে বসে ব্রজহুলালের চিঠিটা চিহ্নর দিকে এগিয়ে দেয়। সমস্ত চিঠিটা পড়ে চিহ্ন বুকভরা নিশ্বাস নিয়ে বলে, কি সুন্দর ! যেমনি ভাষা তেমনি ভাব !

কেঁষ্ট মৃদুস্বরে বলে, হাজার হোক ইস্কুল-মাস্টার, ভালো তো লিখবেই।

—আপনি কি ঠিক করলেন ?

—ভাবছি চলে যাবো।

—সত্যি ?

কেঁষ্ট চিহ্নর মুখের দিকে তাকায়, কেন, বিশ্বাস হচ্ছে না ?

—কি জানি, চিহ্ন দীর্ঘশ্বাস ফেলে, বহুন, আমি চায়ের জল চড়িয়ে দিই।

চিহ্নর ব্যবহারে কেঁষ্ট বিস্মিত হয়। ফিরে এলে জিজ্ঞেস করে, তুমি কি চাও না আমি যাই ?

চিহ্ন নিচের দিকে তাকিয়ে বলে, আমার চাওয়া না চাওয়ায় কি এসে-যায় ?

কেউ লক্ষ্য করে চিহ্নর গলায় আজ অল্প কণ্ঠস্বর—একথা বলছো কেন ?

—আপনাকে আমি কি বোঝাব ? একজনের উপর রাগ হ'ল তো দেশ ছেড়ে চললেন । যেখানে যান তাতে আমার আপত্তি নেই, তবে দুঃখ হয় এই ভেবে যে, ভালো মনে আপনি যাচ্ছেন না, যাচ্ছেন বুক-তরা অভিমান নিয়ে—

—তুমি আমার জন্তে এত কথা ভাবো ?

চিহ্ন স্নান হাসে, ভাবি শুধু আজ থেকে নয়, যেদিন থেকে আপনাদের সঙ্গে পরিচয় হয়েছে সেদিন থেকে । আশ্চর্য লাগত এই দেখে, আপনি গৌরীকে কতখানি ভালোবাসতেন অথচ সে তার কিছুই বুঝত না !

কেউর কৌতূহল জাগে, তুমিই বা কি করে বুঝলে ?

—আমি যে ঘর-পোড়া গরু ।

—তার মানে ?

—গৌরী আপনাকে আমার কথা বলেনি ?

—না ।

—আমার ইতিহাস অনেকটা আপনার মতোই । বাবা, মা মারা যান আমার দশ বছর বয়েসে । ছিলাম দাদাদের সংসারে । চার দাদা, তিন দিদি, সাতটা সংসার । এক একজনের বাড়ি পালা করে থাকতাম । কোথাও সাত দিন, কোথাও এক মাস । কথায় বলে, ভাগের মা গজা পায় না, আমি বলি ভাগের বোন বাঁচতে পারে না । মনে হত সকলেই আমাকে যেন অনুগ্রহ করছে । এই দুঃসময়ের মধ্যে পিনাকীর সঙ্গে আলাপ । আমার সেজদার বন্ধু, তাল ফোটোগ্রাফার ।

—তখন তোমার বয়স কত ?

—পনের-ষোল বছর । পিনাকী আমার ছবি তুলে পত্রিকায় ছাপাত ! ছ'বছর অনাদর অবহেলায় মানুষ হয়ে নিজেকে ভাগ্যবতী মনে হত । পিনাকীকে ভালো লাগত । বাড়িতে এ নিয়ে কথা উঠল । মার পর্যন্ত

খেলাম। পিনাকী লোভ দেখালে বিয়ে করবে, সংসার পাতবে। বিয়ের
চেয়ে নিজের সংসার হবে এর প্রলোভন ছিল আমার কাছে বিরাট।
একদিন ওর কথায় বেরিয়ে এলাম। আত্মীয়-স্বজনের সঙ্গে চিরকালের
মতো বিচ্ছেদ হয়ে গেল। পিনাকী আমায় এনে তুলল এইখানে।
ছ'বছর এখানে রয়েছে।

—পিনাকী বিয়ে করবে না?

—না। গোড়ায় বলত করবে, এখন জানিয়েছে সম্ভব হবে না।

—স্কাউটগুল, তবে তোমায় বার করে এনেছিল কেন?

—বিনা পয়সায় ছবি তোলার মডেল পাবে বলে। কত ছবি তুলেছে,
রোজগার করেছে, এখন আর-একজনের পেছনে ঘোরে—

—মানে?

—চিত্রা। আমার চেয়েও ছোট, তার ছবি বেশি দামে বিক্রি হয়।

কেষ্ট থমথমে মুখে বলে, আমি পিনাকীর সঙ্গে কথা বলতে চাই।

—সে তো আর এখানে আসে না।

—সে কি?

—অনেক দিন হল। আপনি কিশোরপুর যাবার আগে থেকে।

—তুমি একলা থাকো, একথা তো আমায় বলনি?

—কি প্রয়োজন—

চিহ্ন কিছুক্ষণ চুপ করে থেকে হঠাৎ বলে, পিনাকী আমার সর্বনাশ
করেছে। শুধু এক ব্যাপারে আমি কিছুতেই তাকে প্রশ্রয় দিইনি।
যাতে না আমাদের কোন অবৈধ সম্ভান হয় তার জন্তে প্রাণপণ যুদ্ধ
করেছি। আমার জীবন তো গেছেই, কোন নিষ্পাপ শিশুকে এ দুর্ভোগের
মধ্যে টেনে আনতে চাইনি।

কেষ্ট মাথা নেড়ে বলে, অথচ তুমি তো সংসার ভালোবাস চিহ্ন!

চিহ্নর গলা কান্নায় ভরে আসে, প্রাণ দিয়ে ভালোবাসি কেঁদে।

তারই আশায় একদিন বাড়ি থেকে ছুটে পালিয়ে এসেছি অথচ সব যেন
কি রকম হয়ে গেল !

চিহ্ন সামলাতে পারে না, মুখে আঁচল চাপা দিয়ে কাঁদতে কাঁদতে
উঠে যায়। কেঁপে একলা বসে ভাবে, চিহ্ন আজ তার সামনে নতুন
সমস্যা নিয়ে এসে দাঁড়াল। এতদিনের মধ্যে তার কথা চিন্তা করার
কোন প্রয়োজন কেঁপে দেখেনি, কিন্তু আজ মনে হল, চিহ্নও তো একা,
নির্ভর করার মতো কেউ তো তার নেই ?

প্রভাতের বিয়ে নিয়ে সকলেই মেতে উঠেছে। অরুণার বাবার শরীর
খারাপ হলেও মনের জোরে দাঁড়িয়ে উঠেছেন ! একমাত্র মেয়ের বিয়ে,
তিনি ঘটা করবেনই, কারুর নিষেধ শুনবেন না। বার বার প্রভাতকে
বলছেন, খুব খেয়াল রেখো। সকলের যেন খাতির-ষড়্ঠ ঠিক মতো হয়।
কেউ কোন কষ্ট না পায়।

রমেশবাবুর বন্ধুভাগ্য সত্যিই ভালো। একজন তাঁর বাড়ি ছেড়ে
দিয়েছেন, সেখান থেকে অরুণার বিয়ে হবে। আত্মীয়-স্বজন অনেকে
এসেছে। সকলের চেয়ে বড় কথা, রমেশবাবুর সবিশেষ অহুরোধে
প্রভাতের বাবা-মা দুজনেই কাশী থেকে ক’দিনের জন্তু কলকাতায়
এসেছেন। হৈ-হৈ আনন্দে পরিপূর্ণ।

প্রভাতের বন্ধুদেরও ব্যস্ততার শেষ নেই। অনন্ত-কেবিনের আশুদা
থেকে শুরু করে বেয়ারা পর্যন্ত সকলের বাঁধা হাজিরা। ভোতন, বিত্ত,
মানিক যারা সব সময়েই অনন্ত-কেবিনে চায়ের পেয়ালা নিয়ে সময়
কাটায়, তারা এখন প্রভাতের বাড়িতেই আড্ডা গেড়ে বসেছে। ভোতন
জিজ্ঞেস করে, কি ব্যাপার বলতো মাইরী, কেঁপেদার পাস্তা নেই !

বিত্ত বলে, সত্যি আশ্চর্য ! প্রভাতদা তো ওরই বন্ধু, আমরা সেই
স্ববাদে ঘর জাঁকিয়ে বসে আছি।

—কেষ্টর কি যেন হয়েছে ! বেশি কথাবার্তাও বলে না, দেখা হলে একটু হাসে ।

ক’দিন থেকেই অরুণাদের বাড়িতে সানাই বাজছে । এ রমেশ-বাবুরই ব্যবস্থা । ঔঁদের বিয়ের সময়ও নাকি এই রকম একটানা সানাই বেজেছিল । একদিন মদনও এসেছিল । একান্তে বসে আশুদার সঙ্গে আলাপ করে, সানাই শুনলে আমার বড় মন খারাপ হয়ে যায় আশুদা—

—কেন ?

—নন্দিতার কথা মনে পড়ে যায় ।

—আহা বেচারী, আশুদা সমবেদনা প্রকাশ করেন, বাবা-মা বোধ হয় খুব শোক পেয়েছেন ?

—ঔঁদের অনেকগুলি ছেলেমেয়ে, হয়ত সামলে উঠবেন । কিন্তু মহাদার জ্ঞে বেশি দুঃখ হয়, ও লোকটা বোধ হয় পাগল হয়ে যাবে ।

—তোমরা কিছু করতে পারলে না ?

—আমরা আর কি করব ? তার জ্ঞে নন্দিতা মারা গেছে, এ কথা সে কি করে ভুলবে ? গান অত ভালোবাসত, মুখে এখন একটি সুর নেই, চাকরী ছেড়ে দিয়েছে, কি যে করবে বুঝতে পারছি না ।

আশুদা সত্যি মনে কষ্ট পান ।

এর মধ্যে বেলারানী একদিন এসেছিল অরুণার কাছে, সুন্দর দামী একছড়া সোনার হার নিয়ে । অরুণা আপত্তি করে বলে, এ কি বেলাদি, এত খরচা করে মিছিমিছি ?

বেলারানী থামিয়ে দেয়, তোমাকে আর গিন্নীর মতো কথা বলতে হবে না । এসো, পরিয়ে দিই ।

বেলারানী অরুণার গলায় এক রকম জোর করেই হারছড়া পরিয়ে দেয় । অরুণা ছুটে গিয়ে সবাইকে দেখিয়ে আসে ।

সবার আগে প্রভাত এল কোমর বেঁধে ঝগড়া করতে, এ ভারী
অভ্যায় আপনার, আমার সঙ্গেও যদি লৌকিকতা করেন—

—আপনাকে তো কিছু দিইনি।

অরুণা খিল-খিল করে হেসে ওঠে, সত্যি বেলাদি, আপনার সঙ্গে
কেউ কথায় পারবে না, ও তো ছেলেমাহুষ।

অনেকক্ষণ ধরে তাদের হাসিঠাট্টা চলে। ওঠবার সময় বেলারাণী
বলে, অরুণাকে নিয়ে দু'একদিন মার্কেটে যাব কিন্তু—

অরুণা সোৎসাহে বলে, খুব ভালো হবে বেলাদি, আপনি আমায়
দু'একখানা শাড়ী বেছে দেবেন।

গাড়ীতে উঠতে উঠতে বেলারাণী প্রভাতকে জিজ্ঞেস করে, বিনোদ
এসেছিল নাকি?

—না।

—গৌরীকে নিয়েই বোধ হয় খুব ব্যস্ত? আমার বাড়িতেও অনেক
দিন আসেনি।

—গৌরী কি রকম করছে?

—শুনছি আরও ছোটো বই-এ কন্ট্রাক্ট পেয়েছে।

—তবে তো ভালোই বলতে হবে।

—মেয়েটার চেষ্টা আছে, তার ওপর বিনোদের টাকা, আর কি
চাই। আজ চলি, পরশু অরুণাকে নিয়ে যাবো।

কেষ্টকে সকলে গুরুখোঁজা করে না পেলোও সে দু'দিন প্রভাতের
বিয়েবাড়ির সামনে থেকে ঘুরে গেছে। ভিড় দেখলেই এখন তার ভয়
করে, কথা বলাটাই যেন সবচেয়ে বেশি জ্বালা। দূর থেকে দাঁড়িয়ে
দাঁড়িয়ে সে দেখেছে বিয়েবাড়ির আলো, শুনেছে লোকজনের কোলাহল।
স্বমধুর সানাই-এর সুর। অনেকক্ষণ চুপ করে দাঁড়িয়ে থেকে নিঃশব্দে
ফিরে গেছে।

ব্রজহুলালকে আজও চিঠির জবাব দেওয়া হয়নি। 'কিন্তু সে দেবে। প্রথম সুষোগেই লিখে জানাবে কলকাতার মোহ তার মন থেকে অনেকখানি কেটে গেছে। গৌরী, শ্যামল, সবাইকে ভুলে যেতে চেয়েছে। কিছুদিন আগেও গৌরীর কথা মনে হলেই যে অস্বস্তি বোধ করত, এখন তা অনেকখানি কমে গেছে। কারণ, তার সম্বন্ধে আর কৌতূহলও নেই। শ্যামলের কথাও বড় একটা ভাবে না। ব্রজহুলালের ডাক তার কাছে অনেক বড়। অন্তত সে একবার চেষ্টা করবে তার সঙ্গে কাজ করতে। কিন্তু একজন, যার কথা সে এখন না ভেবে পারে না, সে হোল সহায়-সম্বলহীনা চিহ্ন। কেউ ভাবে, সেদিন যদি ও ভাবে চিহ্ন তার অতীত জীবনের ইতিহাস কেউর সামনে অকপটে খুলে না ধরতো তাহলে হয় তো কেউর এখান থেকে চলে যাওয়া অনেকখানি সহজ হ'ত। আজ যেতে হলে তাকে পালিয়ে যেতে হবে। নয় তো চিহ্নর কোন রকম ব্যবস্থা করে তবে সে ছুটি পাবে। তাই সাহস সঞ্চয় করে সে আবার এলো চিহ্নর সঙ্গে কথা বলতে।

চিহ্ন বাড়ি ছিল না। কেউ দরজা খুলে নিজের ঘরে বসে। ঝাড়া-পৌছার অভাবে ঘরটা নোংরা হয়েছে, তবে জিনিসপত্রগুলো এক ঠাই করে গোছান। নিশ্চয় চিহ্নর কীর্তি।

কেউর মনে পড়ল, বাড়িভাড়াটা চুকিয়ে দেওয়া দরকার। উপরে গিয়ে বাড়িওয়ালাকে ডেকে শেষ মাসের ভাড়া দিয়ে দেয়। বাড়িওয়ালার ধনুবাদ জানিয়ে বলে, আপনাদের নিয়ে নিশ্চিন্ত আরামে ছিলাম। এখন কে আবার আসবে! আপনি কাউকে পেলেন নাকি?

কেউ বলে, কই আর?

—একসঙ্গে দুখানা ঘরই খালি হয়ে গেল।

—আবার কোনটা?

—চিহ্নও তো নোটিশ দিয়েছে।

—তাই নাকি ! কেঁষ্ট বিস্মিত হয় ।

—ওর পক্ষে একটু বেশি ভাড়াই, তেমন তো রোজগার নেই ।
পিনাকীবাবু থাকতে উনিই দিতেন, এখন তো চিহ্নকেই সব চালাতে
হয় । তিরিশ টাকা মাসে মাসে দেওয়া সোজা কথা নয়, কি বলেন ?

কেঁষ্ট এই প্রথম জানল, পিনাকী চলে যাওয়ার পর থেকে এই কমাস
চিহ্ন বহু কষ্টে টাকা রোজগার করে নিজের সংসার চালাচ্ছে । আশ্চর্য
মেয়ে ! একদিনও তো এ-সব কথা বলেনি । কত দিন তাকে রান্না করে
খাইয়েছে, প্রয়োজনীয় ছোটখাট জিনিস হাতের কাছে এনে দিয়েছে ।
কেঁষ্ট যদি জানত, চিহ্ন নিজেই এ-সব জোগাচ্ছে, তাহলে কিছুতেই তাকে
করতে দিত না ! চিহ্নর প্রতি সহানুভূতিতে তার মন ভরে যায় ! বাড়ি-
ওয়ালার সঙ্গে বেশি কথা না বলে নিজের ঘরে গিয়ে চুপ করে বসে থাকে !

চিহ্ন ফিরল বেশ সঙ্কোচ করে । কেঁষ্টর ঘরে ঢুকে হাসিমুখে জিজ্ঞেস
করে, কখন এলেন কেঁষ্টদা ?

—এই তো একটু আগে ।

—আমার ফিরতে বড্ড দেরি হয়ে গেল, না ? আমার ঘরে চলুন,
নোংরার মধ্যে বসে থাকতে হবে না ।

কেঁষ্ট কোন আপত্তি না করে চিহ্নর পেছন পেছন ওর ঘরে এসে
টোকে । চিহ্ন চেয়ার বেড়ে বসতে দেয় । জুতো-জোড়া খুলে ফেলে
নিজেও আর একটি চেয়ারে আরাম করে বসে । বলে, উঃ, বাঁচলাম ।
সেই কখন বেরিয়েছি !

কেঁষ্ট আজ তাকিয়ে তাকিয়ে চিহ্নকে দেখে, পরনে তার ছাপা শাড়ী,
সেই রঙের ব্লাউজ, চোখে-মুখে ক্লান্তি আর অবসাদের ছাপ লুপ্পট ।
কিছুদিন থেকেই কেঁষ্ট লক্ষ্য করেছিল বটে, চিহ্নর চোখের তলায়
কালি পড়েছে, কিন্তু তা যে ক্রমে এত গভীর হয়ে উঠেছে, সে খেয়াল
করেনি । সহানুভূতিমাখা গলায় জিজ্ঞেস করে, বড় খাটনি পড়েছে, না ?

কেষ্টর কাছ থেকে এতখানি মোলায়েম গলা চিহ্ন আশা করেনি, মুখ
তুলে মান হেসে বলে, কি আর উপায় বলুন ?

—তুমি যে এত দিন নিজে রোজগার করে সংসার চালাচ্ছে, তা
আমায় বলনি কেন ?

—হুঃখের কথা বেশি শুনিয়ে লাভ কি ?

কেষ্ট দীর্ঘশ্বাস ফেলে, আমারই ভুল হয়েছে চিহ্ন, নিজের দিকটাই
এত বড় করে দেখেছিলাম। তোমার কথা ভাবার সময় পাই নি।

কিছুক্ষণ চুপচাপ থেকে কেষ্টই জিজ্ঞেস করে, আজকাল কি করো ?

—বাঁধা-ধরা কাজ কিছু নেই, যখন যেটা পাই। কোন মাসে
খিয়েটারে চান্স পাই, সে মাসটা ঐতেই চলে যায়। বাড়ি বসে থাকলে
সেলাই-এর কাজ করে কিছু বিক্রি করি। হু'এক ঘর চেনা লোক আছে,
যারা দয়া করে মোটা সেলাই-এর কাজ আমাদের দেন। তাছাড়া হুটি
ছোট ছেলে-মেয়েকে পড়াই।

—কত দিন এ রকম করছ ?

—বেশ কিছু দিন। শেষের দিকে পিনাকী এখানে থাকলেও টাকা
দিত না।

—এ ঘর ছেড়ে দেবে শুনছি ?

—আপনাকে কে বললে ?

—বাড়িওয়াল।

—হ্যাঁ, ভাবছি কম ভাড়ার কোন ঘরে চলে যাবো।

—ঘর পেয়েছ ?

—হ্যাঁ, টালিগঞ্জের কাছে। সতেরো টাকা ভাড়া।

—টালিগঞ্জের ঘরের সন্ধান আগে পাওনি বুঝি ?

—মাস দুই হ'ল পেয়েছি।

—আগে যাওনি কেন ?

চিহ্ন চট করে উত্তর দিতে পারে না, মাথা নিচু করে ঝুঁকিয়ে বলে,
তাহলে তো আপনার সঙ্গে দেখা হ'ত না কেউদা ?

এ কণ্ঠস্বর কেউর অতি পরিচিত, এর মধ্যে উচ্ছ্বাস নেই, ব্যাকুলতা
নেই, নির্ভীক স্বীকারোক্তি, যা মেয়েবা কোন দিন প্রকাশ করতে পারে
না অথু কারুর কাছে, যাকে তারা প্রাণ দিয়ে ভালো না বাসে। কেউ
একদৃষ্টে চিহ্নর দিকে তাকিয়ে থেকে বাষ্পায়িত কণ্ঠে প্রকাশ করে—তুমি
কি এত দিন আমার জন্তেই এখানে ছিলে ?

চিহ্নর সেই নির্ভীক উত্তর, আমার তো আর কেউ নেই কেউদা !

এ কথা যে সত্য, কতখানি সত্য, তা কেউর চেয়ে বেশি আর কে
জানে ! এক সময় বলে, এর পরের কথা কিছু ভেবেছো চিহ্ন, কি
করবে, কি ভাবে চালাবে, একটা বাঁধা রোজগার চাই তো ।

—নিজের কথা আর ভাবতে পারি না কেউদা, অনেক ভেবেছি ।
ভেবে ভেবে পাগল হয়ে গেছি, কিন্তু কি ফল হল ? ঘর বাঁধার স্বপ্নে
ঘর ভেঙ্গে বেরিয়ে এলাম, কিন্তু স্বপ্ন স্বপ্নই রয়ে গেল । নতুন করে
আঘাত পাবার জন্তে আবার কি ভাববো বলুন ?

সাস্তুনা দেবার কোন ভাবাই কেউ খুঁজে পায় না ।

চিহ্নই বলে, গৌরী আপনাকে ফেলে চলে গিয়ে যে অত্মায় করেছে
তারই প্রায়শ্চিত্ত করার জন্তে এত দিন এখানে ছিলাম । যখন দেখলাম,
কিশোরপুর যাওয়াই আপনি ঠিক করেছেন, বুঝলাম আমার কাজও
সুরিয়েছে । এখানকার তল্লিতল্লা ওঠাই ।

—না চিহ্ন, তোমার কোন ব্যবস্থা করতে না পারলে আমার
কিশোরপুর যাওয়া হবে না !

চিহ্ন ব্যস্ত হয়ে বলে, না না, তা কেন হবে ? আপনি চলে যান । ওরাই
ওখানে আপনার অপেক্ষায় বসে আছেন । আমি ঠিক চালিয়ে নিতে পারবো ।

—কি করে পারবে ?

চিহ্ন ম্লান হাসে, আপনাকে না বললে তো আজও জানতে পারতেন না।

—যখন জানতে পেরেছি, আমার কর্তব্য করে যাবো, কেউ উঠে পড়ে, এখন আমি চলি।

চিহ্ন দরজা পর্যন্ত এগিয়ে বলে, কিছু খেয়ে যাবেন না ?

—আজ থাক।

—কাল তো প্রভাতবাবুর বিয়ে, আপনি যাবেন না ?

—বলতে পারছি না।

—আমাকে অনেক করে যেতে বলেছেন।

—যদি যাই তোমায় নিয়ে যাবো।

কেউ বেহালা থেকে সোজা বাড়িতে ফিরে আসে। অন্ধকার ছাদে বসে চিহ্নর কথাগুলো ভাবতে থাকে। বিচিত্র অভিজ্ঞতার মধ্যে জীবন কাটিয়ে চিহ্ন তারই মত দুঃখ পেয়েছে। পিনাকী তার সঙ্গে বিশ্বাস-ঘাতকতা করেছে বলেই কেউর প্রতি গৌরীর এই ব্যবহারে সে এতখানি দুঃখ পেয়েছে। কেউ মনে মনে গৌরীর সঙ্গে চিহ্নর তুলনা করে। চিহ্ন সংসার-অভিজ্ঞা, গৌরীর কোন অভিজ্ঞতাই ছিল না। চিহ্ন চায় সংসার, ছেলে-মেয়ে, গৌরী সে জায়গায় চায় যশ, প্রতিষ্ঠা। চিহ্ন আনন্দ পায় স্বার্থত্যাগের মধ্যে। গৌরীর আতন্দ স্বার্থসিদ্ধিতে। চিহ্নর মধ্যে এমন কিছু আকর্ষণ আছে যা গৌরীর মধ্যে ছিল না, তা হোল নারীর স্বভাবশুলভ সহানুভূতি, স্নেহমমতা। মায়ের আসনে চিহ্নকে কল্পনা করা যায়, কিন্তু গৌরীকে করা যায় না। বন্ধু হিসেবে, সঙ্গী হিসেবে গৌরী হয়ত চিহ্নর চেয়ে ভাল, স্ত্রী হিসেবে নয়। চিন্তার খেই হারিয়ে ফেলে কেউ ঘুমিয়ে পড়ে !

পরদিন সকালে কেউ এল অনন্ত-কেবিনে ; ভেবেছিল, এতদিন বাদে

আসায় সকলে তাকে নিয়ে খুব হৈ-চৈ করবে। কিন্তু পৌঁছে দেখে, সকলে ব্যস্ত। আশুদা, ভোতন, বিত্তু সবাই কাগজ নিয়ে ছমড়ি খেয়ে পড়েছে। কেউ আজ সকাল থেকে এখনও কাগজ দেখেনি। কি এমন উত্তেজনাপূর্ণ খবর বেরিয়েছে জানবার তার কৌতূহল হয়। আশুদার কাছে আসতেই তিনি কেউর পিঠের ওপর জোর চাপড় মেরে বলেন, দেখেছো কাগুটা, সবাই একসঙ্গে ধরা পড়েছে!

—কারা?

—দেবেন ঘোষ, তার দলবল স্তব্ধ।

—কে দেবেন ঘোষ, পলিটিক্যাল লীডার?

ভোতন চৈঁচিয়ে বলে, পলিটিক্যাল লীডার না ঘণ্টা, ডাকাত। গয়নার দোকান লুঠ করতে গিয়ে ধরা পড়েছে।

—কই, দেখি কাগজ।

কেউর হাতে কাগজ না দিয়ে ভোতন চিৎকার করে পড়তে শুরু করে, যার মারমর্ম এই দাঁড়ায়: দেবেন ঘোষ ও তার দলের তিরিশ জনকে পুলিশ কাল গ্রেপ্তার করে, কোন এক গয়নার দোকান লুঠ করার সময়। এই বিরাট শহরের বুকে এদের জাল পাতা ছিল। যা দিয়ে অনেক রকম কারবার চালাত। গাড়ী চুরি করা, ব্যাঙ্ক ভাঙ্গা-প্রভৃতি এদের বহু কীর্তি। পুলিশ প্রায় ছ'মাস এদের পেছনে থেকে কাল গ্রেপ্তার করতে সক্ষম হয়েছে।

বিত্তু চট করে বলে, এখন তাহলে একটা গাড়ী কেনা যাক। আর চুরি যাওয়ার ভয় নেই। ওর মস্তব্য শুনে অনেকেই হেসে ওঠে। কেউ কিন্তু আর সেখানে বেশিক্ষণ বসে না। দেবেন ও কালীর নাম পড়েই তার শ্রামলের কথা মনে হয়েছিল। তাই ভাবে, মদনের সঙ্গে একবার দেখা করা দরকার।

আড্ডা-সজ্জাও ওই একই বিষয় আলোচনা হচ্ছে। মদন ও চুনীলাল

ছুজনের সঙ্গেই কেঁষ্টর দেখা হয়ে যায়। কেঁষ্টকে দেখে তারা এগিয়ে এসে বলে, সর্বনাশ হয়েছে কেঁষ্টদা, শ্যামল ধরা পড়েছে।

হতবুদ্ধি কেঁষ্ট ধীর গলায় জিজ্ঞেস করে, কি করে জানলে?

চুনীলাল উত্তর দেয়, আমি খবর পেয়েছি।

—কাগজে একটা মেয়ের নাম দিয়েছে, সে কে?

—আজকাল দেবেনদার সঙ্গে ঘুরত। ঐ সব ব্যাপারেই বোধ হয়। চুনীলাল নিজে থেকেই বলে, কালীর পাশায় পড়ে কি ছরবস্বাই হ'ল দেবেনদার। দেশের লোক এখন থু থু করছে! অথচ মানুষটা কতখানি খাঁটি, আমি তো জানি।

কেঁষ্টর এ সব কথা শোনার আর ধৈর্য ছিল না। একলা চলতে শুরু করে। শ্যামল আজ জেলে, যে শ্যামল ক'দিন আগেও তার কাছে ছিল। যাকে সে নিজের মতো করে মানুষ করতে চেয়েছিল। কি ভয়ঙ্কর পরিণতি! যে সিনেমার সামনে প্রথম দিন শ্যামলের সঙ্গে দেখা হয়েছিল, অন্তমনস্ক ভাবে কেঁষ্ট সেখানেই এসে দাঁড়ায়। কত কথা আজ মনে পড়ে। চুপ করে দাঁড়িয়ে দাঁড়িয়ে কেঁষ্ট দেখে, কত লোক এসে টিকিট নিয়ে যাচ্ছে। বারান্দায় উঠে ছবি দেখছে। বাইরের দেয়ালে কোন একটি অভিনেত্রীর যৌন আবেদনপূর্ণ আকৃতি আঁকা রয়েছে। কোন পথচারী পানের পিক লাগিয়ে দিয়েছে মুখে। কেঁষ্টর গা ঘিনঘিন করে উঠল। এমনি করেই একদিন হয়ত গৌরীর ছবি আঁকা থাকবে সিনেমা হাউসের দেয়ালে। বিরক্ত হয়ে কেঁষ্ট হন হন করে হাঁটতে শুরু করে।

কেঁষ্ট যখন বেহালার বাড়িতে এসে পৌঁছল তখন বেলা ছপ্পর। চিহুর ঘরের দরজা ভেজানো ছিল। কেঁষ্ট টোকা মেরে কোন সাড়া পায় না। দরজা খুলে ভেতরে ঢুকে পড়ে। চিহু খাটের ওপর ঘুমিয়ে আছে। কেঁষ্ট

একবার ভাবে এ সময় ঘরে ঢোকা উচিত হবে কি না। পরক্ষণেই স্থির করে, এখনি চিহ্নকে তুলে তার মনের কথা ব্যক্ত করবে। শব্দ না করে কেঁষ্ট খাটের কাছে এগিয়ে যায়। ঘুমিয়ে পড়ায় চিহ্নর মুখের সেই ক্লান্তি অবসাদ অনেকখানি যেন কমে গেছে। স্নান করে খোলাচুল বালিশের ওপর ছড়িয়ে পরম শান্তিতে সে ঘুমিয়ে আছে। বড় স্নিগ্ধ, বড় পবিত্র সে মুখ। কেঁষ্টর মন মমতায় ভরে যায়। কপালে হাত দিয়ে ডাকে, চিহ্ন ?

চিহ্ন চমকে ধড়মড় করে উঠে বসে। কেঁষ্টর দিকে বড় বড় চোখে তাকায়। অপ্রস্তুত কেঁষ্ট হাসবার চেষ্টা করে, কি হয়েছে, অত চমকে উঠলে কেন ?

চিহ্ন পা'টা গুটিয়ে তেমনি বিস্ময়-ভরা চোখে বলে, আমি একটা স্বপ্ন দেখছিলাম, তাই চমকে উঠেছি।

—কি স্বপ্ন ?

—কোথায় যেন বেড়াতে গেছি। পাড়া গাঁ। ঝেঁনে করে, বাসে করে যেতে হল। মাটির বাড়ি, সব অচেনা লোক। কা'কে যেন খুঁজছি, হঠাৎ আপনার সঙ্গে দেখা হ'ল।

চিহ্ন তখনও যেন স্বপ্ন দেখছে, অধীর আগ্রহে কেঁষ্টর কথা শোনার জন্তে তার দিকে তাকিয়ে থাকে।

কেঁষ্ট ধীরস্বরে বলে, তুমি যে জায়গাটা স্বপ্নে দেখেছো, আমি জানি।

—কোথায় ?

—কিশোরপুর।

—কিশোরপুর ! কি অদ্ভুত, আমি তো সেখানে কখনও যাইনি ?

—যাওনি, যাবে।

চিহ্ন কেঁষ্টর কথা বুঝতে পারে না, মুখ তুলে তাকায়।

—ব্রজহুলালকে একটা চিঠি লিখবো, কাগজ-কলম নিয়ে এসো।

চিহ্ন কথামতো কাগজ-কলম সংগ্রহ করে এনে দেখে কেঁষ্ট তার

খাটের ওপর চোখে হাত দিয়ে শুয়ে আছে। জিজ্ঞেস করে,
লিখবেন না ?

—আমি বলে যাচ্ছি, তুমি লিখে নাও।

“প্রিয় ব্রজহুলাল,

তোমার দীর্ঘ চিঠি আমার জীবনের অনেকখানি বদলে দিয়েছে।
আমি স্থির করেছি তোমাদের স্কুলেই কাজ করবো। যদি তোমার কোন
কাজে লাগতে পারি, তাহলেই সুখী হব। তবে এবার আমি একলা
যাচ্ছি না, শ্যামাকে বোল, তার খুড়ীমাও আমার সঙ্গে যাবে।”

চিহ্ন এই পর্যন্ত লিখেই কেঁপের মুখের দিকে সপ্রশ্ন দৃষ্টিতে চায়।

কেঁপ কিস্ত চোখ বুজেই বলে যায়, “কয়েক দিন আমাদের সময়
লাগবে। বিয়ে-থা, এধারকার বিলি-ব্যবস্থা সব কিছু সেরে পৌঁছতে
এ মাসটা লেগে যাবে। সামনের মাসের পয়লা থেকে কাজে যোগ দিতে
পারবো। ছোটদের আমার আশীর্বাদ জানিও। তুমি আমার ভালোবাসা
নিও। ইতি—কেঁপ।”

চিঠি লেখা শেষ করে চিহ্ন চুপ করে বসে থাকে। কেঁপ তখনও চোখ
বন্ধ করেই শুয়ে আছে। এক সময় গাঢ়স্বরে জিজ্ঞেস করে, তোমার
কোন আপত্তি নেই তো চিহ্ন ?

চিহ্ন উত্তর দিতে পারে না, চোখে জল ভরে আসে। কেঁপ বলে যায়,
নতুন জীবন। পাড়া গাঁ, কিস্ত সেখানে আন্তরিকতা আছে চিহ্ন ! ক’দিন
থেকেই বুঝেছি সেখানে থাকলে শান্তি পাবো, তুমি আমি দু’জনেই।
ব্রজহুলাল বড় খাঁটি লোক। আর শ্যামাকে তুমি চেনো, সে
আমাকে যেমনি ভালোবাসে তোমাকেও সে তেমনি ভাবেই কাছে
টেনে নেবে।

চিহ্নর কাছ থেকে কোন উত্তর না পেয়ে কেঁপ চোখ ধুলে তাকায়,
চিহ্ন চোখের জল মোছার কোন চেষ্টা করে না ; অবিরল ধারায় তার বুক

ভেসে যাচ্ছে। কোন রকমে গলা পরিষ্কার করে চিহ্ন বলে, তুমি সুস্থী হবে তো কেউদা ?

কেউ সন্নেহে চিহ্নকে কাছে টেনে নেয়। বলে, তোমাকে আমি চিনতে পেরেছি চিহ্ন, আমার মনে আর কোন সংশয় নেই। কিন্তু তুমি তো আমার সব কথা জান না, সেগুলো পরিষ্কার করে বলে নিতে চাই। একবার না বলে ভুল করেছি।

চিহ্ন বাধা দিয়ে বলে, আমি সব জানি কেউদা, গৌরী রাগের মাথায় আমায় একদিন বলেছিল।

কেউ বিষ্ময়ের সুরে বলে, সব জেনেও তুমি আমায় ভালোবেসেছ। কেউ চিহ্নকে আদর করে কোমল সুরে বলে, তোনার স্পর্শে এসে আমার জীবন বদলে গেল। এখন বুঝেছি, অত্যাচারের প্রতিকার অত্যাচার দিয়ে হয় না। ব্রজহুলালের কথাই সত্যি, আমাদের সবাইকে মানুষ তৈরি করতে হবে, সত্যিকারের মানুষ।

কতক্ষণ এ ভাবে কেটে গেছে, ছ'জনেরই খেয়াল ছিল না। চিহ্ন হঠাৎ জিজ্ঞেস করে, প্রভাতবাবুর বিয়ে আজ, যাবে না ?

কেউ উঠে বসে, যেতেই হবে। চটপট তৈরি হয়ে নাও চিহ্ন।

ছ'জনে কাপড় বদলে আধ ঘণ্টার মধ্যে বেরিয়ে পড়ে।

অরুণাদের বাড়ি আজ লোকে লোকারণ্য। আলোয়, বাজনায়ে সাজসজ্জায় ঝলমল করছে। প্রভাতের দিকের সকলে, বিশেষ করে বন্ধু-বান্ধবরা বরযাত্রী হয়ে এসেও বাড়ির ছেলের মত কাজ করছে। অতিথিসৎকারে সকলেই ব্যস্ত। গেটের মুখে আশুদা, গলায় চাদর দিয়ে সকলকে অভ্যর্থনা করছেন। রমেশবাবু ভিতরের দালানে চেয়ার পেতে বসে হাসিমুখে অপরিচিতদের সঙ্গে আলাপ করছেন। প্রভাতকে কিন্তু বরের আসনে কেউ বসিয়ে রাখতে পারছে না। পাঁচ দশ মিনিট বাদে বাদেই একবার করে পাক দিয়ে আসছে। দেখছে কোথাও কোন

অসুবিধে হচ্ছে কি না। আশুদা ভরসা দিয়ে বলেন, তুমি কেন ব্যস্ত হচ্ছে। প্রভাত, আমরা তো সকলেই আছি।

—তবু না দেখলে চলে না। অরুণাদের দিকে কেউ দেখবার নেই, ওদের আত্মীয়দের আপনি তো চেনেন না ?

—তোমার স্বপ্তর খুব ভালো ব্যবস্থা করেছেন মানতেই হবে। ঔনার বন্ধু-বান্ধবদের এতগুলো গাড়ী খাটছে, লোক আনছে, পৌঁছে দিয়ে আসছে। এ কি কম কথা ?

—সেই জন্তেই তো ব্যস্ত হয়ে আছি, বড় অভিমানী লোক, অহুষ্ঠানের কোন ক্রটি হলে দুঃখ পাবেন।

প্রভাত চলে গেলে, আশুদা অহুদের বলেন, এ রকম জামাই পাওয়া ভাগ্যের কথা।

বেলারানী অনেকক্ষণ এসেছে, বলেই রেখেছিল কনে সাজানো হয়ে গেলে বাকি যেটুকু করবার নিজে হাতে করে দেবে। তাই আত্মীয় স্বজনের সাজানো হয়ে গেলে অরুণাকে নিয়ে বেলাবানী পাশের ঘরে যায়। বিশেষ কিছু নয়, সামান্য একটু অদল-বদলেব মধ্যে যে কতখানি পার্থক্য তা না দেখলে বোঝা যায় না। মাথার মুকুটটা ঠিক মতো পরিষে তার সঙ্গে নিজের পছন্দ করা হাক্কা গোলাপী রঙের ওড়না লাগিয়ে দেয়। অরুণার গাল টিপে দিয়ে বেলারানী হেসে বলে, আশনায দেখো তো এবার কেমন দেখাচ্ছে ?

অরুণাব মুখে হাসি ধরে না। সোজাসে বলে, আপনি কি সুন্দর সাজাতে পারেন বেলাদি। মাসীমা আমায় পাগল করে মারছিলো, সাত বার চুলটা খুলেছেন আর বেঁধেছেন।

অরুণার মা উপহারের জিনিসপত্র কোথায় রাখা হবে, সম্প্রদানের সামগ্রী কি ভাবে সাজালে ভালো হবে, বাসরঘরে কোথায় কোথায় ফুল দেওয়া হবে, সব ব্যাপারেই বেলারানীর পরামর্শ নিয়ে যাচ্ছেন। ক’দিনের মধ্যে মেয়েটি তাঁদের অত্যন্ত আপনায় হয়ে উঠেছে।

কেষ্ট চিহ্নকে নিয়ে বিয়েবাড়িতে ঢুকেই দেখে, সামনেই আশুদা দাঁড়িয়ে। খুশি হয়ে চিহ্নকে বলে, আশুদাকে প্রণাম করো, এই আমার সত্যিকারের দাদা।

চিহ্ন কথামতো প্রণাম করতেই আশুদা ব্যস্ত হয়ে পড়েন, থাক মা, থাক ! তোমার কথা কত শুনেছি, চোখের দেখাই বাকি ছিল—

কেষ্ট বুঝতে পারে আশুদা চিহ্নকে গৌরী বলে ভুল করছেন। তাই পরিচয় করিয়ে বলে, এর নাম চিন্ময়ী, ডাকনাম চিহ্ন।

—তুমি ভেতরে যাও মা, মেয়েরা আছেন।

চিহ্ন অন্তরমহলে চলে যায়। আশুদা জিজ্ঞেস করেন, মেয়েটি কে ?

—শীগগিরি আমাদের বিয়ে হবে। তারপর চলে যাব কিশোরপুর, ওখানে একটা চাকরী নিয়েছি।

—কিসের চাকরী ?

—ব্রজদুলালের স্কুলে।

আশুদা অভিমান-ভরা গলায় বলেন, এত দিন আমায় বলনি কেন ?

—আগে যে ঠিক ছিল না। এত দিন বড় অনিশ্চয়তার মধ্যে দিন কেটেছে। আজ আর মনের মধ্যে কোন সংশয় নেই আশুদা—

আর কোন কথা হয় না। ভোতনের দল কেষ্টকে দেখে টানতে টানতে ভেতরে নিয়ে যায়। সাদ্গোপাঙ্গদের ডেকে বলে, কেষ্টদা এসে গেছে, মাংসের বালতিটা ধরিয়ে দে।

কেষ্ট সোৎসাহে জামা খুলে, কাপড়ের ওপর গামছা জড়িয়ে পরিবেশন করতে লেগে যায়। কয়েক মিনিটের মধ্যে হৈ-হৈ আনন্দের মধ্যে মিশে গিয়ে কেষ্ট ভুলে যায় আজ এই প্রথম সে প্রভাতের বিয়েবাড়িতে এলো। নিমন্ত্রিতদের যত্ন করে সে খাওয়ায়। চিংকার, চাঁচামেচিতে বাড়ি ভরিয়ে দেয়।

আশুদা এক অবসরে প্রভাতকে কেঁষ্টর খবর দিয়ে আসেন। কেঁষ্ট এসেছে শুনেই প্রভাত ছুটে ভেতরে চলে যায়। পরিবেশনরত কেঁষ্টকে ধমক দিয়ে বলে, এতক্ষণে আসার সময় হল, আমি তাবলাম তুই আর আসবি না।

প্রাণখোলা হাসি হেসে কেঁষ্ট রসিকতা করে, বরকে এখন এখানে আসতে নেই, তার ওপর ঝগড়া তো করতেই নেই। এই যে, হাতে মাংসের বালতি দেখছিস? কেঁষ্ট বালতিটা প্রভাতের দিকে ছোঁড়ার ভঙ্গী করে। সকলেই হো-হো করে হাসে। প্রভাত কেঁষ্টকে একান্তে ডেকে নিয়ে যায়। বলে, আশুদার কাছে সব শুনলাম। কি যে খুশি হয়েছি, তোকে কি করে বোঝাব!

—চিহ্নকে তো তুই জানিস?

—অনেক দিন থেকে। সত্যি বড় ভালো মেয়ে। চিরকাল দুঃখই পেয়েছে, তোর সঙ্গে ওর মিল হবে খুব ভালো। শুনলাম, তোরা কলকাতা ছেড়ে চলে যাবি?

—এ শহর আর ভালো লাগছে না প্রভাত, দেখি না ওখানে কিছু দিন থেকে! যদি একধেয়ে লাগে, ফিরে আসবো।

নির্বিন্বে বিয়ের অহুষ্ঠান শেষ হয়। রমেশবাবু স্বস্তির নিশ্বাস ফেলে বলেন, এতক্ষণে নিশ্চিন্ত হলাম। কোন রকম ত্রুটি হয়নি, তোমার বন্ধুরা খুব ভালো ম্যানেজ করেছে।

বাসরঘরে যাবার আগে প্রভাত বেলারানীর সঙ্গে কেঁষ্টর আলাপ করিয়ে দেয়। চিহ্নর কথা বলতেও ভোলে না।

বেলারানী বলে, আচ্ছা মেয়ে তো! এতক্ষণ আমার সঙ্গে রইল, একটা কথাও তো বলেনি!

প্রভাতও আশুদার কুপায় পরিচিত মহলে কেঁষ্ট ও চিহ্নর বিষয় জানতে কারুর বাকী থাকে না। সকলে এসে কেঁষ্টকে অভিনন্দন জানিয়ে যায়।

এক মুঠো—২৫

এক সময় কেউ প্রভাতকে জিজ্ঞেস করে, বিনোদদের নেমন্তন্ন করিস্ নি ?

—করেছিলাম, ওরা আসেনি। সকালে বেয়ারা দিয়ে চিঠি লিখে একটা উপহার পাঠিয়ে দিয়েছে।

কেউ দীর্ঘশ্বাস ফেলে, আজ দেখা হলে ভালো হত।

—যাবি ওদের ওখানে ?

—না, থাক। আমার সঙ্গে আর হয়তো দেখা হবে না ! দেখা হলে তুই গৌরীকে বলিস, ওর ওপর আর আমার কোন অভিমান নেই। ও বড় হোক, ভাল হোক, এই আমি চাই।

প্রভাত এ বিষয়ে কেউকে আর কথা বলতে দেয় না। বলে, বেশ রাত হ'ল, এখন চিহ্নকে নিয়ে বাড়ি যা।

বিয়েবাড়ির গাড়ী করে কেউরা বেহালার ফেরে। ঘবে এসে চিহ্ন প্রথম কথা বলে, আজ বড় অদ্ভুত লাগছিল। সাবান্ধণ অরুণার মুখের দিকে তাকিয়ে ছিলাম, কি মিষ্টি দেখতে মেয়েটা !

—খুব ভালো মেয়ে। তোমার তো চেনা বিশেষ কেউ ছিল না ?

—না। তাই বসে বসে কত কথা ভাবছিলাম। নিজের বাড়ির কথা, দাদা-দিদিদের কথা। এমনি করে বাড়িতেও বিয়ে হত। বাবা তখন বেঁচে। বলতেন, চিহ্নর বেলা সবচেয়ে ধুমধাম হবে—

কেউ খামিয়ে দেয়। বলে, থাক ও সব পুরনো কথা। আজ আমি অনেক দিন বাদে আগের মতো হৈ-হৈ করতে পেরেছি ! মনের মধ্যে আর কোন ময়লা নেই, পরিষ্কার হয়ে গেছে। আমি কি ভাবছিলাম জানো ?

—কি ?

—তোমার সঙ্গে আমার বিয়ে হয়ে গেছে। একটু চুপ করে থেকে

বলে, আগে ভাবতাম, বিয়ের অহুষ্ঠান বড় করে না হলে মনে তৃপ্তি পাবো না। কিন্তু আজ বুঝেছি সে সব মিথ্যে। মনের মধ্যে তোমাকে আমি পেয়েছি।

চিহ্ন কোন উত্তর দিতে পারে না। কেঁপের কাঁধের ওপর আলতো করে হাত রাখে। কেঁপ চিহ্নকে কাছে টেনে নেয়। জানলা দিয়ে ঘুরে তাকিয়ে দেখে, ফ্রেমে-বাঁধা এক টুকরো আকাশ। নির্মল পবিত্র এক মুঠো আকাশ।

ছ'জনে সেই দিকে চেয়ে থাকে।

